



68.5. F. 18



M

My dear Sir

Enclosed

finds

Yours truly

J. H. P.

1840





Epitaphium G. Fran. Suerrey in mense  
Corteij. Brabant.

Cortesijs Brana Mazaracensis graeca  
lingua copia, ueteris eloquentissimi  
nulli secundus, pie uixit  
saeculi xvij. am. 11. a. bati. x. lvi.  
vi. id. sept.

Νεκρὸν τμήθος ἔχ', ψυχὴν δ' αὖ ζῶσαν  
 ὀλύμπου.

Τίπτ' ὀδυρεάδε φίλοι, ζῶντα μέρος  
τῆ ἀγαθοῦ;

B. 111 C-3-44

R. II ed., To II. p 168 n. 7

PROGYMNASMATVM  
Ad vsum Scholarum  
Humaniorum

IACOBI PONTANI  
DE SOCIETATE  
IESV.

Volumen Primum

Cum Annotationibus

DE REBVS LITERARIIS

*In hac postrema editione correctum, dilucidatum  
& in meliorem formam redactum.*

BIBLIOTECA  
ROMANA  
VATICANA



*CCCCCCCC  
CCCCCCCC  
CCCCCCCC*



*CCCCCCCC  
CCCCCCCC  
CCCCCCCC*

VENETIIS MDIOXC.  
Apud Aldum.

*Infrascripti Guberni Gm. Raynald.*

PROGYMNASMATVM  
Ad vltim Scholasticum  
Hammontum


JACOBI PONTANI  
DE SOCIETATE

Voluntatis Libenter.

Com. Ant. Scholasticus

LEBENS LITERARIS

Lebens Litterarische Geschichte  
von Jacob Pontani



VENTIS CIO SITHYV  
Vind. Vind.

# GENEROSO.

ATQVE

Omnibus Rebus Ornatissimo  
adolescenti,

GEORGIO FVGGERO  
IACOBI F.

Baroni in Kirchberg, & VVeissenhorn.

IACOBVS PONTANVS

S. P. D.



Vo D Iam inueterata eademq. laudabilis erudi-  
torum consuetudo me hortabatur, ut postea,  
quàm primo meorum progymnasmatum dia-  
logorumq. volumini summum fastigium im-  
posuissem, deliberarem mecum, cuinam in ali  
quo dignitatis & excellentiæ gradu locato,  
idipsum inscribere ac donare potissimum oporteret, eam  
omnem deliberationem ab illustri adolescentia tua incisam  
planè ac sublatam gaudeo, vehementerq. lætor. Etenim adeò  
multa, minimeq. leuia rationum momenta, cur sub tuo nomi-  
ne hoc vigiliarum mearum opusculum, & hunc primum per-  
quam mediocris ingenij mei partum in vulgus exire sinerem,  
etiam nil tale uoluntati occurrerunt, ut nisi ore sim durissimo,  
animoq. longè ingratissimo, ad alium præter te, quantumuis  
omni genere nobilitatis eminentissimum, neutiquam mittere  
illum possim. Nam si quis vnquam in amplissima familia na-  
tus, proba & præclara mentis indole auctus, domesticis virtu-  
rum exemplis abundans, aliquo coniunctionis uinculo cum  
altero colligatus: postremò, si quis adhuc extitit, qui iure suo  
ab alijs multa exigeret, cuncta hæc in te vnum confluxerunt.


Quamquam enim propter etatem nondum confirmatam;  
 nondumque permissam tibi liberius, ac tuo arbitratu viuendi  
 potestatem, apud nos beneficia ponere hactenus non potue-  
 ris, tamen haud parum iam in nos tuæ uoluntatis contulisti,  
 tuamq. erga ceterum nostrum propensionem facis declarauisti.  
 Et meruerunt quàm optimè de nobis parentes tui, meruerunt  
 aui tui, meruerunt ambæ, FVGGERORVM nimirum [LSVN-  
 GORVM], domus, unde tu paternam & maternam originem  
 ducis. Quibus vniuersis atque singulis cum pro amoris magni-  
 tudine, meritorum verò etiam multitudine pares agere gra-  
 tias (- quid enim dicam referre ? ) nequeamus, quis tandem  
 est, qui non intelligat, eorum nos minoribus in omne conse-  
 quentis æui spatium teneri obstrictos, ut quamuis quocunque  
 modo soluamus quidpiam, nunquam tamen desinamus idi-  
 psum debere quod soluimus: & licet obseruantia, studio, labo-  
 ribus contendamus plus quàm possumus, nihilominus nec mi-  
 nimam uestrorum in nos beneficiorum partem assequamur.  
 Deinde in nostram disciplinam traditus es à patre, & traditus  
 ex florentissima gente uestra primus ante omnes, certè qui-  
 dem in hac urbe ac patria tua, magnumque Gymnasio Socie-  
 tatis ornamentum addidisti, quando inter condiscipulos, quo-  
 rum permulti nobiles ac patricij pueri, velut quoddam lu-  
 men præfulges. Iam qui nescit, quàm sancta inter Præcepto-  
 res & discipulos, quàm coniuncta necessitudo intercedat, is se  
 non plus cernere quam pecudem fateatur necesse est. In paren-  
 tum loco Magistri sunt colendi, & qui ab ijs erudiuntur, vicis-  
 sim in filiorum loco diligendi. At tu curæ nostræ & institutioni  
 commendatus, non vnum sed multos patres inuenisti; siqui-  
 dem nos omnes, quibus docendæ iuuentutis mandata est pro-  
 uincia, ingenium tuum præceptis utilissimis & saluberrimis  
 fingere percupimus, & tanquam filium certatim amamus atq;  
 in oculis ferimus; in spem certam ingredienti, te crescenti-  
 bus annis per senitam à maioribus tuis prius calcatam inces-  
 surum, in eorumq. mores & instituta abiturum, qui semper  
 optimarum artium cognitionem cum maximis clarissimisque  
 uirtutibus copulauerunt: ac proinde tantam sibi posteritatiq.  
 suæ amplitudinem pepererunt, ut per omnium penè gentium  
 oras nominis uestri gloria fama,q. peruasere. Quid utroq.  
 quo tuo ad opiniones celebritatem commendatus? aut qui-

bus

bus aliquando ciuibus fortunatior fuit hæc tam prædicata,  
tamq. multis rebus verè augustissima ciuitas? Paternus qui-  
dem, ANTONIVS FVGGERVS, cùm eſſet à potentiffimis Prin-  
cipibus ad amiciffimorum numerum adſcriptus, copijs omni-  
bus ci cumflueret, nihilominus tanta moderatione, tanta mo-  
deſtia in illa ſua felicitate enituit, quanta etiam nunc homi-  
num ſermonibus crebrò uſurpatur. Ita vir temperatiſſimus  
uincebat porius animum, quam ab animo uinceretur; quod  
genus uictoriæ ſapientes quibuſuis triumphis anteponunt.  
Quis eodem aut fuit, aut eſſe debuit, prudentia, liberalitate, iu-  
ſtitia, conſtantia, aut ullo denuſſo genere laudis præſtanti-  
or? Maternus autem, GEORGIVS ILSVNOVS, Eques auratus,  
Sueuiæ Præfectus, & quatuor Imperatorum conſiliarius, quo  
ardore, qua animi excelſitate præſtitit in propugnando pro  
religione Catholica? Quanta eius apud Principes exiſtimatio  
& auctoritas? Quam magnas ille res, quanta cum prouidentia  
procurauit? quæ morum in ipſo integritas, quæ humanarum  
rerum deſpicientia? In noſtram porrò Societatem quantam  
ille beneuolentiam nauauerit, quibus eam officijs coluerit, di-  
ctum eſt perdifficile. Cuius erga nos tam incenſi amoris hære-  
dem & ſucceſſorem, experti iam sæpe didicimus quem reli-  
querit. Annam uidelicet filiam ſuam, matrem tuam, præſtanti  
religione erga Deum, commemorabili beneficentia in ege-  
nos, eximia humanitate in omnes, ſpectatiſſimam denique  
atque optimam ſcæminam. Sed ad clariffimum patrem tuum  
feſtinat oratio, cuius laudes, quas ex ſinceriffimo numinis cul-  
tu, & ex amore ac ueneratione Eccleſiæ Catholiæ, ſacriſ-  
que adibus omni magnificentia exornandis, & alijs præte-  
rea rectè factis capit eximias; hæc maiori tibi ſunt ornamen-  
to, quo tu illi, & ille tibi eſt ſanguinis neceſſitate coniun-  
ctior. Declarauit is non Auguſtæ ſolùm, verùm etiam  
Landſpergæ, & alibi locorum, quem erga nos animum ge-  
reret, nec id uerbis tantum honorificis, uerùm etiam dona-  
tionibus iſſdem creberrimis, iſſdem ampliſſimis: quam nos  
liberalitatem colemus, ni par eſt, memoria ſempiterna.  
At enim non eſt in præſentia mihi decretum generis tui pa-  
negyrim contexere, cui par nulla poteſt reperiri laudatio; il-  
lud tantummodo capſim demonſtrandum putauì, quale tibi  
à parentibus & maioribus relictum ſit ad uirtutis decus inuis-




68.5. F. 18





M



Handwritten text in cursive script, likely a letter or document, written on aged, stained paper. The text is heavily obscured by ink smudges and bleed-through from the reverse side. The visible fragments include:

...the ...  
...  
...  
...  
...  
...  
...  
...  
...  
...  
...

R 757

incommodum

Paul R. C. S. F. D. D. F.

Largus. et. gran. notis

Peru. in. Dec. cent. 17

mo  
Sig. mo et  
are

Sum p. Bois Lupta Starpation  
et amica. 1840

5.13 8-8-

Epitaphium D. Franc. Suerrey in marm.  
Cortesi Brana

Cortesi Brana Mazaracensis græca  
lingua copia, ueter; eloquentissimor;  
nulli secundus, pie uixit ~~anno~~  
saeculi xvij. anno abati xlvj.  
vi. id. sept

Νεκρὸν τυμβῶσ' ἔχ', ψυχὴν δ' αὐζῶσαν  
Ὀλύμπωσ.  
Τίπτ' ὀδύρεα δ' φίλοι, ζωῖτα μέρος  
τ' ἀγαθόν;

B. 111 C-3-44

R. II ed., To II. p 168 n. 7



PROGYMNASMATVM  
Ad vsum Scholarum  
Humaniorum

IACOBI PONTANI  
DE SOCIETATE  
IESV.

Volumen Primum

Cum Annotationibus


DE REBUS LITERARIIS

*In hac postrema editione correctum, dilucidatum  
& in meliorem formam redactum.*

SIBLIOTECA  
ROMA  
VITTORIO EMAN



*CCCCCCCC  
CCCCCCCC  
CCCCCCCC*



*CCCCCCCC  
CCCCCCCC  
CCCCCCCC*

VENETIIS MDIOXC.  
Apud Aldum.

*Infrascripti Codices in Bibliotheca*

PROGYMNASIUM  
Ad vnum Scholatum  
Humaniorum

JACOBI PONTANI  
DE SOCIETATE  
1527.

Voluntatis Liberae.

Quamvis Liberae

DE LIBERTATE LIBERTATIS

De Libertate Libertatis Libertatis



LIBERTATIS LIBERTATIS  
Libertatis Libertatis

# GENEROSO.

ATQVE

Omnibus Rebus Ornatissimo  
adolescenti,

GEORGIO FVGGERO  
IACOBI F.

Baroni in Kirchberg, & VVeiffenhorn.

IACOBVS PONTANVS

S. P. D.



Vo D Iam inueterata eademq. laudabilis erudi-  
torum consuetudo me hortabatur, ut postea,  
quàm primo meorum progymnasmatum dia-  
logorumq. volumini summum fastigium im-  
posuissem, deliberarem mecum, cuinam in ali  
quo dignitatis & excellentiæ gradu locato,  
idipsum inscribere ac donare potissimum oporteret, eam  
omnem deliberationem ab illustri adolescentia tua incisam  
planè ac sublatam gaudeo, vehementerq. lætor. Etenim adeò  
multa, minimeq. leuia rationum momenta, cur sub tuo nomi-  
ne hoc vigiliarum mearum opusculum, & hunc primum per-  
quam mediocris ingenij mei partum in vulgus exire sinerem,  
etiam nil tale uoluntati occurrerunt, ut nisi ore sim durissimo,  
animoq. longè ingratisimo, ad alium præter te, quantumuis  
omni genere nobilitatis eminentissimum, neutrquam mittere  
illum possim. Nam si quis vnquam in amplissima familia na-  
tus, proba & præclara mentis indole auctus, domesticis virtu-  
rum exemplis abundans, aliquo coniunctionis uinculo cum  
altero colligatus: postremò, si quis adhuc extitit, qui iure suo  
ab alijs multa exigeret, cuncta hæc in te vnum confluxerunt.

Quamquam enim propter etatem nondum confirmatam,  
 nondumque permissam tibi liberius, ac tuo arbitratu viuendi  
 potestatem, apud nos beneficia ponere hactenus non potue-  
 ris, tamen haud parum iam in nos tuæ uoluntatis contulisti,  
 tuamq. erga ceterum nostrum propensionem facis declarauisti.  
 Et meruerunt quàm optimè de nobis parentes tui, meruerunt  
 aui tui, meruerunt ambæ, FVGGERORVM nimirum ILSVN-  
 GORVMQ. domus, undè tu paternam & maternam originem  
 ducis. Quibus vniuersis atque lingulis cum pro amoris magni-  
 tudine, meritorum verò etiam multitudine pares agere gra-  
 tias (-quid enim dicam referre?) nequeamus, quis tandem  
 est, qui non intelligat, eorum nos minoribus in omne conse-  
 quentis æui spatium teneri obstrictos? ut quamuis quocunque  
 modo soluamus quidpiam, nunquam tamen desinamus idi-  
 psum debere quod soluimus: & licet obseruantia, studio, labo-  
 ribus contendamus plus quàm possumus, nihilominus nec mi-  
 nimam uestrorum in nos beneficiorum partem allequamur.  
 Deinde in nostram disciplinam traditus es à patre, & traditus  
 ex florentissima gente uestra primus ante omnes, certè qui-  
 dem in hac urbe ac patria tua, magnumque Gymnasio Socie-  
 tatis ornamentum addidisti, quando inter condiscipulos, quo-  
 rum permulti nobiles ac patricij pueri, velut quoddam lu-  
 men præfulges. Iam qui nescit, quàm sancta inter Præcepto-  
 res & discipulos, quàm coniuncta necessitudo intercedat, is se  
 non plus cernere quam pecudem fateatur necesse est. In paren-  
 tum loco Magistri sunt colendi, & qui ab ijs erudiuntur, vicissi-  
 m in filiorum loco diligendi. At tu curæ nostræ & institutioni  
 commendatus, non vnum sed multos patres inuenisti; siqui-  
 dem nos omnes, quibus docendæ iuuentutis mandata est pro-  
 uincia, ingenium tuum præceptis vtilissimis & saluberrimis  
 fingere percipimus, & tanquam filium certatim amamus atq;  
 in oculis ferimus; in spem certam ingredientem, te crescenti-  
 bus annis per semitam à maioribus tuis prius calcatam inces-  
 surum, in eorumq. mores & instituta abiturum, qui semper  
 optimarum artium cognitionem cum maximis clarissimisque  
 uirtutibus copulauerunt: ac proinde tantam sibi posteritatiq.  
 suæ amplitudinem pepererunt, ut per omnium penè gentium  
 oras nominis uestri gloria fama. peruaserit. Quid utroq.  
 tuo ad opiniones celebritatem commendatius? aut qui-  
 bus

bus aliquando ciuibus fortunatiôr fuit hæc tam prædicata,  
 tamq. multis rebus verè augustissima ciuitas? Paternus qui-  
 dem, ANTONIVS FVGGERVS, cùm eſſet à potentiſſimis Prin-  
 cipibus ad amiciffimorum numerum adſcriptus, copijs omni-  
 bus cumfluere, nihileminus tanta moderatione, tanta mo-  
 deſtia in illa ſua felicitate enituit, quanta etiam nunc homi-  
 num ſermonibus crebrò uſurpatur. Ita vir temperatiſſimus  
 uincebat porius animum, quam ab animo uinceretur; quod  
 genus uictoriæ ſapientes quibuſuis triumphis anteponunt.  
 Quis eodem aut fuit, aut eſſe debuit, prudentia, liberalitate, iu-  
 ſtitia, conſtantia, aut ullo demum genere laudis præſtantior?  
 Maternus autem, GEORGIVS ILSVNGVS, Eques auratus,  
 Sueuiæ Præfeſtus, & quatuor Imperatorum conſiliarius, quo  
 ardore, qua animi excelſitate præſtitit in propugnando pro  
 religione Catholica? Quanta eius apud Principes exiſtimatio  
 & auctoritas? Quam magnas ille res, quanta cum prouidentia  
 procurauit? quæ morum in ipſo integritas, quæ humanarum  
 rerum deſpicientia? In noſtram porrò Societatem quantam  
 ille beneuolentiam nauauerit, quibus eam officijs coluerit, di-  
 ctu eſt perdifficile. Cuius erga nos tam incenſi amoris hære-  
 dem & ſucceſſorem, experti iam ſæpe didicimus quem reli-  
 querit. Annam uidelicet filiam ſuam, matrem tuam, præſtanti  
 religione erga Deum, commemorabili beneficentia in ege-  
 nos, eximia humanitate in omnes, ſpectatiſſimam denique  
 atque optimam ſæminam. Sed ad clariffimum patrem tuum  
 feſtinat oratio, cuius laudes, quas ex ſinceriffimo numinis cul-  
 tu, & ex amore ac ueneratione Eccleſiæ Catholicæ, ſacriſ-  
 que adibus omni magnificentia exornandis, & alijs præte-  
 rea rectè factis capit eximias; hoc maiori tibi ſunt ornamen-  
 to, quo tu illi, & ille tibi eſt ſanguinis neceſſitate coniun-  
 ctior. Declarauit is non Auguſtæ ſolùm, verùm etiam  
 Landſpergæ, & alibi locorum, quem erga nos animum ge-  
 reret, nec id uerbis tantum honorificis, uerum etiam dona-  
 tionibus iſdem creberrimis, iſdem ampliffimis: quam nos  
 liberalitatem colemus, uti par eſt, memoria ſempiterna.  
 At enim non eſt in præſentia mihi decretum generis tui pa-  
 negyrim contexere, cui par nulla poteſt reperiri laudatio; il-  
 lud tantum mædo captum demonſtrandum putauì, quale tibi  
 à parentibus & maioribus relictum ſit ad uirtutis decus inui-

tamentum. Ac nulla sanè præcepta ad solidum uerumq. honorem adipiscendum equè ualent, ut patrum rectè facta ante oculos nepotum obuersantia: quorum uitia & peccata tanto notiora euadunt, quanto ipsorum parentes & aui in maiore claritate uixerunt. Quemadmodum scilicet in purissimo fonte, & in lucidissimo speculo minutæ sordes maculæq. facilius conspiciuntur. Tu uerò, GEORGI, à paruulo educus es diligentius, quàm ut hoc tantum malum de te pertimescendum uideatur. Huc accedit, quod nec oris tui dignitas, & egregia totius corporis conformatio, quæ plerumq. futuræ probitatis indicium est, nec perspecta nobis iam pridem indoles tua tale quicquam timere nos patitur. Nec solent leones ouem, aut aquilæ columbam pro generare. Suscipies igitur hanc primam partem lucubrationum mearum, tibi multò antè desponsam, & ea ad utilitatis tuæ fructum aliquem utere, ut nostris legendis sermonem tuum cultiorem pleniorēq. efficias, & eadem opera ad doctrinam accessionem qualem qualem adiungas. Quod ut tu, tecumq. adolescentes qui in scholis nostris ad Humanitatem informantur, possētis, si minus sum consecutus, omni tamen contentione ut consequerer, mihi est elaboratum. Humile quiddam offero tibi, si id ex nobilitate tua, familiæq. uestræ singularibus in nos studijs, me diocre si ex facultate mea, at maximum si ex animo meo tuæ tuorumq. gloriæ cupientissimo spectaueris. Quemadmodum autem parens tuus literas ac literatos, uirtuteq. condecoratos homines omni gratia, officio, charitate semper adhuc complexus est, & complecti perseuerat: sic tu, ubi maturior ætas uirum te reddiderit, eorundem esto præsidium atque persugium: nec putes uspiam melius te collocare beneficia. Nam ut de cælesti remuneratione taceam, illi maximè scriptis suis immortalibus nomen tuum ab obliuione & silentio uindicabunt. Vale. E Collegio Societatis IÆSV, Augustæ, Kal. Decemb. Anno Domini M. D. LXXXVIIII. &c.

MATTHAEVS RADERS  
IN PROGYMNASMATVM  
VOLUMEN PRIMVM.

**R**omuleæ fontes linguæ, fontesq; leporum  
Qui studiosus amas, hocce volumen ama.  
Cui ioca dat Plautus, doctamq; Terentius artem,  
Donat & eloquium Tullius ipse suum.  
Quod Sophia inuenit, Suada imbuit, Aonidum grex  
Dictauit, Charitum composuere manus.

ALIUD  
AD GENEROSVM  
ADOLESCENTEM  
GEORGIVM FVGGERVM.

**C**um te spectarent Iuuenem Fors, Gloria, Virtus,  
Pædua, has inter lis fuit orta Deas.  
Hic meus est, Virtus; meus est hic, Gloria dixit;  
Pædua esse suum, Fors ait esse suum,  
Audiit, ardentemque volens componere pugnam  
Addidit Astripotens: Cuique quod optat, erit.

A D  
HUMANIORVM  
ARTIVM

STVDIOSAM, IVVENTVTÈM,  
In tria volumina

PROGYMNASMATVM

Præfatio.



X omni copia eorum hominum, qui hac nostra tempestate, multò etiam ampliùs qui patrum, quiq. maiorum nostrorum memoria ijs doctrinarum studijs deuincti penitus fuerunt, quibus honestissimum pulcherrimumq. Humanitatis nomen inde à priscis vsque temporibus est attributum, si diligenter comparare voluerimus, paucos omnino extitisse reperiemus, quorum esse benè latina, pura, nitida, incorrupta, elegans & ornata oratio, siue sermocinarentur cum alijs, siue literis cogitationes suas consignarent. Quod sanè quidem in illis artium disciplinis, quæ non ita in medio positæ, sed à communi sensu intelligentiaq. disunctæ, abdicis quibusdam è fontibus hauriuntur, minus est mirandum; quarum alumni, candidari, & doctores laudandi sunt, si non pessimè latinè loquantur: sin secus, non est id ab ipsis pertinacius requirendum; quando eos magis rem spectare, quàm verba pendere oportet. At uerò quemquam se Humanitati addictum & consecratum confiteri, cui parum percepta & cognita, parum usitata sit bona, à veteribus custodita, nobisq. velut testamento legata latinitas, hoc demum admirabile, & uix tolerandum existimari potest. Aut enim à nulla prorsus, aut ab istac eruditorum natione optimo iure latini sermonis candor, summaq. propemodum integritas, perfectioq. postulari debet.

Huius



# PRÆFATIO.

Huius mali ecquænam causa sit, inuestigemus. Non est certè librorum accuratè, composuè, illuminatè, copiosè conscriptorum paucitas. Quanquam enim & iniquitate uelustatis, & negligentia, nequitiaq. hominum plurimi interciderunt, nihilominus diuino, ut arbitror, beneficio ad hanc ætatem adeò frequentes sunt conseruati, ut si quis omnes, nec rarò euoluere animum induxerit, ei propemodum annosum Euboicæ uariis quum à Deo essagiiandum uideatur. Et planissimum est, ipsum huius linguæ antistitem M. Tullium, Sallustium, Cæsarem, Liuium, Plautum, Terentium, aliosq. politissimos ac limatissimos scriptores assidua lectione ab innumeris celebrari. Illud quoque in controuersiam adducit nemo, exercitationem scribendi, sine qua eius præstantiam nemo unquam adipiscitur, à plerisq. adhibitam: nec ullam ab ijs nauitatem & industriam desiderari iustè potuisse. Quo namq. modo omnes sedulitatis neruos contenderint, quantum in hisce literis sudauerint, et tam grandia uariarum commentationum, eademq. utilissima monumenta, quæ reliquerunt, pro testimonio dicunt. In quibus tamen, quod est in hac lingua mundissimum, electissimum, suauissimum, atque sanissimum, frustra quæras. Nec à iudicio eos fuisse desertos, putandum est; siquidem eorum quidam commentarijs sermonem latinum sunt persecuti, qui utique aut omnem, aut penè omnem eius rationem atque uias cognouerunt. Ac ne Magistri quidem eos, & ad latinitatem duces defecerunt. Nam sine præceptore in studijs liberalibus quis nostrum quidpiam discit? quis aliquando didicit? Ad extremum, nec temporis eguerunt: constat enim complures cum sese huic politioni scientiæ dedidissent, ad præcipitem senectutem incolumes peruenisse. Quid ergo tandem his obfuerit, quamobrem in eorum Collegium quos quærimus & suspicimus, cooptari minus potuerunt? Probabiliter respondebo, uti spero, si naturam defuisse dixerò. Etenim cum ferè nullum tersè, exquisitè, ac literatè vel scribere, vel loqui uideamus, qui non idè sit ac iudicetur eloquens, ad eloquentiam autem natura & ingenium uim afferat longè maximam, non imprudenter coniectarit aliquis, hinc accidere uidelicet, ut qui venire in eloquentiù societatem atque numerum haud possint, (non autem omnes possunt, etiam si toto, quod aiunt, pectore nitantur, & sint aliqui præclaris ingenijs, magna diligentia, non vulgari doctrina homi-

# PRÆFATIO:

homines) iisdem nescio quo modo salubres illos, atque dulces latinitatis natiuæ succos, & quasi defæcatissimum purissimūq. sanguinem aut pro derelicto habeant, aut non conspirante cū voluntate natura perbibere nequeant. Porro hoc ipsum, eloquentem esse, longè quiddam excellentius ac magnificentius continet, quàm nonnulli suspicantur: qui reginant rerum, & copiosè loquentem sapientiam inani quadam verborum quavis lectissimorum ornatisimorumq. profluentia, inaniq. sonitu meriuntur. Quia igitur inter eos, quibus Humanitatis studia sunt in desideratissimis, quiq. in iisdem plurimum operæ studijq. consumpserunt, perpauci eloquentes cernuntur, mirari desinamus, cur item non adeò multi sint, semperq. fuerint, qui (quod ab eloquentia uix aliquando cernitur separatum) huius linguæ tot gentium tam communis lepores, festiuitatē, gazam uniuersam, omnesq. copias possideant. Ac non neminem fortassis natura factum ad dicendum, hoc aditu laudis prohibuit & prohibet non satis commodus eius discendæ modus; qui idcirco est multiplex, quoniam multæ vigent eius docendæ ac præcipiendæ rationes. Sunt qui in ordines congestis & digestis rerum uocibus Nomenclatores edunt. Sunt qui de Terentio, Plauto, Cicerone, de his, inquam, præ alijs Phrases, Elegantias, Syluas, Observationes colligunt. Nonnulli parua quædam uolumina conficiunt, in quibus seruata literarum serie vocabulorum notiones, vsumq. adiunctis ad confirmationem scriptorum illustrium locis declarant. Alij Dictionaria (ut quidem ipsi nomen eis imponunt) Cornucopias, Thesauros, Calepinos construunt, latinisque Italicas etiam & græcas voces opponunt, quo vno labore in tribus linguis studiosi proficiant. Quibusdam placitum est cōtinuato, nec vnquam interrupto orationis cursu de sermone latino disputare; vt olim Varro, & Iulius Cæsar ad M. Tullium fecerunt. Alij Augiæ stabulū perpurgare pro re sibi honorifica ducunt. Id est, barbariem, & inquinatissimas loquedi formas subiectis puris & emendatis corrigere, quæq. ex incitiis irrepserunt, impropria, sordida, peregrina, ea p. Indices, Scopas, Appendices, Farragines funditus tollere, & profligare. Alij insuper suos sibi modos habent. Postremò sunt qui Colloquia & Dialogos ad imbuendam latinitate adolescentiam cōponunt. Horum omnium instituta ponderare, deq. ijs certam proferre sen-

# P R Æ F A T I O.

sententiam si velim, verendum sit magnoperè, ne mediocritas nostra nimium sibi sumpsisse, atque arrogasse existimetur. Illud affirmo, singulorum laborem atque vigilias discētibus pro futuras: maiores aut̃ utilitates asserre Dialogographos, si modò provinciam rectè, & quemadmodum decet explicauerint. Nihil adolescentibus utilius, nihil iucundius Dialogis, nihil etiam, pueris præsertim, perinde necessariū. Quibus cū Epistolæ Ciceronis à diuersis selectæ, & in vnū, duos, tresue libros collatæ soleant explanari, non ego quidem illas prætermittēdas censuerim; sed vbi causas memorauero, cur quarundam scholarū morem probandum iudicē, quæ pueris Dialogos potius, quàm epistolas iam pridem interpretantur, simulque de fructibus & iucūditate huiuscemodi Colloquiorum disseruerō, faciam, opinor, vt liquidissimè appareat, Moderatorum nostrorum nec repentinum, & prudens fuisse consilium, qui hoc etiam itinere creditam suæ fidei potestatiq. iuuentutem, legēdis scilicet ac prælegendis dialogis ad Romanam ciuitatē deducendam sibi cogitarunt.

Qui sumptuosa ac longiuscula veste puerū induūt, eiusedq. pedi inauratum, & magnum calceum inducunt, nō idē incepti sunt, quod ipsum pretioso, sed quod ad paruitatem corporis nequaquam apto amictu contegunt. Nam ætacula illa & statura splendoris vestitus capax est; verū nō ita laxi atq; longi, vt adolescentum & virorum corpora. Similiter metuendū est, nē dum in gymnasio pueris solas Ciceronis epistolas explicamus, idem prorsus cum ingenijs, quod illi cū corporibus agere iudicemur. Est profectō merissimum aurū, est purpura, sunt gemmæ, quæ in tabernis Ciceronianis uenalia proponuntur, & hoc vno auctore in uniuersa lingua latina cū verborū ubertate, rūm omne genus ornamentis nullus statuitur opulentior, quem absolutum in eloquentia artificem, & omnis elegantie cōsummatum exemplar nuncupare possumus: at nō omnibus illa conueniunt, non ad omne corpus illæ tāquam uestes, non ad omnem pedē illa uelut calceamenta quadrant; quia nō ad quemuis captum, non ad quoduis ingenium perinde sunt accommodata; quare nec tantū inde fructum capi necesse est à pueris. Hoc igitur primū spectandum, quàm sit perceptu facile, quod ipsis discendum imponitur, & quàm copiosum ex eo fructum sint relaturi; non, primasne, an secundas, an tertias in latini-

# PRÆFATIO.

latinitate obtineat. Occurreret autem forsitan nobis ab aliquibus in hunc modum. Nos apertiores, breuiiores, familiariores epistolas è toto corpore secernimus, in quibus nullæ obscuritatum latebræ, nulli nodi, nullæ difficultates. Vt ita sit, quamquam haud est ita prorsus, attramen fatendum est, res ijs epistolis inclusas laboriosius & imperfectius à pueritia, tenerisq. ingenijs comprehēdi, quàm quæ cadūt in dialogos, quorū argumentis atq; rebus nihil est usitatus, nihil notius, nihil magis obuium atq; domesticum. Quid quod frequenter eiusmodi loci incidunt in his epistolis, quos ipsimet rudiores Magistri (quales plerunq; sunt, qui pueros erudiunt) ex plebeis, & infimi subsellij interpretibus, ut Ascensio, Hubertino & similibus, quibus & solis vtuntur, & uti etiam coguntur, neutiquā intelligunt? Quod si uel Paulum Manutium explanatorem doctissimū, uel alium approbata ciuiditione scriptorē consultū adierint, remq. didicerint, non consequentur tamen, ut pueruli intelligant, quod ægè intelligere ipsi potuerunt. Laboriosè aut maleq. disci quod nō cognoscitur, in hoc oēs una mēte consentiunt. Quærēt quispiam, quæ tandem illa tam obscura & ingenijs puerorum aliena putem? Quæ? De negotijs, inquā, Reipub. de Asia, Ægypto, Græcia, Cilicia, Cappadocia, de exercitibus, & oppugnationibus vrbū, de summa Rom. Imperij, de quibus Cicero vel in breuib. epistolis sæpe loquitur. De Dolabellis, de Brutis, de Pompeijs, de alijs, aliorumq. statibus, cōtrouersijs atq. causis. De priuatis quidē etiam, & suis nō inficior. At in quibus declarandis longiore interdum oratione sit opus. Itaq. ad familiares rectius & verius, quàm familiares appellantur illæ epistolæ, ut multis abhinc annis cōsensu doctorū cœptæ sunt appellari. In dialogis ea discunt, quæ audiūt, quæ aspiciunt, quæ cogitant, loquūtur, experiūtur quotidie, quæ sent familiarissima, tractatissima, cōmunissima, in quibus propriè, purè, & cū aliquo ornatu exprimendis sēper hærent, sēper inopes reperiuntur, nō modò postquam duodecim menses, sed postquam duodecim annos, Magistro Ciceronē interpretatī operā dederunt. Ingentes sunt orationis in Tullio diuitiæ, magnifica uerborū & infinita supellex, nō tamē ex eodē quiuis, & quocunq. rēpore, & ad omnē materiā discescat. Quamobrē minore cū labore percipientur à pueris Dialogi, quā epistolæ, ut ostendimus. Hanc cōmoditatē primā, &

ean-

# P R Æ F A T I O .

candē propè maximā ducere par est. Reliquæ mira cū uoluptate coniungūtur . Nā q̄s dubitet eos propter incredibile argumentorū varietatē, personarum q̄. colloquentiū vicissitudinē, & naturas atq; mores elegāter expressos , delectatione maxima delinitos, cupidissimè audituros ? Quam audiendi famem (quod tibi de plano promiserim) non parum exacuent breuissimæ narrationes & suauissimæ , proverbia apposita, electa apophthegmata, sententiæ argutæ, fabellæ dulces, aspersus ex omnī facietiarum genere lepos, & alię demū huiusmodi in geniorum etiam puerilium, non modò confirmatorum illecebre. Pascuntur denique non Ciceronianis tantū, sed elegantissimorum præterea scriptorum, i nprimisq. Terentij & Plauti veluti exquisitissimis epulis; quorum amborum quanta sit post Ciceronem laus, quā idonea ad congressionē rerumq. quotidianarum explicationem eloquentia, nouit, qui primoribus saltem digitis, vtrumq. attigit. Ac melius sanè Plautinæ, atq; Terētiæ elocutionis vsus ex Dialogis, quā ex ipsa Comitorum illorum quanquam creberrima euolutione discetur. Ergo si Dialogorū sermo totus fuerit (esse aut debet) antiquus, concinnus, proprius, laurus, ac salibus conditus , cū sit etiam familiaris, nonne ad loquendum scribendumq. haud mediocriter ijs siue legendis , siue audiendis profectum iri credendū est ? Deinde si Dialogis partim de literarijs rebus , partim de morum honestate & elegantia, partim de alijs quā plurimis argumentis agatur (ut agendum videtur, quo sit absolutior scriptio) sine ullo difficultatis sensu etiam doctrina adolēcentes, doctrina nimirū liberali, non abstrusa, non spinosa, & recondita augebuntur, moribusq. temperatissimis, gratissimis, humanissimis instituentur. Ad prudenter quoq; sentiendum, & ad iudiciū paulatim ex decoro rerum personarumq. seruato excolendum proderunt; cū necesse nō sit semper garrere pueros , aut dici puerilia; modò ea dicantur, quæ à puerorū, adolēcentiumq. intelligentia non sint abhorrentia. Parentes insuper, Prædagogi, Magistri, ceteriq. hominum ordines habent, quod ex Dialogis ingeniosè conscriptis addiscant. Atq. ipsi adolēcentuli olim Parentes, Præceptores, Prædagogi fient, & certos vitæ status amplectentur: quos nunc optimū est doceri, quā honestè in futurū, quā suo muneri cōuenienter se se gerāt. Et quoniam omnīū expeditissima, utilissima, iucundissima linguæ latinę cōparan-

## P R Æ F A T I O.

parâdæ ratio hæc apparet, cur nō oēs quotquot Humanitatis, ac proinde etiâ latinitatis sunt studiosi, huiusmodi libros, quales nos iam informauimus, & quodammodo adumbrauimus, quàm diligentissime euoluât, ego quidem causâ nihil uideo.

Sed enim Moderatores nostri cùm nondum inuenirent, quæ in hoc scripti genere certas, nec leues ob causas, tantum probare possent, quâ tum quidem ipsi probare cuperent, & in suas scholas introducere, periculum uirium mearum facere, mihi hanc imponere necessitudinem uoluerunt, ut Dialogos scribere. Ego uero cùm recusare imperata minimè auderè, quod ab eorum uoluntate totius uitæ, actionumq. mearum rationes suspensas habeo, & tamen ad tantum opus efficiendum æqualem me facultatem haud allaturum cognoscerem, malui imbecillitatem meâ adducere in discrimen, quàm me ad ipsorum arbitrium non conformare, & quorum utrumuis mihi turpissimum esset, aut uoluisse, aut laborem fugisse existimari. Atque ut eò libentius huic oneri succederem, fecit perpetua mea in hac nobilissimam partem studiorum inclinatio, quam florere ac celebrari etiam atque etiam vehementerque cupio; cum & ad usus uitæ plurimos, & ad res difficillimas atque grauissimas, ad Ecclesiam denique Catholicam cohonestandam, contraque uesanos hæreticorum furores tutandam non leue in ea momentum inesse nulla ratione dubitandum sit. Tempus est iam, ut quid mihi in hisce voluminibus, atque in hoc toto progymnasmatum opere proposuerim, quàm distinctissimè poterò, exponam.

Scopum Dialogorum ac finem potissimum decet esse eum, qui esset libri alicuius de lingua latina: ut nepe ijs quasi quedam sementis fiat, & iuuenturi ad intelligentiam atque usum non adulterinæ & infuscatæ, sed germanæ ac sincera latinitatis via muniatur. Iam cum sermo uagetur latissimè, nō est unum duntaxat genus rerum, aut præcipuè diligendum ijs, qui Dialogos meditantur, nec sunt 40. aut 60. tantum conscribendi Dialogi. Res scholasticas, & eas semper minutas, nulla ferè interdum eruditione interpunctas magnam partem apud alios uidemus occupare. De moribus agunt illi quidem etiam, sed neque iam distributè, neq; tam cumulatè, quàm cōueniebat: quâquam impiè satis, & sceleratè, is, cuius plena ueneni, plena pestilentiæ Colloquia, ad bonos mores corrupèdos disertissimè scri-



# P R Æ F A T I O.

scripta, quicunq; de pietate Catholica bene sentiens haud negabit. Quid si de alijs præterea sermo miscendus? Num ad Ciceronem adolescentes mittemus? de quo supra aperuim sensum meum. Immensitatem itaq; rerum ac multitudinem in tres classes redigi, & in tria volumina ὡς ἐμπειρομένη includi possum arbitratum. In primo de literarijs atq; scholasticis egi; nõ ita, ut vllam disciplinam traderem, verum ut communia tantum uerba, locutionesq. ad scholam & literas pertinentes tantquam sub aspectum subijcerem. Secundo morum præcepta sum executus, nõ solum ciuiliũ, sed Christianorum etiam Catholicorumq. & de uirtutibus non pauca, pinguiore licet Minerva disputauim. Et quoniam ille Colloquiorum architectis dicatas Deo familias, uirginitatẽ, peregrinationes uotiuas, auctoritatẽ Romani Pontificis, ieiunia, quid multa? Ecclesiã Romanã & Apostolicã contumeliosẽ uexat, cum tamẽ in eo ipso doctor latinitatẽ uideri uelit, existimaui mihi quoq; cõtrã in extremo secundo de eiusmodi aliquot capitulis breuissimẽ, ἀμυδρὲς ἑσπερον ἢ, σαφὲς ἑσπερον agendũ. Vt quẽ ipse tanquã unus Menippus, p nota omnibus scurrili maledicẽtia sua, ridicula, stulta, & despicabilia facere conatus esset, eorũ ego iuenturi reuerentiã & amorẽ suauẽ in pectus incuterẽ. In tercio, qd magnitudine sua utrumuis præcedentiũ longẽ saperabit, cuius iã bonã partẽ confecimus, pandunt sese capi latissimi, earũ uide licet rerũ, q̃ uno quodã cõmuniq; nomine significari nequeũt. Ac proinde eius index siue inscriptio aptissima erit; *De varijs rerũ generibus*. Verbi gratia, de re militari, de nautica, de culinaria, de rustica, de funebri, de medica & morbis, de metallica, de nũmaria, de architectonica, de equestri, de uarijs quoq; opificijs. De istiusmodi argumentis apud Viuẽ, Corderiũ, Syluium, ceterosq; uix aliquid, nedũ de uno cõplures Dialogos inuenias, sicuti apud nos lector est inuenturus. Ac de his quidẽ tam multis ea propter conscribemus, ut in colloquiũ uoces & loquendi normas, ad illã rerũ diuersitatẽ exprimendã idoneas p uirili inseramus, quibus, quãdo, & quoties usus uenerit (ueniet aut nĩmis s̃xpe) adolescentes utantur. Quẽ finẽ etiã in primo & altero uolumine spectauimus tanquã extremũ scilicet tractationẽ aut rerũ, sine quibus sermo doceri nequit, tanquã mediũ. Hinc claret nos merito ultimum locũ destinasse tertio, propter copiam utiq; & amplitudinẽ argumentorũ: quẽ fore mul-

# PRÆFATIO.

ut sudoris (atq; ideo fortaſſe etiã legentibus perutile) non tam  
 arbitramur, quàm experti iã certò ſcimus. Quia uerò de rebus  
 iſſis p ſe atq; præcipuo fine nò agimus, ſed id ante oia labora-  
 mus, ut latinè doceamus; ſi quid uel in medicis, uel in archi-  
 tectura, uel in alio quopiam ordine offeaderimus, id tale pec-  
 catũ reputetur, quale in poetis *κατὰ συμβῆναι* uocat Ari-  
 ſtoteles; alterius ſcilicet, ſeu in altera, non in propria faculta-  
 te; atq; ideo facilius ignoſcendũ. Ergo Dialogos plurimos fa-  
 cere, ob cauſſam allatam còſtitui, uerũ ita ſcriptos, ut eorũ  
 partim in tribus ſcholis inferioribus explanari, oēs aut à ſtu-  
 dioſis ſcholarũ Humanitatis in manibus haberi poſſint. Atq;  
 hoc ſecundum me uoluiffè magis, nò ſolũ numerus ipſe Dia-  
 logorũ haud exiguus, ſed q̃ plurimorũ quoq; materia & hypo-  
 theſis indicat; q̃ qdẽ quoniã paulò grauior & eruditior, pueri-  
 li ingenio nò eſt æqua, ac mediocriter literatis adoleſcẽtibus  
 nò difficilis ad intelligẽdũ, & grata, qd̃ ſpero, eſt futura. Hinc  
 itẽ ſuũ errorẽ agnoſcant & corrigant, q̃ cũ libros meos ape-  
 ruerint, atq; hincinde, ut ſit, oculis pererrauerint, quæuis per-  
 ſonarũ nomina tanq̃ puerorũ nomina acceperint. Lõgẽ mihi  
 alia mēs: ſæpius nò indoctos iuuenes, ſæpius uiros, nonnunq̃  
 ſenes notant; quodq; manu tangi, nedũ còmuni ſẽſu iudicari  
 poteſt, dicuntur ea frequẽtius, q̃ à pueris abſurdiſſimè dicerẽ-  
 tur. Hoc mihi latinã linguã copioſius docere molienti necelſa-  
 rio præſtandũ fuit. Sine variarũ quippe rerũ tractatione diſpu-  
 tationeq; id nunq̃ fuiſſe aſſecutus. Nec erit cur quiſpiã pueri-  
 les illos, quos ex duobus prioribus voluminibus ſelecturus (ex  
 tertio quippe nullus ſeligetur) & duobus libris ad uſum primi  
 & ſecundi Grãmaticæ gymnaſiorũ còprehenuſus ſum, addi-  
 tis etiam aliquot nouis, ſi putabitur operæ pretium, parum fa-  
 miliari dictione factos, ideoq; difficilioreſ fore quiriteretur. E-  
 enim ſi eam familiarem dictionem intelligit, qua nos hodie  
 in ſermonibus collocutionibuſq; noſtris pleriq; utimur, cum  
 ea nihil ſit inquinatius, nihil abiectius atq; horridius, fateor  
 me illam non curafſe; ſi eſt non curare, omni ſtudio & animad-  
 uerſione fugere. Quam tamen an ubiq; effugerim, tenuitatis  
 meæ ipſe mihi còſcius, & communis naturæ haud ignarus,  
 non auſim proſectò affirmare. Sin autem Terentij, Plauti, Ci-  
 ceronis; quod in me fuit, elaborauì, nò quidem ut nihil aliud,  
 niſi quod apud eos inueniſſem, ſed certè ut innumera inde ſũ-  
 pta in



# P R Æ F A T I O.

pta in progymnasmata mea comportarem, ac ueluti ex eorum  
 vberimis purissimisq; fontibus riuulos quaquà uersum duce  
 rem, & flores multiplices ac suauolentes ex illis pratis carpe  
 rem, quibus hortulos meos irrigarem atq; consererem. Non  
 igitur id à me factum nego, neq; me piget, & deinde facturum  
 autumo, ut est in Heautontimorum. Et perridiculum sanè, Te  
 rentium ipsum totum, obscurum scriptorem in omnibus penè  
 scholis explicari, etiam adolescentulis, eumq; pro familiari  
 auctore haberi; me censi non familiarem, qui orationē meā  
 ex eius oratione colorare studuerim. Nec Plauti quibusuis si  
 ne delectu utor, nisi si quando ioci caussa quibusdam. Ea non  
 oscitans, neque imperitus lector facillimè ab ijs internosceret,  
 quæ ubiuis & semper rectè usurpabuntur. Et quidem quo sæ  
 pius cum Plauto locutus fuero, eo maior mihi habenda gra  
 tia, cum eius sermonem finxisse Charites uideantur, neq; ulla  
 sit eius fabula quæ non pluribus sententijs, ad morum & uitæ  
 institutionē uelut gemmulis distinguatur & uarietur, quæ se au  
 ctorem habere confessus est ipse Terentius, cuius fabellæ pro  
 pter elegantia sermonis scriptæ non ab ipso Terentio, sed à C.  
 Lælio putabantur, ut Cic. in 7. ad Atticum testatur. Si præte  
 rea Ciceronis epistolæ, familiares non existimantur, cur præ  
 leguntur pueris? Sin autem; cur ego damner? Cur familiaris  
 non sim, qui ex illis orationem meam decentiorem, meliorem  
 quæ reddere conor? Quod si istitres maximè mihi, & quàm  
 diligentissimè legendi ad opus hoc meum tripartitum con  
 ficiendum non fuerunt, qui tandem fuerunt? Aut si, qui latini  
 tatem docturus est, non debet præterquam pauca ex istis deri  
 uare, ex quibûsnam deriuabit cetera? Ex alijs quoque multis  
 multa. Hoc dubium non est; sed num plura ex illis, quàm ex  
 his? Si nondum fractus ac debilitatus cedit aduersarius meus,  
 dicat obsecro: num è selectis epistolis Tullij nulla difficilis?  
 Quàm hoc falsum est? Et antea demonsttraui, non omnes dici  
 posse familiares. Nihilominus à Præceptoribus haud omit  
 tuntur. Quam præterea intelligendi difficultatem creabit ali  
 quis apologus, aliquod adagium, aliquod apophthegma, histo  
 ria uetus, auctorisq; cuiuspiam sententia, si Magister ipse non  
 usq; ad eò rudis, & ἀμύσδρεπος fuerit? Si aliquid legerit, si uide  
 rit, si audierit? Aut quomodo ista non capientur à pueris, si do  
 ctor manu apprehensos paululum deduxerit? si panem quā  
 uis

# P R Æ F A T I O.

uis mollē adhibita sectione diuideret? si nucem fregerit? A pueris, inquam, non agresti & seruili, sed ingenua & liberali indole, bonisque ingenijs, quales ego mihi in Progymnasmatibus meis propono. Socrates apud Platonem in Menone pusionem quendam de dimensione quadrat, geometrica quædam tam dilucidè, tam facilibus questionibus interrogat, ac respondentem eò perducit, quasi geometrica didicisset. Et quid geometricis inuolutius? Ergo si peius Præceptor pueros docere potest obscurissima, nonne poterit multò magis non obscura? Si quis adhuc erit, cui non satis aliquando seuerus & grauis uidebor, cuique ludrica meâ displicuerint, is sciat me literis & otio abuti noluisse. Abutitur autem, Cicerone iudice, qui cogitationes suas mandat literis, cum eas nec disponere, nec illustrare possit, nec delectatione aliqua afficere lectorem. Hoc extremum ubi tandem locum habet, si non habet in Dialogis? Qui cum ad comœdiam quam proximè accedant, ac nihil penè sint aliud, quam soluta comœdia, estne aliquis adeò durus ac tetricus, qui iocum ac risum tollendum statuat è comœdia? Deinde cum amplius trecentos Dialogos afferam in medium (tot enim futuri sunt omnium simul partium, seu uoluminū) si semel atque iterū duntaxat, aut nunquā hilaritates aspersissem, si ludum & risum omnem fugere ut malā pestem uoluisssem, quis tam multa sine fastidio legere potuisset? Cui nō absq. leporibus, sine salibus mœsta semper ac tristis oratio satietatem citò attulisset? At crebrius iocamur quam par sit. Cōparentur libri mei non dico cum Roterodami codice, qui non modio, aut trimodio, verum ipso propemodum horreo demēsas largitur facetias, sed cum aliorum Dialogis; iudicabor ego pro rata portione nimium parcus fuisse. Restat ut in iocando illiberalis, petulans, flagitiosus, obscænus sim; id quod nō modò contra Christiani hominis, sed honesti etiam uiri officium esset. Hæc mihi mens, quod Deo Opt. Max. gratias immortales ago, nunquam fuit, atque uti confido, nunquam erit. Illud alterum genus, liberale, elegans, vrbani, ingeniosum, facerem, quod & in Plauto, & in antiqua Atticorum comœdia, & in philosophis Socraticis, qui eo etiam totos libros suos impleuerint, & in apophthegmatis à Carone collectis ualde commendauit Cicero, si (habita nihilominus motum puerilium, ætatisq; immaturioris ratione) secutus sum pro ingenij modulo,

# PRÆFATIO.

dulo, non me prius, quàm illos quos memoravi quisquam reprehendat. Sed non sum affectus. Volui certè, & in magnis satis est voluisse. Et scitè satis in præfatione operis sui Plinius, etiam non affectus voluisse pulchrum atque magnificum est.

Discedamus ab ineptis querelis, si quæ fortè tales, & pergamus de instituto nostro disserere. Non omnes rerum ordines, qui in Nomenclatoribus, Dialogis persequendos suscepì, nec omnia uocabula illa sum complexus. Quis enim finis scribendi fuisset? Tantummodo maiorem partem, & usum atque coniunctionem, seu phrasim ipsam tradere contendi, quod in illis Nomenclatoribus non fit. Sciendum etiam, nonnulla quæ apud me suum titulum distinctum non habent, ea in alia classe inueniri; ut rei cibariæ in Dialogis culinarijs, partium corporis humani in medicis, & in ijsdem insuper non paucarum herbarum appellationes. Idem dictum esto de alijs. Iam quod ad res attinet, hoc sibi persuadeant lectores, me dicere quædã quæ sunt, quædam quæ antiquitus fiebant, alia quæ debent, alia quæ non debent fieri, alia quæ olim potuissent, alia quæ hodie possunt, aut aliquando poterunt fieri, meaq; præcepta non esse aliud quàm bona consilia, quæ sequatur cui placuerint. Hoc idèd posui, ne quis inconsiderator, & consuetudinis scribingentium ignorantior, me alicuius rei pijs & cordatis uiris non probatæ nec probandæ magistrum calumnietur. Nam si quæ res sunt in meis libris honestæ, utiles, Christianæ, Catholice, quod scio esse quàm plurimas, earum me quoque, ut sermonis, magistrum dici non erubesco. Aliarum (si modò sunt aliæ) tantùm enumerator quidam sum, ad docendas earum uoces, & ex ipsis contextas locutiones. Cùm ad huc duo monuerò: hoc præmium terminabo. Vnum, uerborum Latinorum tam sollicitus esse non potui, nec debui, ut non quædam parùm quidem latina, veruntamen contritissima, & ad rem eandem toties notandam commoda retinerem. Talia sunt, si exempla quæris, studiosus, pro dedito literis, recitare, reperere, auctor pro scriptore (nam id reprehendit Manutius) ascendere pro ingredi maiorum studiorum rationem. Item Ecclesiastica nonnulla, ut communio, ieiunium, rogarium, benedictiones, confessio, campana, & similia. Nam temper hac mutare, incommodum, valdeq; putidum esset. Nec existimandum pauca uerba minus Romana, nec è Tulliano myrothecio prompta, nec il-

# PRÆFATIO.

lius seculi, quod perfectissimum quidam & aureum uocant, totam orationem deformatura, si alioqui sit ornate, ac purè composita. Conformanda est ad Ciceronis exemplar quantum fieri potest nostra oratio, tamen cum iudicio & delectu, non ex Cæsare tantum, & antiquis illis, quin etiam ex recentioribus, Plinio, Tacito, Suetonio, Quintiliano, Seneca, bellissimū quodque, & quo quisq; maximè videbitur excelluisse, depromendum est. In quo non ero longior, cum Muretus lib. 15. cap. 1. super hac re elegantissimè disputauerit, erroremque nonnullorum qui superstitiosè Ciceroniani sunt, radicitus conuellerit. Alierum est hoc. Quoniā in Germania & Germanis hæc scribuntur, in re scholastica & morali, in his duobus præsertim, ad consuetudinem horum populorum accommodaui scripturam meam, ut Italus in Italia, Hispanus in Hispania fecissent. Sunt enim cuique genti sui mores: nec apud omnes eadē laudantur; quod hi norunt optimè, qui peregrinationibus terras uarias permearunt. Annotationes voluminibus singulis, breues nunc quidem adiunxi, quia id aliquot de causis necessarium est uisum. Alias, ubi maius otium dabitur, & labores mei vobis non obfuerint, qui in castris Humanitatis stipendia facitis; uobis, inquam, rectissimis studijs summaq; spe ingeniorum præditis adolescentibus, vberiores adiecturus, eaque omnia incudi redditurus & emendaturus, quæ reddenda & emendanda iudicauerint ij, quorum à me in hisce literis nostris iudicium, & exercitatio non contemnitur.

# PROGYMNASMATVM IN TRIA VOLVMINA.



**E**MPERIO Iouis, in Siculo cū Lemnius antro  
Humana quondam fabritasset imagine Nympham,  
Conuenere simul, quotquot tenet alius Olympus  
Numina, & effigie sua dona tulere puella:  
Ingenium Pallas, speciem Cytherea, canendi  
Phæbus, at eximiam orandi Cyllenius artem.

Mulciberum PONTANE refers. Tibi maximus auctor  
Est Deus, vt Latiam instituas formare Thaliā.  
Vnanimi huic veteres mittunt sua munera sensu:  
Tullius eloquiū, breuitatem Crispus, acumen,  
Atque sales Plautus, nudi sine crimine normam  
Sermonis Caesar, propriūque Terentius vsū.  
Ast vates numeros, & grandia Liuius ora,  
Clarorumque alias dat cetera turba virorum  
Romane Veneres atque ornamenta loquela.

Si Pandora igitur dicta est Vulcania Virgo,  
Cur soboles tua non sibi nomine plaudat eodem?

Ioannes Sallerus.

## IDEM IN EADEM.

**O**ppositas reddit pellucens vnda figuras,  
Et nitido speculo forma videntis inest:  
Sic PONTANE tuum ingenium spectantibus offert,  
Immensa passim quicquid in orbe riget.  
Id postquam insuita est effetrix Dædala rerum,  
Hic ego latam eam cerno, ais, effigiem.

# INDEX PROGYMNASMATVM PRIMI VOLVMINIS.

1.	Deductio pueri ad Magistrum & primum examen	pag. 1
2.	Consimile argumentum.	4
3.	Euntes in ludum.	7
4.	Tarde ludum petentes.	8
5.	Redeuntes à Gymnasio.	9
6.	Excusatio absentiae.	12
7.	Calami præparatio.	15
8.	Elementorum conformatio.	17
9.	Eiusdem materiae.	18
10.	Orthographia.	21
11.	Dimissio improuisa.	23
12.	Serus in ludum aduentus.	25
13.	Silentium & attentio.	27
14.	Suggestio.	28
15.	Absentes.	29
16.	Accusationes.	31
17.	Petitio lusus.	35
18.	Idem argumentum.	37
19.	Ludus ex pacto concessus.	39
20.	Nox transacta.	41
21.	Virgæ.	43
22.	Colloquium in schola.	45
23.	Arma scholastica.	47
24.	Inuitatio Magistri.	49
25.	Ludimagister defensus.	51
26.	Dies remissionis.	53
27.	Emendatio scriptionis.	54
28.	Diuersorum scriptorum emendatio.	58
29.	Leges.	65
30.	Ascensus.	70
31.	Præmia.	72
32.	Repulsam passi.	74
33.	Vacationes.	80

# I N D E X.

34.	Studium in silvis ac nemoribus.	82
35.	Mutuatō calami.	86
36.	Frustratio petiti atramenti.	87
37.	Ludendi potestas recusata.	88
38.	Comparatio nominum verborumq; coniugatio.	89
39.	Explicationum repetendarum ratio.	90
40.	Dicta alterna.	91
41.	Interrogationes variæ.	92
42.	Amiffus & promiffus liber.	93
43.	Auxilium & confilium.	94
44.	Chartæ in membranam confuta.	95
45.	Nomenclatura.	96
46.	Iterum Nomenclatura.	99
47.	Exercitationes.	100
48.	Temeraria fufpicio.	102
49.	Aftutia puerilis.	103
50.	Somnus in gymnafio.	105
51.	Spes & metus ob certamen fcholaflicum.	106
52.	Litigium.	108
53.	Simplicitas & lentitudo Magiftri.	109
54.	Hora extenfa.	110
55.	Pecunia vtiliter collocata.	111
56.	Virtus in teneris.	112
57.	Præceptor honefta imperat.	114
58.	Literę Bellerophontis.	115
59.	Mine.	116
60.	Recitatio.	117
61.	Repetitio.	119
62.	Disputatio.	120
63.	Concertatio fcriptionis.	122
64.	Examen.	125
65.	Auditiones.	127
66.	Induftria difcendi.	130
67.	Penfum diurnum.	133
68.	Obfervator.	136
69.	Formulæ petendarum facultatum.	137
70.	Certamen copię.	139
71.	Cantus muficus.	147
72.	Græcæ literę.	149



# I N D E X.

73. Bibliotheca.	154
74. Descriptio Gymnasij.	157
75. Pædagogi.	160
76. Præceptores.	163
77. Auctores scholaſtici.	166
78. Formulæ salutandi atque valedicendi in congreſſionibus atque literis.	168
79. Cupiditas proficiendi.	174
80. Munditia librorum.	177
81. Academix.	178
82. Honores Academici.	181
83. Depositio.	185
84. Actio Latinitatis.	190
85. Litera Pythagoræ, ſeu biuium Herculis.	198
86. Laudatio eruditionis.	111
87. Studia politioris Humanitatis.	118
88. M. T. Cicero.	128
89. Epistolæ M. Tullij.	240
90. Rhetorica M. Tullij.	244
91. Orationes M. Tullij.	232
92. Philosophica. M. Tullij.	260
93. Tres linguæ principes.	264
94. Hebræa lingua.	268
95. Græca lingua.	270
96. Latina lingua.	273
97. Solutæ pedestrisque ſcriptionis uarietas.	275
98. Poeticæ ſcriptionis uarietas.	280
99. Actio ſcenica.	282
100. Pueri multandi uerberibus.	286





IACOBI

PONTANI

DE SOCIETATE

IESV

PROGYMNASMA,

SIVE DIALOGVS

PRIMVS.

Deductio pueri ad Magistrum, & primum  
examen.

*Pater, Magister, Puer.*



**P**ATER. Salutē plurima doctorem  
te literarum impertio. *M.* Habeo  
gratiam, uir optime. Quid est ne-  
gotij, quamobrem me uelis? *P.* Si  
non grauaberis paruam dare ope-  
ram mihi, paucis exequar qua cau-  
sa ad te accesserim. *M.* Aduerto animum. *P.* Ego  
pro germani patris officio paruulum hunc, quem  
cernis, filium meum, honestissimis doctrinarum stu-  
dijs, & uirtuti à primordio ætatis deditum esse ni-  
mis quam cupio. *M.* Laudabile desiderium: quam

A pri.

primum enim, & quam diutissimè discendum sapientes prædicant, quod nunquam perdiscitur, & proficit in perpetuū. Præterea multum refert, quibus odoribus testa recens imbuatur. *P.* Est verò ita ut dicis. Hunc igitur puerum (quod mihi familiæque meæ feliciter eueniat) tibi in manum do, tibi committo, tuæq; mando fidei. Tua institutione ac disciplina probitatem & intelligentiam rerum (quanta quidem in istam ætatis teneritudinem cadit) adipiscatur. *M.* Certè quidem haud repugnanter in album discipulorum ipsum retulero, si ut est in more positum, ingeniolum eius atq; progressum quem in literis hætenus effecit, periclitatus antè fuero. *P.* Teneas licet solenne tuum, & exquiras quodcunque tibi exquisito opus videbitur. *M.* Age, mi fili, ede nomen tuum. *P.* Mihi nomen est Iacobo. *M.* Quotum agitas annum? *P.* Hic, opinor, novus incipit. *M.* Elementa conformare nostin'? *P.* Maximè, quanquam haud venustissimè. *M.* Quid? num doctè calles rudimenta Grammaticæ? etenim in hoc meo Gymnasio illa non traduntur: instructū ab iis uenire ad me audiendum oportet. *P.* Spero, me scientia consecutum illas præceptiones, quantum potuerim. *M.* Cuius autem Grammatici erant illa tua rudimenta? *P.* Emmanuelis Aluari Lusitani, *M.* Emmanuelis? Visne explorem quàm studiosè didiceris? *P.* Explora si placet. *M.* Cedò, inflexiones nominum quot sunt? *P.* Quinque. *M.* Hæc uox, Sensus, quota declinatione cōprehenditur? *P.* Quarta. *M.* Quo casu effertur? *P.* Nominandi, generandi, uocandi singulari: & rursum nominandi, accusan-

di, vocandi multitudinis numero. *M.* Bonus cuius generis? *P.* Masculini. *M.* Certumne istud habes? *P.* Certissimum. *M.* Eius scēminum? *P.* Bona. *M.* Neutrum? *P.* Bonum. *M.* Da comparatium & superlatium? *P.* Melior, optimus. *M.* Cur non dicis, bonior, bonissimus, perinde vt doctior, doctissimus? *P.* Dicerem verò, nisi esset anomalum, siue inæquale, vt illa quoque; Malus, peior, pessimus: Parus, minor, minimus. *M.* Probè respondet ad adolescentulus. Dehinc Pronominis definitionem recita. *P.* Quod loco nominis positum, certam finitamque personam adsignificat. *M.* An emendatè sic loquemur: Saluum te aduenire gaudemus? *P.* Prorsus emendatè. *M.* Vnde'nain hoc intelligis? *P.* Ex regula *IK*. *M.* Audiamus. *P.* Verbum personale infiniti modi, postulat ante se accusandi casum. *M.* Pernoſco, & admiror apud animum egregiam singularemque diligentiam tuam. Hanc si in posterum similiter ad discendum attuleris (quod te facturum esse mihi quidem dubitare in mentem non venit) promitto ac recipio huic parenſi tuo, te hominem eruditissimum, venientibus annis, euasurum. *P.* Confidat Magister. Ego item quominus illi cessare, & ſocordia atque deſidia bonum otium conterere sit integrum, curabo ſedulò. *P.* Non ero ignarus. *M.* Maſte indole, ſic facies, mi Iacobe, & cras poſtquam luxerit, cum libellis tuis, armisq. ſcholasticis ad ſextam in ludum hunc meum itare, Diuis benè iuuantibus occipies. Tu interim filium reducas domum, quem propter ingenij bonitatem, & quam facilè perſpicio, naturæ præſtantiam multò

commendatissimum nobis, charissimumq. fore credas uelim. *P.* Liberalis ista, & humanitatis plena pollicitatio, ut doctissime, omnibus necessitudinibus me tibi obstringit. Benè vale. *M.* Et tu.

## PROGYMNASMA II.

Consimile Argumentum.

*Mater, Puer, Ludimagister.*

**M**ATER. Narcissule, agedū onera palliolo humeros tuos, & actutum sequere me. *P.* Quo concessura es mater? *M.* In locum periucundum, perque amēnum, & salutare. *P.* In hortum? *M.* Etiam, in hortum ibimus. *P.* Tollam ergo mecum corbulam meam ad poma & flosculos colligendos. *M.* Non opus est istis corbulis ad hæc poma, atque ad istos flores, eius de quo loquor hortuli asportandos: moue te ocyùs. *P.* Non intelligo matèr quorsum me ductura sis. *M.* In scholam ad Magistrum te ducam, ò fili, ibi latinitatis tyrocinium pones, posteaquam intra domesticos parietes à pedagogo usque ad hoc temporis legere, & formas literarum quoquo modo pingere doctus es. *P.* Hei, nolo in scholam itare. *M.* Caue sis malam rem: debes vellem quæ pater & ego volumus. *P.* Virgas pertimesco, quibus me Præceptor assiduissimè tacturus est. *M.* Ne timueris, mitissimus atque lenissimus homo est, pueros dociles ac morigeros amat vnicè. *P.* Misum me fac isto anno, insequenti quod constitutum habes transige. *M.* Opprime os, & sequere. *P.* Sequor. *M.* Hem, illæ sunt ædes, illic est Gymnasium, quo

quò maturo pergere: at ipse Lūdimagister eecum  
 prodit foras. Cum proximè accesserimus, primum  
 nudato capite inflecte aliquantum genua; deinde  
 dexteram manum tuam osculatus eidem porrige.  
 Astabis autem solo fixos tenens oculos, & quàm  
 modestissimè, placidissimeque ad interrogata re-  
 spondebis. *P.* Vt iubes mater, ita me geram. *L.* Sal-  
 ue bona fœmina cum istoc paruulo tuo. *M.* Salue  
 multum vir literatissime. *L.* Tuane isthæc soboles?  
*M.* Mea. Deo sint laudes, cui in acceptis refero. *L.*  
 Quid venis? in meamne potestatem permissura fi-  
 lium tuum? *M.* Ea propter huc me affero, mi Domi-  
 ne; & te per fortunas tuas, per illos quos ipse ge-  
 nuisti liberos, rogo arque oro, institue istum pue-  
 rum literarum atque morum præceptis, pro eo ac-  
 consueuisti diligenter. Pretium tibi largè cumu-  
 lateque persoluiam, & ille qui omnibus omnia mu-  
 neratur Christus, maioribus te præmiis in cœlo di-  
 gnabitur. *L.* Ita spero quidem. Hoc porrò est ger-  
 manæ ac piæ matris officium, quo tu perfunderis  
 modò: optare scilicet & curare suos erudiri libe-  
 ros: ne si manserint literarū imperiti atque rudes,  
 haud minùs differât à doctis, quàm à viuis mortui.  
 Qui vocare? mi paruule. *P.* Narcissus. *L.* Conueni-  
 unt rebus nomina sæpe suis. Floridulum procreasti  
 puerum, & prælagum ipsi nomen indidisti, visura es  
 aliquando hunc virtute, & sapientia florentissimū.  
*M.* Deus Opt. Max. faciat, vt huic aptæ mēbroꝝ  
 compositioni, & coloris suauitati, præclara animi  
 species olim pulchritudoque respondeat. *L.* Iam-  
 ne legere nosti? *Narcisse.* *P.* Noui. *L.* Et ducere li-

teras? P. Ita. L. Lege quod typis impressum cernis in hac pagina. P. Cum & contra voluntatem meam, & præter opinionem accidisset, ut mihi cum imperio in prouinciam proficisci necesse esset, in multis & varijs molestijs legationibusq. meis hæc vna consolatio occurrebat, quod neque tibi amicior. L. Sufficit, perfecte legis. Li benterne frequentabis scholas? M. Parmetuit virgas Domine, ut mos fert huius ætatis; alioqui non inuitus discit. L. O Narcissule, habet bonum animum. Nisi fueris incredibiliter turbulentus & segnus, quod minime futurum credo, nihil graue patieris; sed primum apud me amicitia locum tenebis, disputatorum duces familiam, sedebis loco primario, & quam sapientissime brauiopotiere. Nec me defectura est pomorum, ficuum, amygdalorum, & sacchari copia, vnde crebra sedulitati tuæ dem munuscula. Tu, matrona, cures licet ne domi nimium ludat, mulierumque ancillarum blandimentis abstrahatur à studijs. Prouideas ne absit à schola, nisi forsitan morbo teneatur. Progressus plurimum impedit absentia. M. Scilicet ita res est. Satis contentum illum habeo, neq; sinam, ut absit à gymnasio. L. Emes libellos illi ad hanc scholam necessarios, & quam citissime poteris, in ludum mittes. M. Fiet. L. Vale. M. Dominus te nostræ iuuentutis moderatorem lectissimum, longissimo tempore viuum ac sospitem præstet.



## PROGYMNASMA III.

Euntes in Ludum.

*Antonius Marcellus.*

**A**NTONIVS. Securūne & timore expeditus in phrontisteriū uadis Marcelle? *M.* Quid tibi ista percunctatione uis? explica dum, nō enim satis intelligo. *A.* Fabor ergo apertius. Contextuisti epistolam, quam à nobis hodie requireret Præceptor? *M.* Contextui, & descriptam porto mecum. *A.* Diligentior me es. Quanquam haud ita pigritia me, ut chartæ penuria, qua premebar, remorata est, fecitque ut meam non totam describerim: ferrius quippè adeptus sum papyrum. *A.* Quid acturus si poposcerit? *A.* Dum uestras emendat, interea quod reliquum est, nullo negotio describam: hoc concessurum mihi spes est, siquidem aliis alias concessit. *M.* Ostende sodes tuam scriptionem. *A.* Hem. *M.* Quàm fœdè tu pingis literas? gallinam scripsisse arbitror: quàm item uacillant uersus? *A.* Dummodò legi queat scriptura, parui duco rideāt an fleant elementa: uersus ad amussim nequeo dirigere, quantumuis coner. Atqui non tam ualdè utraque laude mihi antestas. *M.* Iudicium cæci. *A.* Aliter doceat me Præceptor, si ipsi displiceo cum istis illepidis inuenustisq; characteribus. *M.* Abhorrent istæ partes ab eius munere. *A.* At unde discam tandem? *M.* Aliquem peritum adolescentem pacta pecunia conducant parentes tui, quem hanc ad rem magistrum capias. *A.* Attamen doctrina quoque clari homines plerumque inscitè, & indecorè

efformant literas. *M.* Dicialiter non potest; uerum non idcirco sunt docti: & multi illorum decen-  
ter eas depingunt. *A.* Parentes mei, quod uitium  
senectus affert, attentiores sunt ad rem quam sat  
est: defraudant genium suum: uereor ut illis per-  
suadeam. *M.* Adhibe procuratorem Magistrum,  
cuius unum uerbum huc plus ualebit, quam centum  
tua. *A.* Rogabo ut hanc mihi opellam surripiat. *M.*  
Ceterum, quæ heri explicata sunt in Cicerone, si  
te forte nominauerit, poterisne repetere? *A.* Nisi  
me ipse adiuuet, parum benè: oblitus enim sum quo-  
rundam, & quem domi interrogem habeo præter  
parietes neminem. *M.* Adiuuabit. Ego insuper,  
quoad eius facere potuero, tibi opem feram. *A.* Mi  
optime Marcelle. *M.* Sponden' te mutuum esse fa-  
cturum mecum, si in eodem luto hæsitauero? si ne-  
cessitudo postulauerit? *A.* Spòdeo firmiter. *M.* Sal-  
ua res est.

## PROGYMNASMA IIII.

Tardè ludum petentes.

*Emmanuel, Eustachius.*

**E**MMANVEL. Saluus sis Eustachi. *EV.* O  
salue Emmanuel. Quò ire intēdis? *EM.* In scho-  
lā. Quò te pedes? *EV.* Eodem. *EM.* Vbi libri? ubi  
atramentarium? *EV.* Sub pallio & axilla gestito.  
*EM.* Audistin' primam? *EV.* Pridem. *EM.* Ain'tu  
pridem? Væ nobis. *EV.* Quid consternaris? aut  
quid metuis? *EM.* Quid metuam? quod solent se-  
rò uenientes. *EV.* Ego tanè probabilem excusa-  
tionem



tionem adducam. *EM.* Obsecro, quam? *EV.* Mater me cum mādatis ad fororium misit, eò tardiùs uenio. *EM.* Quid si hanc rationem tanquam com mentitiā repudiet? *EV.* Fiducia est id minimè fa cturum. Nam me ab huiuscemodi mendaciuncu lis temperare non rarò expertus didicit. *EM.* Me miserum, maliq; fati: quid machiner? quid confin gam, cū (ut hoc estium, & pomeridianum tem pus etiā magno natu homines inuitare solet) som no captus obdormiuerim super libro? in extremo sitæ sunt fortunę meæ. *EV.* Si rem ipsam ingenuè confiteare, forsità delicti gratiam faciet. Quid for sitan? certè faciet: exonera te metu. *EM.* Obtempe rabo benè monenti: abstulisti metum. At enim ec ce aliud mihi timorem obijcit. *EV.* Aliud? dic quæso. *EM.* Formido malè, ne hic elapsus, alibi in casses incidam. *EV.* Vbi? *EM.* Quę memoriter pro nuncianda præscripsit, haud teneo absolutè. *EV.* Suspiciari licet non te inter primos interrogatū iri: tum ego qui secundus tibi sedeo, suggeram dissi mulanter & fideliter. *EM.* Summum tibi benefi cium debuero, id si perfectum dederis: nam nunc spes opesq; meę omnes in te sunt sitæ. *EV.* Ambu lemus contentiis.

## PROGYMNASMA V.

Redeuntēs à gymnasio.

*Andreas, Ludonicus, Tiburtius.*

**A**NDREAS. Portenti simillimū: hodie nul lus plorauit in schola. *L.* Post meridiē fortassis

cue-

eueniēt, ut tu princeps fleas. *T.* Quid si uterque uestrum? *A.* Nos fleamus? quare fleamus? quid offendimus? *L.* Crimen aliquod fabricatus es, nisi aberrat suspicio, cuius actionem nobis intendēs: ibi si caussa ceciderimus, tu in nostra incommoda & afflicta fortuna triumphabis gaudio. Si mihi auscultes, te ipsum cōsulas quid moliare: inest & formicæ sua bilis. *L.* Minimè gentium ego quidem: uestra uos singularis eximiaq; uirtus ad tribunal reos citabit. Dixi. *A.* Iste Harpocrates indignissimè patitur Ludouice, nos conferre capita, & quandoque colloqui in auditorio. Tanto magis confabulabimur, ut tibi oculi doleant. Ecquid intellexisti? *T.* Vro hominem: Incedit laneis pedibus noster doctor, & quò tardius, hoc grauius uindicare solet innoxios. Ecquid intellexistis? Quando autem excellenter uapulantes præ acerbitate plagarum miserrimè ululabitis, duplicesq; ad sydera palmas tendetis, tum scilicet cognoscemus, quibus malè sit, mihi ne an uobis. *L.* Tun' optas uirgis nos percuti? *T.* Opto uos cum silentio discere: si id contemnitis, opto condignis decorari præmiis; ut metatis nimirum, quemadmodum sementum facitis. *A.* Et quod lucellum ad te redibit, pessime, si nos diuerberabimur? *T.* Lucellum? imò enim uerò quam plurimum lucri. *L.* Quodnam est istud lucrum, quod iste somniat? nequeo perspicere. *T.* Ut gaudeam de conseruata iustitia, quæ cuique quod suum est tribuit. *A.* Hoccine illud immensum infinitumque compendium? credebam te expectare tot talenta, quot Alexander Rex misisse dono fer-

tur Phocioni Atheniensi. *L.* Est ne aliud quod nobis exprobres maleficio? *T.* Est sanè. *A.* Quin dicis? *T.* Dicam liberrimè: Tantum non quotidie, cum è memoria recitandus est Cicero, libros ueloci oculo inspicitis, & suggeritis inuicem, in quibus uacillat memoria, ea astutia, ut Magister uix aduertat. *L.* Quid tua (malum) interest quomodo nos geramus? nunquam tu huiusmodi præfidiariis indignisti? *T.* Studiosus nunquam, desidiosus sæpissimè. *A.* Quis potest nisi capite ferreo, & visceribus æneis vsque adeò se macerare studiis ut tu? *L.* Diligit se Tiburtius, & magnificè circumspicit, albæ gallinæ filius. Vtunque merebitur, non consulat in ipsum paulò durius Præceptor. *T.* Quanto rectius, si conaremini vos quoq; penitus intrare in eius amicitiam? at bonis artibus, modestia nimirum atq; industria, quas ille amat, cum discipulos amat. *A.* Morem habes deferendi condiscipulorum nomina, & es clandestinus nolter Iudas; propterea nempe blanditur tibi phuy. *T.* Tu ut me tam maledicè appelles? non hoc tibi sic abibit; non haud feres tacitum: Magistro renunciabitur. *L.* Ne faxis Tiburti. Meministi, obconuitium non dissimile in Lambertum pronuper iactum, quàm atrocem pœnam sustinuerit? *T.* Cur ergo (nefas) ictus piscator non sapuit? *L.* Quid vis? lingua mentem anteuertit. Roga veniam Andrea: alioqui cribrum carnificinum futurus. *A.* Eia ignosce Tiburti: præ vibicibus etiamnum vix possum sedere. *T.* Itaq; iam tergum dolabitur fustibus, quoniam alibi nouis plagis, ut te affirmantem audio, non est locus. *A.* Obtestor te charissime Tiburti, si vnquam

vnquam posthac. *T.* Tam subito ex Iuda factus sum huic conuitori charissimus? quis risum teneat? *L.* Quid quaslas caput? sine te placari. *T.* Egone vt contumeliam tam insignem in me accipiam? *A.* Per Christum te rogo ne resciscat Præceptor. *L.* En quàm suppliciter: ne sic te obfirmaueris. Adeone ingenio te esse inexorabili, vt precibus istis moliri non queas? an vis vt tibi flens muliebriter ad pedes accidat? *T.* In Christi gratitiam tacebo nunc quidem. In eiusdem gratiam, si denuò tale quid, siue aduersus me, siue aduersus alium quemcunque euomètem te audiero, Præceptorì palàm faciam, ne inultum auferas. Satin' hoc planè, satin' disertè sum locutus? *L.* Cauto opus erit, Andrea.

## PROGYMNASMA VI.

### Excusatio absentia.

*Magister, Animaduersor, Antonius, Ioannes, Marcus.*

**M**AGISTER. Euge Animaduersor, ad esdū. *A.* Adsum, impera. **M.** Quinam hesterno die scholam non obierunt? *A.* Qui? Antonius Niger, Ioannes Faber, Marcus Syluius. *M.* Per paucos memòras. *A.* Reliqui ad vnum omnes coràm præsentes affuerunt. *M.* Extra eos videlicet, qui munusculis te elinguaerunt. *A.* Hoc quidem aliàs cùm tentarent nonnulli, semper Austrum perculerunt. *M.* Probatus es adoleseens, & Magistro tuo fidelis. Heus, prodite vos in medium, repentè, statim, sine mora. An nondum etiam? confestim, inquam, aduolate. Quid habes Antoni dicere, ad excusandam absen-

absentiam? *A.* Ingens quidam, & intolerabilis dolor occupauerat sinciput meum. Quocirca mihi in mandatis dabat mater, extra ædes pedemne vsquam ponerem. *M.* Fabulæ. Tibi vt credam? *A.* Si verbis meis exigua apud te est fides, certum hominem ad matrem & familiares indagatum allega. *M.* Lōgi. *A.* Haud secus reperies. *M.* Somnium. Quasi verò tu, vt es callidus & versipellis, hoc tuis non imposuisses, tibi nimirum condolere caput. Studebas verberationem effugere, quæ propter segnitiam te manebat. *A.* Neutiquam, Prætor: non imposui profectò; reuera nihil finxi. *M.* Poteròne hodiè verum ex isto puero exsculpere? Caue mihi mendacii quidquam. *A.* Vera loquor. Si aliter fuerit ac dixi, causæ nihil erit, quin tibi dem pœnas. *M.* *I.* fessum. Tu bone Faber, quo negotio implicatus tenebare? *I.* Pater quopiam profectus animi gratia, me perduxit illuc secum, vt vnà essem. *M.* Quò profectus? *I.* In villam nostram, quæ aliquot millia passuum ab vrbe distat. *M.* Cur pridie à me copiam non petebas? *I.* Noctu hac de re deliberauit pater: tum multo mane in viam nos dedimus, vt ad te adire nequiuerim, nec voluerim, quòd uerebar ut cubitu surrexisses. *M.* Dictum inopinatum atque mirabile: te alioqui somniculofissimum, id temporis, sub galli cantu scilicet, expërrectum. *I.* Videre me somnum haud sinebat gratissimæ promissionis expectatio. *M.* Quin tu exoraueras patrem, ut hoc permitteret? *I.* Factum est ut patre secundo uillam amœnissimam petiuerim, ibique animum studiorum perpetuitate fatigatum tri-

duo isto instaurauerim. Proinde amabò mi Præceptor, parce ultrà querere, quandoquidem te clam non est, quanto me opere schola delectet, nusquam ut sim libentiùs. *M.* Merus plagarum de improviso oratorem te reddidit. Nunc condonabitur erratum. Posthac nisi quoquo modo de absentia certiore me feceris, uerberibus te cadam, ut si in pistrino moleres. Percepisti? *I.* Planissime. *M.* Restat ut te quoque purges solute adolescens, & omnium inertium inertissime. Quid egisti? aut ubi fuisti? aut quare in ludum non uenisti? Quid est Sylui? quid taces? *M A R.* Existimabam esse ferias literarias. *M.* Ridiculum. Hoccine os tuum? ista'ne frons tua? Ecquid, ò insulse, nudius tertius aut quartus primum auditiones obire cœpisti? quomodo? an tu nesciebas uacationi diem Mercurii consecratum? Hic ego te manifestum mendacii teneo. *M A R.* Ast mihi occorrebat heri Mercurius. *M.* Ast ego faxo tibi hodie Tisiphone accincta flagellis occurrat. Lepidum capitulum. Te'ne errare in isto negotio tam antiquo, tam noto, tam uulgato? Quomobrem autem horis ante meridianis saltem nò comparuisti in hoc loco? Prætexis culpam hoc figmento: non fit mihi uerisimile quod ais. Illi illi sodales & congerrones tui aliquò te ambulatum, aut lusum auocarunt. Para; mox tibi uirgis corium conscribam. *M A R.* Miser, ah miser, cui tam malè uertit dolus. Sed te obtestor, unam hanc dimitte noxam; si quâdo rursus admisero, tû occidito. *M.* Nihil agis.



## PROGYMNASMA. VII.

Calami præparatio.

*Vedastus, Althasarus.*

**V**EDASTVS. Cùm haud inuenistè pingas elementa, doleo tibi nec chartam esse bonam, nec calamos bonos. *B.* Ab his singulis fateor me inopem. Charta nec candida multùm, nec firma & plana, sed aspera, scabra, & pilis paruisimis plena; quos cùm è calami crena detraho, mora scriptiõni affertur, quod si nõ detraho, scis ipse quales efformentur literæ. Sed quod intolerabilius mihi accidit, etiam perfluit: uerùm hæc culpa sit atramenti potius, quod cùm esset heri spissum ualde, aqua nimia effecit dilutissimum & subalbidum. Calamos ad usum accommodare cultello prorsus nescio, & te etiam atque etiam uehementerque rogo, ut hanc rem me doceas, si ipse scias. *V.* Miseret me tui, qui penè solus ignores, quod condiscipuli tui didicerunt. *B.* Libera tu me ista ignorantia. *V.* Ausculta igitur. Anserinæ pennæ sunt ad scribendum imprimis aptæ, iisque plures utimur, ac sapius quàm pauonum aut cynorum; quarum illæ nimis sunt duræ, hæ nimis amplæ; quanquam diutius bonæ permanent atq; anserinæ. *B.* Teneo. *V.* Ex his ipsis anserinis meliores iudicantur, quæ sunt pellucidæ, mediocriter duræ, caule longiore, ampliore, firmiore. Quæ autem habent caulem breuem, angustum, & sunt admodum duræ, ut quæ inhaerent extremæ alæ, non probantur. *B.* Iam nouerim deligere pennas. *V.* Vbi delegeris, ita parabis

Re-

Rescindes caudam, plumulas utrinq; detrahes: scalpelli tergo cauum pennæ leuigabis, extremum caui, seu caput rescindes ex utraque parte, antroorsum & retrorsum, hoc modo, ut fiat bifurcata (aspice). Tantum porrò resēcabis, quantum latus est unguis auricularis digiti. *B.* Meminero. *V.* Post hęc in dorso crenam facies; id est, calamum cuspi de cultelli, siue extremo cultello iussē per medium scindes, sic, ut fisio seu incisura diametro dorsi pariter penē æqualiterq; respondeat. Tum ubi adhuc aliquantillum deorsum à fronte exsecueris, à dextris & sinistris acuere calamum, & mucronem facere perges, seu æquabis duos illos pedunculos, siue cruscula. Nunc me uide, quomodo indita crena utrumq; horum absoluaui. *B.* Obseruo. *V.* Rastellum hoc, quem mucronem antea uocaui, temperatæ gracilitatis esse debet, de quo quanto plus abscideris, tanto habebis calamum obtusiozem, & maioribus literis ducendis aptiorem: dextera tamē pars, in quam calamus dum scribimus incūbit, sit aliquāto altior sinistra, quod discrimē adeo sitminutū, uix ut perspiciatur. Age experiamur hunc nostrū. Accipe, uide an placeat. Quare sic eum capis? *B.* Sic assueni. *V.* Tene pollice, & medio digito, molliorq; superpone indicem, sic: ita minūs uacillabit manus, & firmitus eā chartæ imprimes. Sit autē brachiū usq; ad cubitū liberū dū scribis, & pōdere suo tabulæ seu pluteo innitatur, tota autem manus auriculari. Intuere me scribentem. *B.* Imitabor te ad unguem, & quibuscunq; officiis potero, tuam erga me humanitatem obruam, aut exæquo.



17

LATINITATIS.  
PROGYMNASMA VIII.  
Elementorum conformatio.

*Iosias, Exuperius.*

**I**OSIAS. O scitisimum archetypon, ò formosa  
nimis elemēta, ò illecebras. Diuina, quod aiunt,  
uirgula adeptus es hanc elegantiam. Sed unde? *E.*  
Meus germanus patris iussu manu sua mihi confe-  
cit. *I.* Vbi porrò ipse didicit tam bellè exprimere  
litteras? *E.* Semper huius artificii cupidus fuit, & in  
quendam magistrum anno proximo superiore in-  
cidit, qui Latinas, Græcas, Germanicas pingebat  
excellentissimè. *I.* Exemplar & prototypon mihi  
quoq; datum est muneri amico: uerùm præ tuo for-  
des. *I. & E.* Quare contemnis? si ad istum modum  
ac formam effinxeris elementa, uti in hæc papyro  
efficta conspiciuntur, iudicabo te oleum non per-  
didisse. *I.* Atqui uellem imitari optima. *E.* Atqui  
hic non quæritur optimum. *I.* Laudatur tamen. *E.*  
Non nego. *I.* Ostende sis mihi tuam manum. *E.* Ec-  
ce. *I.* Quasdam exprimis propemodum perfectè,  
quasdam non assequeris, quod pace dixerim tua. *E.*  
Paulatim & consuetudine imitandi assequar. *I.* Pro  
quam decentia f. quàm decora p. q. & omnes de-  
nique caudatas litteras facit frater tuus? *E.* Quid  
maius uis? nōne amas? *I.* Mirificè. *E.* Aspice *A*,  
uide *D*, & *M*. tanquam si ex typis æneis in chartam  
essent impressæ. *I.* Ipsa uerò quæ alphabeto subie-  
cta est scriptura, Chriſte ſancte, quàm ad lineam re-  
ctam sine linea directis uerbis? quàm æqualibus  
fursum ac deorsum literis? Vnum te uolo. *E.* Vel

B                  decem.

decem. *I.* Nonne tibi præcepta dat pingendi, & lapsus corrigit? *E.* Certè: & nonnunquam sua manu meam, tenentem calamum comprehendit, atq; alienis digitis pingit, ut ego ductibus & tractibus literarum hac ratione affluescam. *I.* Inires à me nõ vulgarem gratiam, si exemplum à fratre mihi cures. *E.* Difficulter inducam. Nihilominus quoniam te tanto studio pulchrè pingendarum literarum ardere animaduerto, curabo, ut uoti compos fias. *I.* Quotum intra diem polliceris daturum in manus? *E.* Intra quartum. *I.* Perlubenter gratissimum hoc donum tamdiu expectabo, cogitaboque interim, quo te honorario remunerer. *E.* Sic habeto, me gratuitò hoc operis non esse facturum.

## PROGYMNASMA IX.

Eiusdem materiæ.

*Damasus, Albarius.*

**D**AMASVS. Tam artificiosè tamq; graphice characteres Romanos effingere, tanta portione, & tam bellè mutuò respondentes, uersibus præterea paribus interuallis à summo pagina ad imum usque diremptis, & nulla omninò in parte uacillantibus, dic sodes quid tandem utilitatis affert? *A.* Modus ipse querendi tuus, clamare istuc in quaestione ponere non debuisse. *D.* Quid ita nõ? *A.* Quoniam ostendit non displicere tibi hanc manus meæ elegantiam. Atque ut agam apertius: delectarisne, si quando quippiam à me exaratum aspicias? *D.* Ac mirum profectò, non secus, quàm si  
niti-

nitidam, & collustratam picturam intuerer. *A.* Hęc igitur una est utilitas, ut mearum literarum ueluti pictura tuis aliorumq; oculis blandiatur, lectoresq. meos uoluptate quadam nec illiberali perfundat. *D.* Benè tu quidem hætenus, sed plura desiderio. *A.* Ego ipse quoque (id quod omnibus mei ordinis usu uenire existimo) propterea libentiùs, faciliùs, maioreq. cum iucunditate scribo. Adde quòd lectu expeditior est uenusta, quàm rustica, indocta, imperitaq. manus; nec aliud in causa est, quare tantopere typis descriptos libros amplectamur, feliciterq. nobiscum actum credamus, si calamo ad illorum typorum elegantiam quàm proximè accesserimus. *D.* Negari non potest, manum tuam exquisitam, urbanam, probè distinctam & luculentā esse. Nunc da quibus uis ac rationibus ad huius scientiæ facultatē perueneris. *A.* Quorsum id nosse expetis? *D.* Etiam tu hoc rogas? Vt facere queam similia. *A.* Si animum huc aduertas, narro tibi. *D.* Alto auidissimis auribus. *A.* Principiò me adiuuit exemplar, in quo erat alphabetum maioribus minoribusq. literis efformatum. Nec ibi solùm cōpletæ & integræ, uerùm etiam imperfectæ, partesq. & frustilla earum uisebantur: ostendebatur item, quo pacto illa fragmenta coagmentanda essent, ut absolutum literę corpus efficeretur. Verbi causa; ducebatur ab alto uirgula ad hunc modum l. ap- pingebatur minutus semicirculus dextrorsum, seu inuersum c, sic, c, ut doceret b exprimere, si illi porrectæ deorsum ad angulos rectos lineolæ hanc notam copulassent. In d, idem præstabatur, præposito

c. sic tamen, ut postquam c illud cum uirgula coi-  
 uisset, puncti instar de infimo eius extrà emineret.  
 In maiusculis eadem planè ratio custodiebatur. Sed  
 ut rem clariùs cognoscas, ipsum tibi prototypon  
 demonstrabo si fuerit occasio. *D.* Optatissimum ac-  
 ciderit. *A.* Posthæc binæ, ternæ, quaternæ cōnecte-  
 bantur, ut ab. do. mi. ptu. flo. gran. trum. Subiiciebā-  
 tur adhuc uocum series, quæ aliquam animantem,  
 arborem, herbam, morbum, instrumentum indica-  
 rent, eæque haud ita uulgatæ ac tritæ. Tandem bre-  
 uiores sententiolæ, ut illæ (nam edidici, sicuti uoca-  
 bula de quibus dicebam) *Vacare culpa magnum est so-  
 latium. Medio tutissimus ibis. Festina lentè. Nescis quid ue-  
 sper serus uehat. Homo bulla.* *D.* Videtur Magister hoc  
 exemplar meditatus confecisse. *A.* Credo. *D.* Quid  
 erat nouissimo loco? *A.* Longior scriptura, septem  
 uersuum scilicet, quæ ad uirtutem excolendam me  
 hortabatur. Ex Platone, Tullio, aut Seneca, ut reor,  
 deprompserat. *D.* Quid? tantùmne sæpius inspec-  
 tanda hac formula perdidicisti hoc tuum artifi-  
 cium? *A.* Non. *D.* Quid egisti hoc amplius? *A.* Sua  
 manu præceptor meam complexus moderabatur  
 ac dirigebat. Iubebat item tenuissimæ ac subtilis-  
 simæ papyro membranam substernere, in qua ines-  
 sent festiuissimè picta elementa, cum egregiè con-  
 cinnata scriptura, & calamū super literas per char-  
 tam satis translucens ducere, ut sic ductibus earun-  
 dem æmulandis assuescerem, & habitu quodam cō-  
 firmarer. Quinimò stylo plumbeo interdum literas  
 cū exarasset, eas me atramento tegere, & de liui-  
 dis nigras reddere uolebat. Ceterū ne facerem

inæquales, eas inquam, quæ uel sursum lineas non proiciunt, uel infrâ non demittunt, ut uocales, & consonantes c.m.n.r,&c. applicata regula trahebat lineas duas angusto spatio distantes, intra has mandabat mihi ut scriberem aliquid. Idem in grandioribus seruauî, quarum inter se omnium æqua est magnitudo. His ego exercitationibus usus, quantum cernis processum effeci. *D.* Si nancisci possem magistrum æquè scientem ac peritum, discerem hanc artem sanè. *A.* Si sollicitus quæras, puto te inuenturum. *D.* Difficillimè: paucorum est enim festiua manus: contrâ malè pingentium numerus infinitior quàm frondinum in syluis, piscium in undis.

## PROGYMNASMA X.

## Orthographia.



*Septimius, Anselmus.*

**S**EPTIMIVS. Si tibi faciendum uidetur, Anselme, repetamus quæ ante meridiem à Magistro de orthographia accepimus. *A.* Ordire sis, ego cœpta persequar. *S.* Tu maior, & plura tenens memoria. Si quid effluerit iam tibi, fortassis id mihi occurreret, tum repentè subiiciam. *A.* Affirmabat igitur, illam se statuere orthographiam probatissimam, & præcipuè complectendam, quæ constaret perbenè formatis literarum figuris, quæ haberet uersus ualde ad amussim extensos, minimeque uolut à recto tramite usquam deflectentes. *S.* In hisce duobus ipsemet magno nobis exemplo est: quis. n. eo pingit uenustiùs? quis tam recta linea? Verùm

hæc potiùs ornamenta sunt quædam orthographiæ; quæ ne doctis quidem singulis contingunt, nec illi magnoperè inflammato eorundem studio rapiuntur. *A.* Sic est ut ais. Attamen cum ornamenta hæc amemus & admiremur in aliis, quid est quod ipsi non consecretamur? *S.* Quod erat tertium? *A.* Quod? scire quæ cum Latinæ ac Romanæ tum Græcæ, hoc est, è fontibus Græcorum in latinitatem deriuatæ transfusæq; uoces (quarum innumerabilis est multitudo) diphthongo; quæ uocali, & quam scriberentur; quibus consonantibus; ubi addendum aspiratiōis indicium. Quid sequebatur? *S.* De tonis seu accentibus nescio quid. *A.* Iam recordor. Nosse etiam quo tono, acuto, graui, inflexo ubi utendum. Adhæc de interpunctionibus, quæ uidelicet nota hypodiasoles disiungenda, quæ contra per *υφ' ερ* coniungenda, quando demum syllaba porrecta super se pusilla linea insignienda, quando semilunula inferiore ad breuitatem indicandam, quando comma, quando puncta, quando bina puncta, seu colon, quando interrogationis signum, quando parentheses nota adhibenda. *S.* Dicebat in orthographia locum esse non deriuationibus duntaxat, notationibus, siue etymologiis, originibus, sed consuetudini etiam; uidendumque quid solerent eruditi: qui si discreparent, & alii hoc, alii alio modo uerbum idē scriptitarent, plurimum ualere oportere iudicium. *A.* In reprehensionem denique uocabat eos, qui cum peruicacia manuscriptis codicibus, faxis ac numismatis uetustis adhærent; quoniam illi sculptores, scalptores, monetarii sapiùs illiteratissimi  
fuss-



fuiſſent. Locutos quidem latinè, uti nos omnes patria lingua Teutonicè loquimur, non tamen idcirco ſciſſe Grammaticam; & ita falſò putari myſterium atque auctoritatem grauiſſimam, quæ eſſet alicuius idiotæ opificis mera inſcitia. *S.* His addebat, inſpiciendos crebrò decoris typis in Typographio deſcriptos libros, indeque ſcripturam imitandam. *A.* Vltimum proponebat hoc præceptum. Nò ſolùm formas urbanas ac feſtiuas literarum ſtudioſè contemplari, ſed aſtare etiam ſcriptoribus librariis, & ductus atq; tractus quàm diligentiffimè obſervatos intimis ſenſibus mādare. Hoc quale eſſet, ſimilitudine ante oculos ponebat. Vt enim uiua uox magis nos afficit quàm lecta in libris & muta; ſic ipſa manus ſcriptoris multò uehementiùs impri-  
mit in animo ideam elementi ſeu potiùs rationem ipſius conformandi, quàm ipſum ſolū iam in charta abſolutum, & relictum elementum. *S.* Hæc ferè audiuiſus hodie: cras & deinceps reliqua expectemus. *A.* Non omittendum illud prætereà conſilium quod dabat: Vt orthographicos libellos Aldi Manutii, Pauli F. aliorumque uolueremus. *S.* Diu eſt cùm hoc factito.

## PROGYMNASMA XI.

Dimiſſio improuiſa.

*Gorgonius, Theobaldus, Eusebius.*

**G**ORGONIVS. De ſcholane? *T.* De ſchola.  
G. Proripuiſtis uos inde, an poteſtatem abeundi obtinuſtis? *T.* Neutrum. G. Quid igitur exeundi

tempus antecapitis? nec dum enim secundam audiui-  
 mus, & exiri solet ad quartam demum. *E.* Quin-  
 taces? non displicebit tibi simul rem intellexeris.  
 Bonum factum te in nos incidisse. *G.* Expedite bre-  
 ui. *E.* Præceptor nos dimisit lulum. *G.* Gerræ. Dies  
 Mercurii præstitutus est, ad quem exerceantur lu-  
 di, non dies Martis *T.* Siscitare ex aliis si lubet, & si  
 inueneris secus, mentitos dicito. *G.* Ain tandem ita  
 esse ut dicis? *T.* Quidni aiam? *G.* Quapropter di-  
 misit hodie? quid natum est noui? quid uiro in mē-  
 tem uenit? *E.* Duplex caussa. *G.* Cedò. *E.* Vna, quia  
 misit sanguinem è brachio dextro, quod uideba-  
 mus illum gestare in mitella bombycina & nigra.  
*T.* Altera, quia hodie dabit natalitia. *G.* Mulsa loqui  
 mini: iam assentior. Est enim utraque caussa per-  
 quàm uerisimilis; & in memoriam regredior aliàs  
 quoque nos ideò iussos redire domum, quia cum  
 amicis diem suum natalem acturus erat. *T.* Nobis  
 nec opinantibus hæc fortuna obtigit: siquidem ita  
 ingressi eramus gymnasium, tanquam ueteri more  
 exituri. *G.* probè. Nemo igitur hanc gratiam extor-  
 sit? *T.* Nemo, quod sciam; sponte sua benefecit no-  
 bis. *G.* Omnium quantum est qui uiuunt hominum,  
 optimus est homo. Verùm in isto concessu seu libe-  
 ralitate, sui magis quàm nostri rationem duxit: nā  
 hæc lux, qua ipse primùm lucem hanc aspexit, & ui-  
 tales auras hausit, omninò hilaris ei & sine ulla per-  
 turbatione molestiaq; sumenda est. *E.* Nos lulum  
 uadimus rectà. *G.* Siccine est sententia? *E.* Sic. *G.* Ce-  
 leriter reuertar, & adiungā me uobis tertiū. *T.* Vola  
 curriculò: hunc diem suauē & amœnū agitabimus.



LATINITATIS. 25  
PROGYMNASMA XII.

Serus in ludum aduentus.

*Magister, Discipulus.*

**M**AGISTER. Quousque hoc festiuissimum  
lepidissimumq. frustum discipuli ad me au-  
diendum, multo iam die, vltimum omnium ven-  
titabit?

*Tota mihi dormitur hyems, & pinguior illo*

*Tempore sum, quo me nil nisi somnus alit,*  
inquit apud Martialem glis. Eho, respice ad me  
somni mancipium. Videte-ut illi turgent oculi, ut  
soporis adhuc pleni sunt. Impexum est caput, illo-  
ta facies, non apparet in collo intima tunica, pen-  
det indecorè in sinistrum latus pallium. Quid est  
quod stata hora nunquam expergiscaris? ausculta-  
te, ut opplebit aures meas uaniloquentia. D. Cre-  
das mihi affirmanti, tam matutinus hic adessem,  
quàm istorum ullus, si quispiam domesticorum è  
somno me uellet excitare. M. Quid tu ais? non te  
tandem ad quintam capit dormiendi satietas? ut è  
lecto allubescat surgere, explicata relegere, ediscē-  
da ediscere, quò paratior scholam petas. D. Enim-  
uero non possum profectò ultro expergisci. M. Nul-  
lus ergo domi tuæ seruus, nulla est ancilla, quæ te  
stertentem excitet? D. Sunt famuli, sunt ancillæ:  
at enim ne ipsi quidem primo diluculo suos lectu-  
los deserunt, somno què; ut nos pueri, æquè pascun-  
tur. M. Vah, ista ratio ponderosa est. Parentes au-  
tem qui tandem hoc patiuntur? D. Nescio: con-  
pient. M. Assin sponsionem facere, ni tu ab illis  
exci-

excitere ? Sed illa ipsissima causa est : è strato, ubi concaluerit, inuitissimè te moues, nunc potissimum summa hyeme, ne congelacies. *D.* Ama me, illa uerissima causa est quam exposui, nec alia. *M.* Tu igitur (infandum) ex tanta discipulorum frequentia repertus es unicus, qui neque per te euigiles, neque per alium. Quàm timeo ne mihi uerba des. *D.* Non te circumuenio. *M.* Dedam alicui negotium, qui domi quærat num ita sit, ut tutè narraſti modò. Si mētutum deprehendero; neque fidem in posterum dictis tuis tribuam, & pro fallacia ista meritam tibi mercedem dabo. *D.* Fortassis non fatebuntur illi culpam suam. *M.* Imò fortassis fatebuntur culpam tuam, & dicent te ab ancilla clarè uocatum nihil consueſſe respondere; similiter ac si etiam tum arētè, & grauiter dormires. Quod si iteratò clamer & minetur, te aliquantulum erigere caput, & stridulo gutture quippiam murmurare, uelut porta in cardine, rursumque super puluinum illud demittere, ac placidè, ut antea, sopori indulgere : & hanc esse uigilantiam tuam. *D.* Quod libido eorum feret comminiscantur : ipsi tamen gallos canentes nihil morantur; non surgunt. *M.* Tu uerò ne post crebram quidem ancillarum uociferationem potes somnum excutere, ò pigerrime homuncio. Sed nunc intempestiuè de somnolentia tua differimus. Cognoscam de domesticis tuis. Si fueris uerax, rem tuā feceris meliusculā: sin erit, ut uanitatis in te culpa admiseris, tu ipse clamore tuo oēs Endymionas uigilantissimos præstabis. Aſſequeris puto, quorsum hæc spectet hæc cōminatio. *D.* Admodū, Præceptor,

## PROGYMNASMA XIII.

Silentium, &amp; attentio.

*Sigismundus, Cælestinus.*

**S**IGISMUNDVS. Dupliciter peccatur in Gymnasio quotidie, ab alijs hoc, ab alijs illo modo. C. Quæ sunt ista peccata? S. Confabulari, & Præceptori non attendere. C. Qui prius designant, utroque tenentur. S. Ita prorsus existimo. Verùm qui aliud agunt, alibi oculis curiosè diuagantur, pingūt animalia, equites, stultos, libellos ineptos legunt, chartas & scamna conscindunt, illi in posteriore genere culpam castigabilem committunt. C. Verè dictum sentio, & noui quorum ista est consuetudo. S. Tu ipse unus de illis es. C. Egone? S. Ita, næ. C. Falsò hoc in me uitiū confers. S. Mentiri non est meū. C. Attentissimè audio. S. Non semper. C. Si quando eorum quæ tu commemorasti, aliquid ago, pertransennam, & leui brachio id fit. S. Vt eleuat hic peccatum suum? C. Haud eleuo: ut loquor, ita res est. S. Quin est quando sermunculos seras cum proximis. C. Demiror tantum tibi esse otii à rebus tuis ut aliena cures. S. Tam sine pudore id facitis, ut nō possim non notare; uideret uel cæcus, audiret etiā surdus. C. Vicissim te captabo. S. Capta, non capies tamen. Sed extra iocum: desiste, si te amas, ab huiusmodi uirtutibus, & noli cū te ipsum priuare tantarum utilitatum fructu, tūm alios impedire. C. Quos alios impedio, cū tenuissimo sono loquar? S. Qui propiūs tibi assident ad utrumque latus, & à tergo. C. Apage cū superstitiosa ista religione tua.

S. Ami-

S. Amicè monenti uplens obsecunda; alioqui coactus, non mihi, sed Magistro flagris te operienti obsecundabis. C. Adeo infanda hæc tibi peccata uidentur? S. Magna procul dubiò suo in genere. Nam quid indignius, ac turpius in schola perpetrari possit, haud dispicio. C. Nisi aut ego mutus fiam, aut tu obsurdescas, difficile pax inter nos erit. S. Tu considera quorsum eas. Auceps quando concinnauit aream, offundit cibum; aues assuescunt, sæpe edunt: semel si sunt captæ, rem soluunt aucupi. C. Intelligo parabolam: opere maximo dabitur opera, ne fraudi sit hoc aucupium.

## PROGYMNASMA XIII.

Suggestio.

*Magister, Stephanus Discipulus.*

**M**AGISTER Sæpenuerò cum minis seu risissimis interdixi uobis pueri, ne suggereretis recitantibus: uos nihilominus, qui mos est uester, idem peccatum peccare non desinitis, & patientia meâ nimium abutimini. Iam postremum moneo, prædico, & antè denuntio, tibi præsertim capillare, tibi bone Stephane, quem obseruaui præter cæteros in ista noxa contrahenda diligentissimum. S. Non soleo tam frequenter. M. Non soles? nemo quisquam frequentius. Vide tibi caueas: nam acriter ulciscar te, si uel semel ampliùs suggerentem conspexero. S. Spero mitiora. M. Spera quæ uis, quod acciderit patienter feras. S. Oportet me gratum esse aduersus benè meritos. M.

Etiâ

Etiam tu taces? Illa merita tua merebuntur, quod dixi, præmium. Itaque nisi finem datis mutuò bene merendi, & imperium meum minuendi, faciam ego ut huius diei, locique, mei que in omnem uitam memineritis. Et ego quidem uerberando, uos uapulando defatigabimini. *S.* Crudele promissum. *M.* Nihil hoc genere puerorum perniciosius in schola: quia dum hinc inde, dextra leuaque, antrorsum retrorsum suggerunt, quæ recitantes oblitæ sunt, illos reddunt ignauissimos, & ipsi, ex spe sione similis beneficii, socordia socordiores fiunt. Quisque sui memor, ut poenam ne sentiat, puniendæ ne admittat.

PROGYMNASMA XV.

Absentes.

*Benedictus, Augustinus.*

**B**ENEDICTVS. Multorum dierum intervallo non te uidimus in gymnasio, Augustine, nec tamen fuit, quod miratus sum uehementer, cū Præceptor te requireret, aut mitteret, qui, ubi esses, & quid ageres inuestigaret. Cur abfuiſti? *A.* Malè me habebam: idque ut ne lateret Magistrum, curavi, quo bona cum eius uenia, & tutò abesse liceret. *B.* Meritisimò non apparuiſti; siquidem est, ut prædicas. Conualuisti? *A.* Nondum planè me confirmaui. *B.* Quamdiu ægrotasti? *A.* Quamdiu me in schola non conspexisti. *B.* Haud equidem recordor quantum temporis abierit. *A.* Dies complurculi, undeuiginti omninò. *B.* Quid erat morbi? *A.* Febricula.

bricula. *B.* Quo medicamento ei subuenisti? *A.* Inedia propè sola, qua maximos quosque morbos & grauissimos depelli solere, aiebat Magister, aucto res in medicina claros & nobiles asserere. Vacuus mihi uenter crepitare: ego flocci pendere. *B.* Facili negotio consequere, quæ interim præcepta nobis & explicata sunt. *A.* Sic mihi persuasi: & in eam rem, si non recusas, utar tuis suppetiis. *B.* Repetam tibi omnia, & rectissimis tuis atque optimis studiis non granatè obsequar. Quando te rediturum censes? *A.* Secundum natalia Domini. At tu quid garis? cur non es in ludo? *B.* Eram in itinere c. libris: ecce tibi, pompa procedit ferentium instrumenta pugillatus. Ego illos sequi in aulam curiæ: ibi ludicrum illud certamen certantes spectavi uoluntate mirifica. Nam ubi ~~uoluptate~~ <sup>maturitate</sup> maturuerit, eandem artem addiscere cogito: quandoquidem studiis liberalibus non est aliena. Noui per plures literatos, eosdemque pugiles non spernendos. *A.* Craftina luce qua satisfactione te purgabis? *B.* Intendenda erit aliqua fallacia, quæ me uirgarum periculo eximat: nox dabit consilium. Si mendacium dixero, sciens meo more fecero. *A.* Timeo ne aliorum cadat res, & tu propter hanc curiositatem spectandorum pugilum sine uibicibus à Magistro non dimittare. *B.* Euasi non semel, confictis causis absentia. *A.* Bestia quædam cum canibus bis, ter, quater elapsa fuerint, tandem capiuntur & pereunt. *B.* Oh, non adimet mihi uitam ista uerberatio. Gymnasium flagrorum me appelles licet, quibus meacutis induruit, ut si ad lumen pependisset. *A.* Tua



res agitur In quem exempla fient, qui que clamaue-  
rit, illi, puto, aliquid dolebit.

# PROGYMNASMA. XVI.

## Accusationes.

*Hieronymus, Felix, Magister, Alexius, Pantaleon, Ber-  
nardus, Euaristus, Cyprianus, David,  
Jonas, Gernasius.*

**I E R O N Y M U S.** Papæ, quid tu audacissi-  
me locum alienum occupas? *F.* Alienum? *H.*  
ita loquor, alienum. *F.* Tuumne? *H.* Meum inquam;  
*F.* Non est hic locus tuus. *H.* Cuius est? doce me. *F.*  
Meus. *H.* Age si quid agis. *F.* Quid ego agam? *H.*  
Restitue meum mihi locum, quem inuolasti. *F.* Si  
tuus sit, restituam. Aufer hinc iurgium si laps. *H.*  
Præceptor, iste mihi iniuriam intert. *M.* Quid illic  
clamoris exoritur? *H.* Felix, dum ego aliquanto  
post tempus uenio in scholam, impudenter usurpa-  
uit locum meum. *F.* Falsò me accusat: teneo locum  
meum. *M.* Quid tu ad hæc? *H.* Quia honoratior est  
locus, idcirco me absente, ausus est in alienam pos-  
sessionem irruere. *F.* Non irruì. *H.* Irruisti: restitue  
debitum. *F.* Nihil debeo. *M.* Dirimam litem. Me-  
ridianis horis parati instructique ad concertatio-  
nem eritis. Tum si tu Felicem, Hieronymum, disputan-  
do uiceris, infimo ipsum loco, propè portam collo-  
cabitur, ut sit ianitor, & humilietur qui se nouo e-  
xemplo exaltauerit. Sin ipse te superarit, retinebit  
hunc locum, quoniam te dignior omnium punctis  
censebitur qui hic sedeat, & iustè eum repetere non

poteris mea quidem sententia. *F.* Optima conditio. *H.* Non detrecto hanc pugnam. Commutabo tibi nomen hodie si uiuam, ut pro Felice infelix uocere. *F.* Minas tuas floccipendo. *M.* Quo sego post tergum meum confabulantes audio? *R.* Quisnam modò inter se confabulati sunt? *A.* Pantaleon & Bernardus. *M.* Linguati pueri, quare non silentio ediscitis, quæ mox recitetis? *P.* Non sumus confabulati. *M.* Estis, & diu fatis. *B.* Reuera non garriuius. *M.* Quid fuit igitur? *P.* Interrogabam nola Bernardum, quæ minùs intelligebam. *M.* Quare? *B.* In Catechismo. *A.* Hoc se facere simulabant illi quidem, uerè autem de suis quibusdam nugis sermonem miscebant. *P.* Te tam audacter asseuerare? *M.* Hein astutiam: faturne rem Alexius? *B.* Certè hic minimè. *A.* Conuincam uos argumento palàm: etenim sententias quasdam retineo de sermunculo uestro. *M.* Premit aduersarius. Fateamini quod res est, & condonabo culpam. Si pergitis inficiari; uirgas cernitis: iis non tam ob ruptum silentium, quàm ob mendacium, tangam uos usque ad necè. *B.* Fatemur: de prandio helterno, in quo simul accubuimus, colloquebamur. *M.* Canete, alioqui pessimè cœnantes dimittam. *E.* Est quod exponā, Præceptor. *M.* Expone. *E.* Heri Geruasius & Cyprianus se conuitiis alternatim consecretabantur, uicissimq; pugnis se onerabant egregiè. *M.* Vidistin? Vidi cū fortè fortuna in eos ambulantes incidissè. *M.* Quo tempore? *E.* Haud multò post, quàm solutæ sunt scholæ. *M.* Quo in loco? *E.* In publico, ante domum Cypriani. Mirabantur prætereuntes, & consitebāt.

Quin



Quin his auribus audiui qui dicerent; O pueros malè moratos. Vtinam aliquis indicium faciat Magistro, ut is ambobus pro dignitate stipendium soluat, *M.* Tantumne est? *E.* Tantum. *M.* Facinus improbum. Surgite & prodite in mdeium bellicosi homuli. Hancceine disciplinam aut à parentibus vestris, aut à me percepistis? hæccine uos flagitia designare? contumelias intorquere, & obserere pugnis sodales suos? *G.* Coegit me Cyprianus. *C.* Tu me coegisti. *M.* Vtrumque nequitia sua coegit, de hoc nulla est quæstio. Me tamen cogitis uobis pro isto conflictu mercedem liberalem, præsentem & probata pecunia tribuere. Expedito mihi nigram Euriste de uirgis melioribus, actutum. *E.* Curabitur. *M.* Quæ porro controuersia conflauit hoc duellum? *G.* Irridebat me suspenso naso Cyprianus, quod per caligas indusium dependebat, & risu penè emoriens, multis qui fortè circumstabant audientibus; En, inquit, iste tam auidè cibum uorauit, ut ipsas quoque mappas deglutiuerit. *M.* Magna uerò, & sine dubitatione intolerabilis iniuria. Cur ad sartorem subligaculum reficiendum non deportasti? *G.* Non aduerti esse lacerum. *M.* Non aduerti. Sat argumenti, te morum ciuilitatem non attigisse uel extremis digitis. Ad rusticanos cum isto Geruasio, qui cum urbanus sit, urbanū nihil habet. Iam, quas tibi contumelias imposuit? *C.* Nebulonem & proditorem me appellabat. *M.* Quibus tu Geruasium epithetis contrà cohonestasti? *G.* Bubulcum & asinum me nominabat. *M.* Hoc fuit tubis cecinisse, deinde extemplo secutum est prælium, uentum

ad manus, contudisti alterutrum: nonne? *G.* Factum. *C.* Ac nisi me in pedes dedissem, cerebrum mihi diminuisset; sic iracundia & furore exarserat. *M.* Ego ut munificus Imperator, istis duobus tam strenuis bellatoribus propter generosissimam uelitationem dabo congiarium. Et quia Geruasius ob causam leuiorem tantoperè non debuit exardescere, dabo illi maius. Te quoque docebo Cypriane, huiusmodi scurrilibus iocis, & intempestiua dicacitate abstinere de cetero. Ite & ad præmia capienda solutis ligulis uos comparate. *P.* Præceptor, Alexius pingit. *M.* Alexi quid facis? *A.* Nihil. *M.* Nihil? at iam faciam tibi aliquid. Exhibe chartam. *A.* Nihil est. *M.* Ostende sine mora. *A.* Quæso. *M.* Videam. O Alexi, ecquando in ludum pictoris iuisti? quam graphicè adumbras canes & ceruos? Suppone sinistram ferulæ: suppone, ecquid audis? *A.* Ah, ah. *M.* Discerpe chartam. Si rursus deprehendero pingentem, scis quid tibi depicturus sim? *A.* Scio. *D.* Præceptor, licetne pauca? *M.* Quid dicturus? *D.* Ionas non habet librum. *M.* Vbi est liber tuus? *I.* Amisi. *M.* Siccine rem tuam cultodis? Domine, an in schola, an in uia amisisti? *I.* Nescio. *M.* Quæsiuisti? *I.* Tanquam si aciculam quærerem. *M.* Nisi tu inueneris ante noctem, cras in te exemplū edetur, ut ne quis deinceps perdat libros suos.

## PROGYMNASMA XVII.

Petitio lusus.

*Philippus, Magister, Puerorum Turba.*

**P**HILIPPVS. Memoriter memini, Præceptor, dixisse te aliquando nobis, necessariam esse in rebus uicissitudinem, nec durare posse, quod alterna requie careat. *M.* Quid tum postea? quam ob causam tu id mihi nunc subiicis? *P.* Haud sanè inconsultò, ac temerè tuam usurpauì sententiam. *M.* Ergo cur usurpas? dic. *P.* Quoniam res quædam est, quam me à benignitate tua impetratam auferre uolo. *M.* Memora puer. *P.* Si molestè non es laturus. *M.* Nisi tu iniustum quid à me petas, indignè non feram, quidquid petiueris. Nam ut iusta ab iniustis petere insipientia est; sic iniusta à iustis impetrari non decet. *P.* Segrega abs te suspicionem hanc. Iustè ab iustis iustus sum orator datus, & aduenio omnibus lubentibus, ut quod in rem nostram communem sit, hoc à tua lenitate obtineam. *M.* Eloquere, quid est quod obtinere gestis? *P.* Paulùm est. *M.* Quin tu uno uerbo dic, quid est? *P.* Iam dies effluxere complures, ex quo libris semper affixi fuimus. *M.* Trabalibus clauis opinor. Subolet quorsum eufurus sis. Benè habent tibi principia. Pertexe telam, sed aptè, ut ne compellam te retexere. *P.* Et exercitationibus auditionum, scriptionũ, recitationum, concertationum penè exhausti sumus. *M.* Itane uerò? exhausti? O me importunum, ò crudelem. *P.* Nec unquam nobis uel ad momentum respirare, uiresq; fessas reparare datũ est. *M.* Vt res suas exag-

gerat? quodq; contritum est uetustate prouerbiū :  
 Ex musca elephantem. *P.* Quare uehementer etiā  
 atq; etiam te rogamus, Præceptor noster; pomeri-  
 dianis horis ad ludum remissionemque animi de-  
 scendere tuo concessu licitum sit. *M.* AEquissimum  
 postulas. Verū ego his conditionibus hanc pote-  
 statem largior: Vt absq; tumultu ludatis, nèue quis  
 alteri turbas ciere insistat. Vt ante quintam ad li-  
 bellos redeatis. Vt deinceps manibus pedibusque,  
 cum hasta, cum scuto, quod aiunt, ad uestra studia  
 incumbatis. *P.* Iustæ conditiones: accipimus; ut pro  
 tota schola respondeam. *M.* Cape sse cursum, condi-  
 scipulos affice tam bono nuntio. *M.* Grätias ma-  
 gnas, ingentes tibi agimus, humanissime atque  
 optime Præceptor. Heus heus pueri. *Pu.* Nunquid  
 nam apportas noui? non frustra frontem exporre-  
 xisti. *P.* Oneratum lætitia pectus apportō. Ego ue-  
 ster hodie orator & exorator fui apud Magistrum.  
*Pu.* In quo? *P.* In ludendi uenia. *Pu.* Voluptatem  
 magnam nuntias. Habemus ergo rem factam? *P.*  
 Factam. *Pu.* Benè factum, & uolup' est. Deus te be-  
 nè amet. Ludemus igitur? *P.* Nisi mauultis inhæ-  
 rere libris. *Pu.* Valeant libri. Ludamus socii, euge  
 ludamus. *P.* Silete, non permittit gratis ludere. *Pu.*  
 Qua mercede? *P.* Vt absque inconditis clamori-  
 bus, absque strepitu, crepitu, fremitu. sic enim inter-  
 pretor quod dicebat de tumultu & iurgio uitan-  
 dis. *Pu.* Fiet. *P.* Vt ante quintam ad libros nos re-  
 cipiamus. *Pu.* Fiet. *P.* Vt deinceps ueruis omnibus  
 discamus. *Pu.* Hic melius est respondere, fiat, quàm  
 fieri; optare, quàm promittere.

## PROGYMNASMA XIIX.

Idem argumentum.

*Philippus, Magister.*

**P**HILIPPVS. In memoria mihi est, commendaſſe te aliquoties nobis requietem & otium à continuatis ſtudioꝝ occupationibus, cùm, haud ſcio ex quo poeta, uerſiculum illum recitaꝝ; *Interpone tuis interdum gaudia curis.* *M.* Optimum eſt: uel ſemper inde fixa eſſent animo tuo alia permulta, quæ non ſemel de me audiuiſtis. *P.* Dedita opera ad te uenio. *M.* Quapropter uenis? *P.* Vt quidquam abſ te auferam. *M.* Vt aliquid auferas? hem: ergo furatum huc ueniſti quantum intelligo. Scinꝝ quomodo ſe tibi res habet? tu te auferaris faxo, cùm te in manifeſto facinore deprehenu, loris adeo benignè cooperuero, ut ueſtigium facere non poſſis. *P.* Ridicularia nihil moror: alio & interiore ſignificatu hoc uerbum cœpi; quod minus, opinor, aduertitiſti. *M.* Impetrabundus, ut ſic dicam, ingreſſus es. *P.* Facultatem ludendi ut abſ te impetrarem, idco huc aditum tuli. *M.* Morē antiquū atq; ingeniū hic adoleſcens obtinet: magis de ludo & ſomno, quam Alexander Macedo de orbe terrarum ſubigendo cogitat: Cùm dies ſtatu uenerit, tum ludes ad laſitudinem, contradicente nemine. *P.* Mi Præceptor, ſine nos luſitare ſecundum meridiem. *M.* Non ſino. *P.* Quare tam præciſè recuſas? *M.* Quod uos ſimiliter ſatis præciſè indiligentes & ignati eſtis. *P.* Immò certè diligentes. *M.* Quam iniquè comparatum eſt, ut nemo vnquam libenter

semetipsum fateatur malum: omnes sese amant. *P.* De reliquo senties nos quàm studiosissimos. *M.* Quod promittunt pueri, in vento, & rapida scribere oportet aqua. *P.* Obsecramus (nam ego totius scholæ personam recepi) ne te hodie inexorabilem præbeas. *M.* Res ergo de compacto geritur, quod sentiebam equidè à principio. Apage, actum agis. Tempus discèdi, tempus ludendi. *P.* Hodie sudum ad deambulandum per amœna camporum, & umbrosa vallium nos inuitat, qua commoditate hoc toto mense caruimus, quippè cùm in singulos penè dies pluuiam tolerauerimus. Opprimèda videtur quæ præter spem obuenit occasio, *M.* Non moriemini. Philippe, hac quidè de cussa, si lusionem differatis in perendinum. *P.* Sed si rursus cadant pluuiæ, & cogamur domi manere, tanquàm si dati simus in carcerem? *M.* Tum vos indignissimè vexatos prædicabunt etià ipsi lapides. Licet domi quoque sub tecto, & securiùs ludere. *P.* Licet sanè quidem; at foris sub dio longè iucundiùs, ubi certamus cursibus, in stadio, ut olympionicæ, & venationes instituimus, aliaque delectamenta, quæ præsens sæpe vidisti. *M.* O importunum flagitarorem: Sit potestas ambulandi foras, & ludendi. Dicite Hypodiscalo verbis meis, uti vos prosequatur, prospiciatque sedulò, ne quid postea querimoniarum ad me deferatur. *P.* **D E V S** det tibi, Præceptor integerrime, quidquid voles.



PROGYMNASMA XIX.

Ludus ex pacto concessus.

*Magister, Pueri. VII.*

**M**AGISTER. Nimis crebrò ludendi copiā flagitatis, perinde quæ facitis, ut si quæratibus cibum ante famem, potum ante sitim, requiem ante laborem; vultis enim remittere cogitationes, priusquam eas rursus intenderitis. Itaque vereor ne facilitas mea vestros corrumpat animos. *Pv. I.* Tantummodò duas horas largire nobis in gratiam D. Cassiani, quem ferunt Ludimagistrum exstitisse, & à discipulis pueris, librariis scalpellis, stylisque æneis immisericorditer vita & spiritu priuatum. *M.* Permittam equidem ludere, sed qua conditione? *Pv. II.* Qua tibi visum fuerit. *M.* Hac nempe, ut è vobis septem ludant ij, qui vel apophthegma, vel simile, vel sententiosum ex poeta versiculū, vel Ciceronis gnomicum aliquid, vel tria prouerbia, vel Aesopicam fabellam ex memoria protulerint. *Pv. I.* Ego si placet fabellam narrabo. *M.* Audio. *Pv. I.* Hædus fortè à grege derelictus, cum se lupus insequeretur, conuersus eum sic est affatus: O lupe, quandoquidem tibi escam me futurum scio, quo incundius moriar, quæso primum cane tibia, ut saltem. Lupus canere cœpit, & saltare hædus. Tum canes id audientes, lupum acerrimè institerunt persequi. Is sese ad hædum uertens: Meritò, inquit, hoc patior; oportebat enim me, cocus cum sim, tibi cinem non agere. Docet fabula, eos, qui negligunt ad quæ natura sunt idonei, & quæ alio-

rum sunt exercent, in incommoda sæpius incur-  
re. *M.* Dicat secunq̃us. *Pu. II.* Virgilius:

*Optima queque dies miseris mortalibus æui  
Prima fugit, subeunt morbi tristisq̃. senectus,  
Et labor, & dura rapit in clementia mortis.*

*Pu. III.* Cicero: Græue est homini pudeti petere ali-  
quid magnum ab eo, de quo se bene meritū putat,  
ne id quod petat, exigere magis quam rogare, & in  
mercedis potius quam in beneficii loco numerare  
uideatur. *M.* Elegans, & uerissima sententia, *Pu. IV.*  
Ignis non extinguitur igni. *M.* Explica. *Pu. IV.* Ma-  
lum malo non emendatur, iram non sedat iracun-  
dia, sed lenitas aduersos casus reddit leuiiores patiē-  
tia; iniuria superatur beneficio. *M.* Belle. Iam secun-  
dum profer, nam tria imperaui. *Pu. IV.* Annosa uul-  
pes haud capitur laqueis. In eos ualet p̃femia, qui  
ob lōginquam ætatem, multarumq̃ rerum usum  
callidiores sunt, quā ut arte dolisque decipi  
queant. *M.* Optimè. *Pu. IV.* Canis læuit in lapidem.  
In eos qui mali sui causam non ueris auctoribus  
adscribunt. *M.* Loquatur quintus. *Pu. V.* Nihil  
occurrit mihi. *M.* Nihilne? hem. *Pu. V.* Nihil pror-  
sus. *M.* Ne luseris. Sextus. *Pu. VI.* Ut grauiore  
pœna mulctandi censentur, qui uenenum non in  
unum aliquem craterem, sed in fontem iniiciunt,  
unde omnes bibunt, sic sceleratius peccant qui  
Principem, quā qui priuatorum ingenia per-  
uertunt. *M.* Præclare dictum. *Pu. VII.* Dioge-  
nes formosas mulieres quæ pudicitiam in propatu-  
lo habent, similes dicebat mulso lechalibus succis  
temperato; quod afferrent quidem iniriō uolupta-  
tem,



tem, sed quam perpetuus dolor consequeretur. *M.* Sensibus hæc imis, res est non parua, reponite. Fugite fornicationem, & templa Dei ne facite membra meretricis. Ergo omnes, dempto illo uno, qui planè fuit *δούμβολος*, ad ludendum properate: ueruntamen, ut postulastis, non ultra horas unam & alteram. *PM. I.* Prægaudio ubi sim nescio.

## PROGYMNASMA XX.

Nox transacta.

*Gabriel, Laurentius, Nazarius.*

**G**ABRIEL. Saluere iubeo sodales meos, te Laurenti, & te Nazari. *L.* Nos te uicissim. Ut uales? ualuisse? nam te per dies hosce quatuor nunquam oculis usurpauimus. *G.* Paulo deteritis, quàm heri, & nudius tertius, quartus, quintus. *N.* Quamobrem? *G.* Propterea quod ista nocte haud placatè dormiui. *L.* Malè narras. Aliquo fragore nimirum iterum iterumq; expergefactus. *G.* Fragor quidem nullus me perturbauit: sed. *N.* Sed quid? *G.* Somnia me malè multarunt. *N.* Quæ somnia? *G.* Terriculamentorum plenissima. *L.*

*Somnia fallaci ludunt temeraria nocte,*

*Et pauidas mentes falsa timere iubent.*

*G.* Non eò dico, quia nunc metuum: sanè quidem nouo metu fractus omninò ac debilitatus cohorruui, steteruntque comæ, & uox faucibus hæsit. Videbar enim (oblitus sum perpetrati piaculi) ad sellia iudicū seuerissimorū raptari à licitoribus, inde cōdemnatus ad mortē duci. Iā carnifex rōphrā  
di-

diffringebat, ut caput meum à ceruicibus ampu-  
 taret. Amabo, quid uos animi in illo omniū gra-  
 uissimo præsentissimoque periculo haberetis? *L.*  
 Ingenuè dicam quod sentio. Ego qui uel muscas  
 præter uolantes horreo, ante mortem ipsam more-  
 rer. *N.* Abeant somnia in malum cruciatum; nos uo-  
 ta Deo faciamus, ut mala per somnium duntaxat,  
 & bona quæque uig. lātibus nobis eueniāt. *G.* Quid  
 uerò? uos hac nocte quieuitis ex sententia? *N.* Ab  
 octaua uespertina ad septimam matutinam iucun-  
 dissimè; & toto proflabam pectore somnum. *L.* O  
 factū pulchrè. Maeste noua uirtute puer, sic itur ad  
 astra. Ego ad intempellam noctem legi, donec me  
 lucerna deseruit. *N.* Tu alter Demosthenes eris.  
 Prò discendi ardorem insolitum. *L.* Tibi insoli-  
 tum & gregalibus tuis, qui libidinem in somno ha-  
 betis. *N.* Parcius ista uiris tamē obijcienda memen-  
 to. Laurenti, nos, ut noris, quieti noctē, labori diem  
 impendimus, ad naturæ præscriptum scilicet, cui  
 repugnare, est more gigantum cum Diis bellum  
 gerere, ait apud Ciceronem Cato. *L.* Apage cum  
 illac propugnatione ignauia tuæ. Nam hoc, crede  
 mihi, nunquam obtinebis, ut te somniculosum, &  
 laboris fugitantem ne iudicem. *N.* Quod lubet.  
 Ideòne aut ero qui non sum, aut non ero qui sum?  
*G.* Qui deinde, mi Laurenti, somnum inire potes,  
 cum ita peruigiles? *L.* Cæna terrestris est mihi, quo  
 circa inter me & somnum bellè conuenit. *G.* Malim  
 equidem tuas uigilias, quàm huius ronchos. *N.* Ec-  
 ce autem secundum aduersarium. Noli tu quoque  
 Gabriel me ludos facere, cum hoc Laurentius af-  
 fatim

fatim præstiterit, & in isto officio te anteverterit. Quod nisi desistitis, Magister mox aderit, quo discipulatore bellum utriusque indicam. Ibi cognoscetur, quantum uestris peruigilationibus consecuti sitis. G. Caueto ne istos tibi spiritus comprimamus. N. Vestras, ego linguas ita occludam, ut de somno meo ne mussare quidem audeatis. L. Eris mihi magnus Apollo. G. Res ipsa iam clamabit. Auditione aduenientem quempiam? Præceptor est, uerè est, ipse est,

## PROGYMNASMA XXI.

Virgæ.

*Valentinus, Simon.*

**V**ALENTINVS. Tunc ignoras Simon, Magistrum hesterno die pomeridianis explanationibus finitis, pueros aliquot uirgatum misisse in suburbanum nemus? S. Pro dolor, qualem historiam, quam terribilem auditu? Quis retulit? V. Ipsemet unus fui de illo ternario. S. Multasne confecistis? V. Multas, crassas, longas. S. Vix, uix, V. Haud libenter, credas uelim, in eam rem locavi operam. Sed quid agas? accersit, accurrendum; præcipit faciendum; uetat, intermittendum est. Nisi extemplo pareas, primò dum acris increpatio, increpatione acriores plagæ comitantur. Ego uerò præoptarim quamuis multas ex arboribus defringere & colligare uirgas, quam uirgarum causa uirgis lacerari. S. Non improbo quod mandati parueris, cum ipsemet non aliter facturus fuerim. Recentibus & flexibilibus uirgis, atque ut rure confirmas, tam crassis peius metuo, quam arboribus factis,

factis, gracilibus, usuque ipso detritis. Huiuscemodi tres quatuorue elapsa hebdomade, cum primus scholam introgressus, nullum præter me conspicer, confregi, fractas in hortum de fenestra abieci. *V.* Nulla te religione tactum, tam periculosum audere facinus? *S.* Haud te præterit, non fieri sine periculo magnum tam memorabile facinus. Nō multum intercessit temporis, cum Magister ira inflammatus, auctore & cōciosnoxæ inuestigauit. Negantibus reliquis, ego quoque negare liquidò, & fingere alia omnia. *V.* Cūr non es confessus ueritatem? *S.* Rogitas? quia mercedem nimis grandem huic confessioni destinatā, summum scilicet in cruciatum me uenturum esse intelligebē. *V.* Ne chorda oberres eadem: nam in tales (nec ipsorum immerito) sauire mos est præceptoribus, uidetur quippè osores, & inimici iustitiæ. *S.* Volebam gratificari meo corpori, vobisq; singulis. *V.* At nullus exstitisset, qui si ob commissā verberibus accipiendus fuisses, ipse suū corpus pro te supposuisset. *S.* Rectē. Omnes sibi melius esse malunt, quā alteri. *V.* Cæterū nō est quod timeas; prius exarescent omnes uirgæ, quā tu cadare: eo tolerabiliore erunt. *S.* Ecquis præstare potest, se uel unum diem fore tutum? frequenter una interrogatiuncula, cui respondere nequeas, in extremum te periculum adducat. *V.* Quam uellem reperiretur aliqua uia euadendi istas percussiones, seu carnificinam potius. *S.* Alia nulla est, nisi ut discamus quā diligentissimè, quò ab istis plagis, & eiulantibus scholis ad felices illas, tranquillās, & quasi beatorum insulas transferamur.

*V.* Hoc

V. Hoc intra triennium non erit. S. Eheu. V. Deterrimo loco sumus. S. Attamen eo quo fuerunt quondam, qui nunc sunt Iurecons. Philosophi, Oratores, quo fuit ipse Præceptor; siquidem in pueris fuerunt omnes. Adhæc non est nobis dedecori multari virgis à doctoribus in gymnasio. Populo inspectante per vias oppidorum cedi atrociter à carnificibus, ob edita scelera, hoc est in turpissimum sempiternumque dedecus incurrere. Quòd si uocifereris elatissimè, minùs sentiuntur ictus. V. Tantò ferit ille ualidiùs, quantò tu clamas horribiliùs. S. Ob clamoris magnitudinem cessare interdum cogitur. V. O uafritiem. Caue ne os tibi obturet, aut lignum transuersum inferat. S. Hæc esset tyrannorum clementia. Preces & obtestationes item non mediocri emolumento sunt illo tempore. V. Assentior, & nunc redeo in memoriam, te non ita multos ante dies ideò percussum leuiter, paucisque ictibus, quòd te statim moriturum clamares, & per sacra omnia, perq; extremi iudicii diem, ut temperaret obsecrares. S. Vnde vnde auxilium, Valentine, in tam horrendo discrimine accersendum est. Egomet mihi, sibi quisque est charus.

## PROGYMNASMA XXII.

Colloquium in schola.

*Georgius, Thomas.*

GEORGIVS. Oho Thoma iam ulciscar me. Frequèter abs te accusatus, paria reponā.

T. Ali-

*T.* Aliquoties accusaui te, non eo inficias: sepius, nego. *G.* Quare autē vel aliquoties? *T.* Quòd commueras, & mihi quoq; non plus est parsum ab alijs. *G.* Nunquam te læsi. *T.* Immò reum me fecisti. *G.* Reuera nnnquam. *T.* Quid est porrò quod me cogitas accusare? quid culpæ contraxi? *G.* Scamnum cultello scriptorio conscindis, quod prohibuit Præceptor & tuum nomen incidis, quod grauius prohibuit, eaq; de re virgis alios accepit. *T.* Oro te, tace: cera cōplebo sulcos illos, aut radam lignum, ne appareant literæ. *G.* Vah consiliū callidum. Quid dabis in loco mercedis? *T.* Summissè ne audiat Magister. Pulcherrimum de globulis meis. *G.* An tulisti tecum? *T.* Non omnes. *G.* Quot habes? *T.* Septem. *G.* Monstra, si placet. *T.* En. *G.* Sunt elegantes. Facisne mihi copiam eligendi quem præcipuè probauero? *T.* Facio. *G.* Hunc eligo. *T.* Istum eligeres; meo enim iudicio relinquit alterū præstantia. *G.* Non tā aptus est ad manum meam propter magnitudinē. *T.* Ergo istum, paulò minorem. *G.* Sine tentem. Nimum paruus est. *T.* Retinebis igitur, quem primū omnium sumpleras. *G.* Ita faciam. Quā venustē nigro alboque distinctus, venulas quasdam ostentat? Emistine, an lucro acquisisti? *T.* Lucro. *G.* A quo? *T.* A Leonardo uestri vicini filio, qui cum persæpe ludo. *G.* Si tam scitē factis abundat globulis, prouocabo illum ego similiter ad certamen. *T.* Vix aliquando vincitur: peritissimus enim huius scientiæ puer est. *G.* Et me lusorum non vltimum esse cognosceret. At at, comprimamus orationem: Præceptor de cathedra descendit, ne confabulantes inueniat,



njat, & ad pœnam vocet. Profectò haud multum  
abest à nobis infortunium.

## PROGYMNASMA XXIII.

Arma scholastica.

*Michael, Ambrosius.*

**M**ICHAEL. Scholam petentibus nobis in  
dies singulos, ac penè incolentibus, cum in-  
strumenta, vt alijs cuiusvis generis artificibus sua  
necessaria sint, illorumque appellationes quædam  
mihi exciderint, obsecro, quod sine molestia tua  
fiat, redige illas in memoriam meam, & velut sub  
vnum aspectum subijce vniuersa. *A.* Forsitan non  
subibunt animo omnia; quanquam adeo multa nō  
sunt. Verum si quid nesciero, ait Plautinus Sosia, id  
nescium tradam tibi. *M.* Non vertam uitio, aut nō  
recordari, aut nescire te, quod ipsemet uel nesciā,  
uel non meminerim in præsentia. *A.* Interroges li-  
cet, quò cōmodiùs accipias quæ cupis. *M.* Sic agā,  
& ad duo capita, quo distinctiùs res agatur, argumē-  
tum totum reuocabo. *A.* Ad quæ? *M.* Scholastici  
aut legunt aut scribūt: quocirca duorum generum  
instrumentis indigent; unis quæ ad lectionem ipsis  
inseruiant; alteris quæ ad scriptionem. Videorne  
opportunè distribuisse? *A.* Et ualde quidem. *M.*  
Enumera iam quæ referūtur ad primum genus. *A.*  
Liber, libellus; quò spectāt, pagina, pagella, margo  
seu ora libri, inuolucrum seu operculum, quo ue-  
stiuntur libri, ut ab iniuria uetustatis & puluerum  
conseruentur. Huc filum, acum, ceram, quorū apud

nos

nos non infrequens est usus, ut nosti, referre potes. Eodē pertinet pluteus. *M.* Quid est pluteus? *A.* Pluteorum alius dicitur armariū, siue repositorium librorum, qui etiam in forulis reponuntur. Alius est tabula seu scrinium. quod sibi scribētes subiiciunt; barbari pulpitem nominant. *M.* Habeo ista, procede ad cetera. *A.* Restant nomina secūdi ordinis. *M.* Quænam illa? *A.* Charta siue papyrus. Iam chartarum alia uocatur augusta, tenuis nempe & candida, ad epistolas accommodata; appellata sic est ab Augusto. Alia bibula, quæ transmittit literas: alia Claudiana, regia, imperialis, amplo folio & crassa: alia emporetica siue emporetica mercibus inuoluēdis idonea, unde cuculli fiunt: alia charta uirgo, ex qua nullū est descriptum exemplar: alia pura, in qua nihil est literarū: alia pergamena, quoniā apud Pergamum Asiæ urbē inuenta sit; et membrana dicitur Hæc de chartarū generibus. Atramentū scriptoriū siue librarium. *M.* Cur addidisti scriptoriū siue librarium? *A.* Quod aliud est atramentū fuligineum, quo utuntur typographi, aliud sutorium: quanquam consuetudo, quæ est uerborum domina, nihil solet adiciere. Atramētarium: calamus absolute, seu calamus scriptorius. Cultellum graphiarium seu scalpellum, scalprium librarium uocat in Vitellio Suetonius, ut docti annotarunt. Theca calamaria seu graphiaria: theca siue pixis pulueraria, siue arenaria. *M.* An non putas alijs quibusdam armis nos indigere? *A.* Immo: sed præcipua recensui. Sunt ergo insuper forfices, clepsydra, regula, circinus æneus, & nonnunquam, præsertim in ætate,



estate, cum Sirius ardor fundit agros, & uersiculi componuntur, moderatus uini haustus. *M.* Optatissimum uerò instrumentum: nominasses hoc primo loco. *A.* Nam quia carmina lætum sunt opus, ut cecinit Ouidius, uinum exhilarat animum. Et sæpe audisti illud Ecclesiastici: *Vinum lætificat cor hominis.* *M.* Probabilius dixisses, pecunia quoque opus esse scholasticis, idq; non interdum, sed continenter; qua suppeditante, multò hilarior fit mens, quàm uini potu, & pecunia uinum emi potest, uino pecunia non emitur. Nunc ob hoc in me collatum beneficium gratias tibi ago: erit, Deo fauente, aliquando etiam referendi facultas.

## PROGYMNASMA XXIV.

### Inuitatio Magistri.

#### *Discipulus, Magister.*

**D**ISCIPVLVS. Pater mihi, p Imperio dixit, amantissimè doctor, ut simul ac docendi finis esset factus, & dimissus auditorum cœtus, nec latum pedem abs te discederem, nisi mecum ires domum nostram ad prandium. *M.* Præter opinionem ista uocatio, penitusque insperata accidit. Egone ad prandium? Renuntia salutem à me patri tuo: tum isti eius humanitati uerbis meis gratias age, & narra; Præceptorem tuum de ueteribus amicis in hunc ipsum diem expectare quendam inuitatum ad prædium; timereque, ne ille postea in se illusum arbitretur, si innitorem suum non inuenerit. *D.* Legitimam excusationem tuam haud contemne

**D** pater,

patēr, vt reor. Veruntamen vt vnā esse uelis hodie in cœna, te impensē, mi Præceptor, rogamus. *M.* Alienum est moribus meis cœnare foris, nisi quā rarissimē, & si quis precibus me fortē expugnauerit. *D.* Qua de causa? *M.* Rogas? Quoniam cū non plus ferē quā acetarium cū minutis pisciculis, aut cū frustulo agninæ cœnitare soleam, per metuo ne conuiuiis hilarioribus ob istam, ut appareret, Xenocrateam uictus moderātionem aliquid molestiarum aspergam. *D.* Vt ita sit, & te sine arte mensa delectet, tamen (quod ex ore tuo audiui centies) sermo festiuis, qui in cōuiuiis adhibetur, etiā quidā cibus est, quo uelut cōdimento epularis illa amicorum accubatio commendatur. Proinde si comedere de patinis omnibus minus libuerit; at patrem & qui unā discubuerint tuorum leporum suauitatibus, illisq̃ rerum gestarum, quibus multum dedisti studium, utilisimis iuxta atque desideratissimis commemorationibus recreare etiam atq; etiam poteris. *M.* Gaudetne parens tuus rerum antiquarum noticia? *D.* Vt qui maximē. Quidquid ipsi uacui, ac liberi temporis conceditur, perire nō finit, historijs legēdis consumit. *M.* Plurēsne affuturi sunt in cœna? *D.* Præter patrum, auumq̃ maternum, qui crebrius adsunt, nemo mortalium aderit. *M.* Qui utrumuis norit, ambos nouerit: uiri sunt honesti & graues. Referes ergo patri, me hominem esse non multi cibi, sumptuosisque cœnis non amicissimum: atque ad eum, quando ita uult, colloquendi potius, quā edendi causa sub uesperam esse uenturum. *D.* Quacunq̃ gratia ad domici-

-micilium nostrum accefferis, tuo aduentu omnibus  
-nobis magnam es lætitiā oblaturus.

PROGYMNASMA XXV.

Ludi magister defensus.

*Kilianus, Ioachimus.*

**K**ILIANVS. Etiamnum, Ioachime, corium  
doleo, ita me blandis modis permulsit Magi-  
ster. *I.* Mihi uerò uola toties impacta ferula adhuc  
feruet. *K.* Quātum datur perspicere, morosus est ho-  
mo iste, & infestus tardioris ingenij pueris. *I.* Non,  
sed tardioris diligentia pueris. Et certum scio,  
sanctęque adiurare possum, suapte natura ad man-  
suetudinem esse propensissimum, ac personam tē-  
tricam vultuosamque induere, nosse vicissimq; de-  
ponere cū vsus uenerit. *K.* Sæpissimè cholera in-  
censum, ac frementem notauī. *I.* Quia nimirum sæ-  
pissimè exstiterunt, qui ipsi bilem cierent: parcè ac  
molliter ceteroqui irascitur. *K.* Qualis qualis sit, uti  
nam meus Præceptor nō sit. *I.* Garris. Cur istuc præ-  
caris tibi? *K.* Quia præstat uerbis, quam verberibus  
puniri. *I.* Præstat: atqui vtrumque usurpandum est,  
cum alterutro nihil efficitur. *K.* Quo tandē modo,  
Ioachime? *I.* Est apud quē uerbis; est apud quē pla-  
gis uti: est quē acrius obiurgatum nihilominus uiri-  
gis pulsate necesse sit. *K.* In illis primis profiteor no-  
men meū. *I.* Existimo totam rem doctoris iudicio  
reseruandam esse: qua scilicet ratione nos erudiat,  
& merentibus pœnam irroget. In sua causa nemo  
incompactus arbiter. *K.* Vereor ne aliquā ad

familiam hoc permanet, me percussum in gymnasio, & ita insuper irridear, ut malum malo gemine-  
tur. *I.* Quod tu times, propulsabo facile. Nullus  
mortalium hoc indicatū ibit, nisi fortè insaniat. *K.*  
Valde abhorret à me uolūtas hominis; acerbè odit  
me inquā Præceptor: nunquā tamen sciens cōme-  
rui, ut illum meritò caperet odium mei. *I.* Quo ar-  
gumento id affirmas? *K.* Toties ingerit uerbera. *I.*  
*Q.* Chrysippeum acumen: perinde quasi non etiam  
parentes filios dicto minùs audientes pulsent fre-  
quentissimè, quos nihilominùs amant, charosq; ha-  
bent. Nunquā pater pugnos tergo incusfit? *K.*  
Etiam in capillos inuolauit frequens, meumque ca-  
put impleuit fustibus. Postulas ergo, ut cū pœnas  
de me sumit, ego hoc signum amoris interpreter? *I.*  
Certè. *K.* Si Suadæ medulla sis, non persuadebis. *I.*  
At saltē signum sollicitudinis. Nam si neque ama-  
ret, neque nostri cura tangeretur, haud aliquan-  
do interrogaret nos, haud unquam errantes corri-  
geret. *K.* Tu quantus quantus nihil nisi sapientia es.  
Age iam credo non sine causa ipsum uirgas tam  
crebro in meam pellem expedire. De cetero stu-  
debo, ne tanto in me amoris occasionem sœuiedī of-  
feram. *I.* Si plusculum sedulitatis in discendo susce-  
peris, tute tibi consules. *K.* Vel ad mortem di-  
scam, dum istis execrabilibus uirgis corpus meum  
eripiam. *I.* Fac sis uerba ad rem conferas, ne au-  
dias; Promissis diues, &c.

AT LATINITATIS I 53  
 PROGYMNASMA XXVI

Dies remissionis.

*Polycarpus, Ignatius.*

**P**OLYCARPVS. O dies Mercurialis, quam  
 optatus & charus illuxisti, ut alias in hebdoma-  
 das singulas. Celebritatis, uenustatisq; plenus es. I.  
 Pernoui cogitationes tuas. Quia lusus es, idcirco  
 tam amicè salutas præsentē diem. P. Vellē alternis  
 reuerterere; nam continens biduum natuscabun-  
 dus tractoq; literas. I. Votum asinorum; qui, si loque-  
 rentur, optare se dicerent cum Polycarpo meo, ut  
 alternis tantum dorsa onerati incederent. P. Non  
 ego hoc solus, Ignati; complures mecum deside-  
 rant. I. Nempè sic est profectò ut dicam tibi: multi  
 tecum magis amant catellos suos, quàm studia bo-  
 narum artium, creduntque sibi dormientibus om-  
 nia confecturum Deum. P. Dum latinè loqui sciam  
 modò, Aristotelem & Euclidem tibi & aliis relin-  
 quam. I. At tu ne latinè quidem aliquando disces, si  
 audiendi, legendi, loquendi, scribendi quandam  
 perseverantiam non adhibeas. P. Quorsus hæc,  
 tetrica, & incunditatis omnis expertia, ut Catones  
 aliqui fabulamur? Hodie insigniter ludendum esse  
 aio, instaurandasque vires, quas labor tam longus  
 defatigauit. I. Nec Ignatius ludum quietemque ne-  
 cessariam recusauerit: quin paratus sum hac ipsa ho-  
 ra tibi colludere; nulla tibi hoc quidem in negotio  
 à me difficultas erit. Remissiones crebras & extra-  
 ordinarias odi; siquidem honestis moribus ac stu-  
 diis liberalibus detrimentosa sunt. P. Tu fac, & sēti-

quod collibuerit; mihi indulgentia uacationem nihil potest contingere gratius. Magistri uiderint quid, quibus, quando indulgeant: nostrarum partium esse statuo., quod conceditur non inuitos accipere, quotiescunque conceditur. *I.* Olim cognosces te nimium lulisse. *P.* Et tu perspicies olim, te nimium studuisse; quando inquam oculis caligabunt, ventriculus cibum malè concoquet, corpus totum pallor & macies obsidebunt. Nimia omnia nimum exhibent negotiū hominibus. *I.* O falsidicū vatem. Haud ita me intemperanter ingurgito literis, ut istas prædictiones formidare oporteat. Audi, uti etiam eruditos plurimos ad decrepitam ætatem ætuum extendisse, cum assiduè in libris literisq; essent uolutati. *P.* Desine philosophari: hæc lux hilariter consumenda est. *I.* Qua tandem ratione cōsumenda? *P.* Visne in prata uirentia cōcedamus, ibique pila experiamur palmaria? *I.* Volo sanè: utile & iucundum est hoc ludendi genus. Ascende è uestigio in conclaue, & defer amborum pallia cum pila. *P.* Vbi est pila? *I.* In pluteo, aut certè in capsâ ductili sub mensa. *P.* Eò ut afferam. *I.* Actutum redi, hic te expectauero. *P.* Illic sum, atque hic sum.

## PROGYMNASMA XXVII.

Emendatio scriptionis.

*Discipulus, Magister.*

**D**ISCIPVLVS. Perbreuē epistolam, Præceptor, ad parentem conscripsi; eam si tibi est otium, corrigere quæso ne abnueris. *M.* Quod est



est argumentum? Qua de re scribis? *D.* Explico rationem ualetudinis meæ: hinc argentum partim ad nomina dissoluenda, partim ad libros comendandos peto. *M.* Lege initium. *D.* *Andreas Prætorius Nicolao Prætorio amantissimo parenti S. P. D. M.* Rectissimè: iam progredere. *D.* *Quanquam haud ita pridem literas ad te dedi, mi Pater.* *M.* Vox (quanquā) indicandi ne modo, æque ut Coniunctiuo iungitur? Nonne dicendum erat: quanquam dederim? *D.* Probè Indicatiuo iugatur. *M.* Profer idonei scriptoris testimonium, si recordare. *D.* Etiā plurium. *M.* Tullius ad Curionem: Quanquam me nomine negligentia suspectum tibi esse doleo. Et pro lege Manilia: Quanquam mihi semper frequens conspectus uester multò iucundissimus, hic autem locus ad agendum amplissimus, ad dicendum ornatissimus est uisus. *Virg.* 2. *Aeneid.* Quanquam animus meminisse horret. *Terent.* Eunuchus: Quanquam illam cupio abducere. *M.* Sic enitere semper, ut quod loqueris aut scribis, benè Latinum esse confidere possis. Quid sequitur? *D.* *Quibus te certiore reddidi.* *M.* Emenda, certiorē feci. *D.* Atqui ego sepius memini me legere, certiorē reddere, & doctos ita loquentes nō semel audiui. *M.* Si pro Latinis ea ducamus, quæ ubicunque legimus, & à quibusuis audimus, nihil habebit inquinatum Rōmana lingua, nihil parum proprium, nihil barbarum; omnia nitida, propria, & quasi ex hortulis Gratiarū delibata erunt. Videndū diligenter, quæ uerba quibus copulent Cicero, Sallustius, Liuius, Cæsar, Virgilius, Terentius, Plautus, & reliqui au-



ctores, qui latinitatis lautum copiosumq; patrimonium nobis reliquerunt: horum sermoni assuefacti qui erunt etiam nolentes non poterunt nisi latine & ornatè loqui. Quare ipsorum pulcherrima simulachra ceu pictoribus ante oculos nostros in omne tempus uersabuntur. Hoc primum. Deinde obseruandum studiosè, quid homines nostri, non tātum eruditi (non enim est satis) sed etiam culti illius, incorrupti, & uatiui sermonis periti, aut amplectantur aut aspernètur. Quare Paulus Manucius in explanatione epistolæ 4. ad Curionem, lib. 2. negat latine dici, certiorè reddere: cuius uiri tanta est apud me quidem auctoritas, ut ea sola ad credendū impellar. Lege cætera. *D. Quibus te certiorē feci de omnibus, quæ te scire uelle non dubitabam: tamen cū mihi præceperis.* *M.* Varia illud (præceperis.) *D.* Iusseris, in mandatis dederis, imperaueris, iniunxeris, imposueris. *M.* Perge. *D.* Cum mihi præceperis, ut quàm frequentissimas ad te literas darem. *M.* Duo peccata. Primum, quamuis præceperis, iusseris, & reliqua duo cum particula, ut, & Optatiuo, & Subiunctiuo non uitiosè coagmententur, tamen uoces, iniungere, imponere, nisi cum accusandi casu non significant quod tu sentis: dicendum quippè, iniungere aut imponere alicui munus, onus, necessitatē, prouinciā & similia. Itaque loquitur barbarè vulgus, cū ait: Philippus iniunxit mihi, ut se expectarē. Pater imposuit filio, ne noctu eat ambulatum. Alterū, cū supra dixisses, ad te literas darem, mutanda erat locutio, ut diceres; quàm frequentissimas, seu creberrimas ad te epistolas mitterem. Oportet enim te non

non solum purè, non sordide, uerumetiam copiose loqui; scriptaque tua uerborum uarietate, ac modis seu formis loquendi distinguere. Similitudo namque rædium legentibus generat, & sensus aurium est fastidiosissimus. *D. Et cum haberem certum tabellarium, omninò scribendum putauì. Quod ad ualitudinem meam attinet, quam tibi & suauissimæ matri magnæ sollicitudini esse non me clam est, ualeo rectè, & Christo Saluatori, M. Consilte. Offendit plerosq; omnes Ciceronianos ista uox, Saluator: pro ea utuntur Seruator. Verùm accuratissimus ille Manutius cômẽ. in lib. 2. Act. 2. in Verreni seu Verrinam quartam, docet non idem declarari hoc nomine, quod illo altero Christiani declarant, & Saluatoris uoce Græcum ὁ σωτὴρ exprimi. Eum leges cùm tempus uenerit. *D. Christo Saluatori grates ago, qui me uiuum ac sospitem hucusque clementissimè conseruauit. M. Commodè, suauiter, religiosè. D. De victu resitutuq. meo nihil est quod cogites, Pater, non egeo. Pecunià non suppeditat, qua libros studijs meis, in quæ mense Octobri me ingressurum spero, oratoria uidelicet, utiles ac necessarios parare queam. Adde, quòd ob eam causam as alienum conflui. Id etsi pauxillum est, nihilo minus eo quamprimum exire cupio: atque id te quoque uelle mihi persuasissimum est. Quapropter duodecim aureos in præsens te rogo Pater mi charissime. Quos si miseris (mittes autem) filium me habebis ex sententia. M. Mirificè latus sum ista industria, quam te in discendo adhibuisse claret. Fac ne abs te ipso desciscas. *D. Vale. M. Aliter. D. Valebis, cura ut ualeas, ualitudinem tuam cura diligenter, da operam ut ualeas.***

ualeas. *M.* Quo pacto adscripsisti locum & tempus?

*D.* *Augustæ Idib. Februarijs Anno M. D. LXXXVII.*

*M.* Ecquid legendo obseruasti, quemadmodum à nostratibus scriptoribus hoc idem uariè efferatur?

*D.* Maximè. Anno post Christum natum, Christi nati, anno à Deipara uirgine, a puerpera uirgine, à partu uirginis, à salute humana, hominù generi data, restituta, recuperata, salutis p Christū restitutæ.

*M.* Dignus es q lauderis laudib. & ad cuius exēplū ceteri omnes sese componere studio sibi habeant.

## PROGYMNASMA XXIIIX.

Diuerfarum scriptionum emendatio.

*Magister, Dalmatius, Gerardus, Rodolphus discipuli.*

**M**AGISTER. Quæ præterito die Lunæ super uarietate exercitationis in utraque oratione, soluta nimirum ac libera, & pedibus denincta siue ligata à me disputata fuerunt, ea si minùs uniuersa, at complura meminisse unumquemque uestrum existimo. Pedetentim ad singula genera aggrediemur, & modò in hoc, modò in illo exercitationem consuetudinemque capiemus, ut facultatem nobis quàm expeditissimam ad scribendum comparare possimus. Et quoniam triduum effluxit cum dictaui quibusdam, quem breuiter & planè explicarent, seu complecterentur apologum, alijs uersiculos aliquot de Ouidio; alijs Germanicam epistolam, quam in linguam Latinam transferrent, uolo nunc tandem experiri, & reipsa cognoscere, quì uestri conatus fuerint, quique datur sibi

sibi penſum faciliùs confecerint . De primo igitur ordine ad me accedat Dalmatius . Recita ſcriptionem tuam. *D. Olim cùm animalia loquerentur, ovis dixit domino ſuo : Miror quod nihil vnquam præbet nobis . M. Miror quòd, puto quòd , & ſimilia non eſſe barbaros ac ſordidos loquendi modos , ut plerique ex inſcientia linguæ Latinæ putant , prolatis è Cicerone, Varrone, Liuiio, Suetonio, Plauto, Catone testimoniis docuit Paulus Manutius, explanans epistolam 28. libro 7. Latiniùs fortasse dicitur cum infinito modo, aut participio: Miror nihil unquam nobis abs te præberi, puto hoc ita eſſe, credo te facturum . Tu, heus, qui extremus ſedes ſcamno tertio, & cum uicino conſabularis, attende, ac ſi quid tale peccaſti, corripue, antequam ad me a deas corrigendus. *D. Nihil vnquam nobis abs te præberi, compelli que miſeras è terra victum petere, herbas ſcilicet & gramina. M. Politiſtum hoc, uictum è terra petere, olet roſas . Terent. E flamma cibum petere te poſſe arbitror . D. Cùm tamen nos lanam tibi, caſeos & ouiculas ſuppeditemus. M. Scribe, agnos, pro ouiculis. Quæ eſt differentia, Petre, ecquid audis ? tibi dico, Perte, quod eſt diſcrimen inter iſta duo ? P. Ouicula, parua ovis, uno agnello agnus, recentior parrus ovis, uno agnelletto Vir, Depulſos à lacte domi quæ clauderet agnos. M. Aptè reſpondiſti. Procede ultra Dalmati. *D. Canibus autem, vnde horum fructuum nihil percipis, de menſa tua panem porrigis . Tum canis, qui aſtabat, & hac auribus acceperat . M. Venuſtum eſt hoc. Nota etiam illud Ciceronis, qui ex Odyſſea quosdam uerſiculos conuertens, quod***

in Græcò est ἡναντιόρην ὅπ' ἀκούεις, ad uerbum, ut  
 nostram uocem audias, sic extulit: Auribus ut no-  
 stros possis agnoscere cantus. *D.* Sic locutus fertur.  
 Non iniuria id fit, nam ego & domum, & dominum, &  
 vos etiam ipsas, uestrumque gregem custodio, ne vel in  
 sylua à grassatoribus furemini. *M.* Ne pecces, mi Dal-  
 mati. Furor, furaris, deponens est, & agendi, non pa-  
 tiendi notione effertur: uerum obrepfit hoc tibi  
 imprudenti. Fac ut sit, uel à grassatoribus insidiis  
 excipiamini: quomodo Virg. Eclog. 3.

Non ego te uidi Damonis pessime caprum

Excipere insidijs, multum latrante Lycisca?

*D.* Ne in sylua à grassatoribus insidijs excipiamini, vel à  
 raptoribus lupis auertamini. Quòd si uestri curam non ge-  
 rerem, præ metu mortis ad pascua exire nō auderetis. His  
 dictis oues postmodum æquo animo passæ sunt canes apud  
 herum potiores partes obtinere. *M.* Non uidetur con-  
 temnendus labor tuus, & auguror te magnorum  
 Oratorum in numerum aliquando uenturum. Le-  
 ge adhuc quod addere iussi ἐπιμύθιον, de usu scili-  
 cet fabellæ huius. *D.* Sic populum seu multitudinem, at-  
 que ignobile uulgus. *M.* Copia. *D.* Irasci non oportet, si  
 magistratus, & principes, à quibus regitur & custoditur,  
 in honoribus rerumque affluentia, impositis per domos  
 & oppida, uectigalibus uitam agere cernat, cùm Rectores  
 subiectis omnium commoditatum sint auctores. *M.* Ac-  
 quiesco in hac diligentia. Ades Gerarde cum pa-  
 raphrasi tua. *G.* Principium elegiæ. 2. lib. 1. Ouid.  
 Nasonis de Tristibus, παραφραστικῶς solutis uerbis  
 expressum. Dii maris & cœli, &c. O Dii, qui que cœ-  
 lo, qui que mari imperatis, uos simul omnes (quando aliud

quodagam, tanto in periculo salutis mea constitutus, prae-  
ter uota nihil relictum est mihi ) uos ego obtestor per  
numen maiestatemque uestram, ne finite quam conscen-  
di nauim terribili procella iam conuulsam ac fatiscen-  
tem dissolui, ac me, uectoresque omnes miserandum in  
modum hauriri fluctibus. M. Euge, dimidium facti, Ge-  
rarde. Quam grauitè? quam numerosè? quam  
latinè? G. Nolite, nolite Augusti Caesaris in me concita-  
tum furorem ista grauissimæ tempestatis indulgentia uno  
consensu approbare; cum etiam uos ipsi sæpe non omnes  
eosdem oppugnaueritis, sed alius aduersus alium alios tri-  
tatus sit. M. Quod hoc genus schematis Antonie  
A. Traductio. G. Vulcanus, & Pallas Troianis  
erant inimici atque infesti, Apollo contra & Vo-  
nus amicissimi. Aeneam persequabatur Iuno, pro  
quo Venus propugnabat. Quoties Ulysses Neptunus  
conatus est perdere? atque hunc sæpius patui insi-  
dijs liberatum Minerva conseruauit. Quanquam au-  
tem nos cum Aenea & Ulysses conferendi non si-  
mus, tamen cur aduersus Casarem ueluti quendam in  
terris Deum ab aliquo saltem minorum gentium Deo  
non defendamur? O me perditum, nihil precibus effi-  
cio. En ut mihi iteratis asperginibus caput totum per-  
maduit? Eheu, discerpunt uerba mea uenti, & quas fun-  
do preces, ad Deorum aures allabi non permittunt. Ita  
cum nauim iactitent pro sua libidine, & precationem  
meam dissipent, dupliciter me affligunt. M. Non uideo  
quid hic emendandum sit. G. Ah ah, nunc fluctibus  
instar molium ingentibus ad sydera extollimur: quis non  
exhorrescat? nunc discedente mari propè ad ipsos infe-  
ros descendimus: quis mente consistat? Quocumque ocu-  
los



*los conuerto, cælum vndiq; & vndiq; pontus. M. Quo-  
modo habet Ouidius? G. Nihil est nisi pontus, &  
æther. M. Fortassis ad illud Virgilianum, quod tu-  
de 3. Aeneidos mutuatus es, respexit Nalo. Appo-  
sitè sanè hoc hemistichium inferuisti. G. Et hic qui-  
dem vastis fluctibus, ille tonitribus & fragore horrendo  
presentem nobis mortem intentat. Medio autem venti  
fremitu horrifono terrificant animos: ipsum æquor cui pa-  
rendum sit nescit. M. Propemodum sine cortice na-  
re, & tuo succo uiuere iam poteris Gerarde. Attu-  
listi hac tua ornatissima paraphrasi tibi magnum  
fructum, mihi lætitiā, istis exemplum. Rodol-  
phe. R. Quid est, Præceptor? M. Quid est? aduola  
cum epistola, quam latinè de Germanico red-  
disti. R. Adium. M. Lege priùs Germanicam.*

Io ti haurei prima che hora, & più uolontieri à  
bocca dato raguaglio dello stato delle cose mie;  
ma non hauendo ciò per uergogna potuto fare,  
l'hò riserbato in scrittura; poscia che le lettere nò  
arrossiscono. Io fin da fanciullo mi innamorai  
dello studio delle lettere, & s'io non m'inganno,  
gli ho atteso con non poco frutto più di sett'anni.  
Hora mio padre (perche non è molto commodo  
de' beni di fortuna, & appresso di me ha molti al-  
tri figliuoli) considerando le graui spese, & trop-  
po maggiori di quello, che portino le sue facoltà,  
e' molto tempo, che anchora mi resta (forse più  
di quello che egli possa aspettare) ad acquistare  
questa dottrina perfettamète; ha determinato di  
leuarmi dalli studij, & pormi à qualche altro eser-  
citio più vile, di che ne sento un cordoglio estre-  
mo,



mo, che molto mi tormenta; come quello, che fin' hora non ho gustato diletto maggiore delli studij.

Il che così stando, & sapendo io quanto sii inchinato à fauorire tutti quelli, che di lettere si diletta-  
no, ho uoluto a te ricorrere, quãto posso pregãdo-  
ti, che per l'amicitia, & poter grande, che so che hai  
con esso mio padre, lo uogli da tal opinione rimo-  
nere. Spero che à sì honesta dimanda non darai ri-  
pulsà: ma come à un cortese, & nobil Mecenate si  
conuiene gratiosamente l'abbraccierai & fauori-  
rai, del qual fauore ne terrò io grata memoria, &  
attenderò che mi si presti l'occasione di ricom-  
pensarlo.

*M. Consideremus tuã interpretationem. R. Quo  
pacto seres mea habeant, libenter tibi iam pridem præ-  
sens exposuissẽ, sed quia præ pudore illud nequeo, propo-  
sui mihi id ipsum scriptis efficere, quoniam literæ non eru-  
bescunt. M. O ignorante, cur ita inhæres uerborum  
ordini? sententiam sententia, non uerbum uerbo  
oportet reddere, id munus est fidi interpretis, & uo-  
ces appendere lectori, non annumerare, ut inquit  
Cicero. Perge. R. A puero erga studia literarum valdè  
semper affectus fui, illisque supra septimum annum incu-  
bui, ni fallor, cum utilitate non spernenda. Quia verò pater  
meus, qui parum diues est, & præter me multos habet fi-  
lios, animaduertit non exiguos sumptus, omninoque maio-  
res, quam ipse tolerare possit, & plurimum temporis re-  
quiri ad doctrinam acquirendam, decreuit auocatum me  
aliteris ad opificium aliquod discendum mittere, quæ res  
cordi meo dolet quàm maximè, & magnoperè me excru-  
ciat,*

ciat, quem hactenus in rebus nihil æquè ac studia delectant.  
*M. Hui, tam citò expolitus? R. Quæ cum ita sint, & sciam te eorum, qui studia diligunt, non vulgarem esse fautorem, ad te confugio, te que in primis rogatum uolo, ut patrem à sententia detorqueas pro auctoritate qua apud illum uales magna, & amicitia. Spero planè, te hanc petitionem meam non reiecturum, sed pro eo ac tam humanum, & tam magnum Mæcenatè decet, admissurum. Hoc quibus porero officijs compensabo. Vale. M. Polsterior pars priorem bonitate superauit. Nostis me solere nonnunquam de iisdem argumētis, quæ uobis præscribo, epistolam contexere, eamque ad uos cumulatius instruendos, ne tantum scilicet uerba singula aut phrasas emendentur, sed totum filum orationis qualenam esse debeat uideatis, & ideas animo concipiatis; in tabula ista omnibus legendam, & cum suis conferendam describere, quod nunc quoque faciam. Non oberit tamē ante eam legi. Ascende suggestum Gerarde, & recita distinctissimè, articulatissimè, clarissimè: en chartam meam.*

*Exemplum Præceptoris.*

Quo minus coram tibi statū rerum mearum exponerem, pudor mihi quidam impedimento fuit, quod nunc absens faciā per literas audacius, quandoquidem epistola non solet erubescere. Iam inde ab adolescentulo ingenti Musarum amore perculsus, cum iisdem toto septennio rationem habui, profeci que non mediocriter. Cæterum pater meus, qui copiis familiaribus exiguis est, ac præter me complures suscepit liberos, cum sentiat  
 mihi

mihi ad eruditionem consequendam & sumptu opus esse maiore, quàm tenuitas eius patiatut, & tempore longinquiore, quàm ut expectare possit, deliberavit auulsum me à complexu literarum, sordido atque illiberali artificio alligare. Quæ res, quia in uita nullas delicias studiorum suauitatibus anteposui, summum mihi acerbissimumque dolorem inussit. Quapropter cùm te studia colentium nobilem esse patronum haud ignorem, tuum imploro auxilium, te oratum uolo, ut pro coniunctissima necessitudine, quæ tibi cum patre meo est, & pro auctoritate, qua apud ipsum potes plurimum, causam hanc meam recipias, hominem à suscepto consilio deducas. Spe firma sum, te huic petitioni meæ locum relicturum; te inquam, Mœcenatem humanissimum atque illustrissimum. Me uicissim gratum, beneficijque memorem cognoscēs. Vale.

## PROGYMNASMA XXIX.

### Leges.

*Diomedes, Philoponus, Magistri.*

**D**IOMEDES. Iubeo Philoponum necessarium & collegam meum saluere. P. Et ego te charissime Diomedes. D. Quò te agebas? P. Ad te rectà. D. Vide, & ego me capessebam ad te. Pro monstro est, quod uterque ad alterum abire statuerat. P. De nostra quam gerimus Rep. uolebā, & uolo commentari tecum, siquidem modò à scholis est otium: nisi est, ut aliter tua sit sententia. D. A tuo

E nihil

nihil quidquam discrepat consilium meum, idem mihi complacitum est, in commune consulamus. P. Ventum gaudeo, speroque, & opto nobis hanc cōmentationem faustam, felicem ac fortunatā fore. D. Erit οὐ γάρ. Tui discipuli ut ualent? P. Bellè omnes diuino beneficio. Suntne tui frequētes? suntne assidui in ludo? D. De frequentia tibi hoc responsum habeas; esse frequentissimos. De assiduitate hoc affirmo: uicissim absunt multi, ob causas tam cōmentitias & falsas, quàm ueras ac sinceras. Nā quid facias huic hominum generi? Abhorrent à schola pueri, & rationi uanitatē aspergunt: nec tamen, ubi rescui, impunitas à me peccantibus conceditur. P. Mei utrumq; facinus peræquè consciunt. D. Ut porrò discunt? P. Quidā satis studiosè, quod mihi uoluptati ac solatio est; quidā somniculosius: pauciores uerò Ephoros quàm Theopompos numero, & cogor equis asellos iungere. D. Facetè dictum. Intelligo te in gymnasio tuo Isocratem & Platonem factum pauciores uerò Theopompos quàm Ephoros. Non eos cohortaris? nō minas intentas? nō uerberibus insurgis? P. Horū nihil egrègiè præter cetera, & tamē omnia hæc mediocriter. D. Rectā instas uia: modus tenendus est in omnibus. Maior pars meorū est literarū cupidissima, meoq; imperio audiens: Deo sint gratiæ. P. Nondū me quidē tāta est amplexa fœlicitas; sed cōfido me quoq; beatū aliquando futurū, quamuis Ausonius neget Grammaticos fœlices unquam aut esse, aut fuisse. D. Sit fas iocari Poetis, quibus, ut pictoribus, quidlibet audendi semper fuit æqua potestas. P. Et

nunc id operam do, ut esse queam *foelix* quam primum. Cogitavi autem leges ipsis nonnullas ferre ad eruditionem comparandam pertinentes, quas partim in schola dum uersantur, partim domi obseruent, non hoc anno tantum, uerum quamdiu in disciplinis *etate* habere uoluerint. Ea in re quæso te etiam atque etiam consilio atq; opera me adiuues. *D.* A me omnia in te studia & officia expectes uelim: neque enim quisquam apud *Diomedem Philopono* plus ualere potest uel auctoritate uel uoluntate. Ac me ut hoc tantò præstem libentiùs, sumus amor in istas mansuetiores Musas, & in fidem nostram traditæ iuuentutis rationes, & istius nostre ciuitatis gloria exstimulant. *P.* Tenes iam quid uelim. Cum euolueris autem plurium de docendi ratione commentarios, non dubito quin præclara quædam istius generis in aduersaria tua congesse-  
*r.* *D.* Sæpe ac multum legi quos dixi libros, & Germanis nostris haud vulgarem laudem impertien-  
dam duco, qui ad amplificandâ, ornandâ & propa-  
ganda disciplinarum studia, istiusmodi uolumina conscripserunt. Inueni quas desideras leges, bonas, mirificeque frugiferas. *P.* Res igitur mihi iam in vado, & animo esse otioso licet. *D.* Licet uerò, mi Philopone. *P.* Si me tantum amas, quantum profecto amas, aut ubi eas legam indica; aut exscriptas abs te mihi describendas da; aut si memoriæ mandauisti recita. *D.* Hoc malo; recitabo, & nihilominus postea per amanuensem meum scriptas tibi transmittam. *P.* Tu ut placet, ego ad audiendum sum paratissimus.

*D. Sapientiam à numine assiduissimè efflagitanto : interim ita laboriosè discunto , ut si à sedibus æthereis nihil expectent .*

*Doctorem non secus quàm parentem colunto .*

*In ludum quo ad fieri poterit seriùs ne ingrediuntor : ante tempus si possint adsunto .*

*In gymnasio modestè confidento , idq; tantùm agunto & cogitanto , cuius causa locum petessunt .*

*Ne dormiunto , ne fabulantor , ne nugantor , ne contendunt , ne vlla ratione doctorem perturbanto .*

*Quotidianam Magistri auscultationem priuato studio anteponunto , ac nisi summa necessitate , ne semel absunto .*

*Verbis ac sermone . cùm Magistrum , tùm scriptores optimos qui explanantur effingere studento .*

*Si quid haud probè percepérint , aut si de quo dubita-uerint , Magistrum adeunto , interroganto , consulunto , pudorem rusticum exuunto .*

*Quæ retinere memoria cùm audiunt , nequiuerint , chartis mandanto .*

*Quæ commode calamo annotare non potuerint , cùm primùm domos repetierint , suis locis scribunto .*

*A schola digressi , non statim omnem rerum auditarum curam & cogitationem abijciunto : tempus aliquod ijs tacitè reuoluendis , aut cum alijs conferendis consumunto .*

*Nisi cùm liber inspiciendus , aut scribendum est , aures atque oculos in præceptorem dirigunto .*

*P. Mihi gaudeo , qui te ad istas adeò iustas leges mecum communicandas elicere potuerim . Nunc illas audire aueo , quæ magis domi vsum habere videantur .*

*D. Quod*



D. Quod hodierna luce disci potest, in crastinum ne differunto.

Neue eruditos se existimanto antequam sint, neue plus quàm sint.

P. Aureum præceptum, & in templo Delphico scribendum. Venit in mentem illius; Senecæ an Plinii? (neque enim satis recordor auctoris) Multi ad sapientiam peruenire potuissent, nisi se peruenisse credidissent. Sed nolo cursum istum impedire.

D. Tempore nihil pretiosius; proinde ne qua pars illius sine fructu effluat providento.

Diem in certas horas partiuntor, & quid quaque hora faciendum sit, certum ac definitum habento.

Antelucana opificum industria vinci se non patiuntor.

P. Demosthenis hoc est, cuius vigilæ cui non sunt auditæ?

D. Et illius dicti identidem recordantor: Aurora Musis amica.

Longioribus implicationibusq; studiis honestam ac liberalem recreationem intermiscento.

A mensa ad libros post intervallum redeunto, nocturno studio temperanto, valetudinem ne offendunto.

Præter labores à Magistro imperatos alios sibi imperanto.

Multa & multum scribunto, chartis & atramento neu parcunto.

Quos libros Ecclesia Catholica impietatis leuitatisq; damnauerit, aut Magister improbarit, eorum lectionem seu pestilentiam fugiunto: ista enim occidit corpus, at illianimos.



Harum Philopone legum memoria suppetebat. Si quas præterea requires, ante uesperā faxo optata consequare ex iis schedis, quas per seruum à manu ad te missurū promisi. *P.* Quibus uerbis tibi gratias agam non reperio. Fecit hic dies & congressio ista me non paulò doctiorem. *D.* Nunquid aliud à me uis in præsentia? *P.* Nihil sane, aliàs inter nos agemus, de quibus agendum censebimus. Vale, & infirmitatem istam ualetudinis intentiore studio nexare noli. *D.* Egomet sum proximus mihi, nō me discendo ad mortem dabo, ne frustrā sis.

## PROGYMNASMA XXX.

Ascensus.

*Vincentius, Timotheus.*  
**V**INCENTIVS. Iamne erumpere hoc licet mihi gaudiū? nunc pulchrè, nunc bene est Vincentio, circumfluo lætitiis profecto. Quis me uno uiuit hodie felicior? quis fortunatior? *T.* Quid est quòd sic gestis? quæ nam hæc noua insolitaque uoluptas? *V.* O Timothee, optima opportunitate aduenisti. Hic me amœnitate amœna amœnus oneravit dies, maximas opimitates opiperasque obtulit mihi; laudem, lucrum, ludum, iocū, festiuitatem, ferias. *T.* Qui tandem Vincenti? aut qualis est ista fortuna, qua te fortunatissimum hodie euasisse gloriaris? mihi enim consecutus quippiā uidere, quod & diu expetiueris, & semper admiratus sis. *V.* Rem acu. Publicum à Magistro, & iis qui statim definitis, quæ temporibus scholasticorum progressus tētant

(Exam.

(Examinatores vocamus) sedulitatis & doctrinæ auferre testimoniū, quæro, numerare num debeam in bonis? *T.* Ac summis quidem atque amplissimis. Quantum coniicio, gradum studiorum altiorē ascendisti. *V.* Ascendi verò, quod mihi, parentibus, familiæque nostræ felix faustumque eueniat. *T.* Gratulor tibi honorem istum ex animo, & tua causa ego quoque incedo lætitiis. Quotus eras? *V.* Non ausim dicere, ne tu arrogantius quàm veriùs id à me dici interpretere. *T.* Audacter enuntia, nam mihi suspicionem mendacii, aut ambitionis mouere non potes. *V.* Tertius fui. *T.* Quot tecum ascenderunt? *V.* Vnde quadraginta. *T.* Non leue argumentum eruditionis, inter tortam propè ad primam palmā accessisse. Quis uester signifer & coryphæus erat? *V.* Longinulus ille noster. *T.* Secundus? *V.* Frustrā nomen, quandoquidem non nosti. *T.* Præstās ingenium sortitus est ille adolescētulus. *V.* Præstantissimum. Stupore complebat præfectos examini, ita promptè & rectè respondebat ad quæsitā singula, afficiebaturque ab iisdē diuinis laudibus. Quoties me illius loco esse optabam? Quod si quid veritatis haberet, quam superioribus diebus Magister narrabat inuexisse Pythagoram μετεμύλασεν, illius pueri animā cū ingenio suo & probitate in meum corpus uellem immigrare. Ceterū anno uertente primas nulli cesserō. Et quoniam amat uictoriæ curam, non est mihi consilium pati per socordiam uires, tempus, & ingenium defluere; legendo, scriptitando, ediscēdo etiam aliquid noctis assumam. Aliquādo uidelicet multum ingeniosos à studiosis

superatos & vidimus & accepimus. Quid multa?  
enitar summa ope me prestare ceteris omnibus. *T.*  
At illud sectatoribus literarum apprimè cauèdum  
duco: ne quid nimis. *V.* Si periculum impendero  
sensero, moderabor cupiditati. *T.* Arbitror parètes  
tuos expectare huius felicitatis tuæ felicem nun-  
tium. *V.* Hinc domum rectà propero, à me primum  
faxo audiant, quod gestum est; mihi ipsi persoluant  
*ευαγγέλια*. *T.* Ex gratulationibus vix eminebis. *D.*  
Domesticos omnes mea gloria lætitiā ingentem  
agituros diuinat animus. Vale. *T.* Vale: sed quid  
ais? *V.* Quid vis? *T.* Nempe otium à literis est hodie.  
*V.* Fugit te ratio. Madidusne an ficcuses, qui istuc  
me interrogas? *T.* Tamen nihil obest.

## PROGYMNASMA XXXI.

Præmia.

*Paulus, Gregorius, Faustinus.*

**P**AULVS. Iubemuste saluare Gregori noster.  
*G.* Saluete suauissimi sodales mei, quid agitur?  
*F.* Mirabamur paulò antè ego & Paulus vbi nam  
delitesceres: etenim circumferentes oculos in om-  
nem partem, cernere te non poteramus eo in loco,  
quo loco, nisi me fallit opinio, nūquā fuisses quā-  
hodie libētius. *P.* Aliqua de improviso commotiun-  
cula te edibus exire, vt suspicor, prohibuit. *G.* Nulla  
Paule. *F.* Quid ergo, ama bo te, creauit hanc absen-  
tiam? *G.* Dum per tabulata in summis ædibus cur-  
ro incautius, clauī cuspidem è vetusto assere pro-  
minentem calcavi, id vulnus me ut claudum su-  
torem

torem residere domi solum adegit, & iucundissimi  
 spectaculi fructu priuauit. Sed unde uos ad me? *P.*  
 Celeri passu ex ipso theatro huc nos contulimus. *G.*  
 Frons læta, & oculi ludibundi indicio sunt rem ce-  
 cidisse ut uoluistis, *P.* Et ideo ad te properauimus,  
 ut uoluptatis te nostræ participem faceremus. *F.*  
 Haud aliquando æquè beati fuimus ut hodie. *G.* Au-  
 dire expeto, præmia nempe, & secundam populi  
 admurmurationem consecuti estis. *P.* Qui bene  
 conijciat, hunc uatem perhibeto optimum. Ita sa-  
 nè, obtinuimus præmia. *G.* Vterque? *P.* Vterque, at-  
 que ut nihil omnino dubites, rem ipsam tibi aucto-  
 rem proferemus. Ecce libellum. *F.* Ecce meum. *G.* O  
 uenustos, ò uerè aureolos libellos; nam auro radiāt  
 ac fulgent undique. *F.* Considera paulisper emble-  
 mata & parerga frontium, quàm oculis blâdiūtur?  
*G.* Iste est tuius Paule? *P.* Meus est. *G.* Vt benè, ut festi-  
 uè impressus est multicipitem Lernæ belluam con-  
 tundens Hercules? *P.* Verre. *G.* O imaginem pul-  
 chram. Aeneas patrem suum Anchisen humeris  
 impositum ex incēdio Troiano efferens, quem pas-  
 sibus etiam non æquis paruus Iulus sequitur. *F.* Et  
 meus, aspice, quàm elegātibus signis insignitus est?  
*G.* Sic est. Aperi, ut uideam quis auctor, & qua de re  
 scriptus. *Pub. Virgilius Maro.* *P.* Ego Festum cum Sca-  
 ligeri castigationibus, uidesis? *G.* Anno proximo  
 superiore huiusmodi ego quoque consequutus  
 sum; quem librum, ut gryphes in Riphæis monti-  
 bus aurum, custodio. Summopere parentes recrea-  
 bitis cum istis munusculis tam politis & mican-  
 tibus. *F.* Spero equidem. *P.* Fecitne medicinam  
 pedi

pedi tuo chirurgus? *G.* Accuratissimè. Nam principio expressit concretum sanguinem, post lauit unguis, & subtili linteolo exterfit, tum emplastrum applicuit, & pedem ut uideris circumligauit. *F.* Optimè. *G.* Intra dies paucos, Deo annuente, in scholam me rediturum, & uobiscū in campo ad Danubium cursura certaturum autumo. *F.* Ante noctem Preceptori nuntiabo de istoc malo tuo, nec me animi fallit, magno ei dolori futurum, amat enim te merito tuo, quod sæpe cognoui. *P.* Condiscipuli ad unū dolebunt, cum intellexerint. *G.* Permodicum & penè nihil est. Quorsum tragædias in nugis. *F.* Nūc uale Gregori, nos discedimus. *G.* Et uos bene ualete. *F.* Crastino te reuifemus. *G.* Quod uestra uoluntas tulerit.

## PROGYMNASMA XXXII.

Repulsam passi.

*Martinus, Iosephus, Lucas, Gymnasiarcha.*

**M**ARTINVS. En unquam hoc durissimo & intolerando seruitio exibo? in orbe terrarum nihil est me uno ærumnosius, nihil perditius. Pro Deum atque hominū fidem, iam sextum annū in pistrino Grāmatico miserabiliter molo. Timeū Platonis, quo non esse quidquam tenebricosius fama tenet, citius credo faciliusque caperem. Heus heus, cohibete gradum, quo ambulatis uos? *I.* Ad gymnasii præfectum tendimus. *M.* Quas ob res? *I.* Depulsi sumus de spe, ego Humanitatis, iste Rhetoricæ, uterque præteritus est à nomen clatore. *M.*

Non

Non igitur ego solus miser cum grege commilito-  
 num meorum, me quoque (indignum facinus) ex-  
 cluserunt schola Syntaxeos. Ibo simul, & enitar exo-  
 rare uirum, ut misereatur mei, consiliaque melio-  
 ra capebat. Equidem si centum annis sedero in lu-  
 do Grammatico, non plus addiscam quam hoc se-  
 xennio, omnes bonæ felicitates aduersantur & in-  
 uident mihi. *I.* Me uerò Mobile cum fixo (quo  
 illud Dii perdant) fecerunt immobilem, & tand-  
 quam in cruce suffixerunt. Cur tu, bone Luca, non-  
 ascendisti? *L.* Dic quibus in terris: nam cur uos  
 non ascendistis? *M.* Perperam respondimus in exa-  
 mine, malè scripsimus. *L.* Eodem me crimine al-  
 ligauit, ut isti Triumuii asseuerant, qui doctrinam  
 nostram periclitati sunt. Tam dignus ascensu fuis-  
 sem, quam alius quiuisset. *I.* Neque nos tam sumus  
 rudes & inepti, ut non, si minus ex iustitia, certè  
 quidem ex liberalitate & gratia potuerint nos il-  
 li Critici in scholas superiores asciscere, id quòd  
 ante hac factum. *L.* Non secus atque si quæstionem  
 inter sicarios aut sacrilegos exercerent, & crurifra-  
 gium nobis perpetiendum esset, asperos se præ-  
 bebant & rigidos. Acacum, Minoa, Rhadaman-  
 tum de capitibus nostris iudicio decernere puta-  
 res. Sed ipse Præfectus contra tendit. *G.* Saluete  
 adolescentes, quorsum hic adestis? *L.* Reuerende  
 Domine, prohibitus sum aditu scholæ Rhetoricæ.  
*G.* Quid narrat Iosephus? *I.* Ab Humanitate re-  
 iectus sum. *G.* Et Martinus? *M.* à Syntaxi. *G.* Benè  
 habet, sic merebamini. *L.* A domine, tuam fidem  
 obsecro. Licet ascendere. *G.* Non perpendis,  
 quid



quid contēdas. *M.* Sextus labitur annus, cum sedeo in schola Grammaticæ: pertēduit. *G.* Nisi tu doctior Grammaticæ fias, adhærebis ad scamnum tuum usque ad annum sexagesimum. Tu similiter Iosephe, nec sequente autumno Humanitate donaberis, si ad sedulitatem non addideris, uel plurimum. *J.* Atqui perpetuò discō, continenter in libris uersor, usque ad supremam lassitudinem, donec defessus sim medullis omnibus. *G.* Scriptio, & responsa hoc quā uerum dicas demonstrarunt. Mitto barbarissimos; referta & scatens erat solæcismis epistola tua: quod genus figuræ apud Lucam quoq; elucebat; apud te, Luca, qui in Græcis alphabetum nescis, & neq; soluta, neq; pedibus deuincta oratione cum ullo eorum qui ascenderunt comparandus es. Præcepta in super non tenebas, adeò, ut uix semel aptè responderis. *I.* Timor uerba præpediebat, quo penè exanimabar. *G.* Scitum, & ignauis istis usitatū: ignorantie culpā timori assignare. Victores illi perfectō non timebant; quia quæ tu ignoras, ipsi sciebant, & ad pugnā suis tecti instructiq; armis procedebant. *M.* Rogo tuā clementiā, absoluat me tandē aliquando ab ista schola: satis diu iam hoc saxum uolno; polliceor incredibilem diligentiam in Syntaxi. *G.* O te incōsultum, o insipientem. Hoc laboras, ut domum ædificare tibi fas sit, nullumq; fundamentum ponere. Sic faciunt omnes, qui ad grauiora reconditioraq; studia ad, ūgunt animum, cum leuiora uix primoribus labris attigerint: quodq; in priorē comprehendere debuissent, id se in superiore ludo promittunt uelle discere, nec stant promissis.

Adhuc



Adhuc uidi nullum, qui Grammaticæ indoctus, cā  
 in Humanitatis, Rhetoricæ, Philosophiæ, Theolo-  
 giæ aliarumque disciplinarum officinis didicerit.  
 Quare, Luca, ne imponas tibi: non consequeris qđ  
 cupis. *L.* Heu, At enim nisi audis, parentibus dare  
 me in conspectū non sustineo: efferuescent ira, &  
 stomachum in me erumpent. *G.* Vt ita sit, tute hoc  
 intriuiſti, tibi exedendum est. Commentare, quo  
 pacto illis propitijs, & beneuolis utare. Mea nihil  
 interest; nec ob tuum incommodum abrogandæ  
 uidentur commodæ leges gymnasij, & aperienda  
 fenestra ad socordiam. *I.* Ego, Domine, non audi-  
 ui omnia à Magistro, in quib. intetrogabar, *G.* Quid  
 te impediuit? *I.* Occupationes uariæ non siuerunt  
 me tam frequentē esse in ludo. *G.* An tu subducere  
 me istis dictis postulas? Credibile est temetipsū tua  
 uoluntate coactum, tibi interdum mandasse nego-  
 tia non necessaria. Vt cunque sit, danda fuit opera,  
 ut etiam illa cognosceres. *I.* A a mi domine Præfe-  
 ste, sum pauper, uiuo alienis sumptibus, & ni ascen-  
 dero, amisso Mæcenate, literis & scholæ cogar mul-  
 tam salutem dicere. *G.* Contra torrentem niteris.  
 Dedecorabis Mæceuatem, si, quod petis, impetra-  
 bis. Non enim ille te alendum suscepit, ut nunc in  
 hac paulò post in illa schola lignum super lignum  
 selsitares; uerū ut eruditior semper teipso effe-  
 ctus, eius postmodum utilitatibus cum tempus ue-  
 nisset, cōmodares. Quòd si istas ratiunculas proba-  
 uerimus: hæc aut illa nō audiui cū explicarētur: Mæ-  
 cenas nō me posthac de suo aler, parētes ē conspe-  
 ctu suo fugabunt, ex hoc ero diligens, iam multos

annos hanc scholam frequentavi: si inquam has similesque ineptias pro aptè conclusis epichirematibus receperimus, iisque permoti, scholam eruditiorum aliquibus patefecerimus; nullum utique in inferioribus relinquemus. Quisnam status erit nostrę provincię? quę facies? in me postea culpa omnis transferatur, in me redundet ista calamitas. *M.* Patiari te flecti. *L.* Noli, propter Deum, respuere rationes. *G.* Imò si fiant, quę vos futura asseritis, ad exemplum prodèrunt multis, feliciterque sapient, qui malis alienis sapient: & dum similia formidabunt, acrius se studiis inuoluent. Cur porrò Præceptorum uestrorum penè assiduę cohortationes, obiurgationes, istorumque malorum in quę incidistis nunc, prædictiones nihil apud animos uestros unquam ualuerūt? Ecce iam pretium fertis ob stultitiam. Aequè autem utile censeo scholis nostris, uos & similem uestri turbam mulctari hac ignominia, quàm alios uestrum dissimiles, hoc est, industrios & doctos adolescentes cumulari gloria: utraque nimirum re, ut aliqua Respub. continentur. Quocirca desinite, iam cōclamatum est: frustra operam cōteritis. Auferte uos domum, abscedite hinc, molesti ultra ne sitis, nihil noui de uobis nouo aliquo edicto sancietur. *L.M.I.* Dignare misericordia miseros. *G.* Cur uos ante uestri ipsorum non miserebatur? quem modò amicū inuenietis, cum uobismet ipsi hostes extiteritis? Serò sapiūt Phryges. *L.* Si post mensem idoneus fuero, nunquid nō permittes me ascendere? *G.* Si. *L.* Conabor manibus & pedibus, noctesque & dies obnixè. *M.* Ego etiam laborem ac

studium adhibebo. G. Nimum miris modis mira prodigia, si tu actū reddas uno mense, qđ sexennio non reddidisti. Magis istuc lingua percipio dici, quā factis credo fore. Nihilominus, ut ne atrocitatē meā accusare possitis, indulgeo spatiū. I. Quoniam ea conditio istis offertur, uolo eam quoq; accipere. G. Tui est arbitrii. Sed hoc antē uobis denūcio, non plus gratiæ inuenturos, quā nunc inuenistis. Præcipiā insuper Magistris, ut deinceps austerius uobiscum agant, & uerberibus ad discendum cōpellant magis quā hactenus: si fortē hęc ratio tenē a brutis animantib. nonnihil possit extorquere. Abite unde huc pedē attulistis, & rebus uestris prospicite. Quin adhuc pauca attēdite. Cicadę ætatis tpe cantilenis assiduō sese oblectabant, cū formicę, ut sunt prudentes, ac non incautę futuri bestiolarę, ingentē farris aceruū populātes, magnis operib. in cauernas cibariā conueherent, quib. per hyemem uictitarent. Fortē accidit, ut tritici grana terrę humorib. putrescentiā cubilibus exportarent, & Solis ad radios deficcarent. Præteriens cicada orat, uti alimoniā sibi dignentur esurienti impertiri. Tū formicę: Quid tu, inquit, per æstatē agebas? cur tibi qđ ederes non colligebas? Ego uerō, subiecit cicada, non erā otiosa: canebā musicē. Hic arridentes formicę respōderunt: Si ætate cecinisti, hyeme salta. Atque ita vacuā, ut uenerat, inanemq; discedere cōpulerunt. Nunc ætas est dū adoleſcitis: quando senescetis, hyems erit. Ibi tū iucūdē & suauiter fruemini, si quid modō uobis scientiæ pepereritis. Qđ quia hucusq; omisistis, otio aut, ambulationib. ludis

dis potius operâ impendistis, cum condiscipuli ue-  
stri studiosè elaborarint in literis, an nō idē illi qđ  
formicæ cicadis, poterunt uobis exprobrare? O Lu-  
ca, ò Iosephe, ò Martine, qui hac proxima æstate ce-  
cinitis, nunc choros ducitote. Hæc in pectora ue-  
stra demittite, & ad frugem uos recipite. Verbum  
non addam: quin uos hinc amolimini. *M.* Occisif-  
simus sum oīum qui uiuunt hodie usquam gentiū.  
*I.* Nullus sum. *L.* Aerumnas Herculis supero ærum-  
nis meis; nec quid me nunc faciam scio.

## PROGYMNASMA XXXIII.

Vacationes.

*Petrus, Hilarius.*

**P**ETRV S. Cum duodecim mensibus uoluatur  
annus Hilari, & is in quatuor tēpora digeratur,  
in uer, æstatem, autumnum, hyemem; unumquodq;  
aut trimēstri spatio terminetur: non sum animi du-  
bious, quin tu, sicut in gradibus ætatis humanæ ado-  
lescentiā pueritiā, constanti seu uirili ætati, & sene-  
ctæ perfers; ita in differentiis tēporum æstatem cæ-  
teris anteponas; ac proinde æstiuis mensibus am-  
plius delectere, quando cælum nitescit rami bac-  
carum ubertate incuruescunt, segetes largiuntur  
fruges pellucidulis aquis manāt fontes, herbis pra-  
ta conuestiuntur, florent omnia. *H.* Esto sanè: quor-  
sum tu istuc memoras? *P.* Quorsum? nosse uelim,  
ex Iunio, Iulio, Augusto; siue, ut ueteres nominabāt  
Quintili, & Sextili, ex his tribus inquam mensibus,  
ecquis tibi expectatissimus uenire consueuerit.

*H. An*

*H.* An etiam id dubitationem habere potest? *I-*  
dem, Petre, qui tibi. *P.* Quem ergo mihi ama-  
bilem acceptumque procedere autumas? *H.* Quid  
credis? Iulium. *P.* Quibus de causis? *H.* Quia  
Alcedonia sunt in scholis plus triginta, nedum  
quatuordecim diebus. Vacationum agitantur so-  
lennes feriæ: licet deambulare & sese dare lusibus.  
In patriam quoque abeundi potestas conceditur ad  
visendos parentes, fratres, sorores, propinquos &  
affines: ubi tam blandæ salutationes, tam beneuo-  
læ ac festivæ congressiones, tam multæ uocationes  
ad honesta & delicata conuiuia. Quid uerbis opus  
est? iucunditates sexcentæ. *P.* De ista re nunquam  
tibi aduersari certum est. Laudo, laudo maiorum no-  
strorum prudentiâ, qui adolescentum ualitudini ista  
relaxatione cõsulendû putauerunt, quâ cõtinenti-  
bus atque diuturnis literarum contentionibus offendi  
exploratû est, cœlo æstuante potissimum, quali af-  
fligimur exorta canicula. Et mihi multò uerissimû  
uidetur illud epigrammato graphi: Pueri si ætate  
bene ualent, satis discunt. *H.* Et iam istuc ua-  
gandi & uacandi tempus propinquat. *P.* Scio, fastos  
seu Kalendarium identidem adii. *H.* Qui traduces?  
*P.* Non omnino usum librorum dimittam, nec me  
à nostris musis proinde, ut si bellum ipsis indixis-  
sem, disiungâ. *H.* Optimè uerò, Petre, & fieri sic de-  
cet. Quid porrò leges? *P.* Ea imprimis quæ liberalē  
& frugiferam delectationem pariât: ut sunt Græco-  
rum Romanorumque historiæ, & excellentium car-  
mina poetarum. Exercitationem styli haud intermit-  
tâ, dictata recensebo, audita mecum pertractabo.

Denique ita has hebdomadas uacationum transigere constitui, ut etiam otij mei rationem afferre possim. *H.* Ego natale solum, quod me sui immemorem esse non finit, post quartum denique annū quā discessi, uidere destinaui. *P.* Et rectè. *H.* Addunt non mediocre calcar quas ab hinc triduum accepi literas; eæ sunt paterna manu. Ante diem tertium Nonas Quintiles iter in patriam ingredi iubent. *P.* Quando huc te reuersurum augurare? *H.* Si erit, ut illi me citò dimittant. citò: mater in primis, quæ extra me stirpem uirilem, aut muliebrem patri meo nullam generauit. Et nosti quanta sit matrum in unicos præsertim φιλοσοφία. *P.* Multas persæpe opportunitates corruerunt istæ matres, quæ sic afflictim amant liberòs. *H.* Tamen per patrem impetrabo, ut ne ultimus omnium huc reuertar. *P.* Planè ita faciendum consulo.

## PROGYMNASMA XXXIV.

Studium in syluis ac nemoribus.

*Minutius, Polydorus, Magistri.*

**M**INVTIVS. Non ita pridem, cū essem fortè ex tristitia perturbator, quærebam ubi illam miseriam ex animo uelut expuerem. Dedi me itaque ad legendas epistolas Plinij, quas abs te, ut breues, argutulas, disertas. suaves, eruditas & facetas magnopere probari sæpius animaduertam. Incidi autem in sextam libri primi, qua ille memorat Cornelio Tacito, qui cum ei familiaritas mutua intercedebat, se in sylua dum uenaretur,



tur, & ad retia federet, iaceretque in proximo  
 uenabulum, quo scilicet feras in plagas se indu-  
 centes transuerberaret, meditatū esse, cogita-  
 tionesque suas stylo pugillaribus indidisse. *Non*  
*est quod contemnas, inquit, hoc studendi genus: mi-*  
*rum est, ut animus hac agitatione motuq. corporis ex-*  
*citetur. Iam undiq. sylva & solitudo, ipsumq. illud si-*  
*lentium quod venationi datur, magna cogitationis inci-*  
*tamenta sunt. Proinde cum venabere, licebit auctore*  
*me, ut panarium & lagunculam, sic etiam pugillares*  
*feras. Experieris non Dianam magis montibus, quam*  
*Mineruam inerrare. His ita perlectis, egomet con-*  
*tinuo mecum; conueniam Polydorum, ex eo sci-*  
*scitabor, quid de hoc Pliniano iudicio ipse iudi-*  
*cet; arbitretur ne perinde Mineruam ut Dianam*  
*uagari per montes & nemora. P. Non ergo hoc*  
*de nihilo est, quod me conuentum esse expetisti.*  
*M. Non est Polydore, sed ausculta dum. Musis*  
*quidem certè, & μῦσαι Phæbo montes, nemo-*  
*ra, sylvas in quibus habitent, & choros agitent;*  
*non arces & urbes dedicatas nouimus. Capiun-*  
*tur item eiusmodi locis poetæ, & in ea secedere*  
*carmina composituri consueuerunt. De Orpheo*  
*quoties legimus, ipsum canentem bestias & quer-*  
*cus insecutas? Quod si hoc antiquissimum è doctis*  
*genus, poetarum inquam, illic in suo negotio per-*  
*commodè uersari potest, cur alii non possunt? quid*  
*eos prohibet? Si solitudo ac silentium studiis con-*  
*ducunt, ibi neutrum desideratur. Si liber cæli a-*  
*spectus, si lenes uiridissimarum arborum susurri,*  
*si dulces auicularum concentus, si placido cū mur-*



mure de rupibus desilientes lymphæ cogitationē minimè confundūt ac remorantur, quin potius spiritū exsuscitant, animū hilaritate complēt, atq; ad propositam actionem attemperant; cur nō itamus à Plinio, & aliquando cū stylo & palimpsesto, aut cū libro in nemus ambulatū imus, ibiq; summa iucūditate diem conterimus? Virgiliū poetarum excellentissimū in Campaniam frequenter, regionis amœnitate illectū secessisse, ibiq; bonam partem suorum carminum condidisse proditū est memoriæ. *P.* Quia sententiæ meæ particeps vt esses, idcirco istuc *ἐν τῷ μὲν* in medium attulisti, respondebo tibi, si sponderis prius, non emanaturum quod audieris; sum enim homunculus unus è multis, nondū oracula cano. *M.* Quod mihi credideris, ait Plautus, sumes ubi posueris: alium putes licet rimarum plenum esse, non me. *P.* Locos solos, ac silentium quàm altissimum legentibus, scribentibus, commētantibus vehementer commodare fatendum est; nec inter arbitros, clamores, strepitus quantūcunque mediocres animū pro eo ac vellet deberetq; suum posse agere negotium. Hinc uidemus literarum candidatos amare secessus, & locos interiores ac penitus silentes captare, ne per idola & imagines rerum sensibus perceptarum mens sese diuide re, ac pluribus impertiri cogitationē, & ueluti pugnam quandam tolerare cogatur. Demosthenes ille, cuius eloquentia obstupuit uniuersa Græcia, studiū dēdī causā latebrosè ab hominum conspectu, loco subterraneo se occultabat, ex quo nulla uox audiretur, nihil uideretur: quare? ne oculi & aures aliā

men-

mentem auocarent. Si Philosophorum, si Oratorū, aliorumque literis præcellentium uitam legas, nō multos in turba magis quā in solitudine, solis libris præsentibus, respondentibusque suas res egisse inuenies. *M.* Prorsus tecum sentio. *P.* At uerò quod quis ad hoc idem aliquid ualere nemora & syluas contendat, propter ratiunculas quas tu afferebas, hoc aliquid nihil est. Iucundi sunt eiusmodi secessus, uerū ad ea quæ nos quærimus minimè accommodati. Siquidē illa eadem quæ sensibus blandiuntur, & animū delectāt, eum ipsum ab opere destinato quasi retrorsū raptant: qui, quò pluribus est intētus, (ut vulgatus inquit uersiculus) eò minor est, eò minus ualet ad singula: ualet ubi totus intenditur. Ac miror equidē Pliniū hunc à Magistro suo Quintiliano dissentire uoluisse, quē lib. 10. hanc opinionem euellisse ē mentibus hominum nō ignorabat: nisi forsan, (quod uideo fieri potuisse) hic illo posterius institutiones suas in lucē emisit. Syluæ porro, nemora, montes, ut etiam flumina, fontes, citharæ, cantus, non ideò Musis tribuntur, quod poetas uel necessariū, uel utile sit in illis locis, aut circum illa loca uersari; sed potius ut studii ipsorum quod tractant suauitates, & usitata materia isto modo, istisque fictionibus indicentur. Bene igitur Flacus

*Me doctarum edere premia front frontium*

*Dijs miscent superis: me gelidum nemus,*

*Nympharumq. leues cum Satyris chori*

*Secernunt populo, si neque tibia*

*Euterpe cohibet, nec Polyhymnia*

*Lesboum refugit tendere barbiton*

*M.* Tibi profectò, & clarissimo doctòri Quintilia-  
nò suffragabor, amœnitateque illa locorum, ut hor-  
tis, non nisi ad meram & liquidam animi oblecta-  
tionem cum utar ipse, tùm utendum, si fuerit occa-  
sio, suadebo.

## PROGYMNASMA XXXV.

Mutuatio calami.

*Conradinus, Pigmenius.*

**C**ONRADINVS. Da mihi fodes utendum  
calamum. *P.* Nullos habeo calamos hodie,  
quos tibi dem mutuos. *C.* Thecam plenam apud te  
uidi. *P.* Per somnium fortassis. Sed dicam uno uer-  
bo rem totam: nullos habeo, quos tu concessos re-  
tineas. *C.* Quæ tã mala mens in hanc te suspiciõẽ  
impellit? tam peruersè de me existimas? cho, nõ-  
dum nosti mores meos? verùm, ne sis in mora, da  
commodatò calamum. *P.* Vbi tui? *C.* Meliùsculos  
reliqui domi, deteriores portauì mecum per im-  
prudentiã. *P.* At tu meum quoq; disperderes,  
nimium premendo, aut in ipso intinctu, ad fundũ  
atramentarii allidendo uidelicet. *C.* Leuiter ducam  
per chartã, sensim intingã, salua cuspide. *P.* Multa-  
ne descripturus? *C.* Tantummodò uersus aliquot à  
Præceptore post horam explanandos: ut nimirum  
glossulas interferere queam, nam retinere eas non  
possum commodè. Si quid mutuaberis à me, seu ca-  
lamos, seu papyrũ, seu librũ, seu quid aliud, dabitur  
mutuum haud grauatè. *P.* Ecce tibi probatum ca-  
lamum quem dono, tuus esto. *C.* Multùm te mi

Pig-

Pigmenti de istac liberalitate amo. Experiar. Profectò idoneus est, si quis alius, ad decorè formandas literas.

## PROGYMNASMA XXXVI.

Frustratio petiti atramenti.

*Simplicius, Zepherinus.*

**SIMPLICIUS.** Magnum apud me beneficiū Sponeret, qui pauxillum atramenti in uasculum hoc meum, cuius linteolum penè exaruit, infundere de suo dignaretur. Si gossipium aut tomentum imposuissem; & calamos intingendo corrupissem, & iam pridem atramētō caruissem. Tu Zepherine, quoniam circumfers atramentarium instar lampadis, aut mortarii uastum & amplum, ne deneges mihi ad incitas redactō quam summissè peto stipem, seu eleemosynam. **Z.** Vix quarta pars horæ prateriit, cū alius idem quoque me poposcit: & dedi. Nunc si tibi similiter dederō, ueniet tertius, deinde quartus, deinde quintus, & ita me exarmabitis omninò. **S.** Non uenient, interpono fidem meam. **Z.** Qui scis? **S.** Vidi cū intingerent calamos, referre eos ex atramentariolis madidissimos. **Z.** Quin aquam infundis? **S.** Exeundum esset ē schola propter sex septē aquæ guttulas. **Z.** Inspue. **S.** Linguam nimis siccā gero. Da si quid das, & si uis dare bis, da citò semel. **Z.** I, aliā quercū excute, aliunde exora mutuū: atramentū hoc mihi coxī, nō tibi. **S.** Saltē da mutuū, si non uis gratuitò, rem tantillam. **Z.** Pergin' aures tundere? abī hinc. **S.** Aliquando.

tu etiam egebis aliquo, tum accedito ad Simpli-  
cium, par pari referet. Spectate pueri huius Ze-  
pherini inhumanitatem & auaritiam. Ego te pro  
istis factis mañtabo infortunio.

## PROGYMNASMA XXXVII.

Ludendi potestas recusata.

*Flavius, Aurelius, Iulianus.*

**F**LA VI V S. Magister iussit nos dare operam  
lusuñculæ: ueni Aureli, ueni Iuliane, uenite sul-  
tis ambo. *A.* Quid hic narrat? *F.* Quod certissimū  
est, quodq; iam ipse ludentium clamor nunciabit  
tibi. *I.* Siue ita est ut dicis, siue comminisceris ali-  
quid; nō ludo. *F.* Quare? *I.* Præstat me prælecta repe-  
tere, quā lusu bonū tēpus perdere. *A.* Ego inchoa-  
ui epistolā: si intermiserō, multō postea difficilius  
animo iā distracto, & aptis ad rē propositā cogita-  
tionibus tū dissipatis, cœpta pertexā. *F.* Ohe, quā  
parcos tēporis habeo condiscipulos? non alii quo-  
que exhibituri sunt Magistro epistolas? nō debent  
alii quoq; prælecta repetere? nō facere quæ uos fa-  
citis omnia? *A.* Apage lusor, ne molestiā nobis ex-  
hibeas, fœtet tuus sermo nobis. *I.* Quisq; sibi serit,  
sibi metit. *F.* At Magister iussit ludere. *I.* Falsum est:  
volentibus permisit, nolentes nunquā cogit; & scio  
illū studētes quā lusitantes habere chariores. Ac tu  
si recta facias, ludum studiis posthabeas. *F.* Si ægro-  
tabitis? *A.* Te Aesculapium inuocabimus. *F.* In-  
terdicerem uobis libris. *I.* Quamdiu? *F.* Ad sex  
menses. *A.* Tum tibi porcus sacrificandus esset.

*F. Qui*

*F.* Qui dum? *A.* Quia infanires. *F.* Valet, ego ludo. *I.* Siccine ludum diligis? *F.* Ha, quid ni? At uos immodestè literas.

## PROGYMNASMA XXXIIX.

Comparatio nominum, uerborumq; coniugatio.

*Elias, Arnoldus.*

**E**LIAS. Demus finem huic colloctioni temporius, extemplò coràm aderit Præceptor, exacturus quæ heri reddenda imposuit. *A.* Quid ergo facti opus est? *E.* Meditemur adiectiuum per accidentia, perque tres gradus & tria genera. *A.* Hoc agamus. Quod erat illud? *E.* Benignus. *A.* Declinemus in casus. *E.* Quoti ordinis? *A.* Virile & neutrum sunt secundi, muliebre est primi. *E.* Cuius speciei? *A.* Primitiua. *E.* Figura? *A.* Simplicis. *E.* Quotuplex est figura? *A.* Triplex; simplex, composita, decomposita. *E.* Dic nominandi casum. *A.* Benignus, benigna, benignum. *E.* Comparatiuum. *A.* Benignior, benignius. *E.* Cur non sunt hic tres uoces ut in positiuo? *A.* Benignior est generis communis. *E.* Da superlatiuum. *A.* Benignissimus, benignissima, benignissimum. *E.* Ut habet in genitiuo? *A.* Benignibena, benigni, benignioris, benignissimi, benignissimæ, benignissimi. *E.* Cur est unica vox in comparatiuo? *A.* Quia neutra in us habentoris. Datiuo, benigno, benignæ, &c. *E.* Iam tu interroga me de uerbo quod coniugandum erat. *A.* Commendo, erat. *E.* Illuc ipsum. *A.* Si quis dicit Amo, non poterit errare in Commendo. *E.* Ni.



*E.* Nihilominus interroga. *A.* Indicatio præsentis?  
*E.* Commendo, commendas, commendat. Plurali  
 numero, commendanius, commendatis, commen-  
 dant. *A.* Pro certo credo te nunquam lapsurum, Ve-  
 rum hæc facilia sunt: si anomala inflectere, & con-  
 iugare iusserit, tum sudabimus. *E.* Id forsitan hodie  
 futurum est. Profectò cum coniugarem nudius ter-  
 tius Odi, multum id uerbi oderā: quia cum sit de-  
 fectiuum, faciebāt ut deficerem. *A.* Recordaris  
 opinor quemadmodum me uexabant infelicia he-  
 teroclita, & comparationes anomalæ. *E.* St, auditur  
 horologium: tussit, sreat ante ianuam Præceptor;  
 parcamus voci.

## PROGYMNASMA XXXIX.

Explicationum repetendarum ratio.

*Urbanus Theophilus.*

**U**RBANVS Repetistine hesternam explica-  
 tionem epistolæ Ciceronis? *T.* Nondum. *V.*  
 Quid egisti? *T.* Occupatus fui in aliis. *V.* In quibus?  
*T.* In præceptis Grammaticæ ediscendis. *V.* Vtrun-  
 que faciendum fuit. *T.* Si socio non caruissem, hoc  
 quoque forsitan præstitissem. *V.* Vis tecum repetā?  
*T.* Nihil malo. *V.* Principiò reuocabo tibi in men-  
 tem ipsum argumentum epistolæ uerbis Germani-  
 cis: tu si diffidis memoriæ, poteris in chartaceum li-  
 bellum referre. *T.* Nullo negotio retinebo, si iterū  
 audiero: nec enim est ita longum. *V.* Postea Cicero-  
 nem exponam; verbum uerbo, sequens constru-  
 ctionis ordinem, mox sententiam sententia, ut Præ-  
 ceptor



ceptor solet. *T.* Et ut nos vult sese imitantes facere in repetendo. *V.* Postremò themata indicabo cum accidentibus, & syntaxes quasdam faciliores. *T.* Obstringes me non vulgari beneficio. Secedamus in locū solitariū, ne quis hic nostra dicta arbitretur.

## PROGYMNASMA XL.

Dicta alterna.

*Cornelius, Rufus.*

**C**ORNELIVS. Quid tam improuiso ante meridiē ē schola euocabare? *R.* Vt negotium quoddam patri meo confectum darem. *C.* Cur eo curato non es reuersus? *R.* Perparum de hora supererat. *C.* Habes perfectam epistolam? *R.* Nō. *C.* Haud igitur mecum in porto nauigas. *R.* Chirographum paternum aſtero, hoc me pœna eximet. Tu uerò qua de cauſſa heſterno die toto abſuiſti? *C.* Deterius valebam. *R.* Pedibùſne? *C.* Ita, pedibus. *R.* Sic opinabar. *C.* Sic tu opinabaris, ſcilicet: noui iocationes tuas. Verū audi. Tua mater eſt impenſē litigioſa mulier. *R.* Quo teſte id probas? *C.* Interueni aliquoties dum ueligaretur cum uicina ueſtra, in eamque omne quod illi ægrē eſſet euomeret; quæ ſuo uiciſſim gladiolo, quam acriter oppugnabatur, tam ſe ſtrenuē, intra dentes tamen, defendebat. *R.* Et tua nouit exhaurire calices: nec heſterno mero ſœret, quia in lucem ſemper bibit. *C.* Tune ſemel uidiſti? *R.* Semel quoties ipſam uidi, toties hoc uidi: eſt etenim facie ebrioſa, rubentibus verruculis ornata, longē ante alias ſpecie, æ pulchritudine inſignis

insignis matrona. C. In toto oppido non est mulier matre mea frugalior, magisque sicca & frugi R. Ain'tu? unde ergo tam potoria facies? C. Medicos i percunctatum, quos illa consulit, & à contumeliis linguam coerce, alioqui futurum est, vt te maledicentia huius pœnitudo subeat. R. Quod habui sum mum pretium persolui tibi. C. Ab alio exspectes al teri quod feceris.

## PROGYMNASMA XLI.

Interrogationes variae.

*Lazarus, Celsus.*

**L**AZARVS. Quandocunque ad flagrum ci-  
taris, Celse, (id quod propter tuam omnibus  
testatam segnitiam, qua ingenium sinis tepescere,  
non rarò fit) quid est quod tam difficiliter te mo-  
ues, tamque inuitus cû tantis uociferationibus pœ-  
nâ suffers? C. Velim tibi uel semel cōtingeret, quod  
mihi sapiens ais usuuenire, statim scires causam. L.  
Reuera (quod hic dicendum sit) detrimento sus ti-  
bimetip si es: nam si absque tergiuersatione te subii-  
ceres, clamoribusque abstineres, clementiorẽ sen-  
tires utique Magistrum. C. Id equidem cogito me-  
cû, & apud animû propono: sed cû iam res est in  
acie nouacula, excidit repentè propositum. Sic est  
ingenium meum: suus cuique mos. Quanti tu hunc  
librum emisti? L. Dimidio floreni. C. Duc me ad ta-  
bernâ huius bibliopolæ, ut mihi quoque emam au-  
ctorem istum. L. Maximè, dimissa schola. C. Vbi ven-  
duntur, quæso, pûueres scripturarii? L. Nescio: ego

aut arena utor, aut arefactis, & in puluerem redactis ouorum putaminibus. C. Non placet: ossei sunt meliores ac puriores; nonnulli scobem apud fabros ærarios lima abrasam colligunt, eamque ad siccandas in charta literas usurpāt. L. Quò istis heri ambulatum? C. In hortos nostros. L. Quid cerasa nostra suntne matura? C. Matura. Proximè futuro die remissionis eodem me euntem comitaberis, ut ipso gustatu experiare. L. Ago gratias, maiores acturus, si promissa patraueris.

## PROGYMNASMA XLII.

Amisus & promissus liber.

*Vdalricus, Otho.*

**V**DALRICVS. Quid vult hic fletus? O. Amisum librum. V. Quem? O. Emmanuelis Grammaticam. V. In scholane? O. In schola. V. Quo tempore? O. Hoc ipso die, ante prandium. Cum enim dato signo discedendum esset domum, egoque libellos meos colligerem, hunc non inueni. V. Quæsiuisti ne apud uicinos? O. Ac diligentissimè. Respondent omnes, se esse extra noxiam, nec habere, nec scire quis habeat. V. Non tu illico ad Præceptorem? O. Imò, sed iussit ut se appellarem denuo post meridiem. V. Appella. O. Despero me recuperaturum. V. Aliàs alij suos amiserunt. O. Sic est. V. Nonne recuperarunt? O. Quidā, non omnes. Et hi, quòd rem suam male custodissent, aut in ludo à doctore, aut domi à parentibus uapularunt liberaliter. Quod si hodiè librū meum non recepero, certiores faciam ipsos oportet,

oportet, vt pro hoc malo mihi dent malum. *V.* Iuua-  
bo te in quæritando Emmanuele tuo. Si non inue-  
neris, est mihi tritum exemplat eiusdem, id dabo ti-  
bi proprium. *O.* Si non simulatè promittis, porrige  
dexteram. *V.* En. *O.* Affudisti aquam, rediit animus,  
& cura omnis ex corde excessit. *V.* Lætus sum, quòd  
te tranquillauī. Væ illi, qui se huius furti astrinxit:  
nam & libram minimè retinebit, & vberius quàm  
tu plorabit. *O.* Furem hunc mihi dari in conspe-  
ctum gestio: coram in os laudarem ipsum, & capil-  
lo conscinderem.

## PROGYMNASMA XLIII.

Auxilium, & consilium.

*Edmundus, Gallus.*

**E**DMUNDVS. Tantum sudoris, & laboris  
indispicor in hac epistola componenda, quan-  
tum hætenus in alia nulla. *G.* Qui fit? *E.* Iliade lon-  
gior est, hoc primum. Secundo loco plurimæ insunt  
voces, quas in Tusco colatino Calepino cogor que-  
rere, vt *Buffon, la mazza del tētor il macis*. Præterea sca-  
tet modis loquendi, & prouerbiis difficillimis, nisi  
uelim Tuscanismos inserere, ut *far beccaria de gli  
huomini*. Et non bisogna metter li pedocchi nella pel-  
lizza. Item non son mica tuo buffone, ac similibus.  
Quis me non exhibilet, si dixerō; non oportet pe-  
diculos ponere in pelliceo. non sum tuus stultus?  
Primum illud ne Tuscanismo quidem exprimi po-  
test. *G.* Coniicio significari eo genere loquendi, de-  
trahere de fama aliorū, sumpta uidelicet metapho-  
ra, seu

ra, seu ducta allegoria à laniis, qui carnes quas fecerunt iugulatis excoriatisque animalibus, in frustra secant bipennibus, & in officinis *nella beccaria sul balcone* uenales proponūt. Sic obtrectatores, & alienæ famæ carnifices occidunt quodammodo homines, eosque ut carnes audientibus uendunt, apud quos nempe eos in summum contemptum adducunt, & planè despicabiles reddunt. Hoc ergo si ita est, ut equidem esse puto, ecquid animaduertis quanta energia, quanta significatio sit in hac formula loquendi Italia? *E.* Animaduerto, tuamque interpretationē amplector. Verum quid das consilii? *G.* Quando in locos impeditos incidis, Magistrū ora, ut te expediat, sic enim iussit ut faceremus, egoque id non omitto. Nuper cum nescirem quid esset latinè *i macheroni, & in acqua*, item quibus uerbis dicerem: *sa come sta il cor del matto buffone*, utrūque ex eo cognoui. *E.* Imitabor te posita uerecundia, quæ me hucusque absterruit.

## PROGYMNASMA XLIV.

Chartæ in membranam confutæ.

*Christophorus, Hugo.*

**C**HRISTOPHORVS. Mi Hugo, est quod ab te petam. *H.* Pete audacter. *C.* Insue mihi in membranam hæc chartas puras. *H.* Ipsemet infueres. *C.* Expers sum huius artificii, atque ut id credas, inspice hunc librum, quam sit inconcinne distortæque confutus. *H.* Nec me bibliopegus erudit. *C.* Attamen quasi eruditus, eleganter id facis. *H.*

Si cui

Si cui optime placet, ei optimè facio. Complicasti-  
ne iam chartas tuas? C. Maximè, istæ sunt. H. Da fi-  
lum, acum, membranam. C. Cape omnia. H. Filum  
oportet ceratum esse, ut opus euadat diuturnius. C.  
Heus pueri, quis secum affert ceram? H. In meo sac-  
culo quæram. Aliquid certè reperio; ceram albam,  
commodissima est huic rei: nuper mihi hoc frustil-  
lum donauit ædituus ad tales usus. Tu porrò atten-  
tus aspice me suentè, & artè disce, quo posthac alie-  
na opera ne indigeas. C. Aspicio intentis oculis. H.  
Ecce quemadmodum chartam chartæ arctius con-  
iungo, ut spatium inter illas nullū intercedat. C. Vi-  
deo. H. Itè quæadmodū supra & infrà sunt æquales  
inter se, nulla prominet. C. Aptè, artificiosè. H. Nec  
foris in tergo fila superiora inferioribus lōgiora vi-  
suntur, nec primum a secūdo maiore interuallo di-  
stat, quàm secūdo a tertio, tertium a quarto. C. Pe-  
ritè. H. Nodi parui, & intus omnes. C. Sanè. H. Nunc  
tu cultellum accipe sis, partesque chartarum supe-  
riores cautè scindendo aperi. C. Pro ista opera refe-  
retur gratia tibi, mi Hugo. H. Satis gratiarum retu-  
leris, si me amaueris, studioseque didiceris. C. Vtrū-  
que præstaturum tibi recipio.

## PROGYMNASMA XLV.

Nomenclatura.

*Magister, Clemens, Liberius, Donatus pueruli.*

**M**AGISTER. Vix dum exactis syderibus  
dies se mundo reddidit, cum uos puerorum  
flosculi ante alios omnes huc intrò pedem infertis.

Qui



Qui nam cum prima luce potuistis expergisci? *C.* Mandatu matris famula nostra indices me expergefagit, quamquam hodie maturius præter morē. *L.* Ast ego nunquam non sponte mea. & inuocatus, ac ferè semper bene manè consueui surgere. *D.* Ego etiam, Præceptor. *M.* Res difficilis ad credendum: pueri quippe, quibus sopore nihil est amicius nihil dulcius, pro more non habet ultro ac per se de strato surgerè. *D.* Certè surgo, expergefactus à nemine. *M.* Ecquid ientastis? *C.* Ita. *L.* Dum offa coquitur, visum est nimis longum, quapropter relicto ientaculo huc properaui quàm maturrimè. *M.* Pulchrū in hac ætatula fucinus. Quid si ego darem nunc tibi ientaculum? *L.* Cūm nihil sit tibi, quid dares? *M.* Quo nihil edis libentius. *D.* Mihi etiam, Præceptor. *C.* Et mihi, obsecro. *M.* Nimium satur fieres altero ientaculo. *C.* Eia, quæso. *M.* Liberi, si promptè & nunquam interfistèdo recitaueris, quæ hier nomina tibi ediscenda præscripserā, ecce, istas septem ficus, cum hisce amygdalis præmium tolles. *D.* Ego quidem nomina mea tenco, ut qui perfectissimè. *C.* Ego, ego mea referam memoriter. *M.* Liberrius esto primus: eum si memoria fellerit, tum vos duo de istoc honorario in certāmen venietis. Sed cuius ordinis sunt tuæ voces? *L.* Rerum cœlestium. *M.* Tuæ Clemens? *C.* Dignitatum & munerum Ecclesiasticorum. *M.* Tuæ autem Donatæ? *D.* Dignitatum functionumque ciuiliū. *M.* Incipe. *L.* Deus Pater, Deus Filius, Deus Spiritus sanctus. Sacrosancta Trinitas siue trias, Numē, Diuinitas, Creator, Saluator, Seruator, Dei mater, Deipara virgo, Dei genitrix, G Cœlites,



Cœlites, Cœlicolæ, Diui, Sancti, Beati, Angeli, Archangeli, Patriarchæ, Prophetæ, Apostoli, Martyres, Confessores, Virgines, Viduæ, Innocentes. cœlum, sol, luna, stella, astrum. *M.* Num intelligis quæ singulis subiecta sit notio? *L.* Optimè, imò *M.* Qui sunt cœlites? *L.* *Li santi di Dio.* *M.* Archangeli? *L.* *Li Archangeli.* *M.* Dei mater? *L.* *La Madre di Dio.* *M.* En accipe munusculum, & comede. Tu Clemens, edict tua. *C.* Quid erit præmij? *M.* Si omnia, & ea serie qua se consequuntur reddas, erit quod dem tibi: nō omnes ficus absument Liberius. Si perperam, neque tunc indonatus abibis. *C.* Pōtifex Maximus, Patriarcha, Cardinalis, Archiepiscopus, Episcopus, Præsul. *M.* Quid? hæres? Antistes, Abbas. *C.* Antistes, Abbas, Cænobiarcha, Monachus, Concionator, Ecclesiastes. *M.* Quæ est uis Ecclesiastæ? *C.* Eadem quæ concionatoris. *M.* Quid ergo est Concionator? *C.* Vn predicatore. *M.* Perge. *C.* Parochus, parochus. *M.* Parochus, parochus: tene in eodem bis labi? Sacerdos. *C.* Sacerdos, Diaconus, ædituus, sacra Virgo. *M.* Cetera ubi sunt? *C.* Non iussisti plura. *M.* Haud recitasti ut cupiebam. Tu meliùs Donate. *D.* Imperator, Imperatrix, Rex, Regina, Monarcha, Princeps, Dux, Comes, Baro, Dynasta, Heros, Heroïna, siue Herois, Præfectus, à cubiculis, à pedibus, à poculis, apparitor. *M.* Qui sunt isti? *D.* I camerieri. Gli Staffieri, gli scalchi, gli Sbirri. *M.* Cape has quatuor ficus, & confestim in uentrè absconde. *D.* Vt præcipis. *M.* Sedete suo quisque loco, & quæ adhuc præscripsero, celeriter ac nauiter nomina ediscite. *L.* Etiam Vt sapuerunt tibi ficus Clemens?

mens? C. Præceptor, Liberius me irridet. L. Com-  
moui. C. Non impunè feres.

# PROGYMNASMA XLVI.

Iterum nomenclatura.

*Adalbertus, Iodocus.*



**A**DALBERTVS. Visne Iodoce, quemad-  
modum tu me consueisti alicuius rerum ge-  
neris interrogare nomina, sic ego uicissim aliquan-  
do te interrogem? I. Volo. A. Quænam ergo rectis-  
simè complexus es animo? I. Musica. A. Recense  
primo loco instrumentorum musicorum appella-  
tiones. Sed maius industriæ tuæ documentum da-  
bis, si ego Italice & permixtè ea nominauero,  
tu inde latinè nomines. I. Vtroque uersum haud  
imparatum offendes. A. Tamburo. I. Tympanum.  
A. Harpa. I. Cithara. A. Cetera. I. Chelys. A. Alto bas-  
so. I. Sambuca. A. Imò sambuca, si ritè audita recor-  
dor, significat, vno sambuco. I. Nequaquam:ambu-  
ci est illa notio, non sambuca. A. Arco, & plectro.  
I. Plectrum. A. Corneto organo liuto. I. Cornu, or-  
gana, testudo. A. Lira. I. Lyra. A. Flauto. I. Fistula.  
A. Trombone piffero piva tromba. I. Buccina, tibia  
tuba. A. Enumera nunc, seruato quem ego secu-  
tus sum ordine, artificum seu musicorum nomi-  
na. I. Faciam in quibus potèro, quorum memi-  
nero. A. Quod dederis, eo contentus ero. I. Tym-  
panista, citharædus, chelyus, seu *χελισδός*: dixit  
enim Magister, subiicienda Græca, cum Latina

defunt, quando innumera sint Græca, quæ Latina iam, velut ufucapione putentur. *A.* Verum prædicas. *I.* Cornicen, organista vulgò, latiniùs, qui organis canit; sicut dicimus aliquem canere fidibus. Lyricen, fistulator, buccinator, aulædus, seu tibicen, tubicen. *A.* Restantne alia quædam vocabula ad'musicem spectantia, nec ita abstrusa, ut diapente, & huic similia? *I.* Restant. *A.* Dic. *I.* Ligula tibiæ, *la lenguella della piva*. Fides, unde fidicen, *uno Suonatore*. Verticuli, *Girelli delle corde accordare o discordare*. Cantor, *un Cantore*. Psalteria *una cantatrice*. Choraules, *suonatori di balli, propriè, co'l piffero*. Harmonia, *harmonia del cantare*. Pausa, *la pausa nel cantare*. Cetera tute, si uoles, tà magistris disciplinæ huius petas. *A.* Polles memoria Iodoce. Obsonemus famem parum inambulando, & de rebus haud serijs sermones cædamus usque ad cœnam: tantum quippe spatij celsationis Magister indulsit.

## PROGYMNASMA XLVII.

### Exercitationes.

*Abramius, Tranquillus.*

**A**BRAMIVS. Quidnam esse in caussa putem, mi Tranquille, quòd ab exercitationibus haud secus, quàm boni uiri ab impuris facinoribus refugis; & quasi multarentur capite, qui se ad eas dedissent? cùm à doctore tantùm non quotidie exercitationem dilaudari audias, quæ possit omnia, & sine qua cùm nihil quidquam egregium

præ-

præstari queat ullo in artificio, tum claritudinem in literis nemo sit aliquando adeptus. *T.* Qui tandem? *A.* Perrarò disputas, neque solum non ultrò, sed nec prouocatus, & iussus etiam caussaris. Frequenter cares epistola: sæpius italice loqueris: dum recitas memoriter Ciceronem aut Ouidium, hæsitās in singulis penè uersibus. Hæc ferè sunt genera, in quibus nos exerceri peropus est. *T.* Non dicam dolo, difficultas me absterret. *A.* Nò plus tamen alienare te difficultas debet, quàm inuitare atque allectare multiplex quæ inde efflorescit, & redundat utilitas. Et quid præclarum atque singulare sine sudore partum est? *T.* Propono apud animum persæpe, ad quæ tu me cohortaris, uolo ardorem quendam amoris assumere; sed nescio quomodo, cùm ad rem quasi dato iam signo aggrediendum est, uoluntas illa omnis elabitur atque euanescit. *A.* Principia perrumpenda sunt, capiendaque consuetudo quædam, quæ sensum laboris imminuit. *T.* At nimis diuersæ & innumerabiles sunt exercitationes. Si unū aliquod genus proponeretur; exempli causa, si dumtaxat scribendum, aut loquendum, aut disputandum, aut ediscendum esset, non lamentarer. Nunc ita unumquodque horum frequētandum est, ut nullum ceterorum omitatur: hoc angit, hoc dolet, hoc cruciat. *A.* Possunt hæc fieri, cùm diuersa, nec eadem hora, quin nec eodem semper die faciēda sunt, & sibi mutuò nō aduersantur, nec sunt multa, nec tam ut tu iocabare, innumera. Proinde istum qui te subegit ueternum excute. *T.* Ad finem inclināt annus, polliceor sedu-

litem in sequentē. *A.* Maneas promissis, quaeso, ut cum literas ad utriusq; nostrū cognatos dederō (da bo autē nō raras) te de meliore nōta commendare quēā qđ illis summo gaudio futurū tā nō ambigo, quā eos tuorū processuū cupidissimos esse penitus perspectū planeq; cognitū habeo. *T.* Imitabor ī morbū delapsos; medicinā, sectionē, unctionē volens nolēs adhiberi mihi sustinebo, ut rectē ualeam. *A.* Si hoc egeris, erit cum maiorū in modū lataberis.

## PROGYMNASMA XLIIIX.

Temeraria suspicio.

*BurKardus, Alipius.*

**B**VBKARDVS. Me infortunatissimum. Nullus dies abit, quin amittā aliquid; nunc atramentariolū, nunc papyrū, nunc libellū aliquē, nunc calamus, ut in p̄sens. Schola ista est plena furū, nec p̄narū ullus iā hīc est metus. *A.* Ne tu nos tā incōsultō in crimen uocaueris. *B.* Aliquem uestrū mihi surripuisse calamū oportet. *A.* Qui scīs te attulisse? *B.* Qui sciā nonne hoc literarum paulō antē exarui? *A.* Vtere alio interim, dū priorē recuperes. *B.* Nec unū prāterea mecū attuli. *A.* Suadeo ut in posterū feras semper tres, aut quatuor. *B.* Scilicet ut sit, quos tu semper possis auertere. *A.* Libentiū ne tu cum malo quiescis, an sine malo, si copia est? *B.* Quis potuit clepsisse, nisi qui mihi sedet proximus? *A.* Quid ergo? Ioānes tibi ā dextris non affidet, sicuti ego ā sinistris? cur nō potiū illum quā me arcessis furti huius? *B.* Ioannē noui, mallet spoliari suis, quā minum

nimum quippiam sublegere de meis: dissimilis tui est. *A.* Certè dignus es virgis. *B.* Tace de virgis: quare me his dignū deputas? *A.* Quia de me falsum audacissimè, sine teste, sine argumento, pronūcias. *B.* Hei, utinā haberē calamum meum: quem eo molestius amitto, quòd tertium iam mensem usus sum; adeò bonus & firmus est. *A.* Quid si reddidero tibi calamum tuum? *B.* Quī reddit, abstulit: atq; hoc est, quod mihi dudum uidebatur. *A.* Non est hoc semper consequens, inepte. Tu tibi abstulisti. *B.* Quomodo? quis post hominum genus natum sibi quidquam abstulit? *A.* Quia super auricula, ut mos obtinere, reposuisti, postea es oblitus; quodq; non amiferas, quæsiuisti, & alios furatos putauisti. En tibi tuum optatissimum calamum: deinceps quoties amiseris, auriculam dexterem interroga prius, an uiderit calamum, quàm de innocentibus mentiare. *B.* Gratias ago tibi: ignosce, obsecro, quòd tecum egi suspiciosius, atque immodestiùs.

## PROGYMNASMA XLIX.

Astutia puertlis.

*Magister, Puer.*

**M**AGISTER. Quò tandem res euadet? quamobrem non desinis tu nouissimè huc te conferre? *P.* Nō audiui campanę pulsum. *M.* Ego tibi nolam ad aurem alligandam, eamque pulsandam curabo sub horam septimam ante meridiem, & sub primam post meridiem, si quidem ita absurdisti. Quid autem est, quod istum quadrimū fratercu-



lum tuum nunquam adducis tecum, nisi cum red-  
dere præscripta nescis, aut tardius uenis? *P.* Mater  
illum sæpius non dimittit. *M.* Mater non dimittit?  
quare tunc dimittit, cum, ut dixi, ultimus & impa-  
ratus ades? *P.* Nescio. *M.* O puerum uersutum, at ego  
haud nescio. Eho dic mihi, mandatne tibi mater, ut  
trahas tecum pusionem istum? *P.* Aliquando. *M.*  
Mandauitne hodie? *P.* Non. *M.* Cur ergo hodie du-  
cis? *P.* Ipsemet duci uoluit. *M.* Postquam tu scilicet  
uoluisti. Responde amplius: Numquid ego te un-  
quam percussi, quando fratre isto paruulo comita-  
tus uenisti, & serò intraisti? *P.* Nunquam. *M.* Qua-  
re? *P.* Fortassis propter uociferationes, & eiulatus  
quibus penè dirumpitur, cum me flentem solu-  
entemque ligulas ad plagas accipiendas intueretur. *M.*  
Itane? Hæc, hæc, non alia ratio est cur ducas tecum;  
nempe ut pro tuo capite clamet ipse insolentissi-  
mè, ex sympathia uidelicet, & ego eius, si minus tui,  
miseratione commotus, cruciatum tibi remittam.  
Nōne etiam id ipsum ut faceret tu docuisti? *P.* Non  
docui. *M.* Habes pium fraterculum, qui te toties per-  
ditum conclamatumque seruauit. O calliditatem.  
Iam edico tibi, si in posterum non adfueris in gym-  
nasio citius, pœnas dependes, seu adduxeris fra-  
trem, seu non adduxeris: quòd si ille clamitare non  
cessauerit, eum unà tecum uirgis cædam: *P.* Ad ho-  
ræ ipsum articulum adero.



PROGYMNASMA L.

Somnus in gymnasio.

*Fabiolus, Eraslus.*

**F**ABIOLVS. Rabio solum te autumo. *E.* Quam ob causam? *F.* Quod me modò trahis, modò pugnum in latus meum incutis. *E.* In laneum latusculum tuum. Cur dormitas? non decet hoc in schola. *F.* Mihi sic usus est, tu ut tibi opus est facto, ita facito. Tua quid refert? *E.* Mea quidem aliquantum, tua uerò permultum. Nam si te dormire siuero, doctor me quoque ut infidelem custodem supplicio persecuturus est. *F.* Permite ut dormiam. Quomodo nunc est, aliter fieri non potest. *E.* Istam à Magistro ueniam pete. *F.* Irrides? quasi tu dicas; pete ab atroci cane ut te mordeat, sua sponte mordebit. *E.* Ego profectò non ferā, non patiar, non sinā ut dormias: usque & usque molestus ero; etiā acicula, en, te cōpungam, ut clames, teque ipsum ut forex tuo iudicio prodas. *F.* Heu, mitte me: uicissim indulgebo, si te somniculus corripuerit. *E.* Hanc abs te gratiam nolo. *F.* Tamen. *E.* Iam reddenda erit e memoria hesternæ prælectio: excute somnū, frica paulum oculos, & relege quæ edidicisti. Nisi faxis, à tergo, supra caput, ante oculos uindicta est. *F.* Quid relege? nihil edidici. *E.* Tum tu ipsa es miseria. *F.* Non exiget à me quidquam hac luce: nō enim oēs, id quod scis, quotidie recitare possumus, præ multitudinem. *E.* Ponamus exigere: quid dices? *F.* Doce tu me quid dicendum. *E.* Pulchrè dictum. Egone doceā te aliquod proferre mendaciunculum? nihil attraxit funis

funis tuus. *F.* Actum est, verberabor, recitare non potero. Quid ergo proderit mihi si vigilem? uno dolore duo peccata expiabo: dormiam rursus. *E.* Dormi dormi, nihil moror. Si Magister me obiurgauerit, narrabo quid fecerim, quid dixerim tibi, quid tu contra responderis. *F.* Tantum ne me experge facias. Si etiam hodie uapulauero, non moriar. *E.* Quæ tibi uerberatio faustè, ac feliciter eueniat mi Fabiole.

## PROGYMNASMA LI.

Spes & metus ob certamen scholasticum.

*Paschasinus, Stephaniscus:*

**P**ASCHASINVS. O quale, quàm uenustum, modisq̃ue omnibus elegans brauium in crastinum disputatoribus nobis à Magistro est propositum? Appelles ipse nihil pinxisset lepidius. Et idcirco ostendit, antè, credo, ut nobis ad disputandum faceret animos, & tam electorum præmiorum ardētiorē nos cupiditate in flammaret. *S.* Cogor ipse fateri, nihil uidisse me pulchrius istis imaginibus. *P.* At nos uictoria potituros, istaq̃ue καμπλία adepturos uix est ut sperare ausim. *S.* Nō? hem? quid est quod tibi desperationē istam obijciat? *P.* Iustinus & Anselmus disputatores sunt feruidissimi, rerumque grāmatarum ut qui maximè gnari, & in certaminibus uincere soliti: ego autem pro more habeo uinci. Si auctor es, ab eo, & Præceptorī cōditionem renuntio, aut ut prodāt dies aliquot disputationibus istis ab eo postulo. *S.* Tamne demisso atque

que humili te esse animo? audacia hic pro uirtute  
uti licet: exne metum. Sunt mihi aliquot reconditæ  
quæstiones, quas cum antagonists obiectauero,  
tanquam hamo pisces, uisco uolucres capientur. *P.*  
Si superati ceciderimus, uæ uirgis quæ morientur  
in corpore non tuo sed meo: uehementer enim do-  
ctor noster irasci solet succumbentibus, nec igno-  
minia illorum contentus est, addit etiam acerbita-  
tem supplicij. Tibi parcet, quoniã plerumque uin-  
cis, & uinceris ideo, quia solus duobus esse par ne-  
quiueris, cum ego te nihil adiuuerim. *S.* Ne sic te  
abieceris: non desunt tibi ad hanc pugnam uires,  
modò animus non desit. *P.* Quid tu statuisti propo-  
nere? *S.* De heteroclitis. Quid tu? *P.* De præteritis &  
supinis. *S.* Multa sunt ibi difficilia, bene elegisti. *P.*  
At hoc perquam incommodum, quod nunquã fas  
est librum inspicere. *S.* Si illis fas esset, nobis iniu-  
ria fieret: iam neutris fit. *P.* Si uictoriæ compotes re-  
dierimus, dona, quæso, mihi tuam partem. *S.* Insa-  
ne, quid petis? talentum malletm donare. Non abun-  
do istis opibus; tu ditissimus es. *P.* Errat qui hoc de  
me credit, mentitur qui dicit. *S.* Egone tibi mēdax?  
*P.* Verbo lapsus sum; fallitur, uolebam dicere. *S.* In-  
tendamus ingenia, & ad certamē nos accingamus,  
quod illi colluctatores nostri sine dubio iã faciunt.  
*P.* Hac nocte somno parum apud me loci erit. *S.*  
Apud me permultum uigiliis.

## Litigium.

*Pædagogus, blæfulus, curtiolus alumni.*

**P**AEDAGOGVS. Germanus tuus, Blæfule celeriter discit, citoque arripit omnia, tu autem lētē admodum, & ambulas gradu testudineo. *B.* Quid ergo tam crebrò obmutescit, cū te interrogante respondendum est? *P.* Audin' Curtiole? *C.* Stimulat fratrem meum inuidia, ferre neutiquam pōt cū abs te laudor. *B.* Egōne tibi gloriolas tuas inuideo? scilicet laudatissimus homulus es, præsertim cū manē surgendū. Ibi apparet generosum peccatus tuum, nā ad lectulum quasi clavis affixus adhærescis. *C.* Tibi, obtrectator, hoc uitium est: nam ego uocatus soleo me cubili proripere. *P.* Amborū una culpa. Mea hoc facit indulgētia, sed aliquando malis mala eueniet. *B.* Nihilo sum te inferior. *C.* Quid erit impudenter loqui, si hoc non est? nondum declinationes deuorasti. *B.* Pridem concoxi. *C.* Hebdomade antegressa exarabatur tibi corium quod uocabulū iusiurādum, in casus malè inflectebas. *B.* Et tu ex uno errato colligis inflexiones me nescire? *C.* Si examinereris, utique peccares in plurimis. *P.* Ne superbi, Blæfule; dabo enim potestatem Curtiolo te excutiendi, & introspeciēdi penitissimè. *B.* Habet nihilominus in schola cōplusclos, quibus palmam cedit. *C.* At tu interea manes indoctior. Quamuis me alii doctiores sint, ut sunt: ceterū uix tres quatuorue ex omni copia. *B.* Si tā crebris donarer munusculis ut tu, forsitā alacrius discerem. *C.* Imò tum

acci-

acciperes, si alacrius disceres. Non ante, sed post laborem ueniunt præmia, si iuste ueniunt. B. Abi argutule, consequar te, tametsi nolis. C. Si ego te cursum incipiente consisterem, tum me non exsequar modò, sed etiam anteuerteres. Hoc tu si speras, despera. P. Satis uerborum. Vterque cōtēdat neruos, sic parētibus, mihi, cognatis futuri quā charissimi.

## PROGYMNASMA LIII.

Simplicitas, & lentitudo Magistri.

*Torannius, Egesippus.*

**T**ORANNIVS. Terque quaterque beatus fuit hodie hic sodalis tuus. E. Qua in re? T. Quòd euidentissimo periculo, imò periculis, diuino adiutus numine est liberatus. E. Quæ ista pericula? T. Quæ sibi procreāt, qui nec scriptionē reddendā habent, nec memoriæ quidquam mandarunt, nec quæ respondenda sunt sciunt, & ad extremum tardissimè ludum intrant. His uirtutibus ornatus incessi hoc die. Carebam epistola, inquā, nihil edidiceram (quoniā in conuiuio apparatusissimo domi nostræ accubantibus ad intempestam noctē ministravi, & saltatorium orbē uersaui) nihil relegi, in lucem stertere perrexi: iam tu rationem subducito, quoties pulsationem promeruērī. Abii, excessi, euasi, erupi. E. Albo calculo hic dies notandus est tibi. An uerò cras epistolam ostendes? T. Equidem. E. Qui tam breui compones? T. Particulam ab hinc biduum composueram, eam emendabit noster Colmas, & reliquum addet de suo, iam enim promisit.

mifit. Videbor Præceptorī vna nocte expolitus, laudabit me palam. *E.* Nonne sentiet præstigias? *T.* Oh, non. Satis modicè literatus est: æra quid lupinis distent haud bene nouit; & est homo antiquus, cui persuaderi possit, ouum exstitisse ante gallinam. *E.* Itaque illi fucū sæpe fieri à discipulis credibile est. *T.* Sic opinior. *E.* Si resciscat, num maleficia vestra non vindicat? *T.* Etiam, sed molli brachio. Languidulus Præceptor est. *E.* Oleū flammæ. *T.* Vide quid mali faciant verbera: subigunt nos palpum Magistris obtrudere, & commenta proloqui; nam certò scio, non hæc committeremus, nisi plagas timeremus. *E.* Quin potius illius ingenium simplicius, & uitiosa lenitas hæc mala creant. Si enim uafri ciem uestram odoraretur atque perspiceret, & in reos acrius sæuiret, uos istis technis abstineretis. *T.* Ut cunque sit, ego secundissima fortuna me usum gaudeo. *E.* Ego autem te uolentem ac scientem Præceptorem cogitasse circumducere, non gaudeo.

## PROGYMNASMA LIV.

Hora extensa.

*Patrophilus, Zachæus.*

**P**ATROPHILVS. Hæc hora tam producta est, ut si dimidiatus sit dies. *Z.* Mihi penè annus videtur. *P.* Retraxit à cursu is, qui horologium moderatur. *Z.* Non abest suspicio. Egisset hoc bonus uir antequam scholas ingrederemur. At ille perpetuo post meridiem errorem horologii sui, uel suam potius incuriam ista hora corrigit, ponderaque



que sursum reuocat, quo in dies singulos fermè ad dimidiam horam tempus nobis prorogetur, cùm alioqui totas quinque hic sessitemus. P. Vbi nam igitur hanc iniustitiam deplorabimus? apud quem de ista iniuria querimoniam habebimus? Z. Censeo apud Præceptorem. Verùm cùm ipsemet non ignoret tempus extendi, & tam leni animo id pariat, uidetur uelle nos ultra definitum spatium hic inter scamna hēitare: quod tamen sine magna eius quoque molestia fieri non potest. P. Consilium dabo. Z. Da. P. Conueniamus præfectum horologio, eumque totius scholæ uerbis rogemus, & honorarium polliceamur, ne nos cruciet amplius; quin posthac non solum nō productiores, sed angustiores etiam horas reddat. quippe cùm hic sedemus tam diu, & immeritò, tempus quod domi ad studia, ad cenam lusumque relinquitur, necesse est fieri contractius. Z. Nostra ætas, pro dolor, ualde exposita est iniuriis, pueri enim contemnimur facilè, quia pueri sumus.

## PROGYMNASMA LV.

Pecunia utiliter collocata.

*Vuolfgangus, Sebaldus.*

**V**VOLFGANGVS. In amoribus es parē tibus tuis Sebalde, & oculissimus filius. S. Quo signo, quoque indicio istuc? VV. Illo recentissimo tuo, & tā splendido amictu: quanquā & alias nō me lateret, quā te in sinu & cōplexu semper hēant. S. Vt que ad eōne te in admirationē traducit iste ornat

tus



tus meus? *VV.* Sanè quidem: pòt hoc domus uestra; diuitiis affluit. Hem zonulam pulcherrimam ex holoferico, bullis nitentem argenteis, è qua ut bella belle dependet crumena? siquid pecuniarum custodit, optem illā mihi: si non, haud cupiā. *s.* Est intus pecunia, & tanta, quantam tu uix credas. *VV.* Quāta ergo? *s.* Coronati tres. *VV.* Supra fidem est. *s.* At ego faxo ut aliter prædices, nā res loquetur ipsa. En. *VV.* Quis dedit? *s.* D. Nicolaus more patrio in meā patellā cū cingulo, & pusillo istoc marsupio imposuit. *VV.* Ita in me liberalis haud fuit. Quid acturus? in quo consumpturus tam grandem pecuniam. *s.* Empturus quod animo meo collibuerit. *VV.* Quid collibebit? *s.* Quod erit meo iudicio uisendum. *VV.* Quid autem illud? *s.* Quid tibi arri-deret inprimis? *VV.* Plumulas elegantiuscalas eme rem primo loco, quas pileolo asluercm; deinde pugiunculū; deinde ensiculum, atque et speculum. *s.* Quas tu mihi ineptias? mercabor libellos inauratos, & xeniū præterea insigne, qđ anno hoc undeno nagesimo ineunte Præceptorī offerā. Nihil possum parare melius, nec qđ prudētes magis approbent.

## PROGYMNASMA LVI.

Virtus in teneris.

*Parens, ludimagister.*

**P**ARENS. Operæ pretium facturum me credidi, si aliquando interrogarē te quantum proficeret meus Laurentiolus. *L.* Est cur Deo gratias agas, mirādū in modum procedit in literis. *P.* Iam huc

huc accessum, & hoc abs te auditum gaudeo, tibiq;  
 secundum Deum ago gratias singulares propter  
 tuam diligentiam. Ego illi natura, tu amore & la-  
 bore pater es. *L.* Similes illius utinam essent omnes.  
 Verùm alios plerosq; minis, & ictibus ægrè permo-  
 ueo ad discendum quomocunque: ilte tantum  
 laudibus alitur, nihilq; peius timet quàm dedecus.  
 Quòd si quando in concertationibus frangitur  
 (quod per quam rarò contingit) plorat tanquam  
 si parentem amisisset. Excellenti in primis est me-  
 moria: nam cum facilè percipit quæ audit & legit,  
 tum fideliter continet. Quid multis? ducit classem  
 suam, & cum tēpus aderit ad scholam superiorem  
 ascendendi, aut prius, aut à primo proximus est  
 ascensurus. *P.* De moribus quid sperem? *L.* Non mi-  
 nora. Pius omninò puerulus est, Catechismum me-  
 moria tenet ut nomen suum; Rosarium secum as-  
 fiduè, & in sinu semper libellum precationum ge-  
 stat, cum in tēplum uenimus, quietissimus est,  
 Deoq; preces adhibet quàm religiosissimè; quin  
 & in ludo nemo ipso tranquillior, nemo ad paren-  
 dum promptior. Aureum genuisti filium. Precare  
 numen cœleste, uti sospitem annos iuueniles con-  
 ficere patiatur: magnam utique & claram Reipub.  
 lampadem accenderis. *P.* Vix sum apud me præ-  
 gaudio. Insiste mihi puerum erudire, sicut facis, &  
 scito te ob hoc ut fratrem fore mihi in medullis.  
 Malo enim prorsus carere liberis, quàm eos non  
 habere quàm præstantissimos: quales tua fideli ope-  
 ra me uisurum spero.

## PROGYMNASMA LVII.

Præceptor honesta imperat.

*Discipulus, Magister.*

**D**ISCIPVLVS. Summopere, maioremque in modum oro, uti hanc prouinciam reos peragēdi absentes, & alioqui tum in schola, tum extra scholam turbulentos; alteri uelis imponere, qui eam explicet melius ac libentius. *M.* Quid te mouet, Paule mi, ut hoc tam flebili uoce a me deposcas? *D.* Plena est dedecoris. *M.* Ne sic erumpas. Egene, aut ullus cui cum uirtute est cōmercium, tibi iusserit quod sit plenū dedecoris? *D.* Nō quidē re, sed opinione. *M.* Quorū opinione? *D.* Condiscipulorū meorum. *M.* Tui condiscipuli nondū sapiunt, fugit eos ubi laus; ubi turpitudine sita sit. Quid igitur de hoc munere loquuntur & sentiunt? *D.* Diffident istos Corycæos numerandos in proditoribus; non aquā aquæ similiorem esse. *M.* Nomina mihi de ista colluue aliquot. *D.* Non recordor sigillatim. *M.* Vnum saltem. *D.* Toties hoc audiui de multis. *M.* E schola non exhibis, nisi vnum mihi nominaueris, è quo exculpā ceteros. *D.* Magis me odiosum, & inuisum reddam. *M.* Sic agam, ut quipiam super hoc abs te ad me perlatum non intelligant. Tantisper fac sedulō quod tibi imperaui. Tu assiduus in gymasio, tu discendi studiosus, tu probus es adolescens, & animo meo charus egregiē, id eo te ante alios delegi, cui hoc mandarem. *D.* Quando constanter hoc mihi præcipis, obsequar tuæ voluntati, teque rogo, ut honori, & rationi.

tionibus meis consulas. *M.* Sollicitudinem istam abstermoue.

## PROGYMNASMA LIIX.

Literæ Bellerophontis.

*Magister, Discipulus.*

**M**AGISTER. Tantum non alternis diebus nusquam in schola cerneris: cum deinde causam volo noscere, nunquam te deficit aliqua huius tam frequentis absentiae purgatio; aut enim paternum, aut maternum imperium aliquo te negotio implicatum tenuit. Miror si ita res habet. *D.* Non secus profecto; & ut minus dubites in posterum, ecce schedam patris ipsius manu, eiusque signo obsignatam, qua mihi cauet. *M.* Legamus hanc schedam. O rem nec opinatam. Volebam tacitus quod hic exaratum reperio legere, verum rectius fecero, si clarè toto audiente cætu legero. In felices, & in caput atque perniciem tuam scriptas attulisti literas. Attendite, ut si qui huius pueri virtutem factaque imitami, eiusdem exitum & exitium perhorrescatis.

## SIMEON RHODOPHILVS

CASSANDRO Ludimoderatori S. D.

**F**ILIVM meum non nego aliàs à me, aliàs à coniuge mea negotijs occupari necessarijs, quando famulos, & ancillas non semper sub manum habemus. Ceterum ille, quo tempore scholæ habentur, nimis saepe in ædibus visitur, aut, quod narratum est mihi, in platearum angulis

*cum aequalibus certat globulis, ac nucibus. Cum percussor, quare in ludo non sit, respondet, aut non doceri, aut abs te sibi datam domi manendi potestatem. Ego te in functione tua adeo segnem, ut tam frequenter non doceas, aut pueri tam securum, ut sine iusta eum ratione abesse sinas, credere nequeo. Itaque tametsi ipse hoc epistolium à me flagitauit, quo se tueretur, tu nihilominus pro officio tuo in eum quam seuerissime animaduerte: id erit mihi vehementer gratum. Bene vale.*

*Hem Carole, quid ais? pallor omnia membra tenet, obmutuit, contremuit, deprehendi vulpeculâ. Nuda pellem, ut debitam artibus tuis mercedulam capias. En ut me ductauit dolis. Qui mendacio confidit, in caducum parietem inclinat.*

## PROGYMNASMA LIX.

*Minæ.*

*Præceptor, Puer præfractè indiligens.*

**P**RAECEPTOR. Alinum citius saltationem Pyrrhichicam docuisses, quam stipitem istum literas. Age puer, cape quod capiendum est: plus æquo tentasti patientiam meam. Rogavi, iussi, obiurgavi, verberavi, tu manes idem, id est, ignorans, & à literis, ut videris, abhorres. Si perstas in ista mente, patrem monebo, ut te ad molitorem, carbonarium, aut carnificem adducat, unius horum futurum discipulum. *Pu.* Ut incumbam toto pectore, nihil retineo literarum. *P.* Ipsa inscitia tua reclamant affirmationi tuæ. Qui enim possit fieri, ut tanta longiquitate temporis, si conatus fuisses, nihil proficiscies?

cisses? *Pu.* Nescio quâ fiat, fieri tamen planum est: nec sufficiens otium domi mihi relinquitur. *P.* Nûc primùm ista excusatione vteris? apparet conficta. *Pu.* Vtius esê pridê, nisi intellexissem nihil ualiturâ. *P.* Veritas apud me ualuit & ualebit semper. Cōueniam parentes tuos, cognoscâ ipsorum mentē si ab ipsis tibi nihil erit impedimēti, tu aut Grāmaticam discas, aut opificiū sordidū *Pu.* Nō cōmorabor diutius in patria. *P.* Quando discedes? *Pu.* Secundū pascha. *P.* Tuin ego non laborabo ampliùs tua caussa; restat. n. unus tantum mensis ad Pascha: beasti me hoc dicto. Quò discedes? *Pu.* In militiam, ut reor, cōmendauit. n. me pater cuidâ uexillifero. *P.* Sanè gladius, aut çnea fistula tuis digitis aptior ē, q̃ calamus.

## PROGYMNASMA LX.

### Recitatio.

*Magister, Discipulus.*

**M**RGISTER. Heus Andrea, comprehendi-  
stin' memoria, quam hesternò uespere expla-  
naui epistolam? *D.* Verò, comprehendi *M.* Quod fe-  
lix sit, claude librum, & recita distincte, clara uoce.  
*D.* Tullius Terentia suæ, & pater Tulliola duabus animis  
suis: & Cicero matri optimæ ac suauissimæ sorori.  
*S. P. D.* Si vos valetis, nos ualemus. Vestrū iam consi-  
lium est, non solum meum, quid sit vobis faciendum.  
*M.* Altiore uoce, ut omnes exaudiant. Date uacuas  
aures pueri. *D.* Si ille Romam modestè venturus est,  
rectè in præsentia domi esse potestis, &c. *M.* Andrea, An-  
drea, ne tu malè hanc bellam epistolam memoria



sepisti atque custodisti. *D.* Reuera domi tenebam perfectissime. *M.* Oh, tibi ego ut credam? Idemdem inspiciebas librum, & uerba furabaris. Antiquum obtinebas. *D.* Bis tantummodò, summumter. *M.* Et mentiri non vereris? quoties clamaui, claude claude? Quàm saepe insuper ordinem uerborum commutabas, priora posterius, posteriora prius pronuntiando? & aliquando tua pro Cicero nis, scortea ꝑ aureis uidelicet substituebas. Frequenter præterea uoces iam dictas repetebas, & denuo quasi deglutiebas: ut interim posses aut ipse librū aperire aliquantum, aut vicinorum aliquis suggerendo hærentem te in salebris expedire; quod & nunc, & alias sollicitè præstitit Bernardulus. Hemi altutias. Noui ego artes puerorū ad unguē omnes. Senex sum, & seni uerba dare difficilè est. *D.* Fuit nimium longa epistola, nequiui totam ediscere. *M.* Ecce, iam iam asseuerabas, domi te perfectè memoriter eam complexum. Itane tandem? tu ex uno ore calidū & frigidum? & aliud stans, aliud sedens? Cur nō ingenuè fassus es te nescire? *D.* Pertinui uirgas. *M.* Infelix puer, hoc magis pro commerita noxia te castigabo virgarum verberibus, quia ludificasti me, & ad socordie vitium vanitatis culpam ad didisti. *D.* Volebam mihi consulere. *M.* Non consulit, sed nocet sibi, qui sic recitat. *D.* Ego aliò uorsum hoc uerbi dixeram; pœnam paratam effugere studui. *M.* Ne tuum exemplum & impunitas corrūpat ceteros, hodie cædaris necesse est, puerorū uerberabilissime. *D.* Eheu, mi Præceptor, modò tantum parce. *M.* Idem rogasti antehac, & peperci: nunc

luen-



luendum est commissum. D. Per tuum te caput, per  
que tuam senectutem, perque vitam tuam obse-  
cro. M. Si per omnia diuina & humana obtesteris,  
nihil plus assequare, quam si ab asino lanam pe-  
tas, aut concioneris mortuo.

## PROGYMNASMA LXI.

Repetitio.

*Publius, Gaudentius.*

**P**VBLIVS. Conferamus inter nos audita Gau-  
denti, antequam Magister huc aditum ferat. G.  
Non ausim. P. Quæ huic est offusa religio? qua de  
caussa non audes, quod ipse Præceptor si resciscat  
nos agere, tantum abest ut ulla castigazione affi-  
ciat, laudatione etiã prosequetur? G. Quia fit cū pe-  
riculo. P. Quo periculo? G. Animaduersores illi me  
hoc alias cum alio facientem in gregem fabulan-  
tium per summū nefas aliquoties coniecerunt, ut  
ægrè postea, multa nimirum diligentique purga-  
tione vsus, constitutum garrulis supplicium euita-  
uerim. P. Vix adiungere dictis tuis fidē queo. G. Pu-  
tas me somnia narrare tibi? ecquando me cuiuspiã  
rei tibi falsiloquū reperisti? P. Nunquã! Sed cur ego  
non memini illuc accidere? G. Non semper es præ-  
sens in ludo; & te absente potest accidere, qđ post-  
modum vel non credas, uel etiã mireris accidisse.  
P. Onus fortasse declinas, & aliud in mēte, aliud in  
lingua promptum habet. G. Aliter est, tutiora eli-  
go. P. Quam tu uereris culpã, ego præstabo. Con-  
sueſtine solus tecum domi repetere explicationes.

Magistri? G. Vt si iureiurando ad id assiduo factitandum me astrinxissem. P. Non mirabor amplius, te nunquam non paratum inueniri, cum iuberis Auctorem exponere. G. Parum conducibile est audisse publi, nisi recolas quæ audieris: nec proxima tantum, uerum longinqua etiam, quæque ante hebdomadem, ante mensem explicata fuerunt, repetendo iteranda sunt, quoniã Themistoclis aut Carneadis memoria non antecellimus, facileque auditorum obliuiscimur. P. Possesne non quidem in dies singulos, nam id neutri foret commodum; at festis ac vacationum diebus, cum scilicet otium est à scholis, pauxillum temporis mihi tribuere, meque adiuuare, & communicare mecum hanc meam prouinciam? G. Vt vnà repetamus, & vicissim quæ obscuriora sunt declatemus? istuc uis? P. Nempe istuc. G. Equidem possum, & tua causa uolo. Ventitabis igitur in ædes nostras. P. Habes musæum quietum, atque à strepitu remotum? G. Etiam, ubi nemo nos, ne musca quidem, neue musculus impediat. Sed satis uerborum: iaciunt rete piscatores; fileamus.

## PROGYMNASMA LXII.

### Disputatio.

*Eucharis, Optatus.*

**E**VCHARIS. Si culpam uestrum tantum adest fiducia, prodeat extemplò in medium, ac certamine mecum congregiatur. O. Quid tu garris audacule? E. Ad disputandum quemcunque de condiscipulis præsentibus prouoco, nemine excepto,

pto, ne te ipso quidē, etsi uideris esse quanti uis pretij. *O.* Quo fretus tam insolenter te iactas? *E.* Diligentia sola: tenes? *O.* Nos igitur hactenus dormiuimus, & tu, si cœlitibus placet, didicisti omnia, ceteris nihil reliquisti. *E.* Qui se credit, p̄fecisse surgat, ueniat, digladiemur. *O.* Quasi tu sis præcipuus & inuictus disputator, ita gloriaris, uetosissime atque cōfidentissime homuncule. *E.* Re cupio refelli, non meris negationibus & conuitiis. *O.* Dolebis intimis sensibus, cum tibi uicto ruborem excussero. *E.* Tu citius à me pudore affectus recedes. *O.* Quo de uis disputemus? *E.* Hoc tui est arbitratus. *O.* Paratus es in omnibus? *E.* In omnibus. *O.* De nominum uerborumque inflexionibus agamus. *E.* Ut uoles. *O.* Capiamus arbitrum, seu legamus, qui amborum errores totidem punctis notet. *E.* Ad id iam se Albertus comparat, uti uides. *O.* Euge Alberte, ne somniculosè hoc agas, & nihil des gratiæ. *E.* Dimitte librū. *O.* Tu quoque abiice tuū. *E.* Nullum habeo. *O.* Suggeretorem tibi nullum esse uolo. *E.* Multò minus ego tibi. Egredere de loco tuo, & confide in scamno longo, quod affixum est parieti. *O.* Tu idem facito, sed è regione. *E.* Licet. *O.* Ne obruas me clamoribus, & spatium iustum ad respondendum concedas. *E.* Geram me ut par est. *O.* At si te uicero, haud eo cōtentus ero. *E.* Quid petes? *O.* Tuum mihi locum cedas oportebit. *E.* Haud recusem. Tuum, cum meo inferior sit, non postulo: aliud uictoriæ præmium perfolues. *O.* Quale? *E.* Vel rosariolum tuum. *O.* Etiamne oculum adiecisti? *E.* Vel pulchram imagunculam, uel globulos aliquot de selectioribus.

*O.* Iniqua

O. Iniqua conditio. E. Quapropter? Locus meus honoratissimus locorum est, ista autē quæ abs te exacturus sum, honoris & ornamenti quid afferunt? O. Etsi non optima apparet conditio, nihilominus quia factum hunc tuum retundere discupio, hui, Martē vtrinq; inuadamus. Pone tuas quæstiūculas.

## PROGYMNASMA LXIII.

Concertatio scriptionis.

*Gerardus, Octavius, Lambertus.*

**G**ERARDVS. Magister die ab hinc tertia materiam nobis communem ad scribendum dictauit, cras ante meridiem ostendenda est scriptio. Lambertus suam prædicatione effert, meam vilipendit, quam tamen nondum vidit: ego me inferiore in illo in animum inducere non possum ut existimem. Restat igitur ut te oremus, Octaui, des iudicium, noster Palæmon sis, & hanc controuersia ex quo & bono disceptes. O. Non nostrum inter vos tantas componere lites. L. Ludens potes, si libeat: si quidem utroque nostrum non paulò es liberatior. G. Da hoc mutæ familiaritati, sine impetremus. O. Quid vultis faciam? G. Ausculta dum legimus scripta, & quæ videbuntur commodè dicta, approba, quæ uitiosa, improba. O. Fiat ea lege hoc adeò, si neque laudatus superbia, neque reprehensione perstrictus bile intumescat. L. Spondeo meam vicem. G. Et ego meam. O. Recitet ergo Gerardus principem periodum. G. *Ex tuo tam diuurno silentio, mi Petre, non leuem traho molestiam, cogorq.*

cogorq. suspicari, ne forte res aliqua te mihi immutauerit  
 ut iam non sit, qui adhuc fuisti, hoc est, mei cupidissimus.  
 O. Legat suū initiū Lambertus. L. Charissime Lamber-  
 te, propter tuū satis longū silentiū nō parū perturbor, &  
 causā habeo. suspicandī, quod forsitan mutaueris uolun-  
 tatē erga me pristinā, nec me, sicut antea, diligas. O. Pres-  
 sius Gerardus, & aliquanto nitidius. Ad cetera ito-  
 te. G. Si erro, tu, quæ proxima inciderit occasio, eā noli præ-  
 ter mittere quin ad me scribas, & errorem hunc mihi eri-  
 pias: si id nō feceris, ne ægrè seras, cū te in posterum in  
 meis inimicis numer auero. L. Si me falsum habet isthæc  
 mea suspicio, tu, cū primū licebit, te mihi per literas  
 aperi, & hanc opinionē ex animo meo euelle. Quod si præ-  
 stare detrectaueris, ne succenseas, si deinceps inimicorum  
 te loco habuero. O. Vterque haud ineptē, & paulō me-  
 lius Lambertus. G. Simus itaque pares hactenus:  
 ceterū æqua manu ex hoc prælio non discedemus.  
 L. Planū hoc, & ad uictoriam maximi id interest. O.  
 Ad reliqua procedamus. G. Pro mea parte. Barbarū.  
 O. Corrige. L. Quod ad me attinet. O. Rectē. G. Quod  
 ad me attinet, idem sum erga te, quem cognoui sibi à longo  
 tempore. L. Barbarum & hoc. G. Qui dicendum erat?  
 L. Iam pridem. G. Qui tam acutum cernis in meis  
 lapsibus, videbo quos tu Ciceronianismos allatu-  
 rus sis in medium. O. Turpe est doctōri, aiunt, Lam-  
 berte; proinde te circumspicias, cautē rem geras.  
 L. Haud reprehendissem, nisi me iisdem locis lati-  
 nē locutū certō nossem. O. Absolue circuitum, seu  
 comprehensionem istam. G. Nec me ulla res ab insti-  
 tuta semel, & cōfirmata inter nos amicitia desciscere co-  
 get. O. Lege qd sequitur in tua Lamberte. L. Quantū

meam

*meā personā attingit. G. Barbarū. L. Quomodo? an nō sic loquimur: hoc negotium me attingit? G. Hoc & similia dicimus quidē, verūm non ideo statim proba est loquendi ratio qua tu vteris: olet merū rus, & est Tuscanismus. Cur nō adhibuisti illud; qđ ad me attinet? L. Credebā hoc quoque Romanē dictū. O. Bene monuit Gerardus. L. Idem permaneo in te, quē expertus es iā pridē: nec me ab amore semel suscepto quipiam aliquando abstrahabit. G. Ho, ho, ho, abstrahabit. L. Abstrahet, abstrahet. Phui, non aduerteram, obstupeſco qui obreperit. O. Etiam non aduertere vitia erratum est quoddam scribentium, quos conuenit quā oculatissimos esse, & non solum scribere, uerūm etiam scripturam relegere, bis, ter, quater, emendare quē studiosissimē. L. Non tantum est flagitium istuc, quantū si ex inscitia pecces. O. Esto. G. Legam clausulam epistolij. O. Age. G. Hęc breuiter, multis arduisq. districtus negotijs exaravi: cū plus otij uactus fuero, & aliquid abs te literarum accepero, id quod uehementer & cupio & spero, longiores mittam. Vale. L. Istq. conscripsi in magnis laboribus: quando plus mihi uacuitatis contigerit, & tu aliquid responderis sicut multum desidero & spero, prolixiores à me accipies. Valetudinem tuam cura diligentissimē. O. Seruabitis promissa? L. Vtique. O. Tu igitur: Gerarde, ne tibi ut uictor placeas: tu Lamberte, ne ut uictus excandescas. Quāuis semel iterumq; minus latinē quā dā infernerit Gerardus, accuratiūſ tamen epistolam contextuit, & loquitur latinīus quā Lambertus. Cede tu priores Gerardo, & iactura huius gloriolæ noli ad desperationem abuti, qđ esset pusilli & abiecti animi,*



animi, sed ad laborem ac nauitatē: quo tantò plus alias honoris reportes, quando ipsum uictorem tuum superaueris. *L.* Tuis consiliis obsequelam faciam. *G.* Io triumphē.

## PROGYMNASMA LXIV.

### Examen.

*Adauetus, Olympius.*

**A**DAVCTVS. Examen, id quod scis, prope diem instituendum, dies noctesque ante oculos mihi obuersatur, penitusque infedit in animo. *O.* Eadem res uersat & coquit mentem meam. Si huic tam graui periculo ereptus essem. *A.* Quòd iterum iterumque; ac sæpius per annū nō idoneas ob causas declinaui ludum, id nunquam æquē sensi ut nunc sentio, quantum damni fecerim; quocirca non mediocri in dolore sum. *O.* Me pariter æqualiterque absentia mea, quantumuis non tam frequētis pudet, pœnitet, piget. *A.* Accedit ad exaggerandā animi ægritudinem, quod diuinare non possum, quæ nam interrogaturi sint illi Quæsitores. *O.* Si scires? *A.* Ad discerem ea quàm studiosissimè. *O.* Estne aliquis ex omnibus, cui hoc detegere soleant? *A.* Nullus. *O.* Moderatè igitur feramus commune malum. *A.* Timor item solet obstare ne prouiam liberè & intrepidè quæ scio: itaque hæret mihi aqua sæpe. Hinc pro incitia ducitur, quæ non fuit. *O.* Ego, ne ut errans aliquantum finitè respōdeam nihil quidquā uereor: sed ne ut illiteratus planè illiteratissimè respondeam, id uerò non mediocriter pertimesco.

*A.* Qui



*A.* Qui te ad istud tremēdum & horribile examen præparas? *O.* Quidquid audiui totius anni curriculo, sæpius relego, ac repeto expositiones, quantū me adiuuat memoria: in Cicerone, Grammaticis, Christiana Catechesi. Vbi quid non intelligo, de cōdiscipulis doctiorem aliquem interrogo. Ad hæc, denuo mando memoriæ præcepta pro uirili.

*A.* Nimium operosus labor est tam multa discere.

*O.* Operosus, at necessarius omninō. *A.* Certū est tamen nō oīa quasituros.

*O.* Propterea instructū esse in omnibus conuenit, quia quod ipsis lubet interrogant de omnibus, prudenter. Si enim ordine interrogare uelint uniuersa, idque de singulis, nimis longum sit, & fastidii plenum. Qui porrō quæstioni cuicunq; aptè respondet, is totam uidetur scientiā cōsecutus.

*A.* Nō stultè dictū. *O.* Si præterisset hæc turbulentissima tépesta. *O.* Subeunda & perferēda est, si optes ascendere. *A.* Tametsi hucusque segregauī à me ignauiam in ista præparatione, tamen cogor neruos magis contendere, tūm ne reiiciar, tūm ne de postremis fiam unus: cui rei, præsertim quando est maior ascendentium societas, magna est adiuncta turpitudine & infamia. At enim, nisi examen istuc impendens me adigeret, nunquā studia forēt mihi tanti, ut eorum gratia caput affligerem.

*O.* Non ob examen duntaxat, sed ob futuras quoq; prælectiones meliūs citiusque capiendas audita repetenda & recolenda sunt: ut sic felicius in superiore schola uerseremur. *A.* In scriptione haud leue momētū est; ibi barbarissimos & solæcissimos timeo, malas bestias. *O.* Nō sine caussa: mordent atrociter.

*A.* Ex

*A.* Ex tempore, sine ullo libro in schola de argumento improviso scribendum. *O.* Omnia denique ad exploratâ progressionum nostrorû cognitionem capiendâ instituuntur: ideo reprehensioni affinia nequaquam putanda sunt. Et cum huiuscemodi discrimina in annos recurrant singulos, nec ulla uia euitabilia, sint reddamur studiosiores: nunquam uidi diligentes excludi. *A.* Inuenimus alter alterum in ista præparatione. *O.* Operam meam tibi promitto. *A.* Ego meam promitto uicissim.

## PROGYMNASMA LXV.

### Auditiones.

*Eleutherius, Modestus, Damianus.*

**E**LEUTHERIVS. Cur uos, Modeste & Damiane, hesternâ luce, & nudius tertius non adfuitis in gymnasio? *M.* Nihil dissimulabo. Ob cruditatem minus bellè ualui: nunc sum meliusculus. *D.* Ab amico in hortos suburbanos hoc mense anni amabilissimo & letissimo inuitatus, recusare nec potuissem si uoluisssem, nec si maximè potuissem, uoluisssem: est enim ille de amicis meis ueterrimus & fidelissimus. Inde autem aliquanto post, quàm putabâ, in urbem reuerti. *E.* Vndè nam discetis, quæ nos interea Magister docuit? *M.* Legi iisdem de rebus quem anno præterito accepi muneri à patruo meo commentarium. *D.* Ego ex autographo condiscipuli alicuius ea mihi describam. *E.* Arbitramini igitur uos isto modo eadem assecuturos, & intellecturos perfectè omnia? *M.* Quidni? Quin iam assecutus sum:

sum: nihil requiro. *D.* Per paulum aut nihil interest, ut quidem opinio mea fert, audiuerisne, an postea descriperis. Et hoc est commune eorum solatium, qui uel uoluntate, uel casu aliquo abfuerunt à ludō; posse aliunde describere. Sunt qui nullum idcirco angorem capiunt, quanquam menses totos docentem non auscultauerint. *E.* Magno errore uterque labimini. *M.* Si placet, demonstra nobis istum errorem. *E.* Longè præstat audire quàm legere, etiā si multò diligentissimè legas. *D.* Quid ita uero? Non egemus libris desertis, elegantibus, eruditis, unde hauriamus scientiam, & quæ legimus, intelligimus: neque enim adhuc nucibus ludimus, ut proinde iactura audiendi, paucorū præsertim dierū, tam grauius & iniquè ferenda non sit. *E.* Legendi semper est occasio, non est semper audiendi. *M.* Non sit: quid tum? *E.* Lectio solitaria est ueluti quidam somnus, auditio ueluti uigilia. Viua uox Præceptoris magis nos afficit, plenius quasi pascit & alit; & altius descendunt in animum, in eoq; tenacius inhaerent, quæ pronūciatio, uultus, habitus, gestus docētis affixerit. Quid, quòd illa moderatio & uariatio uocis cuiusdā cōmentarij efficacitatem obtinet, & quædā eorū quæ dicuntur est illustratio? Quid, quòd plura ferè dicuntur de una eademq; re in schola, quæ non item scribuntur; quia neq; possunt commodè scribi, neque uult ea Magister calamo excipi? *M.* Nihilominus acriora absolutioraq; sunt quæ legimus in auctoribus. *E.* Ut hoc concesserim, quoniam plus operæ consumunt, qui libros edunt, quàm qui de superiore loco docent, tamen obscuriora

scuriora, & inuolutiora esse quæ scribuntur, tu mihi uicissim concedas oportet. Non enim se liber ipsemet explicat, ut Præceptores facere consueverunt, qui multis exemplis, sententijs, argumentis utuntur, & nihil quod ueretur non intellectum iri, præmittunt quin declarent. Quod autem scriptum est semel, hoc per sæcula tale, quale fuit ab initio, siue clarum, siue obscurum, siue facile & expeditum, siue difficile impeditumque manet. Interroga millies quid hoc, quid illud sibi uelit, nunquam respondebit liber tuus quem uoluis. Conquerenti Alexandro Regi cum Aristotele, quod libros Physicorum edidisset, quos Rex compressos teneri cupiebat; ut quomodo imperij, sic scientiæ gloria præstaret multis mortalibus: rescripsit Philosophus: sciret illos libros esse editos, & non editos; neque enim posse intelligi nisi ab ijs, qui sibi docenti præsentibus dedissent operam. Præterea fieri aliquando potest, ut tam probatus & doctus non sit liber, & ita te parum adiuuet, quin imò multum tibi noceat. Atque ut probatissimus sit, ego certè eximium Præceptorem malo, quem tanquam ex multis libris unum quendam, uiuumque librum contempler; qui scilicet multa & multos peruoluit, & tanquam sedula apes è diuersorum flosculorum succo unius cuiusdam dulcissimi que saporis succum expresserit. *D.* Tam ingeniosi acuti; nos haud eramus, ut ista animaduerneremus, quæ tu nos modo nec opinantes docuisti. *M.* Ad tuam sententiam meum aggrego iudiciū. Prouidebo ut post hunc diem audiam quotidie, nisi morbi alicuius grauitas prohibeat.

buerit, aut medicus publico abstinere edixerit. D. Ego in dies festos conuiuia, & hortorū istas inuitationes reiiciā. E. Tantū tribui à uobis orationi meę, & non displicuisse consilium, magnopere, non mea quidem, qui tantum nec agnosco nec postulo, sed uestra causa lætus sum.

## PROGYMNASMA LXVI.

Industria discendi.

*Gordianus, Alexander discipuli, Magister.*

**G**ORDIANVS. Ne defugias hoc officiū, da mihi tantillū, mi Alexander. A. Mitte orare tandem, en paratū habes, accedamus. G. Age sanē. A. Sollicitauit me dudum, & instigauit Gordianus, ut quippiā tibi in percunctādo ponere uenerādx Præceptor. M. Quid est quòd uicariū querit? ipse per se, si quid est opus interroget. G. Non uidetur referre uter hoc faciat. M. Ergo ipsemet faciat. A. Impedit hominē adolescentiorē uerecundia. M. De rebus à me explicatis, aut disputatis num est aliquid? A. Nihil tale. M. Quid dicā fore? Enūciate paucis. A. Ausmus scire nos duo, quinā discipulorū tuorū tibi in præcipuis sint amoribus. M. Et si quæstionē affertis neq; necessariā, neq; tantopere nobis utilem, attamen responsum reddā, & sentētiæ iudiciūq; mei rationes cum exposuero, efficiā ut peritiores abeatis, quā aduenistis. G. Id nobis in optatis est, studeamusq; sermone tuo etiā nūc doctiores fieri. M. Principiò apud me qui dē certē formosus an deformis sit aliquis perparui refert, qui non nesciam, nec in  
omni

oī pulchro capite inesse cerebrū; & uinū Lesbiū in uilia abiectiona; uascula, ut in pateras gēmatas, & aureas infundi posse, iuxta mecū æquē intelligitis. *A.* Quid uerò spectare soles in discipulis, propter quod eosdem beneuolentia complectare? *M.* Duo. *G.* Quæ nā? *M.* Ingeniū & industriā: hæres duæ cōmendant & charos mihi reddūt auditores meos. *A.* Si quis ambabus excelluerit? *M.* Vnum multorū instar, & ambrosia alendū, à meq; amari tanquam oculos meos affirmo. *G.* Si quis neutra? *M.* Eum fœnum esse oportere, & ad sordidū quæstuosumq; opificium aliqd detrudendū. *A.* Si abs te in hac desperatissima colluue numeramur, restim ememus, qui nos suspendamus. *M.* Meliora ominamini, tenetis apud me locum non infimū. *A.* Ingeniosos forsitan pferendos arbitrare diligentibus? *M.* Qui possim? *G.* Potiores partes dantur ingenio. *M.* A quibus? *G.* Ab uniuerfis. *M.* Qui uerò sunt isti uniuerſi? eruditione rerumq; usu & ingenio præstātes, an illiterati & imprudētes? *G.* Eruditi ni fallor. *M.* Falleris. Ingenium ignauum, legne, pigrū, eruditus nemo celebrauit. Diligentia siue industriam mediocri confociatā ingenio certatim omnes in magna gloria & laude ponūt. Hæc sola est quæ plausum meretur. De hac Poeta quidā uerissimē cecinit: Omnia conando docilis solertia uincit. *A.* Iam pspicimus industrios te præ ingeniosis admirari, illosq; tibi esse in delitiis. *M.* Fateor ita esse, ut dicis. *G.* Quamobrem? *M.* Auscultate, tum scietis. Primum res mihi uidetur amore dignissima labor multus & assiduus in honesto & præstabili negotio, animusq; in saturabili sapiētiae



cupiditate incensus, cuius ille (labor inquam indefessus) locupletissimus certissimusq; telus est. Nemo quippe in eo elaborare, operaq; collocare uelit, cuius amore ac desiderio nullo flagrat. *A.* Percepimus istā causam, & alias si quæ sunt requirimus. *M.* Quid agit bonus Præceptor? *G.* Docet. *M.* Studiose an oscitanter? *G.* Studiosè. *M.* Bestias an homines? *G.* Homines utiq; *M.* Discentes, an animis & cogitatione alibi commorantes, solisq; corporibus præsentibus? *G.* Discentes, & tota mente attentissimos. *M.* tu mihi responde Alexander. Quorum censes proprium esse discere; ingeniosorum quā ingeniosi, an potius industriorum, etsi ingeniis minoribus præditorum? nam industriam omnis expertem ingenii applicare ad literas, esset imbrem in cribro portare. *A.* Plurimi ualentes ingenio non discunt, aut dissolutè & languidè discunt: quocirca eorum hanc esse naturam neutiquā sentio, nulli enim ingenioso deesset. *M.* Rem fabulare. Bene docentes igitur quos amare potissimum & in primis debeant? *A.* Bene discentes sine ulla controuersia. *M.* Omnem rem tenes. Quid nunc superest quod quæritis? *G.* Dici non potest, quā tua istac tam subtili disputatione delectati simus. Tulimus responsum sapiens, & quod præterea requiramus restat nihil. *A.* Perspicimus probè quid tu iure à nobis postules, enitemurque ut amore tuo, & quidem illo non vulgari ne simus indigni: quoniam quos uehementiùs diligas, manifestò cognouimus. *M.* Si uerba ad rem contuleritis (quanquam hætenus non omisit, & ego magis instituti tenendi quā hortandi



di causa hoc profero) si hoc inquam effectum deritis, nomen vestrum cum æternitate cōiungetis.

# PROGYMNASMA LXVII.

Pensum diurnum.

*Magister, Discipulus*

**M**AGISTER. Non tu existimas, Antoni, ad progressus in eruditione liberali haud ita longinquo tempore consequendos permagni interesse, certosne tibi labores, libros, exercitationes proponas, quibus studium dedas in dies singulos, an, ut impetus tulerit, & quamdiu tulerit, ita quidque & tam diu agas? *D.* Sanè quidem maximi interest: hæc mea est opinio. *M.* Ecquid præterea intelligis quanti referat, utrum confusè ac perturbatè, an distinctè & ordine discas atque exerceas, quæ discenda & exercenda sunt? *D.* Ego uerò perspicuè intelligo, & re ipsa id experior. *M.* Nū tu igitur cōsueuisti certa quædā tractare, & unumquodque præstituta hora per diei spacium? *D.* Prorsus consueui. *M.* Commemora mihi quamam istuc ratione. *D.* Posteaquā ad primam auroram somno solutus de lectulo surrexi, corpus amictu contexi, faciem abluui, capillum pexui, quartam horæ partem diuinis præcationibus transigo, à cœlesti doctore opem auxiliumque efflagito, me illi cum studiis & actionibus diurnis totum do, dico, addico. *M.* Castissimè: à Deo enim qui est totius sapientiæ primus & antiquissimus parens, auspicari oportet, ab eo agendi sunt

capienda initia. *D.* Tum me ad libros applico. Primum omnium, quæ ante meridiem in scholis pronuntianda sunt ex memoria, edisco. Reliquum tempus in vespertinis diei præcedentis interpretationibus dictatisque confumo: ut si iusseris possim auctorem explanare. Aere campano interea in ludum arcessimur, ibi tuipe nosci quid agam. *M.* Et quid tu, & quid alii. *D.* A prandio rursum edisco & repeto, mecumque retracto ac reuolo, quæ te explicantem, & alioqui ad nos expoliendos accommodata, & idonea disserentem audiri. Si quid superest temporis, quemadmodum manè quoque soleo, Adrianum Cardinalem, aut epistolas Ciceronis lectito. *M.* Rectissime. Quando scribis? *D.* Secundum scholas pomeridianas usque ad cenam: id est intervallum horæ & semis. Nunquam autem scriptioni manus admoueo, ni prius Ciceronem versauerim, animumque meum illius compositissimæ ac splendidissimæ orationis illecebra delinitum, amore & diligentia similiter scribendi inflammari. *M.* Euge, prudentissimum cōsiliū: quā vellem te condiscipuli, & quotquot posthac se mihi in disciplinam tradent, imitarentur? Hoc si fiat, publico fiat bono. A cœna quid incœptas? *D.* Si non desunt sodales, honestis facetisque sermonibus, aliquando symphonia, seu cantu musico cum illis diem comburo. Si solus, tum aut testudinem pulso, aut fabellas Aesopi, apophthegmata, historiam planam, & disertè ac tersè conscriptam, quandoque etiam festina & pudica poemata lego, quibus lectiunculis oblecto otium meum, & tum ex ipsa rerum pul-

cherri-

cherrimarum cognitione, tum ex sermonis elegan-  
tia, quasi aliud agebs utilitatis fructum minimè pe-  
nitendum ex cerpo. *M.* Liberalius, iucundius, cōdu-  
cibilis suadere tibi nihil potuissim: supra ætatem  
sapis. Diebus festis quid rerum agis? *D.* Ad exercen-  
dam memoriam de poetis ueteribus, item ex Cice-  
rone, Liuiō, Sallustio, locos insignes edisco, quia te  
id in laude ponere non sum nescius. Præter ista in  
Græcis nō parum temporis colloco. E sacris aucto-  
ribus ad animum emendandum, etiam sæpe aliquid  
lego. *M.* Probo summopere Institutum. Quid? diem  
uacationis totū mne, dum cubitum concedas in lu-  
do exigis? *D.* Deus auerruncet: ne tu suspicere me  
unum de inertiū istorū esse sodalicio, qui ludum  
& ferias in primis, studia in postremis numerāt. *M.*  
Quid ergo facis? *D.* Vbi horas aliquot corpus ani-  
mūque iucundè recreauī, & ad omnem me hila-  
ritatem effudi, mihimet receptui cano, ad libellos  
regredior. Nam me quemcunque diem, quo non  
didicerim, perdidisse statuo. *M.* Quā non inuito  
ad aures sermo hic tuus accessit? O te solertissimū,  
o summè industriū adolescentem. Tu non aman-  
dus? tu non gestandus in sinu? Mane in hac ratione  
semper, teque ex eā lucrum emolumentūque  
vberimum, & immortalis gloriæ splendorem ac-  
quisiturum spera.

## PROGYMNASMA LXIIX.

Observator.

*Observator, Athanasius, Matthæus, Bonifacius.*

**O**BSERVATOR. Vos tres, linguas geritis  
impensè liberas & expeditas, loquacitas vo-  
bis dominatur, meam admonitionem cōtemnitis  
ac pro nihilo putatis. Ecce in fabulalorū indicem  
vos refero. Si Pegaso velociores sitis, nunquam ho-  
die effugietis infortunium. *A.* Conniuisti aliās, con-  
niue nunc etiam, & muta istam mentem, rogo; tace-  
bo deinceps ut piscis. *M.* Si nos in reos conieceris,  
erit mihi, quod Præceptori de te narrem. *O.* Quid  
dices? *M.* Cognosces. *O.* Minas iactare cuius obuiū  
est. *M.* Experieris. *O.* Crimen in me nullum admisi,  
cuius me stimulet conscientia. *M.* Senties. *O.* Nul-  
lius inquam facinoris crimen incurri, quo tu me  
accersas, & non ignoro technas tuas. *M.* Videbis.  
*B.* Ne scribes nomen meum in tabula, donabo tibi  
quippiam. *O.* Egone ut patiar me abs te corrumpi  
muneribus? *B.* Lepidissimum est. *O.* Non curo. *B.* Si-  
mul aspexeris, appetes. *O.* Mitte nugari, nihil habes  
quod dones. *A.* Habet certè. *O.* Quin ostendis? *B.* Ec-  
ce imaginem longe uenustissimā: augustissima Dei  
mater puerum I E S V M ulnis sustinens. Videtis ut  
amabiliter arridet nobis diuinissimus atque bel-  
lissimus infans? *O.* Hanc cene daturus es? *B.* Daturus,  
si pollicere silentium. *O.* Polliceor, da. *B.* Quæ res fe-  
liciter ambobus eueniat, accipe. *M.* O factum be-  
ne, iam tu incorruptissime observator nec me, nec  
Athanasium audebis accusare. *O.* Quomodo nō au-  
derem?

derem? *A.* Quia nos te accusaremus, & tu penderes pœnas non leues, quod Præceptori infidelis ac perfidus extiiffes. *O.* Ignosco vobis similiter, ut Bonifacio. *M.* Perplacet. Discede iam hinc obserua alios. *A.* Pro, quantum boni adepti sumus hac luce, qui ab isto quidem Observatore quoad uouerimus tuti simus. *B.* Quinam? *A.* Si de fracta lege silentii postulare quenquam è nobis meditabitur, obijciemus illi, quam abs te accipere non recusauit elegantem picturam ut sileret: mutire non audebit. Nam tribus, tibi qui donasti, mihi & Matthæo testibus oculatis plus utique quàm illi soli uel iurato credet: periurissimum dicet, si deierauerit. *M.* Via reperta est commodissima ad euadenda uirgarum nerbera, propter istam congressionem nostram uidelicet imminetia. Vah.

## PROGYMNASMA LXIX.

Formulæ petendarum facultatum.

*Ludi magister, Nicolaus, Crispinus discipuli.*

**L**VDIMAGISTER. Quas ob res, Nicolae, consueuerunt à Magistris potestatem petere pueri? *N.* Ob duas potissimum. *L.* Scilicet. *N.* Ob exitum è schola, & absentiam à schola ad tempus. *L.* Quapropter solent exire è ludo? *N.* Vel ut corpus leuent, uel ut emant aliquid necessarium. Item ob causam aliquam omnino fortuitam. *L.* Estne more Cynicorum Stoicorumue simplicibus, propriis, apertissimis utendū uerbis, sine ulla præfatione honoris, cū loquimur de illis naturæ humanæ necessitatibus

tatibus,quās iam cogitatione præcipis:an potius te  
 ctis,ac prætextatis;ut quod re inhonestum non est,  
 modò occultè fiat, id uerbo ne turpe obscœnum-  
 què sit? N. Ita tu quidem nuper ex Cicerone nos  
 erudiuisti. L. Velim petitiones aliquas iis uerbis  
 iteres,quibus à me accepistis. Agite pueri,ausculta  
 te atque operam date,& quæ dicetur percipite, N.  
 Caput, uenter, dentes mihi condolent, Præceptor  
 quocirca precor, fac mihi copiam eundi domum.  
 Febriculam, tētar uinculam sentio: tua cum uenia  
 domū me recipere concupisco. Necesse habeo exi-  
 te, Præceptor, ad hoc illudē emendum: si permit-  
 tis, exhibo, & post paulò reuertar. Vocor domum à  
 seruo, ab ancilla: possum abire? L. Quomodo, Crispi  
 ne, absentia facultas roganda est? C. Hoc illudē ne-  
 gotium mihi curandum, transactum reddendum,  
 transigendum, perficiendum est, lauandum hospiti  
 bus seruiendum, ægrōtanti sororī, patri ministran-  
 dum. Parentes mei hanc, illam rem ut peragerē mi  
 hi præceperūt; huc, illuc me mittunt, quamobrem  
 hodie, cras, biduo, triduo in ludo adesse non pote-  
 ro. Hac de re certio rem te facere uolui, amanti ssi-  
 me Præceptor, quo id te conscio ac non repugnan-  
 te fieret. A scholis abfui heri, nudius tertius, qua-  
 tuor, quinque dies, &c. ob hanc, ob illam causam;  
 quā excusationē ne repudies, tē uehementer oro. L.  
 Hiscē phrasibus edico à me potestatem petant om-  
 nes, & usitatam sibi, lutulentamque barbariem ua-  
 lere inbeant. Qui contrā uenerit, is & quod peter  
 non impetrabit, & modis accipietur tā miseris, ut  
 posthac oēs barbarissimos odio Vatiniano oderit.



## PROGYMNASMA LXX.

Certamen copiarum.

*Paulinus, Mauritius, Eugenius.*

**P**AVLINVS. Vter uestrum paratus est mecum conferre manus, conferre pedem, suscipere bellum, certamen inire, prælio contendere, pugnam capeßere, in arenam descendere, Martem laceßere, armis experiri, dimicare, pugnare, certare, decertare, præliari, configere? *M.* Ohe, quorsum tu inconsideratè tot synonyma, tot loquendi genera idem ualentia conglobas? diceres semel uno uerbo quid uelles. Ecquid tibi uis tandem? *E.* Quid istuc prælium nobis, quam dimicationem offers? gloriose miles. *P.* Demiror equidè non sentire, non uidere, non animaduertere, non intelligere, non percipere vos quid cupiã, qua de pugna loquar. *E.* Nempe tibi admodum plaudis de uarietate sermonis atque copia, & tãquam Cræsus aliquis in tua affluetia nos ut Codro pauperiores auersaris, nostram paupertatè despiciatui ducis. *M.* Legisti n' mi Thraso (mi Pauline uolebam dicere) quid Archidamus Lacedæmoniorum Imperator, cum in Arcadiam irrupisset, cognouissetque hostibus Eleos ferre auxilium, quid inquam ad eos scripserit? *P.* Quid scripsit? *M.* Hoc tantum: quies bona. Ne igitur te commoueas cum tuis copiis, ut ne incidas in permagnos & ualentes exercitus, à quibus fœdissima strage concisus cum fueris, tum denique dicas quid moneat illud uetus adagium: Satius est recurrere quàm malè currere; palma in medio est



est posita. *P.* Quod tuo capiti sit. Rem istā mecum recta reputaui uia, subduxi rationes, delectus egi: absit uerbo inuidia, est unde uobis bellum faciam. Quare si uiri estis, non mulieres, si audetis, si uos uel la accendit tantarum gloria rerum, mouete, aciem instruite, & à iugulis uestris uim meā prohibete. *M.* Vt sæpe summa uirtus in occulto latet? Hic Imperator quantis est ceruicibus? innumerabiles & munitissimas uidetur urbes expugnasse. *E.* In nobis mora non erit ulla, quoniam tibi insanire liber. Ponesis in quo nos copia tecū decertare desideras. *P.* Ponā uerò. *M. O R I,* quot modis aliter efferri pōt Mauriti? *M.* Multis, quod neminem fugit, nisi qui literas fugit. *P.* Quot ergo? *M.* Tu numerato, ego proferam. *P.* Numerabo. At caue quidquam inquinatum ac lutulentum, tanquam bonis mercibus adulterinas, & argenteis nummis plumbeos admisceas. *E.* Quorumnam formas illas loquendi esse postulas? *P.* Ridiculus es. Interrogas qualem cocum, quales epulas stomachus meus appetat? examussum optimū, & cōquisitissimas; architectorum nimirum & principum latinitatis, *M. Tullii, Cæsaris, Sallustij, T. Liuii, Planti, Terentii, Virgilij, Horatii,* &c. nec enim poetas excluderim: aliorum denique probatissimorum scriptorum, etiam nostri sæculi, qui imitatione ad sanitatem & mundiciem antiquorum accedere studuerunt. *M.* Facient ad stomachū tuum, uti spero. *P.* Ordire, Eugenius te excipiet, ego postremo loco occidam uos: trecentos enim modos ad hanc unam rem explicandam recensebo. *E.* Basilicas edictiones hic habet. Mira confidentia.

*P. Mira*

**P.** Mira diligentia. Iam è tabernaculis militem edu-  
cito. **M.** Mortem cum uita commutare, non, ut ali-  
qui, phrasin non intelligētes, inuerso uerborum or-  
dine dicunt, uitam cum morte commutare : hoc e-  
nim est ex mortuo uiuū fieri; uitā scilicet pro mor-  
te recipere. **P.** Quis ita locutus est? **M.** Seruius Sul-  
pitiū disciplina iuris ciuilis eruditissimū, & ora-  
tione maximè limatus ac perpolitus, epistola qua  
Ciceronem de obitu Tullie consolatur: *Posteaquam*  
*mibi renunciatum est &c.* lib. 4. epistolarum ad Fami-  
liares. **P.** Reperiturne ibidem aliū dicēdi modus?  
**M.** Ita: diem suū obire. **P.** Sic est, perge. **E.** Mauri-  
tius didicit literas Pauline, & personam adhuc be-  
ne gerit. **P.** Nondum me perculit. **M.** E uoce, uita,  
frequentes nascuntur formulæ. Vitam reddere: in-  
terdum adiungitur, naturæ, dandi casus uidelicet.  
Vitam deferere, uitam dimittere, amittere, relin-  
quere, uita cedere. E uita cedere, discedere, dece-  
dere, recedere, excedere, desciscere. Vita concede-  
re, est apud Corneliū Tacitū. E uita seu de uita exi-  
re, migrare, demigrare. Extremū uitæ diem cōfice-  
re, uita carere. Restant modi quidam conflati ex uo-  
cabulis, aīa, lux, spiritus, corpus, & aliis, quos relin-  
quā. Eugenio repræsentandos. **P.** Quomodo? tu repræ-  
senta, tu promus esto, si quid habes cōditum prate-  
rea. **M.** Satis fore arbitror, si formarū numero am-  
bo te quasi cōiunctis castris, duplicatisq; uiribus  
superemus. Quòd si tu uni potes resistere, duobus  
profectò nō resistes: nā neq; Hercules cōtra duos.  
**P.** Attulisti circiter quatuor & uiginti: atq; plures  
expectabam. **M.** Mox addetur cumulus, ut sint am-  
plius

plius quadraginta . Sudabis & algebis Pauline , si his nostris omnibus prætermiſſis (quod neceſſariò tibi faciendum eſt) plus quinquaginta in medium adducere uolueris : quot niſi adduxeris palmã nequaquã obtinebis. Et ueremur magnopere, ne leonem pollicitus cùm ſis, murẽ oſendas. *P.* Ego cõtrã uereor, ne uos falſa teneat opinio. Mecum erit iſte labor. *E.* Animam efflare, edere, exhalare, agere, exſpirare, amittere. Lucis uſuram reddere, amittere, ex hac luce diſcedere, migrare . Extremum ſpiritũ ſeu uitæ ſpiritum exhalare, ſpiritum, ſupremum uitæ ſpiritũ edere, ſpiritũ finire . Ab hominibus, ſeu ab hominũ uita demigrare, inter uiuos eſſe deſinere. In uiuis. inter uiuos numerari, uitam & ſpiritum ducere, uita & cõmuni ſpiritu frui, uitam propagare deſit. Intercluſa anima creditus eſt mortalitãtẽ expleuiſſe. Cornel. Tacitus agens de Tiberio, annal. lib. 5. in extremo. Poetarũ illa ſunt, uitale lumẽ, lucem relinquere, lumina linquere, occubare umbris, linquere dulces animas; quæ duo ſunt Virg. in 3. Aeneid. in quo & illud ad Aeneã Andromache: Vinifne? aut ſi lux alma recedit? Idem in 11. per eleganter, capi letho, cũ de Camilla loquitur. Ibidẽ de eadem moriente; Vitaque cum gemitu fugit indignata ſub umbras. Extremum efflare halitum, quo uſus eſt in ſecunda Tuſcul. diſputatione Sophoclis aliquot uerſus in Latinũ cõuertens M. T. & in primo, letho potiri: Euthynous potitur fatorum mune re letho. Vocant etiam mortuos carentes luce, caſſos lumine. *M.* Non pœnitet uirium, utrique noſtrum magnum dedisti decus. Deſine plura, nō uin

cet nos hodie. *P.* Vincam, ita sim felix. Ac primum simplices uoces, quibus uti consueuerunt auctores Latini, cum de morte uerba faciunt, producā: quas tamen ueluti calones & lixas, non ueros, auctoratosque milites æstimari, nec, quod ad uictoriam attinet, ullo ipsos numero esse postulo. *M.* Fiat sanè, dum fateare, nos quoque fungi potuisse hac opera. Quin etiam illas elocutiones cōmemores licebit, quibus præter naturam inuicta mors declaratur. *P.* Ita facere decretum est mihi. Demum ad eas aggrediar, quæ sunt uestræ classis, ex quæ partim oratoricæ, partim poeticæ: hoc modo numerus aduersus numerum pugnabit, meus nempe maior cōtra uestrum minorē. *E.* Placet: iam proposita exequere; ar rectis astamus auribus. *M.* Sed expediet fortassis tuos milites in procinctu testamentū facere, quoniam satis est credibile, apud inferos hodie cenaturos. *P.* Quod facillimū est facis. *M.* Quid istuc? *P.* Homines ut irrideas: verūm nihil moueor istis salibus. Itaque pro, mori, etiā dicimus interire, occidere, extinguī, obire, decedere, excedere, absumi, decidere. Plautus Trinummo: Nemo extat, qui ibi sex menses nixerit: ita cuncti solstitiali morbo decidunt. Ibidem: Quin prius ad plures me penetraui? Er in Casina. Qui nunc abierunt hinc in comunē locum. Terent. Phormione: E medio abiit. Horatius quoque:

*Nos ubi decidimus,  
Quo pius Aeneas, quo Tullus diues & Ancus, Puluis  
& umbra sumus.*

Vixisse etiam dicuntur, & fuisse, quos mortuos signi-

significare volumus, *κατὰ συνειδούχην*. Qui seu uolentes, seu nolentes occiduntur, ii dicuntur uitam ponere, profundere. Virg. animas prolicere, in 6. Vita priuari, exui, eiici, spoliari, expelli, extremum spiritum effundere, mortem capere, è uiuorum numero exturbari, à uita eximi, morte affici, multari, mortem oppetere, morte seu mortē occumbere, quod Virg. extulit in secūdo, cum dandi casu: Seu uersare dolos. seu certæ occumbere morti. Cic. 1. Tuscul. è Poeta uetusto: Priamo ui uitam euitari, id est, extorqueri; mitti ad mortē, ubi Socrates de se cicutam bibituro differit, & 9. Philipp. Occidi, interfici, interimi, necari, maētari, obtruncari, iugulari. Iis item dicitur uita eripi, adimi, extorqueri. Liuius lib. 1. dare manibus dixit, pro interficere. E. Vellem in rem præsentiē uenire, si liber adesset. P. Nihil est opus: memini uerba & locum. De duobus Curiatis tum à se peremptis, ac de tertio iā iamq; perimendo sic ait uictor Horatius: Duos fratrum manibus dedi: tertium causam belli huiusce, ut Romanus Albano imperet, dabo. Malè sustinenti arma gladium supernè iugulo defigit, iacentem spoliat. Plautus Menæch. Quem ego hominem, si uiuo, uita deuoluam sua. Ibidē: Anima priuabo uirū. Ecquid plura expetitis? M. Nō his cōtenti sumus. Ad illa delabere, quæ sunt institutæ cōcertationis propria; & memento quanta sit à nobis coaceruata locutionum multitudo: simul in mētem reuoca, quid promiseris. Et cū nos in summam expectationem adduxeris, uide ne falsos turpiter deferas. P. Non excidere promissa animo. Accipite: E corporum

porum vinculis euolare, ex his tenebris in lucem illam excedere, à Deo euocari, in cœlum migrare, de uitæ statione decedere. Ad illud diuinum animorum concilium cœtumque proficisci: ex hac turba & colluione discedere. Quæ quidē non de quibusvis morientibus vsurpanda esse, ipsimet intelligitis, quādo hæc Romuli nepotū disertissimus Cicerone de Romanis illis, Paulo Aemilio, Catone, aliisque sapientibus atque optimis uiris, qui cū uirtute scilicet æuū agitassent, in somnio Scipionis, in Catone, & in Tusculanis vsurpauit: quos præterea dicit corpore laxari, & eorū animas in custodia corporis detineri; ut proinde talibus decedentibus dicere integrum sit, ipsos è custodia corporis euolare, elabi, emitti. Item vinculis corporum leuari. Si iam uocer ad exitum uitæ, ait de se epistola quadam ad Torquatum, lib. 6. *E.* Eleganter animaduertisti hæc elegantias. *P.* Vitā finire, destituere, vita fungi, defungi, uitæ modum, finem imponere, supremum, ultimū uitæ diē agere, explere, rebus humanis eximi. Inter homines agere desit, legi apud Tacitum. Et Salust. in Iugurth. Quoniam mihi natura finem uitæ facit. Non præteribo illa; si quid ei acciderit, seu humanitus acciderit Cic. 1. Philip. & 1. Tuscul. cui simile est, si quid eo factum erit, si quid eo fuerit, pro, si mortuus fuerit: quo abstinebant, ne malè ominari uiderentur. Fato cedere, fato fungi, in fata concedere. *E.* Cuiusnā hoc est? *P.* Opinor, Liuii. Naturæ satisfacere, naturæ cedere, concedere. *M.* Et hoc extremum? *P.* Salustii in Iugurthino. Naturam satietate uiuēdi expleuisse dicuntur à Cicerone, qui



decrepita senectute de uita exierunt. Mors cōtinuò istam occupat. Terentius. Mortem obire, uitam finire, claudere, uita deficere, seu alicui uitam deficere. Item accusandi casu, Petrum uita defecit. Finē uiuēdi facere, inuenire. Transeo nunc ad formulas Poetarū, quarum tu, Eugeni, bonas quidem illas, at paucas protulisti. *E.* Si libuisset, protulissem plures. *P.* Quin tu dicis idē quod i eclogis ille pastor: Nūc oblita mihi tot carmina. *M.* Pauline, hic Rhodus, hic salta. *P.* Audite. Fata subire, finiri letho, morte sopiri, animas, uitā ponere, deponere, relinquere, consumi morte, supremā horā alicui uenisse. Tibul. Ac mihi Persephone nigrā denuntiat horā. Idē: Quod si fatales iam nunc expleuimus annos. Agere spiritū, tenuem mutari in umbrā, mitti ad campos Elysios, nigram tranare paludem, mors uenit. Propert. Quandocunq; igitur nostros mors claudet ocellos. Subire mortem, mortis iter adire. Est etiam in usu apud eos rapi pro emori. Virg. in Epitaph. suo: Mātua me genuit, Calabri rapuere: nam in Calabria decessit. Idem in 6. Aeneid. de infantibus mortuis:

*Quos dulcis vitæ exortes, & ab vbere raptos*

*Abstulit atra dies, & funere mersit acerbo.*

Propertius: Viuam si uiuet, si cadet illa, cadam. Fata repellunt uitam, fata properant quietē, uenire ad fata, petere aquas Stygias, intrare domos nigrātes animarū silentium, immites Parcas habuisse, sessisse. Lucretius uiræ pausam uocauit mortem: Frigida quē semel est uitai pausa secuta. Cuius itē illud elegātissimū est; uitai lāpada tradere: in 2. Vultis ad ducā uersus ipsos? *E.* Volumus, si commemorasti. *P.*

*Sic*



*Sic rerum summa nouatur  
Semper: & inter se mortales mutua viuunt:  
Augescunt aliæ gentes, aliæ minuntur,  
Inq. breui spatio mutantur sæcla animantum,  
Et quasi cursores uitæ lampada tradunt.*

Quem penes iam est uictoria? quidem opera haud parcus fui. *M.* Nunquam credidissem tam penè infinitis rationibus unâ hanc rē explicari posse: multis posse haud ignorabam, & non paucas ipse annu meraui. Videntur Romani scriptores in effingenda hac tam multiplici uarietate mortem honorare voluisse; quam fugimus quidem omnes, non etiam effugimus. *E.* Tollamus digitum Mauriti, sepulti sumus. Vicisti Pauline, fuiti quæ ambobus laboriosior in obseruandis tot loquēdi generibus sub vnū uelut significationis iugum deuinctis, & memoria es meliore. *P.* Nullum acroama, nullius uocem libentius audiebat Themistocles, quàm eius, à quo sua uirtus optimè prædicaretur. *M.* Hoc Themistocleum habes: illud assume, ut te Miltiadis trophæa è somnis excitent. *P.* Teneo.

## PROGYMNASMA LX XI.

Cantus Musicus.

*Sabinus, Crescentius.*

**S**ABINVS. Auditione accepi, te in ludum itare musicum Crescenti. *C.* Mene? audisti uera. *S.* Quoties per hebdomadem? *C.* In dies singulos. *S.* Qua hora? *C.* Duodecima. *S.* Ultrone pater uoluit, an tu ab eo precibus id extorsisti? *C.* Exoraui patrē:

nec muto factum. S. Cur quæso? C. Quæ hunc intēpe-  
riæ tenent? Haben'tu aures, an auriculas tantum?  
S. Enimuerò habeo aures, nisi eas hoc temporis ar-  
ticulo perdiderim. C. Quomodo ergo interrogas,  
cur discam canere? S. Non absurdè id quæro. C. At  
ego dico, absurdissimè. Quid enim musica dulcius?  
quid illa sonorum temperatione auribus gratius,  
aut iucundius? S. Scire fidibus (quod ingrauescēte  
iam ætate Socratem Philosophum didicisse fama  
uulgauit) & canere cithara, testudine, barbitō, mul-  
to esse suauius quouis pignore contendam: quā de  
uocibus, libentiùs audierim Sirenas, aut luscinio-  
lam, aut cygnum in morte canentem.

*Dulciā defectā modulatur carmina lingua*

*Non Cantator cygnus funeris ipse sui.*

C. Ista reprehensio incitiam tuam coarguit; nam si  
musicam scires, nunquam facultatem nobilissimā  
in uituperationem adduceres. S. Nō diffitebor me  
artem hominum feriatorum, languentium, & nihil  
agentium ignorare. Aures permulcet illa quidem,  
in animo uoluptatis nihil relinquit, ut literæ. C. Ne-  
cesse non est, si literæ sunt bonum, musicā esse ma-  
lum: nec si illæ plus profunt, ideo hanc nihil prodes-  
se. S. Acumen dialecticorū. Patet tamen in musica  
nimium deditos, esse idiotas ferè, tria uerba latinè  
loqui nescire. C. Haud me dedā immoderatè, nō di-  
co amplius. S. Nolim ego tempus dispèdere in re-  
petendis, & usque ad uomitum penè audientium  
recantandis per dies integros hisce 6. syllabis, ut;  
re, mi, fa, sol, la. præterea in ligaturis, fugis, cantibus  
naturalibus, consonantiis perfectis, imperfectis,

resolutionibus, diminutionibus, diapente, diates-  
faron, & similibus tricis. C. Mihi relinque istas tri-  
cas, & perpende in quos hoc maledicti conferas. S.  
In neminem. C. In multos grauissimos, & in excelso  
ætatem agentes uiros, qui animos ponderè enararū  
lassos, cantuunculis remittunt ac releuant. Sanctarū  
literarum summa est auctoritas, qua commenda-  
tur musica. S. Noui tamē clarissimos grauissimosq;  
uiros, qui, ne ponantur in suspitione leuitatis, ca-  
nere cū sciant, cantu consultò abstinent. C. Face-  
se hinc Mome: tempus est in ludū eundi. Vale. S. I-  
to, ito, & bonas horas malè perde. Canta ab usque  
manè ad vesperam, canta in somnis quoque. C. Et  
tu quoad lubet in cœlum iaculare.

## PROGYMNASMA LXXII.

Græcæ literæ.

*Dorotheus, Matthias.*

**D**OROTHEVS. Quid libri manigeris? M.  
Nicolai Clenardi Institutiones linguæ Græ-  
cæ: quæ lamentariæ mihi sunt, neque eas ferè in-  
tueor, quin propemodum illachrymer; certè quidē  
suspiro. D. Hui egregium uirum, & immortalī uirtu-  
te præditum. Nū spicula uibrant quibus te conuul-  
nerent? M. Telis nō a spectabilibus sauciant pectus  
meum: quin cerebrum mihi excutiunt. D. Qui istuc  
fieri potest? M. Fieri sentio, & excrucior. D. Quæso,  
quid tu hominis es? abhorres nimio opere a lin-  
gua Græcā: hoc illud est, hæc illa sunt suspi-  
ria. M. Non Pythium magis uerum est respon-

K 3 sum,

sum,quàm quod dixisti.Etiam,abhorreo. *D.* Et quibus tandem superatus rationibus?ne occultaueris. *M.* Ob inexplicabiles, immensas infinitasque difficultates, quæ me potissimum impediunt, & deterrent ab hoc studio. Myriades contractionum in nominibus & verbis, in totidem partes distrahunt animum meum. Tot sunt declinationes, tot coniugationes, tot anomola, quot Athenis noctuæ. Quis uel abundantissimus otio ista penitus memoria comprehendere? *D.* Præclare Terentius, opinor: Nulla est tam facilis res, quin difficilis fiet, quam inuitus facias. Contrà Mantuanus Homerus: Labor improbus omnia uincit. Et alius: Amanti nihil difficile. Tuū ingenium, quod apparet, non capitur, nō oblectatur hac principe, & regina linguarum: ea re inuitus, & quod proximum est, minore cū diligentia, nulla cum nauitate ad hasce præceptiones discendas incumbis. Hæc una res difficultatē exaggerat, ubi est aliqua difficultas; ubi autem nulla est, ibi eā progignit: sicuti ex altera parte, amor & desiderij rei alicuius adipiscendæ efficiunt, ut quamuis onerosus magnusq; labor, aut perparū, aut minimè sentiatur. *M.* Tu si hic sis, aliter sentias. Scienti ac perito non uidetur laboriosa scientia. Iam tu hæc liguri uisti & concoxisti, in quibus ego tã sudo, q̃ si molares effoderem. *D.* Fatebor candidè, per somnum & iocum hæc disci non posse: verumtamen minui, uel potius minùs sentiri aio laborem, si generosa discendi cupiditas affuerit, quæ frigidam suffundat. *M.* Tã fatuum & delirum nō inuenies, qui nolit græcè nosse. *D.* Cū de uoluntate loquor, non illam omnino des-

desidem, & operum solutam intelligi postulo, quæ cupiunt quidam ditescere, cum uacui negotiis domi sedeant; quæ honoribus augeri, cum honore nihil dignum moliantur; quæ eruditione præstare, cum se erudiendos nulli magistro dedant. Perquam insipienter uult, qui sic uult. Atque ut hoc tibi largiar, magnam inesse in præceptionibus difficultatem, tamen istuc ipsum cum multis præcellentibus rebus iis commune est, de quibus usurpare illud solemus: difficilia quæ pulchra. *M.* Haud dicam dolo; labore & studio me tantum non eneco, nec tantillo magis inhærescunt in mente mea illi canones. *D.* Non pauci affirmant se hoc facere, nec faciunt. *M.* Quomodo? *D.* Quia cum studium à *M. Tullio* breui ac circumscripta definitione explicetur his verbis: Est uehemens & assidua ad aliquam rem applicata magna cum uoluntate occupatio: ipsi aut non uehementer, aut non assidue, aut si utrumque, non adeo magna cum uoluntate occupationem ad Græcas literas applicant. Tu tacitus te met interroga, te excute, tecum considera, ecquid ita te geras. Si geris; nisi bardus & truncus, stipes, caudex sis, præterque figuram hominis nihil habeas, utique addisces Græcam grammaticen. *M.* A tempore subsecare nihil possum, quod dem Græcis quotidie. *D.* An tu non potes minimum semihoram tribuere? *M.* Latina hoc quidquid est temporis sibi quoque vendicant. *D.* Attende paulisper animum. *M.* Do tibi operam, loquere. *D.* Si nostrorum studiorum præfides ac moderatores uidissent non sufficere nobis ordinariū tempus ad Græca cum Latinis coniungenda, nunquam in ea

atalogis librorum explicandorum, qui in annos singulos typis describuntur, & luci committuntur, vllum auctorem libellumue Græcum nominassent: nec Magistri, homines considerati & prudentes, hoc pensum à nobis exigent. *M.* Sophisma & captio ista tua nil me conturbat: tu si quid es facturus, firmiora argumenta conquiras necesse est. Ambo curare non possum. *D.* Tu uerò potes, & poteris si uoles. Aliorum exempla, quos audisti & uidisti utrunque studium persequi, tibi persuadeant. *M.* Abundant ingenii. *D.* De hoc de aliquibus: uoluntate quidem pollent ac diligentia, nec adeò sunt imbelles ut tu. *M.* Postquam equis remisque contendero, non consequar tamen consummatam grammaticæ notitiam. Sic ego operam, parentes sumptum perdiderint. *D.* Desperatio quoque est mater ignauia, ac plurimos pessundedit. Extermina hanc pestem literariam ex animo tuo, spera que te adepturum omnia. Spes alit agricolas, spes sulcis credit aratis. Ferrum assiduitate usus arteritur; & quid ferro durius? aquæ guttæ cauât marmor; & quid aqua mollius. marmore solidius? qui ergo assiduò impensa cura, perpetuatumque studium doctiorē te non reddat, minùs licet ualentem ingenio, quo antestas compluribus? *M.* Quæ, per Deum, est tanta & tam fatalis huius transmarinæ linguæ necessitas? *D.* Multiplex & præcipua. Ea, (ne longum faciam) ut sine eius cognitione manca & mutila sit omnis doctrina; & qui eius expertes sunt, ij nec latinè quidem scripta penitus percipiant. *M.* Paradoxa mihi narras. Doctissimos uiros habeo nominare, & te no-

uisse



uisse multos arbitror, qui alphabetum non teneāt,  
& Græcam legere uocē, cū occurrit aliqua, nesciāt  
funditus. Sunt qui in cōmentariis à se editis ita lo-  
quantur: Græcū est, non legitur. Item: Græcū hoc to-  
tū omitte. Isti profectò exiltimationis suę non ideo  
iacturā faciunt, quia τῆς & ἀγνοῦσιν quid uelint, aut  
qua ratione per casus inflectantur, nesciant; & sua-  
rū artium alumnos citra damnū istiusmodi otioso-  
rū delectamēta negligere posse pro certo credunt.  
*D.* Bona uerba. Commemini hac ipsa de re audire à  
Præceptore meo: ceterū ego tantus adhuc nō sum,  
ut iussus hoc de argumento mihi agendum putem.  
Cū legimus quæ ab eruditis, de huius linguæ lau-  
dibus prodita sunt ad posteritatē, tum rationibus  
firmissimis, & bene multis demonstrari cernimus,  
quā sit ad omnem disciplinā utilis & necessaria  
Græcarū literarū cognitio; id nos credere oportet  
tantisper, dum re ipsa experiamur: quemadmodum  
morbis impediti credūt medicis, ad sanitatē boni-  
tatēque ualeitudinis profuturā sibi potionē, & alia  
quæ ab iisdem dātut pharmaca atque antidota. *M.*  
Sed Clenardus iste perturbatus atque confusus est,  
& meo quidē animo docendi uiam ac methodum  
nullū uidetur custodisse. *D.* Hoc ipsum consensu  
iudicauerunt quidā docti homines: quocirca, quod  
in rem communem esset adolescētum, in ordinem  
certum ac facilem eius præcepta redegerunt. Eum  
librum in Galliis editum commercare: de tuis con-  
discipulis sunt qui parauerunt. *M.* Ante uesperam  
adibo ad tabernam librariam, empturus quod mi-  
hi auctor es. Abs te autem maximopere pro no-  
stra



stra summa coniunctione, tuaq; humanitate peto  
& quaeso, ne deneges mihi operam, si quando te  
interrogauero: statui enim feruidiôs discere. *D.* De  
me sic tibi promitto atque confirmo; nihil cûm ma  
lim, quàm te Gracè uel optimè nosse, non detrecta  
turum tua causa pusillum hunc laborem. Tu mo  
dò fac animo erecto còstantiq; sis, & caue vnquam  
in consilium desperationem adhibeas. *M.* Ero, ne  
diffidas: & hoc tuo facto ad eam quam erga te ha  
bui voluntatem magnus cumulus accedet.

## PROGYMNASMA LXXIII.

Bibliotheca.

*Antonius, Cyrillus.*

**A**NTONIVS. Vbi tu aut moratus, aut vaga  
tus es tamdiu? *C.* Apud patrum erat quod  
transactum redderem negotium. *A.* Quid narras?  
quodnam negotium? *C.* Tua nihil refert, quare de  
fine percunctari. *A.* Difficillimum creditq; propter  
negotium, ut dictitas, dimidiatum penè diem illic  
te hâsisse. *C.* Imò propter aliud etiam. *A.* Parcâ ex  
quirere, quid fuerit illud aliud: si ultro aperueris,  
non inuitè auscultauerim. *C.* Bibliothecam maxima  
impensa, libris multis, variis, optimis refertissimâ,  
locupletissimamque confecit. *A.* Quid hoc autem  
ad te? *C.* Quid ad me? *ò* Antoni. *A.* Etiam, quid ad te  
attinet, si ille bibliothecam comparauit? an tu idcir  
co eam es adepturus? *C.* Ad piscar si uixero. *A.* Iâ vo  
lo mihi pandas hoc mysterium. *C.* Audacter prolo  
quar. Cûm de functus essem mandato, quod à pa  
tre

tre acceperam, & rem absoluissem ex sententia; ad-  
 esdum Cyrille mi, in fit meus patruus, paucis te vo-  
 lo; manuq; apprehensum in conclaue perducit, be-  
 ne amplum, lucidum, abundè instructum & orna-  
 tum. *A.* Lubido est porrò audire: iucundum aliquid  
 magnumque consequetur. *C.* Magis. id dices si au-  
 dieris. *A.* Ergo narra. *C.* Visebantur ibi in ordines  
 dispositi libri per conclavis latera, unumquodque  
 habebat octuplicem seriem; maioribus ascenden-  
 do minores semper magnitudine ac mole succede-  
 bant, cum ipsa quidem receptacula seu loculamen-  
 ta essent libris proportionè interuallorum respon-  
 detia. *A.* Quàm multos diuinis fuisse? *C.* Minimum  
 tria millia. *A.* Non aspernandus numerus. *C.* Pluri-  
 mi insuper in aceruo soluti & rudes ex officina ia-  
 cebant. Ceteri diligenter admodum compacti:  
 alii tegumentis seu inuolacris erant ex albo corio,  
 alii nigro, alii rubro: quidam membrana candida,  
 & arida modò pumice polita tegebantur. Non-  
 nullis, præsertim grandioribus, per quatuor vtriuf-  
 que frontis angulos ex orichalco bullæ vmbilicatæ  
 cernebantur affixæ. Claudebantur hi vncis æneis  
 ( clausuras vulgò vocant ) illi loris sericis, alii co-  
 riaceis. *A.* Quod genus scriptores? *C.* Omne genus,  
 Nam et si patruus Iuris ciuilibis scientiam profitetur,  
 attamen non in politiores dumtaxat literas præte-  
 rea, uerum etiam in Philosophiam, Medicinam, &  
 aliquantum in Theologiam studium tradidit. Græ-  
 cæ linguæ iam inde à prima adolescentia se perstu-  
 diosum extitisse affirmare solitus est: quam inter-  
 dum seriò quidem & ex animo, sed suauiter cum le-  
 pore

pore promittit se mihi sponsam cum lautissima dote relicturum,

*Omnes quæ mecum meritis pro talibus annos*

*Exigat, & pulchra faciat me prole parentem :*

hos enim simul de poetarum Latinorum Platone versiculos recitat. Non fugit prudentissimum uirum, me eandem hâc efflictum deperire. Ergo quia omnem doctrinam liberalem combibit, & opibus præditus est, hinc tanquam cornucopiæ librorum possidet. Nec illi confusè locati, uerùm dispertiti in ordines certos nisuntur: hîc ad hâc, illic ad aliam disciplinam pertinentes. Ad unumquemque uerò ordinem porrectioribus elementis præscripta pendent leminata: THEOLOGI. PHILOSOPHI. IURECONSULTI. ORATORES & HISTORICI. PHILOLOGI. POETAE. GRAMMATICI. Adhæc quisque nomen suum in tergo gerit: terga enim ostendunt intrantibus & aspicientibus, ut nullo negotio quod quæris inuenias. Omnia deinde tam nitida & munda, ut in primis obstupefactus, in Paradisum (ut nostri loquuntur) te iures introgressum. A. Per quem hæc curatur? nam ipse, credo, hanc molestiam non subierit. C. Puerum mercede conduxit, promptum & impigrum, qui in singulos dies certa ac præstituta hora puluerem de libris deuerrit; cumq; opus est, conclaue scopis purgat, & turbata ac disiecta quæ sunt rursum componit. A. Quid ibi est extra libros? C. Mensa cooperta tapetè uiridi laneo, pluteus, clepsydra, cæteraque supellex in litetas sese abdentium. Adde monumenta nonnulla antiquitatis, ut statuas paruas marmoreas, perquàm artificiosas, ut ueterum

rum Imperatorū nummos argenteos, ut illustrium pictorum tabellas, ut mathematica instrumenta & musica. *A.* Quid postquam tibi demonstrauit hæc omnia? *C.* Iuuat meminisse. Complexus me: Tua hæc erunt vniuersa, Cyrille charissime, si colueris studia literarum, vt instituisti, nauiter; & quam expectationem tui concitasti, eam sustinueris. Nulla mihi vxor est, vt vides, nullus hæres: te harum, quantæcunque sint, copiarum mearum bæredem ex asse testamento scribam nominatim. Noli quærere; ita sum hac tam singulari ac diuina promissione affectus, ut ebrius lætitia nescirem ubi cōsisterem. *A.* Tam ualde hoc facto delectatum esse te non miror; nihil enim potuit fieri amantius, nihil dulcius. *C.* Gratias contrā agebam immortales, pollicebar montes aureos. *A.* Heu, cur ego quoque talem patrum sortitus non sum? ut nimium longè meis tuæ fortunæ præcedunt? *C.* Non cuius homini contingit adire Corinthum.

## PROGYMNASMA LXXIV.

Descriptio Gymnasij.

*Fabianus, Syluester.*

**F**ABIANVS. Schola ista nostra, in quam ad ingenii culturam percipiendam in dies cœpimus commeare, pulcherrimè commodissimeque exædificata mihi uidetur: idem tibi uideri, nunquam in incerto habui. *S.* Bene: & antepono illam multis aliis, quas uidi, in quibus discendi gratia uersatus sum hætenus. *F.* Primum ( ut inde potissimum laudationem exordiar ) excitata est eo ciuitatis lo-

co,

co, qui omni strepitu, clamore, turbis caret. Non hic esculenta, poculenta, non scruta venduntur: nulla in hac vicinia cauponæ, nulli fassamentarii, falgamarii, myropolæ nulli. Non fabri assidue incudentes, non doliarii, non aurifices, non demum eiusmodi opifices, qui totum diem pulvis perstreperunt, nulli circuli, non colludentes & concinentes pueri ac puellæ. Hic summa quies, hic alta silentia: prorsus, sicut illa prætoria, seu magistratuum palatia apud Persas, de quibus Xenophon in vita Cyri. Nec enim carmina solent, ut inquit uates Sulmionensis, sed vniuersè & generatim studia omnia bonarum artium secessum quædam & otium, hoc est, tumultus, negotiationumque uacuitatē requirunt, uel potius flagitant. *S.* Haud quidquam hac ueritate uerius. *F.* Tum salubri quoque sub cælo condita est; quod in eadem urbe non omnibus semper ædificiis cōtingit: quædā enim crassiore, & corporibus humanis pestilente circumfunduntur aere. Academiam illam Athenis amœno & nemoroso, at minime ad tuendam sanitatem accomodato solo traditū est cōstructam fuisse. *S.* Ut memoria mea est, hoc ipsum quod affirmas alicubi scriptū legi. Et æquū est, cum alioqui integra ualetudo studiorum diuturnitate ac uehementia corrumpatur, non ibi constitui gymnasia, ubi procliuius est, eā omnino perdi, quam recreari & conseruari. *F.* Nullæ domus ita contiguæ, ut officiant luminibus. Iā uerò quā excelsi parietes? quā sublime & ad pluuiarum defluxus præceps aptatumque tectum? Ipsa forma domus nō proiecta in longum, non extensa nimis

in latum, non trilatera, sed τετραγώνος, siue quadrata: ita tamen, ut sit aliquanto longior quàm latior. Porta ingens, & aspectu angusta ac uenerabilis, à scalptore & pictore emblematis insigniter decorata. Illi ordines fenestrarum, infra quidē maiorum propter lucis copiam ampliorem admittēdam, supra minorum, omnium autem inter se ad perpēdiculum æqualium, ecquid ornamentum addunt? F. Eximium. Vbi ingressus fueris, ad leuam auditoria duo, ad dexteram totidē: ambulatiūculæ ante scholas, & inter scholas. Inde gradibus septendecim ex albo & polito lapide, quatuor cubitos lōgis, unum penē latis ascenditur. Rursum ibi quatuor gymnasia, cū suis ambulatiunculis. Non se mutuo possunt impedire discipuli, nec magistri alter alterum clamoribus obtundere. Suggestus ut bellē laborati?supra uelut testā impēdent, ne dissipetur nox docentium; adhærentia autem ipsis, non ut in sacris ædibus, disiuncta à concionatorum cathedris. A terra quatuor gradibus eleuati, quo uideri audiriq̃ue ab uniuersis doctor facillime queat. Nō in dextro aut sinistro latere, sed exaduersum portæ collocati, ut intrantes primo aspectu in Magistrum incidant, & ipse sine circumactu capitis auditores suos, & quēcunque ingredientē possit aspicere. Ut ordinatim disposita sedilia? sic ut ex omni parte, à fronte, a tergo, à dextris, à sinistris inter ipsa & parietem spatia fieri queant. Ut dolatis è tabulis speciosa laquearia? ut circum fenestras decētissimē depictæ uites, rosæ, flores denique? quàm mundum, candidum ac subtile tectorium? nihil usquam fractum, nihil ruinofum,



nosum, aranearum nihil. *S.* Aulam omittis? *F.* Nonne hæc scholis incumbens, & in summis edibus ampla, tabulatisque ornatissima; & picturis egregiis mirabiliter locupletata est? *S.* Assentior. *F.* Nonne ad oratorias exercitationes, ad comicas quoque actiones opportunissima? *S.* Nimirum. *F.* Nonne templo quam simillima? *S.* Etiam. *F.* Quid igitur salubrius, quid splendidius nostra schola? *S.* Nihil. *F.* Quam adhuc frequentes discipuli? quam eruditi Magistri? Breuiter; si Musæ cum Apolline suo Heliconē relinquant, huc inprimis & cupidissimè commigrēt. *S.* Me adscribito huic tuæ sententiæ.

## PROGYMNASMA LXXV.

*Pædagogi.*

*Eutrōpius, Leopoldus, Tiberius.*

**E**VTROPIVS. Lachrymas effudisti Leopolde, etiamnum quippe in tumore sunt oculi, & rubent. Hem, quæ causâ ploratus? *L.* Plorasses tu nihilo minùs, pro certo, si pædagogus tuus similem in modum tibi blanditus esset. *T.* Eia, blanditus? fortasse in te misello uirgæ rursus exultauerunt. *L.* Dubium hac de re nullum est; nimis apertum atque indubitatum est pellem mihi conlauciatam flagris. *E.* Prædorum pædagogum prædicas. *L.* An uos nunquam à uestris flagellamini? *T.* Perquam rarò, Leopolde. *L.* Nimis propitios ac lenes habetis; ac proinde uereor ut uos sitis boni pueri. *E.* Quin sæuissimi sūt: quare nos plagas & increpationes illorum suprâ quam cuiquâ credibile est metuentes,



tuentes, officium ultro exequimur. *L.* Meum, ut arbitror, sæuitia non anteibunt; qui tyrānidem in me quandam exercet. *T.* Tyrannidem? *L.* In primis omnia dicta, facta mea curiosissimè obseruat: non potest tamen nosse quæ mente agito (rumpatur licet) nam cogitata sunt cuique libera. *E.* Meus æquè, ut scias, non dormit. *T.* Nec meus profectò. *L.* Quandoquæ non uidet assidentem libro, suspicatur, suspicatur autè? imò credit me ludere, uixq; ad naturæ requisita concedere patitur. *T.* Auges rem in maius: non equidem puto tam ab omni humanitate derelictum & agrestem esse. *L.* Nescio mentiri. *E.* Quàm sæpe rationem poscit eorum, quæ in schola audieris? *L.* Fermè in dies singulos. *E.* Quid facit tibi, si quærenti imperitè respondeas? *L.* Minatur. *T.* Si iterum? *L.* Ferociùs minatur. *E.* Si tertium? *L.* Vobis istuc cogitandum relinquo: dolet enim uel dictu, nedum perpeßu, quod ille plagosissimus homo mihi tertium peccanti consuevit facere. *T.* At nostri (quod inter nos liceat dicere) tota hebdomade vix semel nos examinant: quia uidelicet ponunt, nos esse diligentes, ut reuera sumus. *L.* Quid igitur istuc est, quod diligentes isti tam crebrò in ludo uapulāt? *E.* Nimiùm argutaris. Sinitne diutius te dormire? *L.* Dormire propemodū ante galli cantu, multa adhuc nocte è somno me Stentorea uocè excitat. Diebus festis ad quintā, & hyeme ad sextā ægerrimè finit requiescere. *E.* Nos, Tiberi, præ Leopoldo beati sumus, quibus conceditur in lucem cubare sæpius. *E.* Ecquid intelligitis. iā uerū me dixisse; habere uos pædagogos plus æquo indulgentes?

L T. Non

*T.* Non non: hanc enim lenitatem & indulgentiã seueritatibus nonnullis affatim compensant. *L.* Quibus? *T.* Proferrem, si ex usu tuo fore iudicarem. *L.* Cur non erit? nam hinc me non solum miserum esse cognoscam. *T.* Cogunt in sacris precationibus multũ absumere temporis; insolenter ac rarò permittunt operã dare lusibus; ob leuissimam culpam interdicũt ientaculo; nonnunquam merẽdam quoque eripiunt; silentium ut Pythagoreis imperant. *L.* Clementior meus est aliquanto, confiteor. *E.* At tu paulò antè quasi quendam carnificem ipsum describebas. *L.* Verũ enim uerò qđ uos de uestris, idẽ ego nunc de meo: lenitatem unam tribus seueritatibus compensat. Dies me citiũs relinquat, quàm enumerẽ quas mihi leges, quàm multas, quàm durasciuitatis & modestiẽ imposuerit; quoties apud parentes coram & p literas accusarit. Omnipotens & misericors Deus, da mihi alium pädagogũ. *E.* Timendum, ne malo peior succedat. Consilium meũ est, ut quales quales sunt pädagogi nostri, eos toleremus. Et quoniã id quod uolumus, fieri nũc haud potest, uelimus quod potest: donec, ubi ex ephebis excesserimus, in tutelam nostram ueniamus; tunc potestas dabitur uiuendi liberiũs. *L.* Nunquã uidi melius dari consiliũ. *E.* Et isti pädagogi, quod more iam receptum est, fient patres familias, ducent uxores, quæ nos multimodis vlciscuntur, & istis maritis suis magnum dabunt malum, postquam illi argento accepto, imperiũ dote uendiderint. *L.* Meus si pro peccatis in me commissis centum ducat uxores, parum est.

## PROGYMNASMA LXXVI.

## Præceptores.

*Rufinus, Serenus, Florentius.*

**R**UFINVS. Quotus annus uoluitur, Serene, cū limina ludi literarii calefacis? *S.* Iā octauus instat. Vos, quamdiu frequentastis gymnasium? *F.* Ego annis septem. *R.* Nec pluribus, nec paucioribus ego. Quis autem qualisue fuit, quem primum es nactus in patria tua didascalū? *S.* Nomen erat uirō, illi nomen erat: iam iam uersabatur mihi in labris primoribus, ab aspiratione inchoatur. *R.* Hieronymus? *S.* Non est. *R.* Hieremias? *S.* Non est. *R.* Hilarius? *S.* Non est. *R.* Henricus? *S.* Hem ille est: satis intra labra atque dentes iacuit. Henricus ergo audiebat: cui indigenæ à pmissa ad pectus, & rufa barba, ænobarbo postea cognomentum indidere. *F.* Cuias erat? Germanus, Belga, Italus? *S.* Germanus: & quod quasi per nebulam recordor, domo Misnēsis; illa enim dialecto loquebatur, molliissima nimirum ac suauissima, qualem testantur harum rerum periti fuisse linguam Ionum quondam inter Græcos. *R.* Vbi sita est tua patria? *S.* Attingit fines terræ Misniæ, Pergam ut exorsus sum de illo Magistro dicere. *F.* Si molestum non est. *S.* Statura eius iusta longior, vultus placidus & mitis. Deduxit domum non multò post, quā inuit docendi prouinciam, prædiuitem uiduam: etenim in nostra regione ludi moderatores sunt feliciores quā alibi, quādo perfacile bene dotatas uxores inueniunt. Interpretor hoc dari literarum scientiis à ciuibus nostris, & in

partē beatitudinis numerari à sceminis, coniunctā esse cum erudito homine. *F.* Quemadmodum Henricus ille puerum te tractabat? *S.* Nā, primis mensibus amanter, & perhumaniter, postmodum asperius & austerius, ut mihi tum uidebatur. *R.* Cūr ita? *S.* Audies. Sodales mihi erant pueruli coxui tres, ciuium primariorum filii: cum iis me separatim in humili scamno collocabat; eram⁹ siquidem omnes pusilli ac teneri. Quoties autē ingrediebatur scholam, toties ferē nos ipsum propter adeò prolixam barbam nonnihil timentes (ut illa ætas metum in se cōcipit facillimē) placidissimis oculis aspectare, & capita nostra manu demulcere sæpiculē, insuper singulis aut aridas ficus, aut in cucullis coriandri grana, & amygdala saccharo obducta porrigere, hortariq; nos suauiter subridendo, & multa pollicendo ut disceremus alacriter. *R.* O dignum statua Præceptorē, & cui victus publicē in Prytaneo præbeatur. *S.* Disimulabat præterea, si interdū confabulantes cerneret. Scholis finitis, domū suā, quæ in proximo erat, aliquādo secū abductos, priuatim docebat; & nunc passulis, nunc scriblitis donatos dimittebat. *F.* Aurēū Præceptorē narras. Nunquā ne uerò te cecidit? *S.* Vsq; hodie tangit animū memoria illius nefasti diei. Cū malē legerem libellum Germanicum, hæsitaremq; ad tertium aut quartum quodq; uerbū, ille me obiurgare, ego hærrere, pallere, tremere. Cū autē perperam legendi hæsitandiq; finem non facerem, afferri uirgam iussit. *F.* Oh, tam scūiter? *S.* Tū, ut paruulis fieri mors est, super genua sua ipse sedens me cōposuit, perin

de ac lanius ouiculā iugulaturus. Et quia ipso forte die subligaculū nō induerā, quin tñm pro more nostratium induere nec dum cœperam, sine labore eius detrahendi me nudatum illa parte corporis graphicè profectò tetigit, multumque eiulantem à se repulit. *R.* Ha ha hæ. Non tu ibi cogitare; papæ, quid hoc prodigii? quæ ista est mutatio? ubi ficus? ubi saccharū? ubi scriblitæ? ubi tā mellita verba? *S.* Hæc ipsa uoluebā Rufine. *F.* Sed quid ais? Quales in reliquum tempus in te exitit? etsi suspicione iam præcurro. *S.* Nō amplius blandus, sed rigidus; nō pater, sed tristis quidam patruus. *F.* Quoties demulsit caput tuum? quoties munuscula? *S.* Hæc omnia in flagella & verbera conuersa sunt. *F.* Multa ex quo fuerunt commoda, eius æquum est ferre incōmoda. *S.* Rides? Meministine verò tu illius temporis quo rudimenta literarum posuisti? *F.* Valde. *S.* Si in illo modo actum est tecum? *F.* Ah, longè dissimili. *S.* Dic sodes. *F.* Altero statim die cæsus sum, & si cutim meam speculari, nihil te uidisse magis lacrum iures. *R.* Quantum auguror coniectura, eras puer nequam, & parum aut nihil discebas, quādoquidem, ut tutè commemoras, tam egregiè concisum est tibi corium. *F.* Tu scilicet in rosa educabare. *R.* Sūmum ter quaterve triennio toto percussum me recordor: nec id tā propter studia, quā puerilem insolentiam atque licentiam. *S.* At hoc tempore, estisne adepti Magistros pro arbitrio? *R.* Diligentissimum scio esse meum, uenire in ludum temporis, exigere rationem à discipulis quotidie, docere accuratè, emendare scriptiones sollicitè, tradere

pietatem & virtutem, punire fontes pro delicti gravitate, amare & laudare industrios, hortari segnes & cogere. *F.* Meus sanè quidem nec omnia hæc, nec nihil horum. Fœcundos calices amat, & invenitur non rarissimè vino madidus: hoc, si rectè ratiocinor, parum decet. Quod crebrò facit pueris ludendi copiam, non reprehendo; mallem tamen aliquando non luderemus. Scitè dictum, nè quid nimis. *S.* Nos quali Magistro utamur in præsens, ex discipulorum doctrina moribusque puto perspicì posse. Quod querar, penitus nihil habeo. *R.* Gratulor tibi tanto bono.

## PROGYMNASMA LXXVII.

Auctores scholastici.

*Venantius, Florianus, Epiphanius.*

**V**ENANTIVS. Triennium elapsum est, nisi quid erro, ex quo in ista Principiorum schola festitas Floriane, prima inquam, grammatices, id est, postrema & infima omnium. Ecquid studes? *F.* Quamobrem non potius septennium dicis, maior ut esset annorum numerus, atq; ut magis falsum diceret, quoniam tibi voluptati est veri aliena effutire? *E.* Biennium effluxit, hoc saltem non refutabis. *F.* Etiam tu delicias facis? proximo Octobri annus unus cum semestri absoluetur; diutius non fui in eo gymnasio: & me breui condiscipulum tuum, Venanti, visurus es, sic enim augurat animus. *V.* Meus certè non eris: nam ego me Epiphanii futurum divino. *E.* Non es futurus profectò: ego enim in scho-

lam



lam Humanitatis euolabo. *V.* Si modò qui exami-  
nabunt, alas tibi non interuellerint; aut si illas ca-  
lor solis, ut quondam Icarì. nò liquefecerit. *E.* Tam  
dignus illa ego, quàm mea tu. *V.* Res ipsa documen-  
tum dabit. Tu Floriane, in quibus interrogaberis  
ab iis, qui eo tempore cognitionem puerorum ex-  
plorabunt? *F.* In iis, puto, quæ doceor. *E.* Et quæ sunt  
illa? *F.* Rudimenta. *V.* Verrepæi, an Valerii, an Em-  
manuelis? *F.* Emmanuelis. Deinde epistolæ selectæ,  
breuissimæ illæ Ciceronis, distichæ Catonis, & In-  
stitutiones Christianæ fidei. *V.* Hi sunt auctores tui?  
*F.* Hi sunt. *E.* Quid Venantius hoc anno audiuit? *V.*  
Quæ quotannis ferè traduntur. Grammaticam Em-  
manuelis, quam Præceptor commendat mirificè,  
eiusdem syntaxeos epitomen, selectas Ciceronis. *E.*  
Paucæ sunt hæc. *V.* Multa satis mihi quidem. De  
tuis velim cognoscere, ut libros comparare pos-  
sim, quomodo arma ante bellum miles. *E.* Eme Qui-  
dium de Tristibus. *V.* Mallem de hilaribus. nam me  
opte nutu tristis esse soleo. *E.* At nihil illa Nasonia-  
na tristitia lætius, nihil dulcius, quod experieris. Ad-  
de epistolas ad familiares, Catonem siue Lælium, &  
libellum de octo partibus orationis apud Græcos.  
*V.* Heu, statui non discere Græcæ. *E.* Debebis, uolēs  
nolens, non erit hoc arbitrarium. *V.* Non possum:  
semper ab ista carnificina longissimè ratio uolun-  
tasq; mea abhorruit. *E.* Et ægri ab amaris ac saluta-  
ribus potionibus abhorrēt. *V.* Quid præter hæc ex-  
ploratur? *E.* Profodia Emmanuelis. *V.* Optimè: uer-  
sus factitare cupio, profodiam nò ingratis discam.  
*F.* Si frustra emeris hos libros? *E.* Minimè frustra



utetur quippe anno nonagesimo, si hoc imminente non utatur. *V.* Ad nihilum cailli tui recident Floriane: scio te id nolle ascendam tamen ego, si me Superi adiuuant. *E.* Si doctrina tam incensæ cupiditati responderit, non negauerim futurum de quo tu nec hilum dubitas. *V.* Mitte curas. Num quem alium mihi mercandum censes? *E.* Adrianum Cardinalem, Ferraginem sordidorum uerborum, Scopas latinитatis, Aduerbiorum connubia, Epicheta Ciceronis. *V.* Vtiles tibi hos sensisti? *E.* Ut nihil possit supra. Tu quoque, Floriane, cura ut instructus sis à libris. *F.* Pædagogus hoc munus est, ipse curabit, ego sine cura sum.

## PROGYMNASMA LXXIIX.

*Formula salutandi, & ualè dicendi in congressionibus atque literis.*

*Claudius, Albinus.*

**C**LAUDIUS. Quandoquidem latinитatis pericia multis partibus iam diu factum est postquam me uincere cœpisti, rogo atque oro, si commodum est, da mihi paulum operæ. *A.* Vel multū, si id rationibus conducatur tuis. Nolo tibi ullum commodum in me claudier. *C.* Ut si quidquam aliud: ne dubitaueris. Sed hoc die, quoniam te uacuum offendi, unū, quiddam me doceri peropto. *A.* Quid est illud unum? *C.* Tritissimū cum sit ita salutare factes obuiam, & in congressu; bonus dies, bonus uesper, bonū mane, bonū serum: & respondeatur salutantibus, Deo gratias. Item in digressu sub noctē, cum  
his

his uerbis bene precari soleamus; fausta nox, felix nox; reddaturq; idem responsum: iis autem formis loqui necessitas nulla cogat, Latinisq; auribus ingratissimum sit: quo pacto tùm salutando tùm ualedicendo, siue cùm in alicuius colloquium cōgressumq; ueniendum est, siue alicui scribendum, nos geremus? Non enim me latet, solere te studiū acerrimum ponere in notandis huiusmodi latinismis, cùm inter legendum occurrunt, aut à Magistro inculcantur. *A.* Haud equidem me tanto dignor honore. Nihilominus, quia tu hoc à me candidè petis, & posse me tibi commodare iudicas, parebo uoluntati tuæ, mi Claudii, neque te quidquam celabo eorum, quæ in præsentia, nihil tale prouidenti memoriam subierint. Hoc tenebis primum, non semper opus esse responsione cùm salutamur: & interdū salutantem non resalutari, verùm responderi aliquid aliud, quod ille libens ac uolens audiat. Est quando salutationi quæstiunculæ quædā adiiciuntur, de ualitudine præsertim: nonnūquam resalutātes etiam interrogatiunculam annectunt. Hæc omnia exemplis declarabuntur: tu auritum te facito.

Salue. *R.* Salue.

Salue Ioannes. *R.* Et tu Paule.

Salue. *R.* Et tu.

Myfis salue. *R.* O salue Pàmphile.

Salueto:

Salueto: quid agis?

Mater mea, frater mi, salue. *R.* Salue fili, salue mi frater.

Antoni salue. *R.* Salue Paule.

Salue

Salue oculissime homo.

Iubeo Chremetem: subaudi, saluere.

O Iacobe salue. R. Saluus sis Corneli.

O salue bone uir. R. Hem, Simo. O noster Chreme.

Mi patrue salue. R. Salue.

Curculio exoptate salue. R. Salue. Saluum te adueni  
re gaudeo.

O noster Chremes. R. Salue Geta.

Salue Andrea. R. O nutrix, o mea nutrix.

Salue mi germane. R. O soror mea, quid agitur?

Salue exoptate gnate mi.

Saluum te aduenisse gaudeo.

Venire te saluum uolupte est. R. Credo: quid  
agitur?

Here salue, saluum te aduenisse gaudeo. R. Oh, bo-  
ne custos, salue.

Plurima salute Parmenonem suum impertit Gna-  
to: quid agitur?

O mi exoptate Clinia, salue. R. Ut uales?

Georgius plurimum iubet saluere Stephanum.

Iubeo te saluere.

O pater, pater mi salue. R. Salue multum gna-  
te mi.

Charmidem socerum suum Lyfiteles salutat. R. Di  
dent tibi Lyfiteles quæ uelis.

O Thraso. R. Saluete.

Amphitruo uxorem salutat lætus suam: Valuisti  
usque exspectatusne aduenio?

Saluus atque fortunatus Euclio semper sis. R. Dii  
te bene ament Megadore.

O amice, salue, atque æqualis mihi: ut uales Am-  
brosi?

broſi? R. Et tu.

Salve Gregori. Valen', ualuiſtin? R. ualeo, & ualui rectius.

Mi homo, & mea mulier, ego uos ſaluto. R. Et nos te.

C. Habeo ſalutationum rationes; nunc quibus uerbis ualedicendum ſit quero, quocumque diei aut noctis tempore. A. An poteſt ulli quidquam optari melius integra uale tudine? qua nihil maioris æſtimandum uita humana complectitur. Itaque has ferè formas inuenio.

Bene uale. R. Et tu.

Vale. R. Et tu bene uale, Martine.

Vale. R. Et tu frater.

In hoc quadriduum Antoni uale. R. Mi Georgi, & Iſidoro: nunquid uiſ aliud?

C. In extremis epiſtolis quonā modò ualedicemus?

A. Vale.

Da operam ut ualeas, hoc mihi gratius facere nihil poteſ.

Tu me diliges & ualebis.

Cura ſi me amas ut ualeas.

Vale, & matrem meosque tibi commendatos habe.

Me uelim ut facis diligas, uale tudini que tuę & tranquillitati animi ſeruias.

Valebis, meque ut à puero feciſti, amabis.

Ama uos & uale.

Cura ut ualeas, & me ut amas, ama.

Bene uale & me dilige.

Fac ualeas, meque ames.

Fac

Fac valeas, meque mutuo diligas.

C. Vbi tam multa, tam varia legisti? A. In epistolis M. Tullij: ac miror te interrogare. C. Quid si ad amicos & cōsanguineos scribemus, quibus tum vocibus utendum cēses? A. Nullus hac in re prestantior magister eodem Cicerone, ex cuius epistolis quædam exempla tibi recitabo, quorum similia licebit excogites, cum usus venerit.

*Ad uxorem & liberos.*

Valete mea desideria, ualete

Vale mea Terentia.

Mea Terentia fidissima atque optima uxor, & mea charissima Tulliola, & spes reliqua nostra Cicerone, ualete.

Vos, mea suauissima & optatissima Terētia, & Tulliola, si nos amatis, curate ut ualeatis.

Etiam atque etiam uale.

Tu uelim tuam & Tulliola ualeitudinem cures.

Valeitudinem tuam cura diligenter.

Fac ut tuam & Tullia ualeitudinem cures.

Maximè autem date operam ut ualeatis, si nos uultis ualere.

Cura ut ualeas, & ita tibi persuadeas, mihi te charius nihil esse, neque unquam fuisse.

*Ad Q. Fratrem.*

Reliquum est ut te orem, ut ualeitudini tuæ, si me & tuos omnes ualere uis, diligentissimè seruias.

Cura mi frater ut ualeas.

Fac

**Fac mi frater ut ualeas.**

**Vale mi optime & optatissime frater.**

**Mi frater uale.**

**Te oro etiam atque etiam mi frater, ut ualeas.**

**Cura mi suauissime & charissime frater, ut ualeas.**

**Vale mi suauissime & optime frater.**

*Ad T. Pomponium Atticum.*

**Cura ut ualeas & nos ames, & tibi persuadeas, te à me fraternè amari.**

**Cura ut ualeas.**

**Etiam atque etiam uale.**

*Ad Tironem.*

**Etiam atque etiam uale.**

**Cura ut ualeas etiam atque etiam Tiro noster.**

**Quantum me diligis, tātum fac ut ualeas; uel quantum te à me scis diligere.**

**Ama nos & uale.**

**Cura te etiam atque etiam diligenter.**

**Cura mi Tiro ut ualeas.**

**C. Expone hoc loco, si placet, qua ratione in extremo literarum, aliorum nomine salutare nos oporteat.**

**A. Saluebis à Cicerone, salue à Petro, salutat te Cicero meus. Cicero bellissimus tibi salutem plurimum dicit. Tullia tibi plurimam salutem adscribit. Terentia te saluere iubet. Cicero te salutat. Terentia tibi salutem. Terentia impertit tibi multam salutem, Domus te nostra tota salutat. :**

**C. Quo-**

C. Quonam modo, quibus uerbis quosdam salutabimus per eum, ad quem damus literas?

A. Tulliolæ & Ciceroni salutem dicito. Multam salutem Piliæ. Dionysio plurimam salutem. Atticæ plurimam salutem uelim dicas. Dionysium iube saluere. Dionysium uelim saluere iubeas. Iubebis meo uomine saluere Paulum. Ex me salutato Præceptorem tuum. Saluta meis uerbis Ioannem. Salute in Marcello. Salutem dic Petro meo nomine, quem ego in oculis fero. Molinio meo multam salutem. Salutem quibus uidebitur. Saluta tu mihi istic quos uidebitur, Contarellum præcipuè, & Gerardum. Communibus amicis à me multam salutem.

C. Cumulatè omnem desiderii mei expectationem expleuisti. A. Volui id quidem efficere certè, & gaudeo, si, quod uolui, assecutus sum. C. Arctiore uinculo tibi me astrinxisti. Vtinà hoc meritum in me tuum referenda gratia aliquando consequi possim.

## PROGYMNASMA LXXIX.

Cupiditas proficiendi.

*Pelagius Sifinius.*

PELAGIVS. Malè est sodali tuo Sifinni. S. Malè qui istuc mi Pelagi? Deum oro ut bene sit potius. Verum enuntia cur secus est quam uolumus? Quid tibi malæ rei euenit? P. Quoniam quod natura & voluntate facio libentissimè, id facere quantum uelim haud permittor. S. Age, proloquere, quid illud? P. Discere. S. Quis mortalium præclaros



ros conatus tuos, & incitatos ad laudem impetus retardat? P. Familia negotiosa, inquieta, turbulenta. S. Non habet pater tuus aliquod vltimis conclauue in ædibus, quod tibi attribuat? P. Hyeme uix habet; domus enim nostra non est rã multis cõclauibus & hypocauſtis: tum ligna ſtant magno. S. Experimur nos idem incomodum. P. Ergo in eodem hypocauſto diuerſantur ſerui ancillæ, infantes; quorum inconditis clamoribus perturbatur animus, & ab eruditis cogitationibus aliò auellitur atque abſtrahitur. S. Tuarum fortunarũ me miſeret. Non te pater aliquò mittere deliberauit extra ſolum patrium? P. Anno futuro, quod Deus proſperè euenire iubeat, Dilingam mittet, ibi in ſpe ſum, me quiete optata potiturum. S. Habesne in manu cætera quæ deſideras? P. Nullo modo. S. Cur? P. Quòd multo mane uetor ſurgere: timent enim parentes valetudini meæ. S. Quàm manè cuperes? P. Hora quarta eſtate, quinta hyeme. S. Aetas imbecilla non ferret, Et cur tam matures? P. Quòd duas treſve horas ante ſcholam poſſem repetere, ediſcere, ſcribere, legere: matutinum quippe tempus percommodum eſt hiſce rebus; nec mihi non audita eſt uigilantia Demotheſis, qui dolere ſe aiebat, ſi quando opificum antelucana uictus eſſet induſtria. S. Sufficit horam impendere. P. Tibi quidem adoleſcenti ingenioſo, & fideli memoria; at nō ei qui hebetior & obliuiioſus ſit. S. Quin me anteis utroque. P. Ingenium ac memoriam creare mihi non poſſum, diligentia uelim cedere nemini. S. Tantopere adamaſti ſtudia? P. Vt nihil ardētius in vita, in quibus

bus omnem operam, curam, industriam, cogitationem, mentem omnem fixi & locavi: sapientia quippe cœlestes immortalesque diuitiæ. s. Quoties non obiisti ludum toto anno? P. Nec unam hebdomadam Sisinni; hebdomadam autem? nec unum diem: quid diem? nec unicam horam abfuisse me tam certum scio, quam me tecum modò congregi. s. Rarum decus. Quoties cæsus? P. Cæsus? nunquam. s. Obiurgatus? P. Nunquam, s. Commendatus? P. Quod apud amicum effari liceat, sæpissimè. Hoc ego stimulo non ad stultam arrogantiam, sed ad maiorem industriam excitor: nec considerare soleo, quā longe à carceribus processerim, sed quā procul adhuc à metis absum. s. Laudo: hoc uirtutis opus. P. Si pedem alterum in sepulchro haberem, adhuc discerem, ut ille de se prædicabat. s. Frustra te rogem, quo pacto tempus transmittas, cum tam inflammata doctrinæ cupiditatem in te uideam. P. Ut fatear uerum, ludis & oriorum apud me loci est. s. Illustrabis familiam tuam. P.

Faxit Deus, quem ego præsidem & auspiciem mearum literarum in dies: singulos piè sancteque ueneror, & cœlestè ipsius auxilium cœtis precationibus flagitare non desisto. s. Accessi ad ignem tuum Pelagi, iam ca-  
leo plus satis.

## PROGYMNASMA XXC.

Munditia librorum.

*Amantius, Mansuetus.*

**A**MANTIVS. Si incumbere libris, est cubi  
to supra eos deposito niti, haud memini uide  
re, qui magis incubat libris te uno, qui Emmanue-  
leni & alios codices tuos propè iam incumbendo  
côtrinuisti. *M.* Assiduitas hoc intertrimentum attu-  
lit, non cubitus. *A.* Quid? ista assiduitas in meo  
cur non sic apparet? Præterea, quàm sunt commac-  
ulati intus & foris tui? quàm habet oras paginarum  
infimas & summās introrsus inflexas? quas auricu-  
las asinorum solemus uocare. Itane est ut loquor? *M.*  
Tu aliquod artificium calles ut uidetur, mihi adhuc  
ignotum quod ubi didicero, habebō libros mundiores,  
minusque tritos. *A.* Nullum teneo artificium, omitte io-  
cationes: munditiam librorum perinde ut corporis  
totius amo & complector. *M.* Quid tam te miseret  
librorum meorum? breui novos emam. *A.* Si sanus es  
mentis, quare mauis prodigere pecuniam, quàm  
deponere rusticitatem & negligentiam? *M.* Eho, tu  
ut mihi rusticitatem in probri loco obiectes? *A.* Nō  
est urbana elegantia: hoc quamuis iniquo indice  
probauerim. *M.* Quid tibi mecum est negotii? cura  
tuos. *A.* Id ego ago; ueruntamen odi malè sordes  
istas in aliis quoque. Phui, quàm habes ite digitos  
atramento fœdatos, & os similiter denigratum; ut  
nō iniuria suspicetur aliquis, te atramentum bibe-  
re solitum. Cur non caues? cur non aqua purgas?  
*M.* Indicia & uestigia sunt hæc diligentiae magnæ

& laboris. *A.* Pigritiæ magnæ & torporis: oportebat alioqui diligentes fieri immundos atque sordidos. *M.* Define mihi exhibere molestiam, si sapias. *A.* Tracta libros humaniùs, aut dicam tibi diem. Scis Magistrum in huiusmodi peccata æquæ, ut in discendi socordiam acrem se præbere uindicem. *M.* Crimine uacare debet qui in alterum paratus est dicere. *A.* Quid istuc? *M.* Non deerit unde tibi par reponam. *A.* Minæ istæ nihil sunt nisi minæ. Vale fordide. *M.* Vale nitidiuscule.

## PROGYMNASMA XXXI.

Academiæ.

*Pancratius, Torquatus.*

**P**ANCRATIVS: Quod precatus sum à Deo, & à parentibus sæpe multumq; contendi, ut à triuiali gymnasio remotum me in aliquam Academiam, & in hanc potissimum, tanquam ad mercaturam eruditionum uirtutumq; clarissimarum amandarent, eius me compotem aliquando factum in sinu gaudeo. Confido inanem me neutiquam rediturum, dedecorantem Præceptores meos, & molestitudine luctuq. complentem parentes, qui suæ dignitatis spem in me collocauerunt, statuuntq. ipsorum me uirgenti iam senectuti multa solatia daturum esse. *T.* Quin præstiturus sis, quæ indolem tuam egregiâ condecet, & quæ parentes ambo expectant, non mihi datur ulla dubitatio. Argumentum verò gaudendi idoneum & iustum. Etenim etiamsi quis Cicerone eloquentior, Aristotele doctior euaserit; idque

idq; uel domesticis vsus Præceptoribus, uel in istis scholis, (quibus quoniam in triuiis, hoc est, passim aperiuntur, triuiilibus vulgò nomen est) nunquam gloria circumfluet, nisi eum in alicuius Academiae lucē versatum constiterit. Opinantur enim homines; ibi penè solum (prochiuius quidē certè) ad solide perfectaq; sapientiæ diuitias perueniri, ubi Doctores & multi, & optimarū artium studiis politissimi ex Regum & Principum ærario stipendiis libetalissimis aluntur, & exercitationes disputationum, repetitionum, scriptorum, sermonis itē Latini & Græci, diuersarum tractatio disciplinarū, æmulatio inter adolescentes eādē scientiam excolētes (quod ad progressū uehementer cōducit) maximè uigent. P. Sic arbitror: cū hoc ipsum animaduerterent Principes, & præterea secum attentè reputarent, quantum interesset Reipub. uel potius uniuersi orbis terrarum, quàm plurimos uiuere abundanti doctrina homines, in suis prouinciis atq; regnis Academias, tanquam publicas & cōmunes diuinæ humanæq; sapientiæ officinas idcirco instituere uoluissē. T. Idē ego sentio prorsus, & sentiam. Quis autem est, in quo aliquod probitatis lumen eluceat, qui tantopere à maiorum curriculum deflexum esse dolenter non ferat? & nunc in istis sacratiss atque templis religionum, uirtutum, scientiarumq; tam multos cerni otiosos, tam multos inertes, poculis, impuræ libidini, cæterisq; criminibus & uoluptati immersos? P. Sæpe interfui querelis grauiū uirorū istam rerū conuersionē deplorantium. Quare initiò affirmabam, efferri me

lætitia, quod huc essem missus: hæc siquidem Academia præclaram sibi famam longè lateq; cōfecit, & à morū pietatisq; disciplina celebratur; ad quā proinde, qui filiis suis bene cupiunt, eosque Christianis institutis formari desiderant, eosdem transmittere solent. *T.* Si isti cōmendandi sunt, uti sunt; malè merentur de liberis, qui eos mittunt, ubi Catholicae ueritati nefarium atque impium bellum indicitur; ubi, ut literas percipiant, pietate quidem nulla excoluntur, & quam attulerunt Catholicam religionem, agrè tuentur, facillimeq; prauissimarum ac lethalium opinionum commentis ad exitium præcipitantur. *P.* Ipsi uiderint quid Deo rationem reposcenti respondeant: præsertim quādo Orthodoxæ in Germania Academiae non desunt. Porro me frequenter cupido incessit, eiusmodi librum uoluntandi, in quo de Academiis ageretur: si in talem incideris, mone me, quo eum uel emam, uel ad tempus à te mutuum sumam, & ita diuturnam hanc sitim meā restinguere queam; hoc te uehementer etiam atque etiā rogo. *T.* Inuenisti quod quæris. *P.* E hæc, inueni? *T.* Sequere me in bibliothecum meum, ibi monstrabo, & commodabo etiam quod optas. *P.* O fortunatum hunc diem. Haben' tu illum librum? *T.* Libros dic: nam duo sunt. *P.* Cuius auctoris, & quales? *T.* Iacobi Midendorpij Iureconsulti, non indocti hominis, multæque lectionis. *P.* Quid alter differt ab altero? *T.* Primus continet celebriores Academiæ orbis terrarum, institutiones, incrementa, interitus, progressus, & plurima demum, quæ in Academiis fieri obseruarique



uariq; consueverunt. Alter historiam Academicarū  
orbis Christiani, & ingenuis liberaliterque educa-  
tis adolescentibus dignam sanè eruditionem com-  
plectitur. *P.* Beasti. Eamus ad te. *T.* Eamus. Maiore  
opera ad eosdē legēdos me dedā: sic stat sententia.

## PROGYMNASMA XXXII.

Honores Academici.

*Martyrius, Smaragdus.*

**M**ARTYRIUS. Quòd aspectauerim te cir-  
cumferentem libellum sententiarum Cice-  
ronis, forma permodica (typographi in decimosex-  
to vocant) & typis Plantinianis, quorum est in hoc  
genere præcipua commendatio; eam opinionem  
imbibi, eius lectionem pergratam; perque iucun-  
dam tibi solere contingere. *S.* Et perutilem, *Marty-*  
*ri,* quod creberrimè experiundo probavi. *M.* Reci-  
ta dū unū aliquod axioma, seu pronūciatū. *S.* En.  
Tuscul. I. *Honos alit artes, omnesq. incenduntur ad stu-*  
*dia gloria, iacent que ea semper, quæ apud quosq; improba-*  
*tur.* *M.* Vera est atum quis neget uirum sapientissi-  
mum, & Romanæ eloquētiæ principem? Atque hāc  
eandem sententiam millicies cantatā audiui in crea-  
tionibus Baccalaureorum, Magistrorum, Doctorū,  
quas Promotiones appellant. *S.* Ibi potissimū lo-  
cus fuit, meo iudicio, ista similiaque proferendi.  
*M.* Cur tandem? *S.* Quòd eos honores impri-  
mis sibi proponunt plerique, qui ad sapientiæ stu-  
dia ingrediuntur: quorum adeptiōnē uelut gradus  
parant, uiamque sibi muniunt, qua ad amplissimas



dignitates, tum in Ecclesiastica. tū in ciuili Repub,  
 prouehantur. *M.* Res isto modo se habet. Nec mi-  
 rum tamē, artes ingenuas sine spe singularium præ-  
 miorum non coli à multis, cum vix vnū alterū-  
 ue inuenire detur, qui virtutem, qua constat nihil  
 esse honestius, nihil amabilius, propter seipsam am-  
 plectatur. Et surdis canit Poeta nescio quis: Ipsa  
 quidem virtus sibimet pulcherrima merces. *s.* Est  
 verò honestissima merces honor, & in eo omnes  
 nationes vna mente conspirant atque consentiunt:  
 quocirca qui illam affectant, citius in laude ponen-  
 di sunt, quàm qui esuriunt pecuniam. Diuinè, vt  
 omnia, *M. Tullius in Off.* Nihil est tam angusti ani-  
 mi, tamque parui, quàm amare diuitias: nihil hone-  
 stius magnificentiusque, quàm pecuniam contem-  
 nere, si non habeas: si habeas, ad beneficentiam li-  
 beralitatemque cōferre. *M.* Ex eodem nobilissimo  
 scriptore mihi occurrit illud: Insignia uirtutis mul-  
 ti sine uirtute assequuntur. Quod pro certo in istis  
 quoque scholasticis ornamentis ualere debet: ut  
 existimemus nimirum non omnes Magistros esse  
 Magistros; siquidem non omnes qui habent citha-  
 ram sunt citharædi. *s.* Hi faciunt, ut inauguratio-  
 nes istæ uilescant, & per summam inscitiam ac te-  
 meritatem suam non mediocria in ciuitates detri-  
 menta important. *M.* Probas mihi ista quæ dicis.  
 Quot sunt autem ordines siue gradus istarum di-  
 gnitatum? Præter Baccalaureos, Licentiatos (quos  
 Promagistros, seu Mellodidascalos mallēt quidam  
 nominare) Magistros & Doctores, mihi quidem  
 nulli uidetur, *s.* Quo pacto nulli? Esne tu Studiosus,  
 an

an Beanus? *M.* Studiosus, vt si quisquam alius. *S.* Estne istuc honoris vocabulum, an minus? *M.* Si negem, tu me iure optimo de mentis potestate exiisse dicas. *S.* Est ergo alius gradus, & quidem primus omniū, sine quo (in Academiis præcipuè Germanicis) nulli fas est illos, quos supra recensebas, ascendere. *M.* Da ueniā, non cogitaram. Superest igitur ut Baccalaureatum mediter, quandoquidem beanismo exutus & absolutus, in numerum Studiosorum iampridem cooptatus sum. *S.* Meditare, licet: sed caue ne tu quoque unus de illis reperiare, qui hoc insigne uirtutis sine uirtute assequuntur. *M.* Cauebitur. Nunc velim, quod sine magno labore tuo fiat, rationem istorum uocabulorum explices si poteris, & rem breuiter ac perspicuè definias. *S.* Annitar sanè, ut postulatis tuis faciam satis. Beani nomen unde procusum, & quare huc translatum sit, nescire me non dissitebor. Usurpatur autem de iis, qui quasi profani adhuc, & Musarum sacris initiati nondum sunt, de tyronibus nouitiisque scholasticis. *M.* Probè intelligo. Nunc de Baccalaureis age. *S.* Pedibus eo in sententiā docti cuiusdam uiri, qui hanc uocem à militia deductam credit. Gallorum enim ueteri lingua battallū prælium, & battalarios tyrones milites, quiq̃ue castra sequi, & militiæ exerceri cœpissent, ac semel manū cum hoste conseruissent, nominatos: hinc postea Parisijs olim, ubi Academiarum uelut parens est antiquissima, & ubi hæ promotiones uidentur natæ, Battalarios appellari solitos, qui in studiis ingenuarum artium quasi tyrocinium posuissent, & pu-

blicè disputâdo specimen eruditîonis suæ præbuis-  
sent, atque ita tâquam cum hoste iam conflixissent.  
Quod ergo de bacca & lauro alii philosophantur;  
friuolum est ac nugatorium. Laurus, id est, corôna è  
lauri foliis contexta, debetur poetis tantum (de do-  
ctis loquor: nam quis ignorât etiam Imperatorû &  
militum triumphantium esse lauream?) præterea  
nullis; idque ob certas causas, quarum hic non est  
necessaria commemoratio. Ceterum consuetudo  
& ignorantia, ut alias innumeras, sic istam uocem  
deprauauit, ac pro Battalariis, Baccalarios, deinde  
Baccalaureos in sermonem Latinum induxit. *M.*  
Haud displicet opinio tuâ. Quis igitur erit Bacca-  
laureus (retineamus uocem uilitatam, ne res nouas  
moliri uideamur) quis inquam erit inter literatos?  
*S.* Qui confecto liberalium scientiarum tyrocinio,  
publicum progressus sui testimonium, hocque ip-  
sum nomen in confesso & frequêtia Academica est  
consecutus. *M.* De Licentiatis sequitur ut differas.  
*S.* A licentia deflexum est nomen, quod illis liceat  
summam dignitatem petere & consequi, cum uo-  
luerint. Aptius designati Magistri, seu Doctores ap-  
larentur, quæ potest eorum haberi definitio, ut aga-  
mus pingui Minerua, & paucis. *M.* Magistri nomen  
auco nosse vnde extiterit. Quidam volunt à ma-  
gis, & ter, quod nempe Magister emineat supra  
alios eruditos ter. *S.* Apage cum notatione ista tam  
ridicula. Festus Magistros appellatos docet, quod  
cæteris magis possunt: vel quod magis quàm cete-  
ri diligentiam, & sollicitudinem rebus quibus præ-  
sunt debent. Nec solum in scientiis liberalibus di-

cuntur aliqui Magistri, id est, præceptores & doctores, sed etiam in aliis rebus permultis; nempe Magistri pagorum, societatum, vicorum, collegiorum; qui pagis, societatibus, uicis, collegiis præsent. Itaque illud, ter, nihil uideo aliud habendum, quam adiectionem syllabicam, ut loquuntur Grammatici: sicut fit in medullum, quod significat medium; in qua uoce, tullum, nihil est: & pari ratione in aliis quibusdam uocibus. Finiemus autem Magistrum: qui decursis Philosophiæ & artium septem spatiis, ritè ac solempni cæremonia hoc nomine est affectus. De Doctoribus, siue illi Iuris. siue Theologi, siue Medicinæ sint, facile ex his quid sentiendū sit, colligetur. Sed intra carceres reuocanda est aliquando oratio. Si quid uel nunc desideras, uel aliàs super his rebus desiderabis à doctioribus & dialecticis petes. *M.* Impleuisti expectationem meam, erisq; in posterum mihi & propter facilitatem tuam charior, & propter doctrinam nenerabilior.

PROGYMNASMA XXXII.

Depositio.

*Narcissus, Gulielmus.*

**N**ARCISSVS. O Kalendæ Kalendæ Aprilis, nulla unquam dies delebit memoriam uestri ex animo meo. Quam libens huic diei oculos effoderem, tantum gemitus, tantum acerbitalis mihi obtulit. Certum est, notabitur à me atro calculo. *G.* Quia uox mihi ad aures aduolat? quem prope me exclamantem audio? Tune eras Narciss-

se?

se? *N.* Quid hic vult? *G.* Salueto, quid agis? *N.* Ambulo domum. *G.* Consistamus hic aliquantisper. Quam ob causam huic diei tam es iratus, eiusque in sempiternum memorem te futurum asseris? *N.* Quia perpeſſus sum hac luce horribilia. *G.* Ain' tandem? passus es horribilia? quid fuit? amabo: quam præcipere mihi suspitione re ipsam uideor. *N.* Num te clam est, quisnam libellus in propylæo Academix fuerit propositus? *G.* Edictum graue Bedelli significas, quo pro auctoritate Beanis imperabat ille, uti se ad duodecimam pomeridianam, quo loco mos est, sisterent, audituri passuri-que quæcunque ius æquumque postulasset. *N.* Istanc ipsam promulgationem aio mihi dolores, & iniurias multas peperisse. *G.* Enuntiabo liberè quod sentio: nihil præter ceteros tibi singulare acerbumque contigisse arbitror. *N.* Pro Deum immortalem, si hoc modo accipiantur omnes, satius est, me iudice, mulionè aut bubulcum, quam Studiosum creari. Quin cum meis commilitonibus humanitè agebatur. *G.* Haud credo. *N.* At ego credo, ut qui oculis aspexerim & senserim. Me sicut præstantem feram delegerant, quam alijs propè dimissis persequerentur canibus suis uenatores. Erant autem canes illi, ut in Captiuis ait parasitus, molossici, odiosicique & multum incommodistici. *G.* O infelicitatem. *N.* Ut primùm ingredior, quidam me Archibeantum salutare, alii naso suspensò ludere, nonnulli medium digitum ostendere, omnes denique me circumuolare & uellicare, ut aues nocturnæ. Ibitum cor meum in pectus emicare præ terrore,

& animus impleri curis anxius. Cogebam humi extensus immotusque supinus iacere, instar mortui. G. Quid te factum ibi? N. Instrumentis fabrilibus, ferra, securi, dolabra, bipenni pulchrè, & ad amussim (nempe ad funem bene crassum) ceu trabs aliqua ædificio constituendo accommodatus sum. Liberalissimè pulsata crura, brachia, latera: quid multis ris moror? totum corpus. Quamobrem si me graciliorem intueris, quàm heri & nudius tertius, nihil mirum: multum materiæ in sarmentis de me resectis perdi. G. In eadem officina ab hinc trienium miserrima uidi, & eorum pars magna fui. N. Raserunt boni tonfores barbam meam, lauerunt caput frigida, quam ego ipse è culina, in cuprea & fordida trulla efferre compellebar. E qua proteruis simus unus, cum mihi ad latus iret, semper faciem meam sua manu aspergebat, & genu me protrudebat. Post hæc pectebam tã subtili pectine, ut rastrum putarem. Recordabar Polyphemi, quem huiusce modi pectine usum scribit Ouidius. De linteo quo sum extersus, quid ego memorem? quandoquidem ex lixinio, & pectine coniici potest eius leuor, & mollitudo. G. Quid uis fieri? patiendum fuit: nam qui ibi serelisteo defendit, nihilo plus agit, quàm si aquam tundat in mortario. N. Etiam cubitales pueri me subsannabant, carpebãtq; manibus mentum meum sine intermissione: quæ uocantur participia. G. Ecquid te iratum simulabàs? Ecquid rogabas, ut miserescerent tui? N. Egone ut simularè? non simulabã, uerũ medullitus irascebar, & ex aĩo obsecrabã, ne putarèt me pro cibo habere sic uerberari: mitius



mitius agerent, hominem esse me, non belluam. At illi nequissimi, quo id magis faciebam, eo me instebant probris uexare cupidiùs; dicta in me falsa, & scurrilia ingerébant, recentioribusque participiis implebant. Quid multa? videbar agnus in gregem luporum deuenisse. G. Quàm uellem affuisse huic comœdiæ. N. Non erat comœdia, erat eculeus, & taurus Phalaridis. Ah, ut dolent omnia, usque adeo raptatus, protrusus, & contusus sum. Quin etiam (infandum) pro tantis iniuriis & ignominiiis, tanquàm bene meritis, nescio quantum argenti soluere necesse habui, gratias agere, & sacramentum conceptis verbis dicere, non me ultorem aliquando fore. Quod nisi dixissem, tenere me vix possem, quin aliquibus in me exagitando diligentioribus mutuam pro beneficiis gratiam referre: nunquam aliquid animo meo neq; est neq; fuit ægrius. G. Quidquid perpetratum est, non malevolentia & odio, sed leuitate & risu commouendi causa patratum est. Ignosce; & puta alios æqualia vel passos hætenus, uel passuros in posterum N. Rem perdifficilem suades. Audi in super fallaciam admirabilem. Apponebant atramentarium torno factum, cum calamis & charta; iubebant pingere literas. Ego vâsculum aperire cum vellem, non poteram: epistomiâ quippe non erat inditum, quod amoueretur; sed erat totum opus solidum, & ut dicebam, tornatile. Hic prosiliens quidam, digitosque meos bacillo contundens; pro Superi, inquit, beatus istè necdum atramentarium aperire didicit. Omnes cachinnum tollere. Ut libenter homini ca-



put commitgasset fulte aliquo, aut faltem os pugno percurrissem; valde profectò mihi manus pruriebant. G. Modestissimè tractatus hìc fuisti: ha ha ha. Non meream mihi vel talentum, vt in te hodie non inciderim. Restatne aliud quippiam huius notæ? N. Restat, & superiore vel intolerabilius. G. Expone sis, do tibi operam. N. Furcifer quidam me imprudente iniecit in saccum meum, quem uesti interius assutum, & ad femora dependentem gesto epistolion velut à matre missum, quod coram omnibus extractum recitauit. Deus bone, quàm effuso & immodesto cum risu tam suo quàm aliorum quotquot aderant? G. Quid eo continebatur? N. Mater lamentabatur absentiam meam, & muliebriter, id est ineptissimè blandiebatur, commemorans quantis me cum doloribus peperisset, quàm studiosè mammam dedisset, quàm crebrò osculata esset pulcherrimum infantem, quanta me deniq; cura eduxisset, & quàm ardentè me ab ineunte pueritia velut corculum suum dilexisset, qui ipsi fuisset ocellus aureus, hædillus, agnellus, passerculus, & dulci melle dulcior. Tum adiciebat, se somnum capere non posse, & vim lachrymarum profundere in dies singulos propter cruciamenta, quibus me inaudisset oportere affligi in depositione ista. Hæc omnia irrisores illi excogitauerant & scripserant. Toto tempore nihil fuit ipsis iucundius. Vt risu penè corruiebant? vt mihi epistolam obtrudebant? vt pugnos impingebant? ut magis magisque participiis me cumulabant? Quid quæris? propemodum totus effectus sum unum quoddam participium.

Certè,

Certè, plus satis illud mihi. Morì me malim, quàm vt hæc pariar denuò. Laruæ, infantiæ, & intemperantiæ mihi in me stimulant. Si scissem hæc futura, abiissem vbi sunt Academiæ, in quibus nihil istorum fieri perhibent. G. Do sanè, multis in Academiis non fiunt hæc: tamen cur introducta sint, & iam inueterauerint, potest afferri ratio uerisimilis. Non inficias ierim porrò, quædam omitti, alia modestiùs committi posse. N. Si aliorum initiationi interfuero, malo meo doctus sum, quo me pacto erga eos vicissim geram. Vale. G. Et tu bene uale Narcisse: atque audin'. N. Quid est? G. Quæ exprompsisti apud me, sile apud alios. N. Memorem mones.

## PROGYMNASMA XXXIV.

### Actio Latinitatis.

*Latinitas, accusatrix, M. T. Cicero, disceptator, sine quaesitor, Myxobarbarus, reus.*

**L**ATINITAS. Etsi res noua penitus, atque ante hoc tempus ne fando quidem audita videtur, filiam ad parentis tribunal citatoreo actionem intendere, quia tamen in causa Romani sermonis tot seculorum memoria apud uniuerfas gentes summam decernendi potestatem tibi concedere, tuum iudicium exquirere & amplecti tanquam coelestia responsa omnes consueuerunt, uisum est faciendum, charissime pater, ut ego in hac calamitosa afflictæque fortuna mea te quoque iudicem mihi deligerem, cuius integritate, prudentia, equitate  
 istius

istius contumeliis atque iniuriis, quibus me onerare in dies singulos non desistit, finem impositum, veritatemque ab eodem nimium diu debilitatam & exagitatam, uindicatum iri magna me spes tenet.

*M.* Contra aduersariam gratiosissimam, & facundissimam litem mihi perorandam scio. Atque ut hoc scio, sic illud minimè nescio, in hac summa esse quæ in me ne mediocria quidem inueniuntur. Veruntamen te *M. Tulli* solitudini atque inopiæ meæ auxilium laturum, uti uirum iustum condecet, qualis tu semper habitus es, & haberi uoluisti, tuamque uirtutem & grauitatem solatio mihi futuram cōfido.

*T.* Quāquam nihil dedit natura dulcius, quàm suos cuique liberos, mihi que mei tū propter indulgentiam meam, tum propter excellens ipsorum ingenium sunt uita mea cariores, nihilominus fidei & iustitiæ, quas sæpe in aliis iudiciis laudari, nihil anteponam. Habebo in consilio legem, fidem, religionem, æquitatem: libidinem, inuidiam, metum, cupiditates omnes amouebo: maximi æstimabo conscientiam mentis meæ, quam à Diis immortalibus accepi, quæ à me diuelli non potest. Quod si tua fuerit commoda & æqua defensio, litem secundum te dabo, te absoluiam, hæc causa cadet, hanc condemnabo; sin minus, tu cades, neque sine tuo magno malo. An aliquid desideras præterea?

*M.* Qui possim?

*T.* Quid controuersæ inter uos extitit?

*L. Myxobarbarus*, pater, cōgressionibus hominum quo iure quaque iniuria me prohibet, & à colloctionibus excludit ac repellit, tantumque domi in Museo, libris circumfusa, ut aliquam sellulariam

mulie-

mulierem mansuetare vult, & tum demum disertam atque elegantem, & accuratam esse, cum ipse mihi calamum in manum ad epistolam, orationem, seu quippiam aliud conscribendum dedit. *T.* Ut nihil obscuritatis relinquatur volo dilucidius & uberius rem explanari. *L.* Licet. Hoc dico. Semidoctus ille negat & pernegat, in conuentu, seu in mutuis sermonibus cogitatè, purè ac benè latinè loquendum esse, idque cum gregalibus suis uituperabile ducit: barbarè & inquinatè loquendi licentiam & ipse sibi audacissimè uedicauit, & alijs etiam proiectissimè largitus est. En quantos sibi spiritus, quantam arrogantiam sumpsit? Quòd si hodie tersius, limatius, curaque adhibita apud te disseuerit, calliditati eius assignato: nouit enim fraudulentus iste religiosissimas, & maximè teretes ac delicatas aures tuas orationibus sordidis, fluctuantibus, asperis ac salebrosis vehementer inimicas, & insensas. Siquid componat aliquis, non uetat quin ego consiliaria, magistra & emendatrix accersar, totamque scriptiorem pro arbitrio moderer, & ut Lydius lapis explorem. *T.* Tetrum facinus de te prædicat puella. Ehodum bone uir, quid ais? expedi te hoc crimine. *M.* Negare nolo me istuc facere, quod autumauit. Alit ego huic instituto caput, dux & auctor nō sum in aliorum uestigijs pedem pono. *T.* Qui sunt illi? *M.* Docti uiri. *T.* Necessarium fore existimo, ut momenta rationum tuarum antè in mediū proferantur, quàm ulterius progrediatur Latinitas. Id si tu ipse per te agere uis, age: sin minus ipsa proferet, teque refutare insilet. *M.* Nemo me magis quàm

egomet

egomet intelligo, & sibi quisq; est fidelissimus. Nō abutar aut patientia tua M. Tulli: dicā breuiter. 7. Cēseo. M. Vnū hoc te rogō, ut me benignè amiceq; audias, & efficias, ut neq; amor, quo filiā tuā utpote sanguinem & genus tuum prosequeris, mihi nocuisse, neque eiusdem eloquentia (cuius ut Grachi Corneliam matrem, sic ipsa te patrem suum autorem atque magistrum habet) me dicentem impediuisse uideatur: quorum hoc uereor sanè, illud pertimesco. 7. Depone timorem, & loquere quā liberrimè. Boni iudicis est semper uerum in causis sequi, id me, non aliud facturum hodie certus esto. M. Animaduerti ab eruditis quibusdam castigari eos, qui, cum libenter Latinum sermonē conredientes usurpent, eundem nitidum, politum, floridum ac uenustum usurpare pro delicijs habēt: quoniam ferè contingit, ut qui accuratorem, & diligentiam ad sermonem colloquiumque conferendam putant, minus literatè scribant; siquidem necesse est, dum illarum rerum, quæ ad splendē loquendum ualent, iucunditate rapiuntur, in altero imperfectiores manēant: quis enim res duas pari sedulitate, similiq; studio tractauerit? Proinde & illi affirmant, & ego assentior, neminem adhuc se eruditè scribentem cognouisse, cui promptum fuerit perbene latinè, ornateq; loqui. Haud inficiamur in laude ponendum elegantius loqui, & quasi quasdam orationis ostentare diuitias: at dum nos huic rei totos impendimus, præclarissimas artes, quas consecrari oportebat negligimus. Quod si ex bene loquendo oriretur bene scribendi facultas,

N

per-

permittenda sermonis diligentia atque sollicitudo uideretur: hoc autem non fit; de alijs enim rebus loquimur, de alijs scribimus. Loquimur de familiaribus, domesticis, nouis, quotidie nascētibz: scribimus de locis communibus, de Deo, de homine, de uirtute, de uitio, de Repub. de pace, de bello, aliisque huiuscemodi; ubi de nugis antea quātumuis commodē, apparatēque locutum esse quas tandem opportunitates habebit? Addere possum exempla Manutiorum; Sigoniorum, Budęorum, qui, cū omnis latinitatis essent scientissimi, rarō tamen, & perpaucis, & coacti Latina lingua locuti fuerunt: malebat enim iste Gallicē, illi Italicē cogitationes suas efferre. Qui de scriptionis laude non cogitant, illis omni ope conatuque enitendum censemus, ut quā politissimē res omnes eloquantur. Hęc ut breuissimē & apertissimē potui ad institutū meum ab istius calumnia tuendum, ita disserui. *T.* Vnam aurem huic dedi filia, alteram tibi seruaui. Huic rationem facti sui reddidit pro uiribus: tuum est dicta refellere & coarguere; meum iustam pronuntiare sententiam. *L.* Nisi te ipsum ignoras pater; nisi a temetipso longissimē discessisti, non potes huius ullo modo probare ineptias. *M.* Obuium est maledicere; nisi temperas, reponam tibi par. *L.* Obmutescas: infans enim es, nisi cū scribis. *M.* Fuerimne infans in hac defensione mea, parens tuus iudicabit, & ut sim indisertus, ira faciet disertissimum. *T.* Tollantur iurgia, certetur argumentis: dic causam tuam filia. *L.* Rudem, omnisque animaduersionis expertem orationem in congressibus adhibēdam statuit



statuit Myxobarbarus: ego uerò exquisitam atque diligentem. Ille idcirco uult quod uult, ut meliùs & politius scribatur. Ridete quidquid est cachinnorum: rideret si uiueret, & absurditatem opinionis huius audiret etiam ille, quem semel tantum in uita risisse scripsit Lucillius. An illud huic erit impedimento? imò adiumento præcipuo. Quemadmodum enim ad prælium capeffendum paratiores sumus, & arma tractamus longè scientius, si in umbratilibus pugnis nos priùs exercuerimus: sic prorsus à consuetudine & exercitatione præclaræ locutionis ad scripturæ concinnitatem, & lautitiam instructiores accedimus. Fuerunt item & sunt etiamnum, qui cum in utroque excellât, possintque cum optimè loqui, tum bellissimè scribere; ex illo ad hoc, & uicissim ex hoc ad illud se profecisse testificantur. Iam uerò quid unus & alter de numero literatorum aliquando egerit, id quasi ab aliquo Deo factum sit, tantum habere admirationis, tantum ualere ad exemplum minimè debet: potius quid ab uniuersis Latinæ linguæ candidatis fieri possit ac deceat considerandum est. Quòd si meditatus nec indiligens sermo nihil ad festiuè scribendum prodest, quæro sitne profuturus inquinatus, omni cura uacuus, insulsus & incomptus; & an ideo quispiam in scriptione nitefcatur, quia sit in quotidiana locutione barbarus ac lutulentus? multò opinor minùs. Attende paulisper, mi pater, inconsideratissimam uocem cuiusdam de istorum colluie: *Nulla præle- Etio mihi tanti est*, inquit, *ut cogitationis illi aliquid uelim tribuere*, id namque me à scopo meo auerteret. Ea so-



lūm profero, quæ primū occurrit, quæ exercitatio longa mihi comparauit. Nonne hoc est disciplinarū professores inbere illotis manibus suggestim conscendere? Pergit: Et si loquendum esset cum uiris summis, etiam in cœtu maximo, ne verbum quidem vnum præmeditarer; tam libens ineptè, quàm aptè sententiā exprimerem. Satis insipienter hæc: sed extrema parum animo valentem, ac delirum videntur arguere. Quod si res maiorem curam postularet, talem rem, talem cœtum veluti pestem fugerem, ac styli amorem contererem in pectore. Quis se huic erudiendum tradat, nisi qui æquè desipiat? num hic è squilla rosam, & non potius è malo coruo malum ouum expectabimus? Ceterū illud nequaquā negabo, pròpta & expedita bene loquēdi facultatē haud multos præstare: neq; ullā aut ingenii bonitate, aut memoriæ excellentia, aut studiorū contentione, aut vsu fieri posse, vt tā docta, uenusta, limataq; sit ex tēporalis oratio, quàm quieta, negotiis carens. multaq; cū cōmentationē scriptura. Pleniora, maturiora, uberiora, elaboratiora sunt, quæ chartis mādamus, quàm q̄ profamur. Cogitatio. n. quodāmodò alit, format, excolit, auget styli: quē quidem tu, amantissime pāter, latinitalis supremus architectus nō semel commendasti. Quamobrem si cui vtraque facultas contigit, tamen si non æqualiter, gaudeat in sinu: Et ille sibi nihilominus plaudent, qui cū loqui literatè ac scite non possit, scribendi commoditate præstat, communeque multorum malum singulari paucorum bono compensat. Quod asserebas, accidere, ut qui accuratè loquerentur, parum eruditè scriberent, causam

causam ego cur ita sentias nullam uideo; ut neque eorum quæ deinceps in tua oratione sequuntur. Non enim necesse est, ut si in hoc sis industrius, in altero segnis euadas. Et quisnam, quæso, cum libenter & cum uoluptate loquatur purè ac uenustè, scribendo uelit amplecti barbariem, scabritiè atque sordes? aut quis ingenium nactus cum sit ad illud, in hoc ingenio deficietur? Neque sunt istæ duæ res diuersæ, latinè loqui ac scribere, sed una, nisi quod in scriptionem plus operæ curæque consumitur, quæ etiam est sermone perfectior: quam si bene loqui impedit, quod tu inconsulte fabularis, ergo aut malè loqui adiuuabit, quo nihil stultius; aut certè loqui ad scribendum non cōducet, quod etiam est ridiculum. Præterea artes laudandæ non negliguntur: quin hoc ipso, dum perfectè loquendi scribendique affectatur gloria, quæ sine multis rebus & artibus non comparatur, præclare discuntur, iidemque doctissimi qui latinissimi semper adhuc inuenti sunt. Quod addebas, non iisdem de rebus nos loqui & scribere: ut ita sit, quamquam ita non est omnino; saltem nullum scriptioni impedimentum sermo obiciet. Deinde interrogabo istos; tu in primis, mi pater, Virgilius, Terentius, Plautus, an iisdem de rebus loquamini, de quibus nos scribimus. Minimè inquirunt. Et tamè à uobis disertissimè atque politissimè nos loqui ac scribere discimus. Manutium & alios non idcirco tacuisse arbitror, ne fieret in scribendo inopes, aridi, exsangues, sed quia suis in ciuitatibus usum latinè loquendi nullum uidebant; & cum meram ac putam putam latinitatem

expromere uellent, timebant ne apud semilatinos in arrogantia suspicionem caderent: aut fortè usu latinè loquēdi carebant; nec magis inductione animi, quàm necessitate faciebant, quod fecisse prædicantur. Quòd si ad scriptionem quidquam prodest obmutescere & elinguem fieri; tu pater, Quintilianus, aliiq̃ue dicendi doctores hoc in præceptis non omisissent: nullum autem uerbum aliquando inueni. Hæc sunt quæ aduersus hoc impurum & illozum sodalitium dicenda habui: nunc noli, pater, comprehendinare; da huic tristem, mihi salutarem literam. *T.* Inuitus facio ut quemquam damnem: at ueritas me cogit pro Latinitate iudicium dare. Erras Myxobarbare: si in hoc errore perseuerabis, me inimicum es perpetuum habiturus; quin aut lumbifragium auferes, aut exilio multabere. *L.* Dignum factis exitium; iam satis est mihi, fiat quæso. *M.* Res mihi egere deliberatione uidetur: post triduū renuntiabo quid decreuerim. *T.* Cōcedamus illi triduū. *L.* Concedamus. Quid me aspectas stolide? quid nunc uis tibi?

## PROGYMNASMA XXCV.

Litera Pythagoræ, seu biuium Herculis.

*Sophia, Palatina, Adolescens fluctuans.*

**S**OPHIA. Iam dudum te, quisquis es, & unde unde ueneris, chare iuuenis (certè autem ex hominum uulgo, & alicuius baiuli, aut operarii filius non es) in hoc secessu, sub ista quercu ad biuium sedentem intuita, uultum mœsticia suffusum, & ali-

quam

quam animi egritudinem, ancipitisue cogitationis distractionem, aut tedium ac satietatem cuiuspiam negotii declarantem obseruavi. Vidi quemadmodum modò ungues roderes, modò caput scaberes, modò brachia dissipares, modò librum abiiceres: quocirca tui conueniendi, consolandi, & instituenti volūtas me subiit. Ibo aduersum, inquam, & eleuabo quidquid est molestiæ. Quod est hoc intestinum malū quod te cruciat? ne clausum tene in pectore. *P.* Et ego, lectissime ornatissimeque adolescens, viā ad te flexi, vt allocutione mea prodessem tibi: quare idem te interrogo. At imprimis nosse te interest quæ simus. *A.* Deas quispiam vos ambas suspicari posset; adeò & augustus est utriusque habitus, & plus quàm humana species ac pulchritudo: vox uerò ipsa diuinum quiddam ac cœleste sonat. O quænam tandem? unde? quò gressus dirigitis? *S.* Tibi generis mei claritatem uno uerbo pandam. Pater mihi est Deus, matre careo, quam nunquam habui. Sapientiam Latini, Græci σοφία, uocitant. *A.* Papæ, coniecturam ex re ipsa capio. Tu illa es, quam patrimam & è capite cœlicolũ regis ortam poetæ canunt. *S.* Nequaquam: nihil mihi cum commentitiis antiquorum numinibus. Mineruam nescio, Iouem non adoro. Ab uno illo soloque rerum effectore ac principe Deo me procreatam, & cum genere humano, quod ipse admodum uehementerque diligit communicatam omni asseueratione affirmo. Ille est omnis sapientiæ fons & origo. *P.* Mihi Palatinæ nomen est: sum præses ac domina eorum, qui uitam colunt aulicam, potētissimis.

que Imperatoribus ac Monarchis, opulentissimis regibus, nobilissimis dynastis ad nutum inserviunt. Ecquid te capit species mea? *A.* Quò magis aspicio, hoc magis utraque placetis: sed egomet mihi summopere displiceo, meique me ualde pœnitet. *S.* Quamobrem? *A.* Quia confusus atque incertus mentis statuere non possum, quid posthac incipiendum sit; procederene debeam in colendis literarum studiis, an ad aliquod plebeium artificium appellare animum. *P.* Quid istuc uerbi ex ore tuo profluxit? tam eximia facie, tam præstanti corpore adolescentem cogitare opificium? Non discedam hinc, nisi te mecum abduxero, feceroque unum è domesticis potentissimi alicuius Regis, eumque uel à cubiculis, uel à poculis, uel ab epistolis. *S.* Vel à stabulis, uel à tergèdis calceis, uel à canibus. *P.* Oh, quid tu? *S.* Nonne hi quoque sunt aulici? Sed tu mihi istubolum hodie è faucibus, ut spero, non eripies. Frangam sententiam tuam, frangam impetus. O adolescens optime, tunc fastidio teneris literarum? *A.* Maximo. *P.* Nec primum hunc esse scito, nec postremum fore, qui spreto ac deserto ignauissimo clientum tuorum otio in gremium se meum recipiat. *S.* Non me latet in aulis excellentia euauisse, & quasi in nihilum occidisse ingenia quæ à me rebus amplissimis atq; honorificèssimis ornari potuissent, quibusq; ciuitatù salus, & incolumitas niti debuisset. Quid verò creauit tibi istuc tã delicatù fastidium? *A.* Quòd neque vllam necessitatẽ, neq; tam admiranda commoda, neque tam incredibiles suauitates inesse in his occupationibus atque laboribus

animad-

animaduerto : quin contra molestias innumerabiles, & incommoda nec pauca, nec mediocria. *P.* Facere, lepidè, lautè, nihil supra. Si quid verè est, hoc est. *S.* Deprehendo etiam atque etiam, te non ita longè prouectum à primo littore, nec delatum adhuc foelicibus Euris in ipsum eruditionis vastissimum altissimūque pelagus: nunquam tu has coram me voces emisisses. Sic autem iudico, magis bonam voluntatem ac diligentiam, quàm bonum ingenium hactenus tibi defuisse. *A.* In tua penetralia nondum me penetrasse cōfiteor; quòd si tamen aures patefacere mihi parumper volueris, non planè fatuum cognoscēs, nec sine iusta causa in deliberationem adducere, & curas animum meū haud immeritò diuersè trahere, pergāne hoc uitæ genus agitare, an uel artem aliquam sedentariam ad discam, vel in militiam proficiscar, vel etiam aulicas elegantias amplectar, quòd me isthæc aduersaria tua pellicere videtur. *P.* Pelliciam & hortabor profectò, teque aduersus istam differentem enixè adiuuabo. *S.* Aquila non captat muscās, & testudo non sentit culices. Dicite quæ fert animus. *A.* Cūm necessarium id definiatur, sine quo res aliqua finē & propositum suum aut nullo modo, aut non satis commodè assequatur, neutrum necessitatis genus in literas cadit. Finis quippe hominis est felicitas, quā si quis in artibus istis quas honestas, ingenuas, liberales appellitant, quærendam putat, uerendum est magnopere, ne pro thesauro carbones effodiat. De ipsa autem felicitate opīniones trēcentæ inter doctos; & adhuc sub iudice lis est. *P.*

Istuc



Istuc uerò bene. *S.* Multò faciliùs & commodiùs auxilio doctrinæ ad beatitudinem peruenitur. *P.* Erit ergo quisque hoc sanior, formosior, copiosior, quod doctior: sine istis enim non est consummata felicitas; tametsi eam in uirtute potissimum Peripatetici tui constitutam esse philosophantur. *S.* Non ego philosophicam potius quam Christianam beatitatem intelligi volo, quam is faciliùs cōsequitur, qui Deum ardentius amat: amabit ardentius, qui clariùs cognoscet; cognitio siquidem amorem parit: nemo autem cognoscere potest Deum, nisi qui res ab eo conditas intelligentia percepit. Inuisibilia enim Dei per ea quæ facta sunt intellecta conspiciuntur: sempiterna quoque eius uirtus & diuinitas. Et quamuis non ita sentirem, tua tamen argumentatio nihil efficeret: non enim quoniã aliquid ad aliud consequendum uim & momentum affert, idcirco illud dat, tantoque amplius dat, quanto plus ad acquirendum prodest. Sine uehiculo potest quis pedibus suis in locum remotum peruenire, commodiùs autem atque celeriùs uehiculo: nō ideo totum est situm in uehiculo; commoditas tantum illius est, quæ nulla erit, nisi ascēdis, nisi equos adiungis, nisi eos flagello increpas, ut procedant alacriter. *A.* Veruntamē ut à genere summo descendamus, possum dicere quare necessaria fuerit calcearia, quare necessaria futura, architectonica, textoria, & similes: quid opus sit Grammatica, Musica, Geometria, cæterisque non uideo. *P.* Nec ego. *S.* Nec ego uiderem sanè, si uestros haberem oculos; & uos perspicuè uideretis, si meos haberetis. *P.*

Cæci,

Cœci ergo tibi uidemur? *S.* Cœci; ut ille qui Platonem dicebat, uidere se cyathum, uidere mensam, at cyathitatem, & menseitatem non uidere. *P.* Nisi tu fortassis dicas, disciplinas istas liberales, ut uocas, animo esse necessarias, quem ornent atque perficiant. *S.* Dico. *P.* Hinc est quod docti isti hominem illiteratum nihil nisi forma à bestiis, & tanquam equum indomitum à domito differre clamant. *S.* Haud falsò. *P.* Omnes ergo qui literas nesciunt, bestię: uos soli homines. Estote Dij si uultis. *S.* Non soli homines, sed excellentiores homines, seu magis homines. Est autem hominum propria, ueri inquisitio & mentis agitatio, quæ in rudibus permodica est, in doctis multa & assidua. Proinde per sapienter Aristippus: satius esse fieri medicum quam indoctum: quod ille tantum eget pecunia, hic humanitate. Cui deest pecunia, est ille quidem homo: at homo non est (hoc est, hominis nomine dignus non est) cui deest eruditio. Cur igitur qui pecunia caret, à viatoribus petit; qui eget sapientia, neminem eius adipiscendæ causa sollicitat? *P.* Qui est animal rationis & consilii compos, is mihi homo perfectus uidetur. Omnes tales sunt. *S.* Stulti ne etiam perfecti? Si dixeris, tum iudicio tuo inter stultum & sapientem nihil intererit. Hoccine erit purpuram iuxta purpuram diiudicare? Si negaueris; quæram, cur? an quia rationis compos non est? imò est: an quia ratione parum utitur? ita, dicis. Perfectio igitur hominis à perfectiore usu rationis est, qua perfectissimè utuntur, qui sunt literarum doctrinis quam maximè imbuti. An non perfectissimi

homines

homines qui sapientissimi? P. Esto. S. Nonne eruditissimi sunt sapientissimi? P. Prius ut confitear me cogis istis punctis interrogationis tuæ, quam ut assentiar. Accipe reliqua uelut uno cumulo. Aut priuatis aut publicis rebus sunt necessariae literæ. Si priuatis; paterfamilias uxorem, liberos, seruos male gubernabit, nisi linguam Græcā & Latinam nouerit, nihil uendi, nihil emi, nihil negotii inter uicinos conferri, sine Rhetorica, Dialectica, Astronomia poterit. Quod ad publica attinet, saepe illud Platonis audiui: Tum demum beatas fore Respub. cum aut Philosophi eas regere incipient, aut qui regunt, philosophabuntur. Quare igitur ipse, ut Athenarum gubernacula susciperet, se adduci non est passus? quare scripsit Philosophos non accessuros ad Rempub. nisi coactos? Populi mores ferre non possunt, quietem nimis amant. Non ergo commodo est Philosophia ciuitatibus, si Philosophi se à studiorum contemplatione ad negotiorum tractationem auocari nolunt. Quam diu literæ à Romanis repudiatae fuerunt, uirtus & disciplina militaris apud eos in honore fuit: quam primum otium ueltrum inertissimum illud clarissimū imperii domicilium, illam arcem omnium gentium occupauit, neq; tam boni, neq; tam fortes & generosi postea ciues extiterunt. Quæ doctrina fuit Romuli? quæ Numæ Pompilii? quæ Tarquinii Prisci? quæ Seruii Tullii? quæ multorum Imperatorum, in quibus etiam Justinianus ἀναλφάβητος, qui tam sapienter, moderatè & clementer imperauerunt? Si necessariae sunt artes; omnes ne, an aliquæ? De Grammatica

matica uanitatis sit affirmare. Mathematicæ otiosam habent delectationem, & obscuritatibus repletæ sunt: Dialecticorum sermones ipsimet Philosophi aranearum telis similes confitentur: utpote subtiles quidem, sed inutiles. Rhetorica non minimam partem in commodorum urbibus & prouinciis sæpe importauit, estque instrumentum seditionum & tumultuum. Iureconsulti ex æquo & bono iudicant præcipuè, quod facere possemus etiam nos, qui Iureconsultorum nomen atque personam non gerimus. Medici non nisi coniecturis ferè nituntur. Philosophia est plena incertis opinionibus. Theologia non ad Remp. temperandam, sed ad salutem animarum procurandam est utilis, quam apud Sacerdotes reperiēs, ab Imperatoribus frustra desideres. Ostendi non esse literas necessarias, putoq; simul ostensum parum esse utiles: tum enim ualde commodas iudicare licuisset, si uita humana iis carere minimè potuisset. Quibus autem angoribus implicitus, quibus molestiis cinctus, quibus malis obrutus fueris, tu bonè adolescens, dum incumberes, in literas, rectius ipsemet explicabis. *A.* Quo pacto iucundum esse queat, à quò nihil utilitatis speres? Lætari & exultare gaudio fortasse potest, qui iam in doctrinarum est possessioe collocatus: at cui, quæso, audiuit id ante obitum contigisse? Cùm sapere incipimus, tum à nobis debitum natura exigit, quod moriens conquestus est Theophrastus, & colligere uasa, ac de uita recedere uolentes iubet, nolentes compellit. Atq; ut delectarent, non est tamen sapientis, sequi potius quò delectat, quàm

quàm quod prodest. Ego porrò nō alias literarum delectationes cerno, quàm frequentem capitis dolorem, qui existit, cū intendere cogitationem uelut arcum continenter urgemur, & in altissimo puteo Democriti latentem ueritatem perscrutando indagare cogimur; crebram tussim, epiphoras, multas cruditates, insomniam, nauseam, phtisin, uariosque morbos. Noctes & dies requirunt libri, societates & colloquia amicorum excludunt, patrimonium exsorbent. Hæcine possunt esse uoluptati? hæcine expetenda? P. Ito iam Sophia, prædica te nectar & ambrosiam præbere alumniis tuis. Quin è uestigio mecum uadis? A. Quonam? P. In regiam. S. Per Deum immortalem noli adolescens huic auscultare, quæ te suæ temeritatis implet & insanix, noli cationibus huius ueneficæ delinitus, animum ad malas partes adducere: nondum audisti responsum meum, quò disturbabo huius machinas. P. Ito mecum: honores, potentiam, diuitias, uoluptates tibi polliceor. A. Accedis me pollicitationibus tuis: sed explicatiùs pollicere. P. Tūne ignoras inter ministros Principū quanta uarietas, quantum nominis, auctoritatis, loci munerisq; discrimen? nōne cō plures honorū gradus? A. Non ignoro ista. P. Nonne ab uno ad aliū, ab inferiore ad superiorem, ab infimo ad summum ascendi solet? A. Etiam, solet. P. Pro quantā aulicorum gloria? Incedunt per urbem, homines passim nudant caput, assurgunt, genua flectunt: si ad mutuum sermonem ueniat, si salutentur, singularis adhibetur cæremonia, manibus figuntur oscula, delecta uerba, pudorisque ac

reuerentiæ plena vsurpantur. Nonne ipsorū opem ac gratiam mortales plurimi exposcunt? nonne ipsos sibi propitios imprimis facere laborant? nonne ipsorum apud se habere imagines, iisque domum illustrare percipiunt? Possunt illi & nocere & prodesse multis; nec maioris propemodū refert, vtrum apud aulicos domino suo charos, an apud dominum ipsum in offensa sis. Licebit præterea tibi ex ærario Principis magnificentissimas ædes construere: quin ultro, nec rogatus nunc mille, nunc duo aut tria aureorum millia donabit; nunc torquem, nunc pateram, nunc inatratum ensem, nunc aliud quippiam magni pretij. Longa famulorum caterua comitatus, auro & ostro conspicuus prodibis. Si vehi cupies, paratus currus te dignus; si equitare, è Turcia aut Hispania præsto erit elegantia mira caballus. Frueris insuper quotidianis, iisque suauissimis oculorum, aurium, odoratus, gustatus, tactuque voluptatibus. Videbis ludos apparatusissimos, spectacula sumptuosissima, hominum utriusque sexus & forma insignium, & uestibus non tantum mundissimis, uerum etiam rarissimis indutorum cætus: quos choreas identidem ducentes aspicere quàm erit iucundum? Ibi perelegantes picturæ pascunt animum, morabunturque oculos belluata, & auro argentoque intexta uela, quibus parietes conuelliuntur: suppellex denique omnis uisetur ibi tam lauta, tam copiosa, tam artificiosa, ut quidquam optari melius non possit. Aedificia ipsa è solido marmore, mirabili & exquisito opere fontes, amœnissimi horti, præstantes feræ, lectissimi canes; catuli etiam



Melitæi, simiæ, pſitaci: infinita memorare poſſim præterea ibidem oculorum oblectamenta. Quid aures? ille uerò dulciſſimis muſicorum cantibus aſſiduò recreabūtur, miſcebis colloquia optatiſſima cum illuſtribus uiris, & de magnis uiris, qui ad gloriã uirtutis uia graſſati ſunt: nihil accideſcit in Germania, nihil in Italia, nihil in Gallia, nihil in Hiſpania, nihil in Perſide, nihil in Turcia: nihil in toto terrarum orbe, quod tibi non etiam narrabitur. Menſa conditiſſimis optimiſque & diuerſiſſimis dapibus conſtructa, quantã pariet uoluptatem? quod enim Principi apponetur, tibi quoque appoſitum iri ne dubites. Quid uina dulciſſima, generoſiſſima, à peregriniſ terris allata memorem, quæ potulis gemmatis & criſtallinis miniſtrantur? quæ porrò in aulis unguenta, qui flores, qui odores deſiderantur? omnia perfectã, quibus & corpora & animi reficiuntur; multoquæ plura reperiēs, quàm à me breui ſermone poſſit exponi. Quocirca dubitationem quæ te habet prorſus excute, me hac uia ad quam ſedes ingredientem hilari paſſu ſequere: nunquam te ſuſcepti conſilii pœnitebit. Plures dixerunt ſalutem iſtis ignauiffimis literis, quos ego ex ignotis notos, ex egētibus beatos, ex infimis ſummos reddidi: tu noli ſapere nimium, & laureolã in muſtaceis quære re. *A.* Acres mihi ſtimulos admouiſti: parum omnino abeſt, quin te ſequat. *S.* Faciam ego tu idem aliter prædices! Adoleſcens; unum rogare te uolo. *A.* Quid uiſ? *roga.* *S.* Ut auſcultes & diſcas: à me, quos tibi ſumos indocta huius garrulitas uendiderit. *P.* Eia ſumos. *S.* Etiam, meros ſumos, & ſi quid eſt ſu-

mo inanius. In speciem te multi in aula venerabuntur; vbi præterieris, medium extendent digitum, maledictitabunt tibi, tua vitia in ore habebunt. Quis verò explicabit sollicitudines, quis oratione cōsequetur metus, quibus isti aulici noctes & dies suspenduntur, cū se negligi alios efferri, aut sibi præferri aspiciunt? cum honorem quiddam lubricum esse, quòd parua offensione interposita amitti, & ignominia etiam multa compēdari possit, considerāt? Potentiam verò diuturnā obtinere quempiam inuidorum obtrectatorumque insidiz, multorumque odia non sinunt. Quisque primus esse nititur; & quo quis Principi grātor fuerit, quo apud illum plus poterit, eò à pluribus oppugnabitur, & tandem ruet: grauiissimè autem ruunt, qui ex tam alto dignitatis gradu præcipitantur, & inimicis suis fiunt ludibrium, sibi dolorem, amicis dedecus ferunt. Quàm autem indignum & risu prosequēdum, vt diuitias assequare, libertatem vèdere? quo enim pluribus beneficiis te cumulauetit Princeps, eo ampliùs obseruare nutus eius, & ad omnia inseruire te ipsi oportebit; ridere si rideat, flere si fleat. Nō ui autem ego nonnullos qui cū maiorum virtute essent diuites satis, in aula fortunarum naufragium fecerunt: multiq̃ue cū tot annos exegissent vitam illam, nec ad vllū honorem, nec ad opes peruenire quantascūque potuerunt. Iam si extremum bonum situm esset in voluptate, rectè eam sibi proponerent, qui aulam cogitant, vt dediti corporis gaudiis, æuū suū exigerent. Cæterū alibi vera bona & homine digna sunt reposita. Quàm multa

hilominus iucunda & admiranda nō videre eos necesse est, qui latera Principum stipare coguntur? Nec tantum hauriunt in aula uoluptatis oculi, quantum doloris; audiuntur autē plura quā displiceant, quā quā placeant. Obscenas uoluptates omitto, quibus fruendis quo quis est beator, tanto est infelicio; atque in ea ipsa re quot timores, & incōmoda insint, nemo facillē dixerit; Gustus & odoratus uoluptates sectari pecudum est, quas natura pabuli tantum studiosas finxit: ac sepe muscas potius quā istos uidebis epulas regales attingete. Quoties, donec plerumque noctis processerit, expectanda cœna? quoties prandendum cœnandumque simul? malē cocta, frigida, insulsa, & aliquando ante lucem ortam compelleris esitare, nisi uelis nimium diu esurire. Cum in meridie pranderis, post horam iubeberis cœnare; nihil enim propemodum certo ac suo tempore fit in aula: hinc uomitus, calculus, intestinorum dolores, uatiaq; morborum cruciamenta. Vinum bibes sepe corruptum, nec quantumuis sitiens bibere audebis, nisi maiores coeperint, transibitque poculum per multorum manus, priusquam ad te ueniat, & in fundo fax plurima hærebit: carnes edes frigidās, immundas, legumina semicocta, pisces paratos ante quatrīdium. Tæder plura enumerare incommoda, quę non perpēdūt, qui ad pauca quadam foris magnifica, & in specie consecretanda respiciunt. Agricola, priuatum aliquem ciuem, opificem denique aulico feliciorē arbitror. Nunc, mi iuuenis, meliora capesse cōsilia, & deserta Palatina ad meam te uoluntatē nutūq;

conforma, ad meas te rationes adiunge, ac scito, me ea expectare abs te, quæ à summa virtute summoque ingenio expectanda sunt. *A.* Tua oratio. Sophia, ad veritatem proprius visa est accedere. Quare tamen aulam non cogito, tamen nisi mihi studia literarum insigniter collaudaueris, & flammam in pectore meo crescere incipientem confoueris, atque in immensum adauxeris, etiam te non poterò sequi. *P.* O stultum; littori & vndis concionata sum; præ iracundia nequeo animum ad cogitandum instituere. Abi in crucem cum tua muliercula. *S.* I hinc quò digna es cum tuis tam lepidis conclusunculis.

## PROGYMNASMA XXXVI.

Pars posterior, seu laudatio Eruditionis.

*Sophia, Adolescens.*

**S**OPHIA. Gratificabor tibi quod petisti (quid enim hac petitione tua dici potest æquius?) si paucis adhuc, quæ tam inscitè ab inimica mea, tamque odiosè, & putidè effusa sunt refutauero. *A.* Tui audiendi mira me cupido incessit. *S.* Credas igitur ipsam partim falsa, partim sibi lo digna, partim aliena locutà, literasque non modò laudari, sed nec vituperari sine literis posse, de quibus illa gustasse videtur aliquid, ut canis è Nilo. Vna sciëntia liberalis alteri necessaria est, ut suo munere perfectè fungatur. Habent quoddam inter se còmunè vinculum: omnes autè humano generi tantum còducunt, quantum nullius, etià eloquētissimi lingua declarare potest.

Imperitus literarum est ille quidem homo, & absolutus homo, quod ad naturæ humanæ partes attinet: veruntamen socialis, ciuilis, mansuetus, similibusque laudum honestamenti excultus ac decoratus non est. Deinde si id necessarium interpretamur, sine quo esse non possumus omnino id quod volumus, aut debemus (volumus autem omnes boni, humani, tractabiles ac sapientes esse) ad virtutem sanè & doctrinarum studia incumbendum est, sine quarum præsidio adminiculoque in istorum quæ à me nominata iam sunt bonorū possessionem nemo pedem est aliquando positurus. Incommoda quæ recensuit, iocos & cauillationes quibus nugata est, existima ad homines, non ad ipsas artes pertinere. *A.* Non habeo dubium, nihil illam magnopere auditione dignum disseruisse. Te autem, mater, opere maximo rogo, pro tua facultate & copia præstantiam, fructus, suauitatemque studiorum explanes: abs te enim uerissima certissimaque dici putabo, & animam relinquam citius, quam tua castra deferam. *S.* Nauo hanc operam tibi, o fili, teque iam desperatione illa exemptum, qua initio conflictabare, auersumque ab illa uitæ ratione, quam loquacula illa insipientissimè suadere insistebat, mirum in modum vehementerque gaudeo. *A.* Demonstrasti perspicuè miseras aulicorum hominū, & tanquam in tabella spectandas exhibuisti, grauique me huius voluntariæ seruitutis odio incendiisti: quamobrem me quidem certè non inescabit hamus ille, nec aureis istis compedibus vnquam astringar. *S.* Vnus ille mundi rex & constitutor scientiarum

tiarum semina, cupiditatemque cognoscendi mortalibus ingeneravit: quidquid autem ab illo exuberantissimo bonorum fonte promanat, hoc iustum honestumque confiteri mos pius ac bonus est. Iam si non frustra inseuit, adhibenda est cultura, qua adulescant illa semina, fructusque pariant innumerabiles. Ecquid ita est fili? *A.* Est uerò haud aliter ac loqueris, mater. *S.* Quid porrò æquè decens hominē reperiatur, quàm indagando & quotidie aliquid cognoscendo addiscendoque concessum à natura viuendi spatium decurrere? cū enim in eo nihil sit ratione præstabilius atque diuinius, certè nulla erit rationis functione nobilior; illa autem est intelligere, quo uno mens alitur. Propria hæc, inquā, rationis est actio, ut natatus piscium, uolatus auium: istoque modo ad diuinam similitudinem peruenitur: siquidem Deus alio modo ab hominibus non intelligitur nisi mens soluta quædam ac libera, segregata ab omni concretionē mortali, omnia sentiens, omnia mouens, ipsaque prædita motu sempiterno. Apud omnes nationes atque populos eruditus ac sapientibus uiris summus, semper tributus est honos, amplissimaque decreta præmia, philosophis, oratoribus, poetis, medicis, mathematicis, iuriconsultis. *A.* Et quidem non immerentibus. *S.* Suspicere hunc ducem ac moderatorem temporum solem, assidua uertigine cælum obeuntem, suaque clarissima luce perfundentem & collustrantē omnia. *A.* Suspicio. *S.* Nonne is omnium quicumque oculorum sensu orbatī non sunt lux est, per quam res singulas intuentur? *A.* Est sanè. *S.* Sic prorsus om-



nibus quibus cœlesti beneficio concessa est ratio; tanquam oculus, lumen, dux; & ornamentum est vir sapientiæ compos. Atque illi demum dicendi sunt uiuere; & memoriam sui quàm maximè longâ efficere, quibus uel in senectute aspirare ad sapientiam licuit; reliquorum uita somno quàm simillima apparet, in quo uanæ imagines inanesque rerum species deludere animos consueuerunt: neo est animal in terris pulchrius homine literis tincto atq; ad eò infecto. Eruditorû uitâ exemplar quoddam dixerim illius beatissimi status, in quo aurea ætate homines erant uicturi: fuisset quippe tum uita non aliud quàm iucundissima quædam schola, in qua de rebus diuinis, de natura rerum, de æternitate animorum, de motibus cœlestibus, de quibuscunque uitæ officiis, de pulcherrimis demum questionibus quàm frequentissimè disputaretur. Dux item res sunt quibus nihil habet natura humana constantius, nihil melius, nihil clarius, nihil maius; ueritas & iustitia: diuitiarum enim, formæ, reliquarumq; rerum gloria fragilis, caduca, & exigua est. Harum porro inquisitio explicatioque scholis est commendata. Et quamquam in templis, aula & foro ueritatem atque iustitiam regnare oportet, earum tamen notitia è scholis petitur. *A.* Admirabilia hæc, ò mater, quæque in pectus meum sensusq; intimos quàm suauissimè influunt! *S.* Quid dicam de fructibus? si in animum idoneum tanquam in pingue, ac sua natura fertile solum disciplinarum isti satus inciderint, non poterunt non fecundas ac lætas efferre segetes. An non memorabilis sapientia

tiæ fructus hic tibi videtur, quòd Reges & Principes viris doctis amicitia suæ. fores cupidissimè patefecerunt semper, & singulari eos liberalitate beneuolentiaque prosecuti sunt, seque illis instituentos tradere uoluerunt? Pericles qui annis quadraginta Atheniensium Rempub. administravit, ab Anaxagora Clazomenio fertur institutus. Timotheum Cononis filium Isocrates, Epaminondam Lyfis Pythagoreus, Alexandrum magnum, Aristoteles, Agesilaum, Xenophon, Dionem Plato erudierunt. Solonis colloctionibus summo opere tenebatur Cræsus, cum Dionysio Plato & Aristippus familiariter uixerunt, cum Alexandro Callisthenes, alij demum cum aliis. Inter sapientes autem non postremas poetæ occupant, è quibus charum fuisse constat Aeschylum & Simoniden. Hieroni, Euripidæ Archelao, Scipionibus & Catoni maiori Ennium, Lælio sapienti Lucillum, Memmio Lucretium, Mæcenati & Augusto Imperatori Virgilium & Horatium: omitto alios, quos memorandi magna mihi esset copia. Ac tamen opes docti non siciunt, sit tamen ut eas assequantur. Non vixit pauper ac tenuis Aristoteles, non Demosthenes, non Gorgias, non Isocrates, non Virgilius. *A.* Ducenta quinquaginta millia coronatorum acquisisse per amicos scribitur hic postremus. *S.* Et hic idem aliquando panem in mercedis loco accipiebat ab Augusto. *A.* Legi historiam. *S.* Censen quidquam utilius quàm rectè viuere? *A.* Nihil. *S.* Atqui Philosophia omnem virtutis, officij, beneque & innocenter uiuendi disciplinam continet, omnium benefactorum beneque di-

etorum mater. Quid quæris? Eloquentia hominum  
 fraus ad perniciem, integritas ad salutem uocatur.  
 Iuris prudentia quid æquum, quid iniquum sit de-  
 cernit. Poetæ aut prodesse uolunt aut delectare: aut  
 simul & iucunda & idonea dicere uitæ. Mathema-  
 ticarum doctrinarum terra marique multis rebus  
 ac temporibus creber est usus. Eruditio iuuenibus  
 donat sobrietatem, senibus affert solatium, paupe-  
 ribus conciliat opes, diuitibus eximium decus. Vno  
 uerbo, quidquid cernitur inter mortales humanita-  
 tis, moderationis, prudentiæ, uirtutis ac sapientiæ,  
 totum è literarum purissimis, sanctissimisque fonti-  
 bus profluxit. *A.* Sic me ad assentiendum commo-  
 uet oratio tua, ut hactenus quæ nulla. *S.* De uolu-  
 ptate literarum dicendum restat. *A.* Eam partem  
 percupidè exspecto. *S.* Incredible memoratu est,  
 quanta ea & quàm multiplex sit: quam augent con-  
 uentus illi scholastici, ubi in omnium artium uarie-  
 tate uersati doctores consuli, interrogari, audiriq;  
 possunt. Natura simili delectatur: at in gymnasiis  
 multos quisque sui similes, hoc est, iisdem artibus  
 initiatos atque consecratos inuenit. A semetipso in-  
 rebus aduersis solatiū petere uir doctus potest: obli-  
 uiscitur etiam calamitatū suarum, & aberrat à mo-  
 lestiis, eruditis cogitationibus intentus semper ani-  
 mus. M. Tullius filia mortua sese per literas doctissi-  
 mis suauissimisque allocutionibus est consolatus.  
 Fecit hoc idem in exilio Ouidius, fecit Boetius.  
 Quantæ autem iucunditatis putas, cum tot excel-  
 lentissimis ueteris memoriæ hominibus colloqui,  
 & eos quasi hospitio excipere? cum Homero, Pla-  
 tone,

tone, Cicerone, Plutarcho, Herodoto, Thucydide, Liurio, Sallustio, Cæsare, Euclide, Virgilio, Terentio? velut in imagine ipsorum sensa, ingenia, sapientiã perspicere, superioribus & uetustissimis illis seculis uideri interfuisse, totum mundum, omnemque antiquitatẽ animo circumferre? Si etiam agresti, parua leuisque notitia delectationem dat; quãto-  
pere hominem eruditum infinitæ rerum pulcherri-  
marum maximarumque cognitiones delectabunt?  
Mira uoluptas è fidium, tibiæ, atque uocum cã-  
tibz hauritur, uerũtamen illa continuò euanescit:  
literarum est perseverantissima; quæ interdum mē-  
tem humanam ita uelut captiuam & oppressam de-  
tinet, ut nec oculi, nec aures, nec gustatus suum fa-  
ciant officium. Atque hæ res quas hæcenus audisti,  
in causa fuerunt. ut tam indefessos assiduosq; labo-  
res in cumulata eruditione sibi pariũda multi susci-  
perent, totq; regiones tam distantibz locis, tam di-  
uerso sub cœlo positas peragrarent. Plato & Pytha-  
goras in Aegyptum, ille etiam in Italiam contēdit,  
Anacharsis Scythia Athenas uenit, Appollonius ad  
Indos est profectus, Carneadi idem philosophan-  
di qui uiuendi finis fuit. Demosthenes Thucydi-  
dem octies sua manu descripsit; de cuius uigiiliis &  
studiis multa passim narratur. Sophocles cūm pro-  
pè centesimum ætatis annum attingisset, sub ipsam  
mortem fabulam præclarissimam Oedipum Co-  
lonæũ diuulgauit. Horum aliorumque exempla stu-  
diosè imitaberis, & in eo, quod tam necessariũ, tam  
fructuosum iucundumq; intellexisti consecretando.  
nullam neq; corporis, neq; animi defatigationem

con-

contentionemve recusabis. *M.* Abducas me tecum  
licebit, o mater, tuisque diuinissimis præceptis in-  
stituire pergams: nihil me iam præter vnā te potest  
recreare, in te mihi sunt omnia, tibi immensas &  
habeo & ago gratias, cuius prudentissima splendi-  
dissimaque disputatione mens mea collustrata li-  
quidissimam veritatem intuetur: tibi omnia mea  
quā commendatissima esse cupio; ad tuum arbi-  
tratum imperiumque me totum conuerto. *S.* Saluus  
es, si istam animi firmitudinem obtines. Serua tibi  
perpetuam patronam & adiutricem me, atque hanc  
inuentam inueni.

## PROGYMNASMA XXCVII.

*Studia politioris Humanitatis.*

*Verannius, Musæus Magistri.*

**V**ERANNIVS. Frequens excussi atque pon-  
deravi acutissimam illam præclarissimamque  
& per paucis notam. *M.* Tullii sententiam de docto-  
ribus, quā nihil uerius dici potuisse confirmo: *U-*  
t quisque ingeniosissimus est, inquit, ita laboriosis-  
simè docet; quod enim ipse celeriter didicit, id cū  
alii tardius arripiunt, cruciatur. *M.* Nondum per-  
spicio quorsum collimes. *V.* Atqui nihil facilius. *M.*  
*Ast* ego Dauus sum, nō Oedipus. *V.* Ingenium ego  
mihi quidem summum non arrogo, mediocre, &  
infra summum detrahi ferrem paulò ægius. *M.*  
*Esto.* *V.* Sed quanquam ingeniosissimus haud nu-  
merer, hoc tamen narro tibi, me docere laborio-  
sius; id est, cū uideo quæ à me dicantur arripi tar-  
dius

diùs à multis, cruciari uehementius. *M.* Et mihi bilem commouent, quos ita de iisdem rebus cogor docere in dies, uelut si eandem incudem perpetuò continenterque tunderem. Qui, etsi meo iudicio tam sapiens minimè sum, quàm fuit is, qui oraculo Delphico mortalium sapientissimus est renuntiatus, at stultitia certè quidem carere me confido. *V.* Simili fortuna utimur; tuorum plerique sunt hebetes, meorum pauci ingeniosi ac dociles. Proinde ex sententia philosophi, nescio cuius, non iniustè magnam mercedè exegerimus: ab ingeniosis quidem, quòd multa discunt; ab obtusis, quòd multum molestiarum exhibent. Veruntamen communis hæc ludimagistrorum calamitas: communia autem toleranter patienda sunt. Ingeniū dare sibi nemo pòt sedulitatè, & industriam pòt quilibet. Quibus de rebus ante meridiem disputasti in gymnasio? *M.* De illustribus. *V.* Sic reor quidem. De bello Troiano (quæ est materia in ore nostro frequentissima) aut de historia, aut de poesi fortasse. *M.* De nullo istorum. *V.* Quid suspendis me? quin rem dicis? *M.* Quoniã inuentuti trado literas humaniores, & hæc uoce nihil contritius, cum tamen eius ratio & subiecta uis nec à doctiorib. nõnullis intelligatur, de studiis Humanitatis paratus meditatusq; disserui. *V.* Prudenter fecisti, nõ multi abierunt dies, cū idem inter meos argumentum tractari. *M.* Munere singulari abs te ornatū me putabo, si disputationis tuæ summam quandam, ipsaq; capita recensueris. *V.* Faciām id ego, si tu priore loco sententiarum tuarum consciū me feceris. *M.* Primò triplicè humanitatis



manitatis significatum statui: post id causas attul-  
 tres, ob quas hæc liberalissima studia isto nomine  
 afficerentur. *V.* Quid tertio loco ostendisti? quan-  
 quam id opinione præcipio. *M.* Quàm latè pateret,  
 quas artium facultates ambitu suo includerent. Po-  
 stemò de iucunditate, vtilitate, dignitate eorun-  
 dem verba feci, & adolescentes ad ea toto pectore  
 complectenda excolendaque inflammavi. *V.* Debi-  
 tum tenuisti ordinem, uia & ratione processit ora-  
 tio. Ceterum animi & memoriæ causa rerum pro-  
 positarum summam mutuo sermone iteremus. Et  
 sicut nautis de re nautica, de ventis ac tempestati-  
 bus, agricolis de seminibus & frugibus, militibus  
 de bello & armis audire & colloqui cum uolupta-  
 te mos est, ita nos de communi professione nostra,  
 deque suauissimis studiis, in quibus vterque iam  
 pridem uersamur, uel sæpius in colloquium ueni-  
 re delectet. *M.* Bene iudicas. Humanitas igitur in  
 Latina lingua idè est, quod natura hominis, quod-  
 que ad hominem pertinet, eiusque proprium est;  
 hoc, inquam, totum humanitatis nomine compre-  
 henditur. Sic eos omnem humanitatem exuisse di-  
 cimus, qui naturæ officia contempserunt, perinde  
 ac si homines se esse quodammodò oblitī sint. *M.*  
 Tullius agens de parricidio, quod à Sexto Roscio  
 filio commissum accusatores mentiebantur: Ma-  
 gna est enim uis humanitatis, inquit, multum va-  
 let communio sanguinis, réclamat huiusmodi su-  
 spicionibus ipsa natura. Deinde humanitas est,  
 quæ à Græcis φιλανθρωπία dicitur, dexteritas que-  
 dam & beneuolentia erga omnes nobiscum natu-

ra societate foederatos, prorsus erga omnes homi-  
 nes; morū facilitas & suauitas, lenitas, placabilitas,  
 mansuetudo. Sic Cicero scripsit difficillimam esse  
 societatem grauitatis cum humanitate. Idem lau-  
 dat nescio quem, qui summam seueritatem cū sum-  
 ma humanitate coniunxerit. Sequitur tertia notio,  
 qua capitur pro eruditione & institutione in bonas  
 artes? Græci *παιδείαν* uocāt. Cicero; Homo non he-  
 bes neque inexercitatus, neque communium lite-  
 rarū & politioris humanitatis expers. Et alibi: Om-  
 nes artes, quæ ad humanitatem pertinent, habent  
 quoddam commune uinculum, & quasi cognatio-  
 ne quadam inter se continentur. Teltis item a Gel-  
 lio adducitur M. Varro, qui sic usus est hoc uerbo,  
 libro rerum humanarū primo. Praxiteles qui pro-  
 pter artificium egregiū nemini est paulummodò  
 humaniori ignotus: Humaniori, inquit, non ita ut  
 uulgò dicitur, facili, & tractabili, & beneuolo, ta-  
 met si rudis literarum sit (hoc enim cum sententiā  
 nequāquam cōueniret) sed eruditiori doctiori que,  
 qui Praxitelem quis fuerit, & ex libris, & ex hillo-  
 ria cognouerit. *V.* Perspicuè diserteque docuisti,  
 quæ huic uocabulo notiones subijcerentur. Mea  
 porro opinio est, ab illa primā fluxisse alteram, &  
 ab hac tertiam. Quia enim ad humanitatē, id est,  
 ad naturam hominis neheementer pertineant leni-  
 tas, mansuetudo, comitas, idcirco ea communiter  
 humanitatis nomen acceperūt. Certè homines im-  
 mansuetos agrestes, inurbanos, duos, implacabi-  
 les, uix in hominibus, sed in belluis magis numerā-  
 dos arbitror. Et quoniam, qui istas, de quibus ser-

mo à nobis susceptus est, literas studiosè colunt, comes, faciles, tractabiles, iucundi & suaues euadunt, propterea ipsimet etuditioni, ab effectu scilicet, hoc nomen impositum mihi videtur. *M.* Extra controuersiam est, huius elegantissimæ doctrinæ alumnos humanitatis laude excellere. Habet enim eam vim ac potestaté, vt quamuis naturam, quoduis ingenium mitescere, moilescere, ac mansuescere cogat: & ut quisque ab ea est felicissimus, ita est facilissimus atque lenissimus. Testimonium petere possumus ab Ouidio ingenioso ac pererudito poeta duplex. Primum est:

*Adde quod ingenuas didicisse fideliter artes,*

*Emollit mores, nec finit esse feros.*

Alterum.

*Artibus ingenuis, quarum tibi maxima cura est,*

*Pectora mollescunt, asperitasque fugit.*

Sit ergo hæc prima causa, cur hæc uox ad ingenuas artes significandas sit accommodata. Secundam uideo à nonnullis afferri, quòd nemo ferè nisi placibili & māsuetà præditus natura, & ab omni morione feriatæ aliena, possit in hanc partem studiorum placidissimam pulcherrimamque incumbere, & eius cupiditate incendi. *V.* Ne illi rationi sua deest probabilitas; humanas, siue humaniores appellari literas, quando eas ferè non nisi humani, id est, lenibus à natura & mansuetis ingeniis ornati homines consecretantur. Vel igitur quia faciunt humanos, uel quia non patiuntur nisi humanos, ideo humanitatis nomen sortiuntur. *M.* Adiungam his tertiam ex.

**A.** Gellio, apud quem ita scriptum est: Huius enim scientiæ cura & disciplina ex uniuersis animantibus uni homini data est, idcirco Humanitas appellata est. *V.* Hocce Gellius? *M.* Etiam. Sed quod bona cum uenia tanti scriptoris liceat mihi dicere, cum neque istarum, neque aliarum artium, ut Mathematicæ, Medicinæ, Iurisprudentiæ, Philosophiæ, Theologiæ participes sint aliæ animantes præter hominem, si quid hæc ratio ualeret, eadē illæ quoque quas recensui disciplinas, Humanitatis nomen ferrent. *V.* Rectè argumentationem concludis: non placet hæc ultima causa. Quibus autē finibus, quibus terminis Humanitatem circundas ac circumscribis? *M.* Grammaticis (quo nomine duarum linguarum, Græcæ uidelicet ac Latinæ acerrimum & admodum latè patens studium intelligo) poeticis, oratoriis, historia siue antiquitatis notitiâ, dialecticis, & morum philosophia. Non quidem his solis, sed his potissimum. *V.* Multa hæc, imò infinita complectuntur. *M.* Nec solum uniuersa, sed singula: quod norunt optimè, qui longius discendo progressi sūt. *V.* Peruenimus ad disputationis tuæ quartū caput, quo istorum laudes celebrasti. Si otium superest, quæso, strictim quædam repete: non enim te audiēdo fatigari possum. Quid enim agam nunc aliud? aut in quo uilius hunc diem possum consumere? *M.* De laudibus harum literarum puto abs te orationem habitam. Quare tu mihi exponas licet quibus argumentis earum dignitatem, suauitatem, utilitatem ostenderis: multo enim eruditius elegantiusque id præstisti quàm ego possum. *V.* Falsus  
animo

animi es: uituperatoribus enim humanitatis respō  
 di tantū. *M.* Eam ipsam responsionem fuisse lau-  
 dationem dico: tum quippe cum studia hæc nostra  
 maximè defenduntur, & à contemptu uindicantur,  
 tum maximè commendantur. Incipe Veranni, fac  
 promissa, libera fideni. *V.* Quoniā premis & acrius  
 instas mihi, accipe; alieno uti nihil moror. Crimina-  
 tionem istorum in quatuor diuisam esse partes, &  
 quodammodò quatuor tela in nos iaci animaduer-  
 to. Hoc genus studiorum leue, inane ac nugatoriū  
 ducunt; quod qui profitentur, nequaquam graues  
 difficilesq; labores suscipiant. Ex eo deinde haud  
 ita admirabiles utilitates ad Rempub. peruenire  
 cēsent, cum eius doctores interiore, & singulari e-  
 ruditione præditi non uideantur. *M.* Probè rē per-  
 cepi, & quatuor illa, de quibus dixisti, capita accu-  
 sationis planè uideo. Aciem igitur tuam contrā sic  
 instruxisti, ut munus nostrum & grauissimū, & mul-  
 tis difficultatibus plenum esse, nosque & commo-  
 dare plurimū ciuitatibus, & partes nostras sine  
 uariis multisque literis tueri neuiquam posse de-  
 monstrares. *V.* Hæc ipsa docui Musæ. *M.* Potuitne  
 ergo magis collaudari Humanitas? *V.* Potuit ab  
 alio me disertiore & doctiore. Tamen cum hæc stu-  
 dia mihi famam aliquam celebritatemque in hac  
 urbe peperissent, decere existimaui, ut ipsis uicif-  
 sim pro uirili mea aliquid splendoris conciliarem.  
*M.* lure. *V.* Valde ad nos deformandos mouet ad-  
 uersarios, quod non ita præmiis & honoribus ma-  
 strari conspiciunt in hisce studiis, ut in medicina &  
 iure ciuili sese collocantes; quæ quidem hoc tem-

pore sunt artes duæ quæstuosissimæ. Nullis in negotijs deliberationibusque arduis cōsiliū nostrum postulatur, non componimus ciuium cōtrouersias, non agimus causas, nemini salutem damus. Proinde nos arbitrantur tantū versari in figmētis poeticis; quibus auditorum nostrorum animos hilaremus; & in aliquot faciendæ ornandæque orationis præceptiunculis operam consumere: quærere quæ fuerit mater Hecubæ, quid cantent Sirenes, quot remigēs Vlysses habuerit; Aeneas ē naui egrediēs, utro pede Italiam tetigerit prius: Anacreon uinosior an libidinosior, Homerus an Hesiodus antiquior fuerit. Hanc esse eruditionem nostram; quæ neque si adsit, vllum emolumentum, neque si absit, vllum detrimētum communi generet: dialecticem, physicem, philosophiam moralem maximas utilitates parere alunt, idque ipsum uerbis docent. *M.* Audire gestio confutationem tuam. *V.* Etiam si assentiremur hoc uobis, inquam, nihil nos nisi poeticas fabulas, & orationis perpoliendæ præcepta tradere, non liceret tamen concludere, hanc nostram doctrinam quiddam inane, & ad puerorum tantummodò aures animosque demulcēdos idoneum esse, nec ullum artibus nostris cum Philosophia commercium intercedere. Non sunt enim otiosorum hominum commenta duntaxat istæ poetarum fabulæ, ut uos calumniāmini: quin tanquam integumenta omnem liberalibus ingeniis decoram cognitionem, sapientiamque omnem complectūtur. Nūquā mne illud Maximi Tyrii legistis? Quid aliud est poetica, inquit, quā philosophia, tēpore qui-



dem uetusta, compositione metrica, sententiis mythologica, ac fabularum inuolucro tecta? Plato & Aristoteles quam studiose Homerum legerunt? quam saepe eius testimoniis ad res suas confirmandas usi sunt? ipse Plato poetas modo sapientiae patres, ac duces, modò Deorum interpretes, modò Deorum filios appellat. Cum igitur poetas interpretamur, fementem quodammodò uirtutis atque doctrinae facimus. Cum autem quò pacto aptè, distinctè, ornatè, copiosè, planeque oratorie loquendum sit precipimus, ea docemus, quae semper in omni libera ciuitate, beneque instituta, & optimis temperata legibus Repub. plurimum ualuerunt. Quis ignorat, uim eloquentiae, quantumque ipsi à sapientibus semper tributum sit? legite quae à Crasso in 1. & ab Antonio in 2. de oratore grauissimè sapientissimeque dicuntur, & à nobis ejus facultatis artificium petendum intelligite. Quod si haec duo tantum tractaremus, & hoc solum à nobis postularetur, tamen nec lenibus in rebus industriam nostram exerceri, nec parum nos prodesse hominum societati iure affirmarem. Nunc attendite paulisper, quantum opinione uestra aberreris, & quanto opere fallat uos sententia. Nulla est ars ingenuo apta homini, cuius non aliqua cognitione imbutus esse oporteat eum, qui cum laude hoc munus uelit administrare. Alii eos uolunt & tractant scriptores, quorum uno aliquo genere disputatio continetur. In libris quippe dialecticorum, physicorum, medicorum, iurisperitorum haud ferè inuenias, cuius intelligentiam non ex illis ipsis, de quibus inscripti conscri-

ptique sunt artibus petere queas. Nobis ij sunt explicandi libri, qui cum à uiris omni scientia instructissimis confecti sint, ipsi quoque innumerabiles locos ex omni disciplina depromptos habent. Ceteri si unam illam artem tenent quam docent, aliorum sint omnino imperiti, atque rudes, existimantur tamen munus suum præstare posse; nec medico uitio datum est nescire leges, aut iurisperito ignorare medicinam, aut astrologum rationem: nos uni sumus, quibus omnis illa artium magnarum liberaliumque uarietas non pertractanda quidem ac pertrascenda penitus, sed degustanda certè & delibanda est necessario. Itote nunc, nullamque eximiam in Humanitatis doctoribus scientiam inesse blaterate. Pergite iam in odium contemptumque nos trahere, ut qui nullo commodo simus Reipub. qui nullos labores perferamus, qui que nugas tantum tractemus. Fateor me breuem fuisse. Sed si plura expetitis, nostri agminis duces legite, Victorium, Muretum, Sigonium, Romulum Amasæum, quorum de studiis Humanitatis orationes extant disertissimæ atque doctissimæ, illi ora uobis obstruent, & funem reducere cogent. Hæc Musæ, capita sunt defensionis meæ.

M. Nisi me domum reuocarent negotia, pluribus re-rem; nascetur alia occasio. Vale. N. Musæ, tu quoque.

## PROGYMNASMA XXCIIX.

Marcus Tullius Cicero.

*Chrysostomus, Glaphyrus.*

**C**HRYSOSTOMVS. Nunquam tam manē; neque tam serò te conuenio, Glaphyre, quin legētem aliquid, affixumque libro offendam ut tibi illud Plinij penitus in animo insedisse uideatur: Omne tempus perire sibi dicebat, quod studiis non impenderet. Cū autem ex te percunctor, quid auctoris euoluas, rarò alium præter M. Tullium nominare soles, cuius modò epistolas, modò *τεχνικά*, seu præcepta oratoria, modò orationes, modò *φιλοσοφόμενα* manu tenes. Facere nequeo quin te miror. G. Cur mirare? C. Nam cū impendio non modico bibliothecam tibi contruxeris, possideasque scriptores & eruditione præcipuos, & elegantia non contemnendos, eosque propè innumeros, quid est quod uni huic tam fixè pertinaciterque inhaeres, ut ab eo diuellì non possis? Crantor philosophus de poetis exosculabatur Homerum & Euripidē: hic tibi unus præ omnibus in amore ac deliciis est. G. Me istuc factitare quod obiicis fateor, atque etiā profiteor, & præ me fero: & quo magis facio, eo minùs fecisse penitet; quantoq; amplius, & diutius hunc suauissimum saluberrimumque cibū comedo, tātò maior me stimulat esuries, illiusque uehementiore desiderio exardesco, sumque in dolore ob eam rem grauissimo, quòd diuini huius ac cælestis ingenii monumēta, à quo tot magnarum optimarumq; artium probè percepta fuit,

& præclarissimis literis explicata doctrina, nec omnia ad nos peruenerunt, & quæ peruenerunt, nec integra sunt, nec adhuc satis clara & emendata, id quod eius studiosi tantum non quotidie experiuntur. Et quis tandem est ἐκ τῶν φιλολόγων qui non unum saltem alterumve locum emaculet, corrigat, sanet, illustret, declaret, castiget, restituat, purget, defendat? his enim uerbis similibusque multis in ista re utuntur. C. Hæc tria, primum potissimè cum T. Liuiio, Varone, poetis, plurimisque non spernendis scriptoribus antiquis, tum Latinis, tum Græcis ipsi commune est: quorum labores & uigilias aut edax tempus, inuidiosaque uetustas nobis abstulit, aut barbarorum Italiam & Græciam depopulantium furor & immanitas deperdidit. Deum immortalè quas gazas? plus quàm Pæctoli opes, plus quàm talenta Pelopis. Ac si tantis copiis fortunisque indignissimè spoliati, nihilominus tam exaggeratas adhuc eruditionū diuitias retinemus, qualis quantaque extitisset nostra felicitas, si tot librorum lectissimorum millia seruata fuissent? Veruntamen tu reliquorum auctorum uicem parum sollicitus, unius casum iacturamque in primis dolenter pateris & lamētaris, cuius amore percussus es supra omnes. G. Equidem Ciceronis amore percussus sum super omnes, ut dicis. Iam si amare nihil penè aliud est, quàm bene cupere illi quem ames, nonne mihi optandum medullitus, ut extent de Repub. de consolatione, de temporibus suis, Hortensius, cæteri que libri Latinæ linguæ & eloquentiæ Romanæ parentis, omni doctrina elegantiaque refertissimi? ut

quanquam ubique terrarum iam pridem adeptus  
 est amplissimam, tamen longè ampliorem adhuc  
 laudis & gloriæ celebritatem adipiscatur. C. Perue-  
 lem ego quoque extarent tam præstantis ingenii,  
 tamq; sapientis & clari hominis opuscula reliquas  
 sed ea aut nostram, aut posteritatis memoriam ali-  
 quando uisuram, cum hætenus tanto intervallo  
 temporis prolata non sint, desperandum opinor.  
 Hic ego immortales gratias habendas illi statuo,  
 qui abhinc septennium Consolationem, aureolum  
 profecto libellum è tenebris uetustatis in lucem edu-  
 xit, & desiderationem tot amissorum librorum unius  
 inuentione quoquo modo leniuit. G. Ha ha ha! sim-  
 plicitatem spectate huius mei Chrysostomi. C. Ri-  
 de & deride ut lubet, me de sententia non detru-  
 des. G. Quid? tu illum commentariolum è Cicero-  
 nis officina processisse? quid? tu illius ingenii ex-  
 tra omnem ingenii aleam positi foetum esse credis?  
 C. Quidni credam? ita prædicant. G. Ita prædicant?  
 ò inscitiam, ò imprudentiam. Quis inuenit? ubi in-  
 uentus est? qua occasione? quo modo? quo anno?  
 cur nullæ lacunæ? cur nihil uiquam imperfectum?  
 cur nullam cariem? cur blattas ac tineas nusquam  
 sensit? usq; adeone oleo cedrino illum perunxerāt?  
 omnia plena, integra, nihil mutilum, nihil situ exe-  
 sum, nulla litera fugiēs, omnia expeditissima, quasi  
 tum primum scriptus esset, cum est repertus. C. Mo-  
 uerunt me principio ista quæ opponis, & mirabar  
 sine ulla præfatione, sine emendatione, sine ulla an-  
 notatione tot annorum centuriis sepultum profer-  
 ri librum. At omnem postea scrupulum Caroli Si-

gonij hominis in antiquitate perscrutanda diligē-  
tissimi, & eloquentissimi orationes duæ mihi ex-  
merunt, quibus eum & à Cicerone confectum, &  
partum suo parentē dignum esse demonstravit. G.  
Errorem haud lenem in extrema senectute obie-  
ctum Sigonio, & Consolationem istam esse suppo-  
siticiam, ex frustulis per totum Ciceronem è germa-  
na illa consolatione dispersis contextam, imò ex  
Tusculana magnam partem descriptam, inflatā ni-  
mis & grandiloquam, suauitatis, & diuinæ illius dul-  
cedinis, qua pollet in consolando tenera molliq̃ue  
natura præditus M. Tullius, prorsus expertem, &  
aliis præterea uitiis laborantem complures postea  
eruditi homines minimè dubiis rationibus conui-  
cerunt. C. Quando tu isti libello non temerè, sed ad  
probandum firmis argumentis complexionibusq̃.  
confusus, quod animaduerto, tanquam ementiro  
hæredi, & impostori, Ciceronianæ dignitatis nobi-  
lilitatisq̃; patrimonium negas, cur ego asseram? aut  
cur eius patrociniū suscipiam, si cum Sigonius,  
(qui vir?) defendere, sine, ut dicam rectius, coopta-  
re in familiam Tullianam toto, vt aiunt, corpore  
neruisq̃; omnibus connisus non potuit? Tuum por-  
rò iudicium in complectendo, & in oculis atq̃; in  
sinu sēper gestādo Tullio nequaquā reprehēderini:  
velim nihilominus ad meā utilitatē eiusdē iudicii  
tui amorisq̃. tā inflāmati causas ex te cognoscere.  
G. Non tu mihi imperterritus, animæq̃ue prodigus  
niles videris. C. Quidum? G. Quia cūm vix adhuc  
signa cecinerint, tu relicta parmula meorum ar-  
morum aspectu tremefactus te fugæ mandasti. C.



Ego non contremiscam? ego non fugiam? primo congressu Imperatorem meum dedisti ad necem: & parcemiam nosti veterem; cæso duce fugantur milites. Nec verò si quis mihi hanc fugam exprobrauerit, responsurus sum quod ille è prælio apud Cheroneam fugiens, qui ignominie causa *ῥητὰς τῆς* est cognominatus, respondisse fertur: *ἀντὶ τοῦ φεύγοντος* καὶ πάλιν μάχης. Qui fugerit, rursus ille præliabitur. Sed ad incepta redeamus. G. Multitudo, Chrysostome, lætitantium Ciceronem, imitarique conantium, ipsa insuper experientia, variusque fructus, quem mihi ex eo tot annis diligenter etiam atque etiam lecto, ac penè contrito collegisse videor, ipsum mihi penitus penitusque commendauerunt, hæretque mihi in visceribus ac medullis. Quæ enim schola est in tota Europa, imò in Asia & Africa quoque, in qua quidem Latinus sermo doceatur, cuius parietes non quotidie uocibus Ciceronianis personent? quis magistrorum non mille colapbis puniendus censeatur, si Cicerone careat, cum Alcibiades tam ægrè ferendum sibi putarit, magistrum illum, in cuius ludum intrauerat, carere Homero, ut manum ab eodem uerberando abstinere nequiuert? quis autem scholasticorum non unum saltem atque alterum eius librum tenet in capsula sua, si omnes prænummorum penuria non possit emere? quis est qui se studiosum literarum dicere audeat Ciceronis ignarus? quis non sibilis confcindatur, qui se huc non curare, nolle imitari, non nimis dictionem eius probare præ se ferat? quis tot interpretes, tot scholiastas, tot correctores, tot ex-

plicatores & illustratores, tot etiam admiratores, encomiastas & præcones inuenit? in quo toties recudendo typographi, toties uendendo bibliopola; toties colligando bibliopecti, seu librorum compatores, occupati & sunt, & fuerunt, & erunt? C. Manifestiora sunt hæc, quàm ut ea neget uel impudentissimus. In quo autem tibi tantum emolumentum pepererit, ac mihi aliisque sui amantibus parere possit, uelim pro nostra inueterata coniunctione ostendas. G. Non dubito quin multa & sæpe de illius uiri laudibus legeris. C. Multa equidem & frequenter legi. G. Ea ipsa quid in eo querere, quo pacto eius opulentia ditescere deberes, utcumque docendi te vim habuerunt. C. Habuissent: uerùm cum ea legerem, nõ id cordi erat, ut in alumniis & clientibus Tullianis numerarer. G. Quid ergo? C. Tantummodò ut liberali doctrina augeter; bonæque latinitatis instrumento domum meam exornarem atque instruerem: qui omnium propè in literis uersantium communis est finis. Etsi uerò non pauci sunt qui se ad exemplum Tullii effingere laborant, non ita multi tamen illius effigiem uirtutemque assequuntur. G. Hoc ideo fit, quia stylum eius probè cognoscere, & de eo scriptore iudicium ferre non est cuiuslibet: deinde rationem certam ac ueram eò quò intendunt perueniendi non obseruant; in qua præscribenda uidemus quosdam studium posuisse. C. Memini me in eiusmodi commentariolos incidere, quos duabus de causis uoluerè super se deo. Primum quia ferè non persequuntur nisi exilia quædam & minuta, atq; ad solam elocutionem

spectantia: perinde quasi eloquentia, cuius perfectus ad unguem, absolutusque magister & dux Cicero proponitur, non etiam aliis partibus continetur. Deinde, quia præcipiunt, quæ in ipsorum oratione; cum aliquid scribere aggressi sunt, non elucet: est enim horridula plerumque, ieiuna, dissoluta, incompta, plena rursus; Ciceronis autem plena succi, plena sanitatis, plena cultus, æquabiliter fluens, aptis illigata numeris, multisque distincta luminibus. Quare tacite illos iubeo in suum ipsorum sinum inspuere; & cum se purpuram vendere profiteantur, à semetipsis quoque sumere, non aliunde queritare exemplum, quod mihi exhibeant. *G.* Mittamus horum institutum in præsens. Quid mihi Cicero meus contulerit, malo ab aliis, & aliquando abs te ipso (quando nimirum planius eum exploratusque noveris) cognosci, quam à me non sine arrogantis suspicionem enuntiari. Alterum illud, quid nempe tibi cæterisque scripta *M. Tullij* utilitatis afferre possint, spero te ex ore meo hodie intellecturum. *C.* Aures admoueo percipidas, meque regalibus epulis abs te acceptum iri diuino. *G.* Verissime *T. Lilius* de Cicerone: in eius viri laudes sequendas ipso laudatore opus fore. Quod non solum de rebus illius præclarissime pro salute & incolumitate Reipub. gestis, tolerataque morte, verum etiam de eximia, & omnibus sæculis prædicanda eloquentia interpretandum scias: quæ quidem eodem ipso teste, ex plurimarum maximarumque rerum cognitione efflorescit ac redundat, & est copiose loquens sapientia, unumque ex multis

tis artibus, scientiis, studiisque conflatum atque col-  
 lectum. Quantam istuc admirationem habet, eum  
 qui quinto & vicesimo ætatis anno intra iudicium  
 sub sellia uersari, ad causas priuatas atque publi-  
 cas adire cœpit, omne reliquum uitæ suæ tempus  
 honorum magistratuumque perfunctione, urbanis  
 seu domesticis, provincialibusque negotiis, longis-  
 simis creberrimisque itineribus transmisit, nihilo-  
 minus ita multos, ita rebus & uerbis singulares  
 edere libros potuisse? Quid tibi hæc inter tantas  
 corporis animique contentiones πολυγραφία quid  
 inquam aliud indicare uidetur, nisi uehementis-  
 simum incitatissimumque studium, summum & ab  
 omni laude felicissimum ingenium, scientiarum co-  
 piam, exercitationem maximam, memoriam penè  
 diuinam? C. Sæpe illi uigilatas noctes existimo, &  
 sententias aliquot recordor, quibus incensum in  
 literas amorem suum testatus est; quæ ipsi cum de-  
 lectationi in secundis, tum solatio in aduersis, in  
 grauissimis nempe illis Reipub tempestatibus, pri-  
 uatisque incommodis fuerunt. Me, inquit in epi-  
 stolis, à prima ætate omnis ars, & doctrina libera-  
 lis, & maximè philosophia delectauit: pro Archia.  
 Quis tandem me reprehendat, aut quis mihi iure  
 succenseat, si quantum cæteris ad res suas obeun-  
 das, quantum ad festos dies ludorum celebrandos, quan-  
 tum ad alias uoluptates, & ad ipsam requiem ani-  
 mi & corporis conceditur temporis, quantum alii  
 tribunt tempestiuiis conuiuiis, quantum denique  
 aleæ, quantum pilæ, tantum mihi egomet ad hæc studia  
 recolenda sumpsero? In primo autem de Oratore:

Ac fuit

Ac fuit tempus illud, cum mihi quoque initium requiescendi, & animum ad utriusque nostrum præclara studia referendi fore, iustum & propè ab omnibus concessum arbitrarer. Sic initio Tusculanarum: Cum defensionum laboribus, senatoriisque muneribus; & quæ sequuntur. Ad Atticum: Ego, hic duo magna *εὐτάγματα* absolui: nullo enim alio modo à miseria quasi aberrare possum. Ad Messinium, lib. 5. ad familiares: Itaque utor eodem perfugio, quo tibi utendum censeo; literulis nostris. Et ad Ampium Balbum, lib. 6. Sed est unū perfugium, doctrina ac literæ, quibus semper usi sumus: quæ secundis rebus delectationem modò habere uidebantur; nunc uerò etiam salutem. Et sexcentis præterea locis per illos epistolarum libros. G. Qui ætatem omnem procul à Repub. abundantes ingenio, doctrina & diligentia homines in literis habuerunt, tum multa certè mādare chartis superuicturis non potuerunt. C. Tibi istuc assentior, est enim apertissimum. G. Leges tu quidem Latinos scriptores omnes, si me audias, & leges quandiu uoles, hunc unum imitaberis, de quo multò iustius quàm de Epicuro canetur.

*Qui genus humanum ingenio superauit, & omnes.*

*Præstinxit stellas, exortus uti ætherens sol.*

Siquidem alios uniuersos in omni dicendi genere longinquo post se intervallo reliquit. Hinc copiam & ubertatem, hinc breuitatem, hinc grauitatem, hinc suauitatem, acrimoniam, perspicuitatē, subtilitatem, mediocritatem, magnificentiam petas. Ad ingenia illustria limanda, perpolienda, & alenda

nemo

nemo aptior; nec est quisquam, quem ille non ut rebus doctiorem, sic oratione splendidiorem ab se dimittat. Hic unus meritò gnomon quidam & regula in uerbis deligendis statuatur, quam esse originem eloquentiæ Cæsar scripsit. Abiecta, obsoleta, dura, aspera, impropria, longiùs ducta, obscura in eo nulla. Cōtrā autem dilucida, plena, sonantia, illustria, iucunda, magnifica, propria, usitata, pura, numerosa omnia. Proinde si rectè ratiocinaberis, huic uni mauoles te similem, quàm aliis superiorem esse. Caue autem idem facias illis, qui quoties aliquid arrogantius ab eo dictum inueniunt, quoties ille se auidum gloriæ confitetur, miserum reprehendunt; cū non mores sed linguam, & doctrinam in ipso quærere potius, & ista collaudare, imitationeque pro uiribus exprimere, illa dissimulare debeamus. C. Vellem tecum sensissent, qui oppugnare imitationem Ciceronianam, ut gigantes cœlum, non horruerunt. G. Non curat Hippoclidēs quid illi mastiges fabulentur, Zoilosque & Andabatas nec pili facit. Cicero noster omnium doctorum suffragiis, in omni sermonis uirtute primas tulit: quem quidem è Græcia Romam reuersus, cū ingentes sibi copias ex facundissimæ, & eruditissimæ gentis illius copiis collegisset, ita excoluit, ornavit, amplificauit, ut iam Græcis ipsis non adeò multum concedamus; cum quibus ipse de dicendi gloria tam felici Marte dimicauit, ut de iis trophæum constituerit. C. Quoniam de copiis è Græcia Romam transportatis mentionem iniecisti, occurrit animo præclarum illud testimonium, quo



Apollonius Molo, quem Romæ his audierat prius, & cui se Rhodi postea recoquendum dedit, cum tota Asia peragrata, cum summis se oratoribus exercuisset, cohonestasse Ciceronem dicitur, cum eum græcè eloquentissimè orantem audiuiſſet. Nam cum ceteri omnes qui tum aderant obstupuiſſent, Ciceronemque certatim extollerent, Apollonius neque dum audiret hilaris uisus est, & postquam ille perorauit, diu tristis attonitoque similis cum sedisset, tandem aliquando: Te quidem Cicero laudo, inquit, & admiror; sed me Græcorum fortunę miseret, cum uideam doctrinam & eloquentiam, quibus bonis iam solis beati eramus, ad Romanos per te translatas esse. G. Fuit sanè præclara vox illa Græci doctoris, eamque postea euentus comprobauit. Quamuis igitur meritò præferendus uideatur omnibus, qui domi forisque Rempub. probè administrarunt, quòd illi partes aliquas iuuerunt, hic simul uniuersam conseruauit, possitque tanto iustius secundus appellari Romulus, quàm Camillus, qui paruum adhuc & angustum restituit, cum hic tantopere auctum amplificatumque imperium è faucibus fati eripuerit: tamen quod Cæsar de eo scripsisse proditur, ad gloriâ illi maius est. C. Quid scripsit? G. Ciceronem omnium triumphis laureâ adeptum maiorem, quanto plus est ingenii Romani terminos tantum promouisse quàm imperii. Nec illa non certissima sunt, quæ uir literis Græcis & Latinis iuxta atque doctissimè eruditus, atque in Ciceronianis scriptis multum diuque exercitatus de eo magnificè protulit. C. Quæ nam? G. Strictim,

& ex multis paucissima tibi recitabo. C. Animo ar-  
rectus sum ad audiendum. G. Ex hoc tanquam vber-  
rimo omnium doctrinarum atque artium fonte, siue gram-  
maticum aliquid, siue rhetoricum, siue dialecticum, siue  
historicum, siue poeticum, siue geographicum, siue econo-  
micum, siue morale & politicum, siue physicum, siue geo-  
metricum, siue musicum, siue astrologicum, quidquid deni-  
que ad ullam artem libero homine dignam pertinens re-  
quiras, hinc tibi assidue haurire licebit. Ab hoc discunt  
pueri, senes, privati, magistratus, rustici, urbani, miseri &  
calamitosi, beati & fortunati, pauperes & egentes, diui-  
tes & abundantes, ignobiles & obscuri, nobiles & clari vi-  
ri: ab hoc militares & sagati, ab hoc pacis alumni & to-  
gati, ab hoc infimi & humiles, ab hoc viri excellentes &  
principes. Denique nemo est mortalium cuiuscunque sit  
vel ætatis, vel loci, vel ordinis, vel fortune, vel studij, vel  
nationis, quin à Cicerone & melior & doctior fieri possit.  
C. Agnosco laudationem. Iure sibi illum tantis lau-  
dibus ornandum sumpsit, à quo fuit ipse tam exi-  
miè excellenterque ornatus. G. Num Victorii, Si-  
gonii, Mureti, Manutii, Corradi, quos germanos  
Tullii discipulos appellare possis, scribendi elegan-  
tiam atque munditiam & eruditionis varietate magistrum  
suum non valde commendant? C. Maxime com-  
mendat. Ad ea posthac exemplaria respiciam; uer-  
saboque Ciceronem non paulò diligentius, & ali-  
quam eius similitudinem in meam imaginem, ut  
Zeuxis, transferre annitat. G. Gaudebis fructu hu-  
ius diligentie tue magis, quam si quis tibi regnum  
donauisset. Sed cum initio Tullianos libros in 4.  
ordines distinxerimus, auesne audire quo sese pa-

cto in singulis gesserit, qualemve se præstiterit, & quantopere in hac rerum scriptionumque diuersitate excelluerit? C. Nihil utique malim; & te rogo, hoc bellum in meam gratiam milites. G. Militabitur.

## PROGYMNASMA XXXCIX.

Epistolæ M. Tulij.

*Idem.*

**C**HRYSOSTOMVS. Nemo quisquā antiquorum, quod ego sciam, plures composuit epistolas. G. Nec tam bonas & probatas. Chrysostome, necdum meliores. C. Tametsi non aliter esse mihi persuadeo, & omnes ita persuasos non sum. nescius, nihilominus causas huius rei abs te cognoscendi quodam studio efferor. G. Demetrio Phalereo, qui à Theophrasto disciplinam accepit, prima laus epistolæ uidetur, ut sit imago nostræ mentis, nosque ipsos penitus, velut in tabella depictos ostendat, plenaque sit humanitatis & blanditiarum. C. Sententiam & iudicium huius Demetrii planissime intelligo. G. Hæc laus cum in illis quæ ad familiares dicuntur, tum verò in iis quæ ad T. Pomponium Atticum, & ad Q. Fratrem missæ sunt, satis superque eminet. C. Hoc summum est laudare. G. Mane, iam laudabimus etiam speciatim. Estne illis ad Lentulum quidquam humanius? ad Memmium aliosque officiosius? ad plurimos, quibus in aduersis rebus consilium & solatium impertitur, bene uolentius atque fidelius? ad Teretiam mollius? ad Tironem

ronem dulcius? quàm multa passim ad legendum  
inuitamenta? quanta vbique testificatio amoris?  
quanta studij? quanta voluntatis? Sanè cōsolari eos,  
qui àliquod à fortuna vulnus acceperint, quod nō  
infrequens facit, mitissimum ingenium, & ad com  
miserationem mirificè inclinatam naturam perspi  
cuè declarat. C. Certum est, lenem, placidam, ac  
blandam orationem, qualis est illa consolatoria,  
nisi è facili, mansueto, minimeque duro ac tetrico  
ingenio existere non posse.

*Format enim natura prius nos intus ad omnem*

*Fortunarum habitum: iuuat aut impellit ad iram,*

*Aut ad humum mœrore graui deducit & angit.*

*Post effert animi motus interprete lingua.*

Quoties porrò in hoc genus orationis apud Tul  
lium incido, toties in florem nectaris, in medullam  
mellis, in Attica bellaria me incidisse iudico, adeò  
excellit. G. Quid est, obsecro, in quo ille non excel  
lat? Et quis sine ipso unquam aut excelluit aut pote  
rit excellere? Cuilibet fas est exclamare de hoc ui  
ro, quod de suo Epicuro Lucretius, vnica tantum  
mutata vocula.

*Te sequar, o Latiae gentis decus, inque tuis nunc*

*Fixa pedum ponò pressis vestigia signis.*

Sed ne longiùs ab incepto trahamur; quando gratu  
latur, quàm sincerus? quando petit, quàm verecun  
dus? quando iocatur, quàm urbanus? quando gra  
tias agit, quàm nullius meriti oblitus? quando com  
mendat quempiam, quàm sollicitus? quando nar  
rat, quam apertus? quando monet, quàm serius?  
quando (ut comprehendam breui) in quouis tan

Q dem

dem genere, (multa autē sunt genera, quæ ad duos fontes & capita, ad morale, & negotiale à quibusdam reuocantur) epistolā contexit, quā eiusdem exemplar & ideam perfectē consequitur? C. Quid ergo præceptionibus opus est, si in Ciceronis epistolis sunt omnia? G. Ne orationibus quidem eius ullus desit laus oratoria, num idcirco nō erit docenda Rhetorica? statuam uidemus perfectam, picturam similiter: quis tamen sine magistri ductu, sine præceptis, non dicam bene pingere, bene sculpere ex ipsa modò pictura, & statua quamuis egregiè factis addiscet, sed uel ipsam statuam picturamque satis intelliget? Ars igitur hanc uim habet, ut opus facere ipsi, & ab aliis factum iudicare possimus. Habes quippiam ad hæc? C. Magnopere faueo huic assertioni tuæ: iam carpe uiam ulteriùs. G. Delectat in eo scita breuitas; quanquam nihilominus ipsa longitudo lectorem retinet ac pascit, ut se ad finem peruenisse non sentiat. Nec potest omittere argutias homo argutissimus, de quibus ita ipsemet libro. 7. epistolarum ad Volumnium: Pugna, si me amas, nisi acuta ἀμφιβολία, nisi elegās ὑπερβολή, nisi παράγραμμα bellum, nisi ridiculum παρά προσδοκίαν, nisi cetera, quæ sunt à me in secundo libro de Oratore per Iulij personam disputata de ridiculis, ἐντιχνα & arguta apparebunt, ut sacramento contendas mea non esse. C. A Plutarcho & Macrobio dicta quædam referuntur, quæ cū legerem, ualde sum recreatus. G. Quā nos caperēt illi tres libri, quos Tiro libertus ex eius facetiis cōfecisse dicitur? C. Longè ampliùs, quā nonnullos fordi-

fordidissimi & spurcissimi lepores Martini cuiusdam, quibus inter epulas utebatur, & qui compluribus libris collecti ab eius discipulis cum voluptate leguntur. *G.* Ad epistolas nostras redeundum est. Desideras res obuias, minimè spinosas, è communi hominum vita sumptas? his refertæ sunt Tullianæ epistolæ. Vis rursus haud vulgares & tritas, sed magnas, illustres, è sapientum monumentis decerptas? harum veluti messis hic non est defutura tibi. Præclare differit de religione erga Deos, de charitate erga patriam, de fidelitate in amicos, de maximis uirtutibus, de uitiis. Humilem seu infimum dicendi characterem epistolis ualde proprium, ut plurimum sectatus est: interdum tamen propter rerum subiectarum pondus grauitatemque assurgit, ac uerbis fulminat, quod Fabius Quintilianus fieri aliquando oportere admonuit. *C.* Ex tuis uerbis argumentationem concludo: non solum ad exercitationem scribendi, stylumque expoliendum, sed ad animum quoque insignium, uariarumque rerum cognitione locupletandum perutile ac necessarium esse istas lectitare epistolas. *G.* Rectè. Philosophia est illa quidem ars uitæ, medicina & cultura animi, quæ uitia radicitus extrahit, & uirtutes inserit: uerùm hæc ipsa commoda magnam partem ex epistolis huius admirandi scriptoris nostro ingenti bono ad nos deriuare possumus. *C.* Dandum est igitur summæ laudi maioribus nostris, cum has epistolas, aliorum uel prætermisissis, uel è schola exclusis relegatisque, iuuentuti explanandas, ediscendas, imitandasque proposue-



runt. G. Prouidè illi. Multis tamè de cauſſis in gymnaſiis Grammaticis etiam dandus eſt locus dialogis: quas ego, ſi requiſieris, aliàs commodiùs explicabo. C. Sanè requiram; quando me eruditæ prudenterquè excogitatas rationes auditurum eſſe ni hil dubito. G. Tuum fecero iudicium.

## PROGYMNASMA X.C.

Rhetorica M. Tullij.

*Idem.*

**C**HRYSOSTOMVS. Inter uolumina de ratione dicendi, quorum complura foras dedit M. Tullius, primum ſemper locum obtinet, primum in oculos lectorum incurrit, quod ad C. Herennium inſcribitur. Tunc uerùm ſincerumquè, an adulterinum ſubditiuūquè partem hunc eſſe arbitrare? G. Arbitror uerò adulterinum eſſe & Ciceronis grauitate indignum. C. Docti ſunt illi quatuor libri. G. Quis negat? C. Non peſſimè loquuntur latinè. G. Quis contradicit? addo etiam, quartus tam ad rem appoſita, tam elegantiâ figurarum exempla ſubiicit, ut admirationi potius, quàm reprehentioni locum reliquerit: digni tamen qui in Tulij hæredes aſciſcantur, quiquè ipſius tam glorioſum nomen in fronte præferant, non ſunt, quidquid homines nonnulli tenui literatura garriant; quorum aliqui nullas, aliqui parum probabiles huius opinionis ſuæ rationes producunt. C. Cuinam ergo uenditori redhibendos ſtatuemus? G. Ei uidelicet, quem iam pridem conſenſu homines elegantiore

tiore doctrina perpoliti, legitimum operis illius parentem statuerunt, Q. Cornificio. C. Quandoquidem commentarium hunc à Cicerone abiudicās, nolo ex te sciscitari qualem existimes, tametsi iam auidui: non uituperas certè. De Inuentione quid me sentire postulas? G. Idem quod eius libri conditor Cicero. C. Quid ille? G. Præfatione trium de oratore ad Q. F. Vis enim, inquit, ut mihi sæpe dixisti, quoniam quædam pueris, aut adolescentulis nobis ex commentariolis nostris inchoata atque rudia exciderunt, uix hac ætate digna, & hoc usu, quem ex caussis, quas diximus, tot, tantisque consecuti sumus, aliquid iisdem de rebus politius à nobis, perfectiusque proferri. C. Ergone duo illi de Inuentione ibi significantur? G. Illi ipsi. C. Sunt ergo imperfecti? G. Imperfecti; non ita tamen, quin probata præcepta, eaque multa contineant, atque ad emendandam excolendamque linguam futuri sint frugiferi, valdeque commodi. Reliqui vniuersam facultatem oratoriam copiosè, distinctè, prudenter & absolutè pertractant. Quòd si omnia tum à Græcis, tum à Latinis euulgata eloquentiæ præcepta in vnum conferantur, non poterunt cum illo solo, qui de Oratore nomen accepit, nedum cum omnibus simul contendere. C. Quid ego abs te audio? G. Quod uerum est. C. At ipsius Ciceronis testimonio (quo quid potest esse grauius? quid credibilius?) Aristotele nemo doctior, nemo acutior, nemo in rebus uel inueniendis uel iudicandis acrior. Huius Græci doctoris de dicendo libri feruntur, in quos eruditissimè artem ipsam inclusit,

ingeniosissimè cuncta disposuit, politissimè explicauit, à quo ipsemet Tullius uel sumpsit multa, si fatetur; uel, si negat, surripuit: utar enim iisdem uerbis, quibus ipse in Bruto usus est, cùm de Ennio & Næuio poetis uetustissimis loqueretur. Hunc tu saltem excipias, quæso, quod ille solet facere Platoni, cùm de philosophis est sermo. *G.* Non excipiam. *C.* Quid uetat? *G.* Audies. Aristoteles à forensi strepitu remotus, nullis in causis unquam iactatus, domi in otio literato, tanquam in umbra, non in sole ac puluere uiuens, iis oculis, eaque mentis acie, quæ res ceteras à natura tectas & inuolutas, hanc etiam oratoriam rationem perspexit, eamque diligentissimè scribendo est persecutus. Arquì uehementer æquum est, nos illis doctoribus semper potiores deferre, qui, quod docent, ipso quoque usu, à quo multa emendantur, multa adduntur, & eo quidem diuturno experti comprobauerunt. Ac si in ceteris artium honestarum disciplinis illis magistris, qui usum non mediocrem scientiæ suæ addiderunt, maiorem consueuimus honorem habere quàm ijs, qui modicum aut nullum; cur hoc in dicendi ratione minùs nobis obseruandum putemus? *C.* Verbum hac de re tecum non commutabo. Quoniam autem ad hosce dialogos delapsi sumus, quid est quod tantopere tibi commendandi uideantur? *G.* Complura sunt, quæ mihi charos, & suspiciendos efficiunt. *C.* Quæ tandem? *G.* Persona ipsa scribentis: composuit enim hos libros grandis natu, iudicio longa dicendi exercitatione perfectæ & confirmatæ. Deinde res quæ tractantur, qua-

rum

rum dignitate nihil grauius, subtilitate nihil elegantius, uarietate nihil iucundius, ubertate & copia nihil fructuosius. Quàm multa ex Platone, ex Philosophis, ex Oratoribus hausta? quos non ille riuos ex illorum fluminibus in suum agrum deduxit? delectat cognoscere quid ualeat uis oratoris, quid oratoria natura, quid studium, quid exercitatio, quid historia, poesis, philosophia, ius ciuile, adiuet; quibus. id est, quàm amplis regionibus septa & circumscripta teneatur Rhetoricæ materia, quæ docendi ratio, quæ mouendi: quomodo fieri possit ut sermo facetus, ac nulla in re rudis appareat, qui sint affectus in uestibulo orationis tentandi, qui perorata causa concitandi, ex quibus locis ad gignendam fidem argumenta sumenda, quibus quasi luminibus tota oratio illustretur. In iis porrò quibus disputandi partes dantur, quibusque sermo affingitur quanta moderatio? quanta prudentia? in probando refellendoque; admirabilis solertia, in tota disputatione summa grauitas, & cū eximia uenustate coniunctus lepos: genus orationis quàm ornatissimū, & copiosissimū. Ipsemet nō vulgari laude eodem extulit, magnique fecit. Ad Lentulū: Scripsi, inquit, Aristoteleo more, quemadmodū quidē uolui, tres libros de Oratore, quos arbitror Lentulo tuo fore non inutiles: abhorrent enim à communibus præceptis, & omnem antiquorum Aristoteleam & Isocrateam rationem oratoriam complectuntur. Item ad Atticum: De libris oratoriis factum est à me diligenter: diu multumque in manibus fuerūt, describas licet. Et rursus ad eundem: Sunt etiam

de oratore nostri tres, mihi uehementer probati. C. Præcipua semper uoluptate his dialogis lectitandis affectus sum, tâtoque libentius tibi, tam pleno ore eos collaudanti fidem adiungo, quòd pro ingeni mei tenuitate hæc ipsa quoquo modo me in iis obseruasse recordor. G. De tribus oratoriis ad necessitudinem rei dictum est satis: sequitur ut de Bruto dicamus, siue de illo, quem de claris Oratoribus inscripsit. C. Quare hunc edidit? G. Cùm tribus illis libris oratorem præceptis instituisset, ut eum quasi populo exhiberet, exemplis exprimere voluit: quocirca oratorum penè singulorum tum Græcorum tum Latinorum initia, ætates, progressus, uitia, virtutesque expressit, eo consilio, ut has imitari, illa vitare possemus. Qui autem paulò attentius hunc librum legerit, omnem penè Romanam historiam cognoscet, in quo quantum ipse de rebus oratoriis iudicium habuerit, præclare ante oculos punit. C. Qua occasione Oratorem perfectum scripsit? G. Rogatu Bruti, qui quænam esset potissima dicendi species, præstantissimumque genus orationis, ex ipso discere cupiebat. C. Illos de oratore ipsemer commendauit; utrum hoc idem in isto fecerit, non memini. G. Fecit. C. Vbi? G. Epistola ad Leptam his verbis: Oratorem meum à te tantopere probari uehementer gaudeo: Mihi quidem sic persuadeo, me quicquid habuerim iudicii de dicendo in illum librum contulisse: qui si est talis, qualem tibi videri scribis, ego quoque aliquid sum; sin aliter, non recusoso, quin quantum de illo libro, tantundem de iudicii mei fama detrahatur. C. Attamen Bruto non  
fatil-

fatisfecit, id quod Cicero ipsemet cum Artico con-  
 questus est. G. Dummodo satisfaciat nobis. Bruti iu-  
 dicio nihil moramur. Inest in hoc syntagmate va-  
 riarum doctrinarum recôdita eruditio, insunt gra-  
 ues magnique ponderis sententiæ, inest mira ora-  
 tionis felicitas, quæ legentium mentes alliciat, &  
 nulla satietate fastidioque permulceat. Quod si M.  
 Tullius ipsemet talis orator non fuit, qualis illic ex-  
 primitur; nullus fuit, nullus erit. C. Non adeò puta-  
 rim dissimilem huic libello illum Demetrii Phale-  
 rei de elocutione. G. Sic est: nam de uariis orationis  
 generibus uenustè disputat, quamuis quæ sit opti-  
 ma dicendi forma non quærat. Dionysius Halicar-  
 nassæus in commentario de componendis nomini-  
 bus, non paucus quæstiones à Cicerone hoc uolu-  
 mine explicatas attingit. Dionysius Longinus li-  
 brum reliquit *περί ὕψους*, in quo de principatu inter  
 oratores differuit, quibusque gradibus ad altissi-  
 mum illud absolutæ eloquentiæ fastigium ascende-  
 retur ostendit. Scripsit & Hermogenes de formis  
 dicendi, quas Ideas nominauit. C. Topica sequun-  
 tur. G. Hæc Velia in Græciam nauigans, cum libros  
 non haberet secum, repetita solùm harum rerum  
 memoria confecit. Mira breuitate arctauit, quæ  
 apud Aristotelem diffusa leguntur. Quod uerò ip-  
 sa præcepta exemplis è iuris disciplina illustrauit,  
 Trebatio iureconsulto gratificatus est: prodest ta-  
 men ea scire etiam oratoribus. C. Habet profectò li-  
 bellus ille multas obscuritatis latebras, & non pau-  
 cis obstructam difficultatibus doctrinâ. G. Respon-  
 sum tibi puta, quod Trebatio scripsit: Sin tibi quæ-  
 dam



dam uidebuntur obscuriora, inquit, cogitare debetis, nullam artem literis sine interprete, & sine aliqua exercitatione percipi posse; quâquam tu si attentè leges, si sapius, per te omnia consequere. C. Ordo nos ad Partitiones deduxit. G. Affirmat ipse has è media Academia effloruisse: neque sine ea intelligi aut tractari posse. Mole quidem & paginarum numero uides quàm exiguus paruusque sit liber, uerû utilitate haud scio an par aut maior unoquoque aliorum Rhetorum, etsi fuerint longiores multis Iliadibus. Pauxillum auri mallè, quàm acervos arenarios; & smaragdum pusillum antepone rem minantibus in cælum scopulis. Breuiter, aperte, miro ordine quidquid ad artem eloquentiæ pertinet exponit. Seruauit præceptum Horatianum.

*Quidquid præcipias, esto brevis, ut citò dicta*

*Percipiant animi dociles, teneantque fideles.*

*Omne superuacuum pleno de pectore manat.*

Concludam rem verbis Quintiliani: Præcipuum lumen sicut eloquentiæ, ita præceptis quoque eius dedit vnicum apud nos specimen orandi docendique artes oratorias M. Tullius: post quem tacere modestissimum foret, nisi & Rhetoricos suos ipse adolescenti sibi elapsos diceret; & in oratoriis hæc minora, quæ plerique desiderant, omisisset. C. Quin addis vnum verbû de illo, cui de optimo genere oratorum nomen esse voluit? G. Cum tanquam Asiaticus notaretur ab iis, qui Atticorum eloquentiam siccitate ac ieiunitate sua definiebant, quo illorum errorem principum oratorum auctoritate conuelleret, Aeschinis & Demosthenis nobilissimas, & in-

ter se contrarias orationes latinitate donauit; quarum exemplo discerent, Attici esse, orationem ad id quodcunque decet accommodare, & humilia subtiliter, magna grauitè, mediocria temperatè dicere: alioquin si ornatè, grauitè & copiosè dicere nō esset Atticorum, ne Aeschines quidem & Demosthenes Attici fuerunt, quos grauitè ornatèq. dixisse notissimum est. Priusquam verò orationum argumenta exponeret, breuiter de optimo genere oratorum, & consummata eloquentiæ forma disseruit, quo perfecti oratoris facies ab iis cerneretur qui Attici, hoc est, excellentes atque optimi oratores vsurpari volebant: quam quidem pluribus in oratore ad Brutū expressit. C. Nec plura desidero de hac quidem parte librorum quæ *lexviiiap* est, nec si desiderem, uelim te urgere: animus enim meus ad eum locum festinat, qui cæteris & ad differendum magnificentior, & ad cognoscendum iucundior est, nempe de orationibus; & mihi quātus fuerit orator M. Tullius declarari peropto: quanquam primorum principem esse credibile mihi faciant cateruæ ita sentientium atque credentium. G. Fiet hoc quantum nostra imbecillitas permiserit: uolo meam ad tuam uoluntatem aggregare. Verū enim uerò hic maior rerum mihi nascitur ordo, Maius opus moneo; ut canit Latinus uates.

*Idem.*

**G**LAPHIRVS. Vnde conuenientius exor-  
 diar disputationem hanc, quàm ab ipsius con-  
 fessione Tullij, non uideo. Nulla est, inquit, ullo in  
 genere laus oratoria, cuius in nostris orationibus  
 non sit aliqua, si non perfectio, at conatus tamen at  
 que adumbratio. Iudicauit hoc poeta, qui fuit il-  
 lius æqualis, cum disertissimum Romuli nepotum,  
 quot sunt, quot fuerunt, quotq. post aliis erunt in  
 annis epigramate nobili appellauit. Iudicauit etiã  
 Quintilianus, qui cum cuique Græcorum fortiter  
 posse opponi; & cum se totum ad Græcorum imita-  
 tionem contulisset, effinxisse uim Demosthenis, co-  
 piam Platonis, iucunditatem Isocratis affirmat. C.  
 Præclarissima laus, similem trium illorum euasisse,  
 quos uniuersa Græcia suspexit, & omnes gētes om-  
 nibus seculis admiratæ sunt. De Octauio Augusto  
 Plutarchus libro de Fortuna Romanorum: Cum  
 quartum & quinquagesimum annum ætatis age-  
 ret, eum tria à Diis præcatum; Scipionis fortitudi-  
 nem, beneuolentiam Pompei, fortunam Cæsaris.  
 Ego si quid magnum à Deo precari uelim, hæc tria  
 uelim, imò uerò unicum tantum: nimirum simile  
 esse Ciceronis, qui omnes omnium oratorum lau-  
 des unus est complexus. G. Votum maximum. Sed  
 si lubet, audiamus quid adiungat. Fabius, & quæ-  
 admodum plenis buccis virum celebret. C. Lubet.  
 G. *Nec uerò quod in quoque optimum fuit, studio conse-*  
*cutus*

cutus est tantum, sed plurimas vel potius omnes ex seipso virtutes extulit immortalis ingenij beatissima vbertas. Non enim pluuias (vt ait Pindarus) aquas colligit, sed uno gurgite exundat, dono quodam prouidentia genitus, in quo totas vires suas eloquentia experiretur. Nam quis docere diligentius, mouere vehementius potest? Cui tanta inquam iucunditas affuit? vt ipsa illa quæ extorquet, impetrare eum credas: & cum transuersum uisus iudicem ferat, tamen ille non rapi uideatur, sed sequi. Iam in omnibus quæ dicit, tanta auctoritas inest, ut dissentire pudeat; nec aduocati studium, sed testis aut iudicis afferat fidem: cum interim hæc omnia, quæ uix singula quisque intentissima cura consequi potest, fluunt illaborata; & illa qua nihil pulchrius auditu est, oratio, præ se fert tamen felicißimam facilitatem. Quare non immerito ab hominibus ætatis sue regnare in iudijs dictus est: apud posteros uero id consecutus, vt Cicero iam non hominis, sed eloquentiæ nomen habeatur. Hunc igitur spectemus: hoc propositum nobis sit exemplum. Ille se profecisse sciat, cui Cicero ualde placebit.

C. Quoniam cum Demosthene frequenter componi solet Cicero, velim mihi vna opera comparationes illas si plures sint repræsentare. G. Difficile est ex tempore: conabor tamen, ne aut noluisse me, aut nescisse, aut laborem fugisse suspicere. Duos hosce oratores Deus ab initio veluti nummos duos eadem materia, eodem signo percussit, cum naturam similem ipsis indidit. Vterque honoris & gloriæ cupientissimus, libertatis Reipub. amantissimus, in periculis & armis timidus, fortunæ dominationi multum subiectus. Vix enim duos reperias oratores, qui, vt hi, ex obscuris & mediocribus potentes

& magni euaserint, qui regibus & tyrannis se obiecerint, filias vterque vnam habuerint, & ante obitum suum amiserint, in patriam post exilium publica omnium lætitia & gratulatione reuenterint, iterum profugere coacti sint, & in manus hostium inciderint, à quibus communi luce priuati vnà cum vita patriæ libertatem posuerint, eadem propemodum ætate. Nam Demosthenes quidem secundum & sexagesimum; Cicero tertium & sexagesimum uidit. Virtutes in ambobus pleræque similes; consiliū item, ordo, diuidendi, præparandi, probandi ratio, omnia demum quæ inuentioni subiiciuntur. In elocutione diuersitas est aliqua, ille densior, hic copiosior; ille concludit astrictius, hic latius pugnat: ille acumine semper, hic frequenter pondere: illi nihil detrahi potest, huic nihil addi: curæ plus in illo, in hoc naturæ. Salibus & cōmiseratione (qui duo affectus plurimum valent) vincimus: cedendō verò in hoc quidem, quòd ille & prior fuit, & ex magna parte Ciceronem, quantus est, fecit. C. Periucunda mihi fuit hæc collatio; quòd, nisi labor memoria, in parallelis Plutarchi, & nescio quo loco apud Fabiū uel eadem, uel horum similia diu est cū legi, quæ tu compendio quodam retulisti, & ex utriusque sententiis unū quoddam paruumque corpus effecisti. G. Num aut acutiores, aut doctiores sumus duobus illis, ut aut uidere nos, quod ipsi non uiderint, aut intelligere, quod ipsi non intellexerint putare debeamus? C. μή γέ νοῖτο. G. Cur itaque illorum iudicio uerbisque non utamur, præsertim cū nos per eos profecisse haud negemus? C. Si quis in eodem Cicerone

Cicerone simul omnia eluxisse affereret, quæ in cæteris seorsim emicuerunt, fortasse nihil erraret: id quod antè dixi. G. Nihil prorsus. Est in eo Lysæ subtilitas, acumen Hyperidis, Aeschinis sonus, lenitas Lælii, grauitas Africani. C. Quid Periclis habet? G. Hunc à cœlesti quadam eloquentia olympium cognominatum aiunt; quem Aristophanes fulgurare, tonare, permiscere Græciam dixit: in eiusdem labris Suadam sessitasse, illumque sic auditores permulcere solitum, ut aculeum in ipsorum animis relinqueret, scripsit Eupolis Comicus. Hæc omnia iure de Cicerone affirmaueris. C. Audio etiam T. Liuium illustre testimonium ei dedisse. G. Fragmentum quoddam Liuianum ex amissis libris ad nostram ætatem permanfit. Illic narrans caput eius præcisum, atque in rostris inter duas manus positum, addit: Vbi ille consul, ubi sæpe consularis, ubi eo ipso anno aduersus Antonium quanta nulla unquam uox humana, cum admiratione eloquentiæ auditus fuerat, quoties ei acclamatum est à populo Quiritium: Benè, rectè M. Tulli, præclarè, non potuit melius? Simul atque pro Sex. Roscio dixit, quæ oratio publica prima fuit, quam iuuenis habuit, annū ingressus sextum & uicesimum, adeò suspici eius eloquentia cœpta est, ut iam tum nulla maior causa non digna eius patrociniò uideretur. Pericles quæ Anaxagorā physicū audierat, ideo ab ipso Tullio in percellèdis animis tam ualuisse existimat. Cur ergo ipsemet, qui ad Diodotum, Philonem, Antiochum, Posidonium, uiros doctissimos, clarissimosque philosophos audiendos sese applicauerat



rat, non fuerit parem in dicendo facultatem consecutus? Duo sunt, ait in Orat. *quæ bene tractata ab oratore, admirabilem eloquentiam faciunt, quorum alterum est quod Græci ἡμῶν vocant, ad naturas, ad mores, & ad omnem vitæ consuetudinem accommodatum: alterum quod παρρησιᾶν nominant, quo perturbantur animi, & concitatur.* In superiore illo quantum præstiterit, qui nondum cognouit, exordia orationum eius percurrat, quibus nihil iucundius, moderatius, mitius, ad suauiter mouendum aptius: nihilominus in mediis quoque orationibus mirabiliter sæpe audientium mentes sibi conciliat, & ad se amandum allecat. In posteriore, quod totum est incitatum, & torrentis instar, rapidissimè fertur, nec illum quisquam unquam superauit, nec par ei unquam fuit. Cum Verrem propter uexatam & expilatam Siciliam accusaret, non ausus est respondere Hortensius patronus disertissimus, cuique summam copiam, facultatemque dicendi natura tribuerat. Ab eodem in senatu homo audacissimus Catilina accusatus obmutuit. In priuata causa, quam pro Ticinia dixit, cum cœpisset Curio pater respondere, subito assedit, ac repentinè totam causam oblitus, ueneficiis Ticiniae sibi memoriam ereptam uociferatus est. Quod ad miserationem attinet, qui affectus ad uictoriam, atque ad iudicem planè expugnandum ac subuertendum, ualet maximè, in eo commouendo omnibus antecelluit: quam obrem cum plures eandem causam agerent, perorationem ipsi semper relinquebant. C. Legi illam pro Quintio, & illam pro Milone; uix lacrymas cohibui. Autumno tum in affectibus

bus grauioribus, tum in miseratione concitanda multum profecisse ex Euripide, cuius singulos uersus singula testimonia putat. *G.* Non in hoc tantum affectu concitando, in quo tragicus ille facile præcipuus est, uerum etiã in tota ratione oratoria: quandoquidẽ eruditus & ingeniosus magister eloquentiæ Fabius eundem in dicendo & respõdendo cui libet eorum, qui fuerunt in foro disertì, comparandum pronũtiat. *C.* Memini item cuiusdam loci, ubi de semetipso his uerbis prædicat: Quam nos (miseratione uidelicet) ita dolẽter uti solemus, ut puerum infantem in manibus perorantes tenuerimus; ut alia in causa, excitato reo nobili, sublato etiam filio paruo, plangore & lamentatione compleremus forum. *G.* Officiũ boni oratoris est docere, delectare, & permouere: quò tria generã dicendi pertinent; subtile ad docendum, temperatũ ad delectandum, graue ad impellendum. Si quis in uno horum excelluerit, in magnis; si in omnibus, in maximis oratoribus numerari poterit, & potuit semper. Uide Græcis taceam, quis ex Latinis præter unum Ciceronem nominari potest, in quo ista perfectio fuerit? Hoc nemo in paruis subtilior, in modicis temperatior, in magnis grauior: non alius iudicem acutius docuit, delectauit iucundius, incitauit ardentius. *C.* Arbitror præter alias laudes orationũ eius innumeras ne hanc quidem deesse, locos inquam Philosophicos. *G.* Et hos quidem grauius ornatissimeque tractatos, quod ipse in 1. de natura Deorum testatur, ubi eas philosophorum sententiis refertas affirmat. Quam porro eleganter, quam uen-

R ste, quam

stè,quàm veluti ad perpendiculum orationem con-  
 struit? quàm studiosus & obseruàs est numerorum?  
 vt quod Antonius in secundo de Oratore, cùm elo-  
 quentiam laudaret, inter cætera dixit, hoc potissi-  
 mum de Tulliana oratione dictum accipi posse ui-  
 deatur. Quis enim cātus, inquit, moderatæ oratio-  
 nis pronuntiatiōe dulcior inueniri potest? quod  
 carmen artificiosa verborum conclusiōe aptius?  
 Addam quæ sequūtur, nihilominus in Ciceronem,  
 si in alium quempiam, conuenientissima: Quid au-  
 tem subtilius, quàm acutæ crebræque sententiæ?  
 quid admirabilius, quàm res splendore illustratæ  
 verborum? quid plenius, quàm omni rerum gene-  
 re cumulata oratio? Quæ schemata sententiarum?  
 quæ figuræ uerborum? quæ suauitas, quæ vehemen-  
 tia? Hac arma de sceleratissimorum manibus ex-  
 cussa persæpe ceciderunt: hæc Catilinam pestem  
 patriæ molientem oppressit: hæc Vatinius & Piso-  
 nem sempiternis maculis iniustos, & ad omnem po-  
 steritatis memoriam ignominia notatos reliquit:  
 hæc P. Clodium amentia, & furore exultantem do-  
 muit, & Antonii crudelissimis consiliis incitatos  
 impetus retardauit: hæc populum Romanum uicto-  
 rem gentium non semel uicit. Neque potuisset illa  
 lux orbis terrarum Roma extinguī, illud pulcherri-  
 mum, & post homines natos amplissimum impe-  
 rium funditus deleri, nisi prius illud diuinum os  
 Tullii conticuisset, caputque à ceruicibus auulsum  
 fuisset, per quod tot ciuium capita seruata erant.  
 Quid de copia memorem? quæ cùm in toto Cice-  
 rone, cùm in orationibus est admirabilis. Quan-

ta uarietas? quis Oceanus? quàm dissimiliter omnia similia? & rursum quàm similiter omnia dissimilia? Reliqui scriptores quantumuis copiosi, cum hoc uno, si comparentur, uerborum inopes existimari profectò possint, non fontes, non riuos, sed flumina fundit, & flumina aurea. Ut absoluaui: si quis ex me quarat, quæ sit optima Ciceronis oratio, respondebo quod ipse de Demosthenis; quæ longissima. C. Ego idem respondero, quamuis, ut tu, in Cicerone nondû habitauerim, sæpius tamen ad eum diuersti, & hospitio acceptus sum perhumaniter, dimissusque peramanter. G. Posthac igitur me duce tabernaculum tibi in eo colloces. C. Faciam quæ suades, & faciam quamprimùm; nisi meis consiliis mors importuna intercurrerit. Vnum nomen restat, hoc etiam rogo ut dissoluas, de quæ libris Philosophicis aliquid in medium afferas.

PROGYMNASMA XCII.

Philosophica M. Tullij.

*Idem.*

**G**LAPHYRVS. Testatus est ipse in 1. Tusc. hanc se perfectam philosophiam semper iudicasse, quæ de maximis quæstionibus copiosè posset ornateque dicere: & in 1. de Off. ait; Quis est enim qui nullis officii præceptis tradendis philosophum se audeat dicere? Neutra laus in eius libris desideratur. Nam cum ad uariorum philosophorum decreta, ad locos tenebricosos atque difficiles, ad res abstrusas & magnas explicandas lucem

orationis, & differendi elegantiam sibi adhibendam putauerit, tùm præceptor morum atque uirtutis tantus est, quantus potest aut Seneca, aut Plutarchus, aut Aristoteles, aut Plato iudicari. C. Cur orator ipse de philosophia scribere uoluit? Cur non, quod Aristoxeno Musico præcepit, cùm in enumerandis de natura animi philosophorum sententiis eius harmoniam reprehendit; ipsemet fecit? Hæc philosophis, inquit, relinquat: canere ipse doceat. Bene eniam illo Græcorum prouerbio præcipitur: Quam quisque norit artem, in ea se exerceat. G. Voluit suis ciuibus hac quoque in parte prodesse, eosque beneficio nouo cumulare: quoniam turpe ducebat gentem illam, quæ per totum orbem uictoria arma circumtulisset; populum inquam latè regem, uitam ac mores suos sine Græcis magistris excolere, ac regere non posse, & seruire quodammodo illis, quibus iura legesque daret. Philosophia, inquit, iacuit usque ad hanc ætatem, nec ullum habuit lumen literarum Latinarum, quæ illustranda & excitanda nobis est, ut si occupati profuimus aliquid ciuibus nostris, profimus etiam, si possumus, otiosi. C. Stoicam philosophiam non parum uidetur admiratus, propter gravitatem ac seueritatem doctrinæ fortassis. Principio quidem Off. se ex illorum fontibus haurire solitum ipsemet cõfirmat, uerbisque eam quam honorificentissimis passim prosequitur. G. Prorsus, ut dicis. Delectatus est ramen singulariter ratione scribendi Platonica, dialogo uidelicet, & eius philosophi placita quam maximè complexus est, quem Deum suum alicubi

biuo-

bi uocauit. C. Recordor illa: Quem ego auctorem uehementer sequor. Errare mehercule malo cum Platone, quàm cum ceteris uerà sentire. Ut rationem nullam afferret (uide quid homini tribuam) ipsa auctoritate me frangeret. Quem tu admiraris, quem omnibus anteponis, quem maxime diligis: diuinus ille uir, quem quadam admiratione cominotus, sapius fortasse laudo, quàm necesse est. Et locis aliis præterea sexcentis. G. Quin si uera fateri uolumus, eius scripta totam ferme & ueterum Academicorum, & nouorum, & Peripateticorum, & Stoicorum, & Epicureorum aliorumque sententiam continent. C. A quibus magistris hæc didicit? G. A Diodoto, & Posidonio Stoicam, à Phædro, & Zenone Epicuream, à Philone, & Antiocho Academicam, à Cratippo, Stasea, & Pisone Peripateticam. Omnes penè qui tum erant in philosophia clari ac nobiles, audiuit: philosophorum libros innumerabiles legit, ex ijsque multa Latinis uocibus, liberè tamen, & suo more expressit. C. De Deo quid sensit? G. Tot locis tam pie de Deo, tamque sacris Christianorum consentanea locutus est, ut admitabile uideatur tã liquidas cum tantæ maiestatis, ab humanis sensibus adeò remotæ intelligentias habuisse. Eum unum huius mundi effectorem statuit, mentem solutam, & ab omni concretionem mortali segregatam, omnia sentientem & mouentem, in omnes beneficium & liberalem, omnibus animantibus commoda quibus utuntur, lucem qua fruuntur, spiritum quem ducunt dantem, atque impertientem, bonis præmia per sol-



uentem, improbos pœnis afficiẽtem sempiternis. Dici non potest, quanta in libris istis ueterum ac recentium historiarum cognitio, quanta optimorum exemplorum copia, quàm denique multa lectio, quàm ingens sanctissimorum præceptorum multitudo. Quem iracundia obfirmatum Ciceronis oratio non flecteret? quem durum non leniret? quem adeò mœstum non consolaretur? Libros de officiis Plinius nõ modò de manibus nunquam deponendos, sed ediscendos etiam censet. Alexander Seuerus Imperator eosdem, & de Re-  
pub. libros præcipuè legebat, & ex iis tantum admirabatur Tullium, ut eius imaginem in larario, siue sacello domestico cum præstantissimorum uirorum statuis & imaginibus collocaret. De quibus libris, ut itẽ de Tusculanis, & de Finibus, uerissimè quispiam Horatianas illas uoces usurpauerit:

*Feruet auaritia, miseraq; cupidine pectus?*

*Sunt uerba & uoces, quibus hunc lenire dolorem*

*Possis, & magnam morbi deponere partem.*

*Laudis amore tumes? sunt certa piacula quæ te*

*Ter purè lecto poterunt recreare libello.*

*Inuidus, iracundus, iners, uinosus, amator;*

*Nemo adeò ferus est, ut non mitescere possit;*

*Si modò culturæ patientem commodet aurem.*

Quotus quisque uersat hæc scripta, quin contrahi appetitus, & sedari turbidas animi sui commotiones, seq; in dies probiorem fieri experiatur? Quæritur D. Augustinus, omnes mirari linguam Cicero-  
nis, pectus non item. Se autem fatetur etiam nuna  
Manichæum incidisse in eius Hortensium, in quo  
ille

ille laudauit & defendit philosophiam, quam accusat & uituperarat Hortensius: hic planè affectum Augustini mutauit. *Et ad teipsum Domine, inquit, mutauit preces meas, & uota ac desideria mea fecit alia. Viluit mihi repente omnis uana spes, & immortalitatem sapientiæ concupiscebam æstu cordis incredibili, & surgere iam cæperam ut ad te redirem. Non ad acucendam linguam referebam illum librum; neque mihi locutionem, sed quod loquebatur persuaferat.* C. At enim de natura in qua euoluenda uersatur pars philosophiæ, altera, nihil ab ipso habemus. G. Secus est ac dicis. Habemus multa passim, & totos libros de natura Deorum, quæ est res occulta admodum explicatæque difficilis: Platonis item librum *περί φύσεως* latinè conuertit. Quòd si ipsi diutiùs per Antonii scelus, crudelitatemque ætatem propagare licuisset plura scripturus erat. Nec idcirco tamen existimandum est, illum ea nesciuisse, quia non scripsit. Quid, quæso, scriptum reliquit Socrates? hic tamen princeps philosophorum, & parens philosophiæ ab omnibus & dicitur & habetur. Quid alii complures? quorum tamen non est inauditum nomen inter philosophos. C. Temperare mihi non possum quin exclamem: O ineptos, & ab omni iudicio derelictos mortales, ò bardos, qui nihil nisi verborum lenocinia, nihil nisi res leues merasque nugas in Cicerone reperiri improbissimè mentiuntur. Solane uerba habet quem Plinius lucem doctrinarum, Lactantius Firmianus modò perfectum & sum: num philosophum, modò Romanæ philosophiæ principem appellat? G. Quidam doctus uir,

cùm fuisset aliquando fatis alienus à Cicerone, tandem senex in gratiam cum eo rediens, inter alia quæ gloriôsè de eo scribit: Quid aliis accidat, inquit, nescio; me legentem sic afficere solet M. Tullius, præsertim vbi de bene viuendo differit, vt non dubitem quin illud pectus, unde ista prodierunt, aliqua diuinitas occuparit. C. At illius pectus, unde non pauca ad lacerandam fidem orthodoxam prodierunt, contemptio, & arrogantia occuparunt. G. Non potest seiungi à sapientia eloquentia. Proinde si eloquentissimum fatemur Ciceronem, sapientissimum quoque statuamus necesse est; sin aliter sapimus, nihil sapimus, & elleboro indigemus. C. Nunquam ex ullius sermone tantum percepi fructum, quantum hodie ex tuo. Quasi de cœlo isthæc huius disputationis occasio decidit. Summo me gaudio delibutum reddidisti.

## PROGYMNASMA XCIII.

Tres lingua principes.

*Aelius, Maximinus.*

**A**ELIVS. Eheu. M. Qua gratia tu sic ingemiscis? *Ae.* Quòd misero mihi unum tâtummodò est cor. M. Cachinno digna res. Esne apud te? cuinam uel homini, uel mutæ animanti duo corda unquam fuerunt? *Ae.* Nuper legi olim Calabro cuidam tria sorda fuisse, nedum duo. M. Portentum narras. *Ae.* Imò ueritatem profectò. M. Quis hic mortalis? *Ae.* Ennius, poetarum Romanorum pater, amicus ille P. Scipionis, qui primus Afri-

cani

cani cognomentum obtinuit. *M.* Quomodo is tria corda gessit? aut quæ tandem sunt ista corda? aut quis hoc de ipso miraculum uel memorauit, uel chartis illiuit aliquando. *Ae.* Ipsemet ita gloriatus perhibetur. *M.* Quare? *Ae.* Quod latinè, græcè, oscè loqueretur: à mente enim (quam cor etiam nominamus) omnis fingitur oratio. *M.* Papæ. Cedo quot corda habuisse rex ille credendus est, quem duabus & uigintilinguis locutum accepimus? *Ae.* Totidem Maximine: cur dubitas? *M.* Fuit igitur quàm cordiosissimus, ut nullus alius: siquidem tot linguas tenere aut tenuisse puto neminè. Sed quid hoc, quod tu tria potius tibi optas, quàm aut decem, aut quindecim, aut uiginti? *Ae.* Quia si hebraicè, græcè, & latinè doctus essem (quanquam hæc linguas degustauì singulas) non inuitus ignorarem reliquas, Germanicam, Italicam, Hispanicam, Gallicam, Anglicam, Boemicam, Indicam, & quotquot tandem barbaræ numerantur. *M.* Quid? tunc præter illas tres audebis omnes appellare barbaras? *Ae.* De Græcis exemplum capio, qui præter suam alias ad unã omnes ita uocauerunt. *M.* Etiamne Romanam? *Ae.* Etiam. *M.* Facile tibi istuc de aliquibus concesserim; nec recusarim quin agrestes, incultæ ac barbaræ nominentur: de Gallica, Hispanica, Italica uerebr ut possim concedere; quæ discuntur, & in congressionibus ac deliberationibus exercentur ab honoratissimis nobilissimisque hominibus: confirmantque illarum periti (in quo ipsis ego libens suffragor, pro mediocriognitione mea) iis eas laudibus abundare, quæ quidem  
lin.

linguarum sunt propriæ. *Æ.* Haud possunt sanè hæ tres cum illis tribus in contentionem uenire. Primum, non est istarum tam ueneranda canities, tam longæua uetustas: existere siquidem ceperunt annos ab hiuc mille centum quinquaginta, aut circiter, quibus nimirum temporibus Gothi, Vandali, Alani, Hunni, Gæpidæ, aliiq̃ue populi truces è Septentrione potissimum egressi, & in florentissimas, nobilissimasq̃ue terrarum prouincias Italiam, Hispaniam, Galliam infusi, eas ab imperio Romano ni & armis distraxerunt: quin si quis eas corruptam & adulteratam latinitatem, nec toto genere à Romana seiunctas ac differentes appellare uoluerit, non errauerit. Nequibant enim illæ indolata linguæ, illa inmanium belluarum ora distortissima ad uoces tam compositas, ad sonos tam suauēs & rotundos sese aptare: itaque omnia penè conciderunt, immutarunt, peruerterunt, fœdauerunt. *M.* De originis excellentia & antiquitate non est fas ipsis tollere supercilium, ut illis tuis; quarum cum antiquissima sit Hebræa, secundas tenet Græca, Latina tertias. *Æ.* Prorsus ita. Nam genus humanum mox ut est à Deo fabricatum, sermonis facultatem habuit, & quidem non alius quàm Hebræi. Ad hæc quæ de descriptione, ueterrima est eadem: siquidem Moyse multis antè tempestatibus sacram contexuit historiã, quàm Græci obsidione cingere Troiam & oppugnare ceperunt; id quod regnante apud Iudæos Dauide contigisse chronographi obseruarunt: post quod bellum annis CLX. floruit Homerus, ferme primus scriptorum Græciorum.

ciæ. *M.* Hoc propter Hesiodum dicis, quem quidam antiquiorem faciunt. *Æ.* Non: propter Sibyllam & Orpheum in primis dico, quos illo priores uixisse, & nonnulla literis mandasse indubitatum est. *M.* Varia sunt, quæ de horum duorum seculis scribuntur. *Æ.* Et eiusmodi, ut disputationes tam curiosas legisse sit tempus minimo cum fructu contriuisse. Hasce tres linguas in crucem actus Dei Filius Seruator noster dedicauit: nempe ut sanctissimus, sapientissimus, potentissimus; Hebræam sanctissimam, Græcam sapientissimam, Romanam potentissimam. Quid enim Romanis potentius? an non illi rerum domini? quid Græcis sapientius? an non illi & inuectores, & perfectores artium penè omnium? quid Hebræis sanctius; Deoque sub solē illo charius? Audi quid Esaias dicat in persona Dei: *Et tu Israel, serue, meus, Iacob quem elegi, semen Abraham amici mei, in quo apprehendit te ab extremis terre, & à longinquis eius vocauit te, & dixi tibi: Seruus meus es tu, elegi te, & non abieci te.* & quæ sequuntur in eodem capit. 41. præclara sanè. *M.* Iudicani semper, & eruditis ita placuisse intelligo, titulum IESVS NAZARENVS, &c. non sine mysterio tribus illis linguis conscriptum, & supra crucem positum esse, atque hoc ipsum ad earundem decus pertinere: quemadmodum & hoc pertinet, omnia illis tradita & explicata esse, quæ cū ad res sacrosanctas, diuinas, cœlestes, ad salutem animarū nostrarum sempiternam, tū ad res humanas, ad ciuilia negotia, atq; ad omnem denique scientiam spectant, easque uagari



gari quàm latissimè, & omnes penè orbis angulos ultimosque fines occupasse, cùm ceteræ suis sese tantùm, iisq; nō ita amplis regionibus cōtineant; aut si exierint, non sint æquè communes, neque in scholis doceantur, neque ad libros tam multos, uel potiùs innumerabiles cōscribendos adhibeantur. *Ac.* Huc accedit, quod gentes alioqui uehementer dissidentes ac discrepantes inter se, harum beneficio coniunguntur & consociantur, quæ hominem ingenium præcipuè ornant & cohonestant.

## PROGYMNASMA XCIV.

Hebræa lingua.

*Idem.*

**A**ELIVS. Hebræam dici potest Deus ipse inuenisse per se, cùm reliquæ ab hominibus inuentæ & expolitæ sint. Eadem ipse cum genere nostro, & nos cum illo, & angeli nobiscum, & nos cum angelis sæpenumero collocuti sumus. Eadem vnigena Dei IESVS CHRISTVS, cùm in terris corpoream indutus naturam degeret, conciones habuit, & directum ad cœlos iter monstrauit. De Plauto notum est illud Epij Stolonis, à Quintiliano repetitum; Musas, si latinè loquantur, Plautino sermone vsuras: quia nimirum uerborum Latinorum auctor est elegantissimus, seu princeps in Latina eloquentia, ut Gellius censet. Nonne magis optabimus nos ea lingua uti posse, qua Deum esse usum cognouimus? Singulæ item literæ admirandam multis in locis vim & energiam habet,  
recon-

reconditosque sensus & diuinos significatus efficiunt. *M.* Frequens Iudæos colloquentes audiui: horrida omnino, ac difficilis pronuntiatio mihi præ ceteris visa est hæc lingua. *Ae.* Non tamen horridior, neque asperior quam vel Turcica, vel Persica, vel Aethiopica: quas nihilominus percipi, & commodè pronuntiari à nostrarum regionum hominibus, cum in illis oris aliquandiu versati fuerint, ne tu quidem nescis. Nec ego satis dispicio, quamobrem adeò inconcinna, & dura videri debeat oratio, quæ sua sponte, scriptore id non laborante, ad aptos numeros uenit. *M.* Ad quos numeros? quis hoc affirmat? *Ae.* D. Hieronymus hebraicè doctissimus. Is Isaiæ orationem phaleratam, & apud Prophetas creberrima carmina hexametra, iambica, sapphica reperiri; imò quosdam penè totos versibus confectos testatur. *M.* Testis omni exceptione maior Hieronymus. *Ae.* Est insuper pudica admodum & verecunda hæc lingua, & sine honestarum aurium offensione plerumque effert, quæ turpicula, parumque casta ista sunt: quam illi laudem Græca & Latina meritò inuiderint, in quibus ad res obscenas explicandas (in Græca præsertim) nimis copiosam uocabulorum syluam, & loquendi nimis multa genera inuenias.

## PROGYMNASMA XCV.

Græca lingua.

*Idem.*

**M**AXIMINVS. Cum græca tamen neutram harum, nec ullam aliam arbitror copia & uarietate posse comparari. *Æ.* Hoc uerissimum; falsoq; ac malignè Cicero, nimius nonnunquam suorum laudator, aliorum contemptor, exclamât: O uerborum inops interdum Græcia, quibus te semper abundare putas. Etiam illud minus verè: Latinam esse locupletiore[m] quàm Græcam. Satis copiosè, & doctè iam illi responsum est à nonnullis, quorum libri in promptu sunt. *M.* Tunc Ciceroni, quem tantopere suspicis, quem ubicunque potes dilaudare consueuisti, dicam impingis? *Æ.* Amicus Plato, sed amicior ueritas. *M.* Appositè. *Æ.* Ea insuper inest in Græca uerborum proprietas, ut cum rebus ipsis nata uideantur; ea uis, ut sub aspectum quasi rem subijciant. *M.* Non possum hoc loco idem obiicere Græcis, quod suprà Hebræis; esse asperos in pronuntiando, & insuaues: nā quantum ego Græca legi, omnia videntur æquabiliter, placideque ac leniter fluere, & mira cum iucunditate ad aures affluere, recteque Horatium dixisse puto: Graiis ingenium, Graiis dedit ore rotundo Musa loqui. *Æ.* Potuisti & hoc animaduerrere, eandem Latinæ linguæ matrem, & quandam uelut procreatricem ac nutricem esse. Et quomodo Romana alias linguas ornat, illustrat ac perficit, ita uicissim

uicissim ipsa à Græca ornatur, illustratur atq; perficitur: à qua si omnem sapientiam, doctrinam, fructum se paremus, ac ueluti detracta ueste nudam intueamur, eximia certè pulchritudo, & elegantia ipsius nostros in se animos conuertet. Ceterum cum illis literarum principibus, Homero, Platone, Aristotele, Demosthene, Herodoto, Xenophonte, Isocrate sine interprete confabulari quanti est? Nam latinè quàm horridè, impurè, inquinatè ac sordidè iidem & alii plerique loquantur, non te fugit. *M.* Minimè fugit; & soleo stomachari in tam illos ac lutulentos interpretes, conditionemque sapientissimorum doctissimorumque hominum uehementer miserari, qui cum in sua lingua fundant aurea orationis flumina, in nostra balbutiunt, indiferti que sunt. Nec illud nobis non molestissimum accidit, quòd unius eiusdemque scriptoris penè in singulos annos nouam conuersionem accipimus: ut in tanta copia quem interpretem præ aliis eligas explicare sententiam uon possis. Verùm quid tu illis responderes, qui hanc linguam minùs necessariam esse affirmare non erubescunt? quid etiam adolescentibus nonnullis, quibus laboriosum uidetur atque difficilis? *Ac.* Sic occurrerem istis posterioribus: Itane uerò? Sit difficilis, ut uultis: an uos tantum facilibus studebitis? Et quæ, obsecro, sunt ista tam facilia? quæ ars? quæ disciplina? equidem segnibus & ignauis nihil non difficile, indutris atque impigris nihil non facile; futurum asseuero: τὴν ἐπιμελῆα πάντα δὲ λαγύνηται. Assidua uincit cuncta diligentia. *M.* Latina, inquit, mul-

tis partib. est facilior. *Ae.* Si hoc latinè indocti affe-  
 feris, oratio ueltra nullam meretur fidem: si docti;  
 quæro, num hoc anno Latinam didiceritis? *M.* Ne-  
 quaquam, dicent, sed à paruis in hunc usque diem  
 Latinis dediti fuimus. *Ae.* Iam constrictos & impe-  
 ditos teneo. Potestne, rogo uos, id facile nominari,  
 quod annis 15. aut 20. quotidiano labore uix ali-  
 quatenus consequare? quòd si uos ab incunabulis  
 Græcam discere cœpissetis, affirmare non timeo,  
 tam laboriosa Latina uobis nunc appareret, quàm  
 Græca apparet. *M.* Dimittamus pueros cum quere-  
 la sua puerili, uiros refuta, & eos quidem suo iudi-  
 cio non indoctos. *Ae.* Vulpes cum amisisset caudā,  
 nitebatur ceteris persuadere, ut tanquam rem su-  
 peruacua, & onus minimè necessarium eam rese-  
 carent. Nesciunt isti docti Græcas literas, proinde  
 socios quærunt, ne soli sine caudis, turpiterq; defor-  
 mati, & ignorantes incedāt. Vtilem & necessariam  
 non esse fateor ad quæstū, ad otium, ad uoluptates,  
 ad opes; sed ad liberales artes percipiēdas eius co-  
 gnitionem requiri dico: idq; in Theologia, Philoso-  
 phia, Mathematicis, Rhetoricis, Dialecticis, Medi-  
 cina, Iurisprudentia, Grammaticis possem quāuis  
 copiosè ostendere, si cum illis agerem corām. Sed  
 quòd omnes ad Latinam mittunt, & à Græca reuo-  
 cant, quis hoc ferat? Quid tandem esse existimant  
 latinè scire? num Calepinum euoluisse? num uoca-  
 bularios aliquos memoria comprehendisse? num  
 epistolarū phrasas, num copiar & inopiar certas for-  
 mulas, & locutiones latino germanicas didicisse? Il-  
 lud est latinè nosse: primū optimū quemque scri-  
 ptorem

ptorem diurna & nocturna manu versauisse, legendo contriuisse, penitus & in cute nosse; omnē loquēdi rationem à præstantissimis latinitatis auctoribus usurpata, non ab epitomis & compendiis nescio quibus traditam tenere; uerborum, loquēdiq; generum fontes & origines cernere; purè, ornatè, politè ex multa exercitatione tūm loqui, tūm scribere: quæ quidem Græcis incognitis fieri nullo modo possunt. *M.* Mihi & antè persuaferam, & nunc etiam magis persuasi, delirare, qui huic linguæ obtrētāt, eamq; vel ut difficilē, vel ut nō adeo necessariam atq; utilē calumniantur. Quapropter istis accusatorib. salute dicta, de Latina commētemur.

## PROGYMNASMA XCVI.

Latina lingua.

*Idem.*

**A**ELIVS. In huius laudatione caput est, quod uniuerſas penè linguarum omnium laudes in se cohibet. Dulcis est Gallica? dulcior Latina. Virilis est Hispanica? uirilior Latina. Tenera quodāmodò Italica? tenerior Latina. Grauiſſima putatur Germanica; numerosa Hebræa? hæc quoque in Latina cumulātè reperiūtur. Et quia Græcæ parrus ac filia est, quis negabit eam maternis dotatam laudibus? quis hereditatem pulcherrimam atq; amplissimam ipsi relictam ibit inficiās? *M.* Pop. Rom. cæteras gentes non modò imperii magnitudine, verū etiam linguæ suæ propagatione uicisse certum est. Persæ, Medi, Assyrij, Græci latè quidem

S

suos



suos fines protulerunt, attamen cum imperio linguam proferre non potuerunt ut Romani, qui non corporis, sed animi suauissimum quendam conditissimumque cibum cum innumerabilibus nationibus sibi communem fecerunt. *Ac.* Hęc ad ueram sapientiam nos instituit, hac sanctissimę religionis mysteria custodiuntur, hac per omnia templa Deo opt. max. & beatis cœlitibus diu noctuque sacra carmina concinuntur; cumque reliquę duę scholarum parietibus includantur, hęc etiam ad cœtus, consultationes, conuiuia, familiaresque congressus admittitur. Quò magis dignum est miseratione, adeò superiore sæculo neglectam contemptamque iacuisse. Nemo fermè quid esset latinè loqui sciebat; quilibet uerborum monstra & prodigia inuehebat: quòd ita fieri necesse erat, cum bonos libros ne de nomine quidem quisquam nosset. *M.* O seculum insipiens, & inficetum. *Ac.* Insigne etiam uulnus Latinę linguę inflixit quorundam temeritas, qui tam multa ex ea in alias linguas conuerterunt, ut paucissimi deinde ad eam discendam mentes appellere uoluerint. Quare quod principiò in sacris Bibliorum uoluminibus euenit, unde huius mali factum est initium, ut quisque putaret se arcana illa capere, atque inde noua & horribilia opinionum inter se pugnantium commenta nascerentur: hoc idem in disciplinis literariis, usueniet aliquando, cum textor aliquis, aut lanius, ceterius Aristotelem & Platonem pro sua inscitia interpretabitur. *M.* In Aristotelem tamen, & Platonem peccaretur tolerabilius. *Ac.* Sed absurdè utrobique. Gratia uerò ha-

rò habenda Victoriis, Manutiis, Sigoniis, Lambi-  
nis, Muretis, qui tanquam luciferi quidam nostra  
memoria exorti, quantum in ipsis fuit, sua luce bar-  
bariei caliginem ab oculis nostris discusserunt, scri-  
bendi que perfectione ad antiquorum præstati-  
am proximè accesserunt: quorum libri ab omnibus &  
Humanitatis, & Latinitatis studiosis quàm accu-  
ratissimè legendi sunt. *M.* Quà de me, Lydum prouo-  
cas in planiciem.

## PROGYMNASMA XCVII.

Solutæ pedestrisque scriptionis varietas.

*Constans, Apollinaris.*

**C**ONSTANS. Dies non ita multi effluxer-  
unt, cùm te in quodam conuentu literato mi-  
ra, nec pauca sanè de exercitatione. iactâtem, eius-  
que laudes plena manu in astra tollentem lætus ac  
lubens audiui: quorum summa quædam est hæc: Ab  
ca naturæ uitia emendari, longeque plus diligen-  
tia, assiduitate, labore, consuetudine cum mediocri  
ingenio, quàm sinelhis etiam cū summo effici: cor-  
rumpi enim ingeniorum bonitatem ignauia atque  
focordia; & cū negligens etiam facilia non con-  
sequatur, studio ac diligēti nihil esse difficile. Ad-  
ducebas quoque Periandri uerbum, ὅτι μελετῇ πάντα  
δύναται, quo significatur, nihil esse tam arduum, la-  
boriosum atque magnū, quod cura, industria, con-  
tentione, sedulitate non superetur. Hac Aristote-  
lem tātum philosophum, Ciceronem & Demosthe-  
nem tantos oratores, Archimedē & Euclidem tan-

tos mathematicos, Virgilium & Horatium tantos poetas, Apellem & Parrhasium tantos pictores, Phidiam & Polycletum tam excellentes statuarios euassisse. Commendabas autem nobis scriptiois vsum & exercitationem præsertim, quandoquidem hoc sæculo, & istis hominibus, neque in scholis aliud maius quæritur, neque extra scholam maiori gloriæ ducitur, quàm Latina lingua. Hanc nos Puram, elegantem, propriam & copiosam assecuturos, si quamplurimum scribere in animû induceremus: stylum enim optimum esse, & præstantissimum huius rei effectorem atque magistrum. Et cum Cicero ipse, fons latinitatis uberrimus, vnusque omnium post hominum memoriam disertissimus & eloquentissimus, libro 9. ad Patum scribens de se dicat; Ipsa illa, si qua fuit in me facultas orationis, nisi me ad has exercitationes retulissem, exaruisset: quid de nobis miseris cogitandum est, aiebas, qui tantos orationis thesauros etiam creberrimis exercitationibus vix aliquâ ex parte corrademus? Ego tum illa disputatione tua ita animatus discessi, vt statuerem, simul ac in te rursus incidissem, querere, quænam quasi genera putares esse scriptiois, non solutæ tantum, verum etiam ligatæ, in quibus nos adolescentiores uersaremur, qui in utraque orationis facultate præstare cuperemus. Itaque te ualde pro amicitia nostra rogo, uti me tanquam discipulum instituas, quæque scribenda sint, monere ne detrectes. *M.* Quid tibi, quæso, opera mea in istoc negotio opus est? lege Aphthonium, lege alios recentiores, qui istud argumen-

tum

tū doctè integrisque voluminibus persecuti sunt.  
**C.** Tua volo, quis ero contentus: ne fuge tantillum laborem causa mea. **A.** Haud expeditum est ex tēpore satisfacere votis tuis: sed quoniam finem orādi vrgendiq. non videris esse facturus, exponam tibi quæ requiris vel ex tempore, & breviter **C.** Nul- lum est periculum, ne quid tibi excidat, quod mihi non profit auduisse. **A.** Principiò id do consilium, vt scriptites epistolas, frequenter quidem ex præceptis, quæ à Rocho Perusino accuratissimè tradū- tur, aliquando tamen liberas omninò, nullis quasi vinculis præceptionum alligatas. Nec mihi nō pla- cent, qui sine argumento scribunt, & hanc solam habent epistolæ sententiam; non habeo quod scri- bam: quales ad se mitti epistolas ab Attico etiam M. Tullius voluit, & est hoc genus inter doctos fre- quentatum. Solent præterea magistri diligentes ar- gumentum, siue rem totam epistolæ cuiuspiam do- cti viri sumere, Corradi, verbi gratia, Sadoleti, Ma- nutii, Longolii, eamq. dictare discipulis: postea illo- rum epistolas cū his conferentes docent eos quid agere, & quonam modo scribere debuissent, vt es- sent viris illis non dissimiles; laudant si quid bene, si alicubi persimiles, si opera & labore haud parci fuerunt. **C.** lucunda exercitationis ratio. Est enim suaue per se epistolas facere, quamuis eas nusquā sis missurus & posterior modus Præceptorem in ar- gumentis inueniendis non mediocriter adiuuat. Dic iam de alio genere. **A.** Ex Aesopo, aut ex poe- tis lepidam fabellam depromas licet, eamq. nunc brevissimè ac simplicissimè, nunc copiosè, cum au-

etoris commendatione, cum affabulatione, cum interpositis aliorum nominibus & colloquiis tracta. Item narratiunculas è theatro vitæ humanæ, è Valerio Maximo, & exemplorum libris novas, antiquas, veras, commentitias (nihil enim interest) non nunquam petes, quas similiter aut paucis verbis, sineq. ornamentis, aut pluribus & ornatiorebus, affectibus quoque admittis expones. C. Quàm vellē hic mihi tuum exemplū proponeres aliquod: adolēscētes enim milites cū ducum & imperatorū suorum strenuē facta corā intuentur, longē perfectiūs bellicam artem, quā solis præceptis audiendis discūt. Sed video id fieri iam minimē posse. A. Cū poterit, & in hoc, & in alijs quæ recensebo, aut conscribam ipse exempla tibi, aut conscripta iam pridem ostendam. C. Docebis me igitur quæ ipse experiundo cognouisti; non vt quidā, qui cæcis volunt præire, cū ipsi propemodum talia sint. A. Exercitationem amaui & complexus sum à pusillo puero, cui maximē debeo si quid sū. Non paruam insuper copiam ad scribendū suppedi-  
 tabunt apophthegmata, quæ vbi breuiter comprehensa fuerint, argumentis excogitatis aut cōfirmari, aut refutari, aut laudari, aut vituperari poterunt. Commendentur item aut reprehendantur auctores eorundem, similia & dissimilia adducantur, quibus illa magis illustrentur. Idem statuendū de prouerbij & sententijs, siue sacris, siue profanis, quæ etiam παραφραστικῶς dilatabuntur, & tanquam communes loci tractabuntur. C. Tam multi extant sententiarum libelli in vtroque genere, auctorum,

inquam, sacrorum, non sacrorum, poetarum quoque; ut si quando est animus aliquem eorum legere, nesciam quem præ alijs legam. *A.* Utilem præstitit studiosis operam Andreas Eborensis Lusitanus: hunc eme. Præterea Stobæum, sententias Ciceronis, gemmas Platonis, flores poetarum tibi commendo: nec sperno quæ seorsim ex Seneca Neronis magistro, & Plutarcho collectæ sunt. *C.* Meminero horum. *A.* Non ad stylum modò exercendum, verum etiam ad inuentionem iudiciumque ad decori quoque discendam rationem (quod tamen est iudicii) proderit dialogos breues & uarios cōficere, materia sæpe ex quauis occasione sumpta, nec non ex poetis, historicis, oratoribus, quos uel legimus ipsi, uel explicari audimus. In hac ipsa exercitatione non modica inest delectatio, quam tū rerum, tū personarum uicissitudo conciliat. *C.* Modò ne iubeas me dialecticum, & rhetoricum in iis artificium obseruare, ac nescio quæ alia, quæ nuper ex commentario quodam in dialogis obseruanda esse cognoui. *A.* Ille commentarius de dialogis maioribus, grauioribus, & grandioribus loquitur, quos componere debent, qui ad magistrum itare desierunt. *C.* Amabo, quid sentis de conuersionibus? estne utendum ea exercitatione adolescentibus? *A.* Nō aliter; quā ut solēt in scholis, cū Præceptor argumentum uel à se conscriptum, uel ex aliquo Latino Germanicum factum discipulis conuertendum proponit. Verū in emendatione accuratum esse conueniet, ut linguæ utriusque idiotismi, elegantiaque ostendantur, & moneantur pueri, quid se-



qui, quid vitare, quid melius facere debuerint. Qui robustiores sunt in literis, interdum ad conuersionem aliquot paginarum aggrediantur: laudat hoc genus Cic. 1. de Orat. & habet cum magnas, tum non paucas utilitates. Addam hoc appendicis loco. Componenda exempla illustrium figurarum, ut distributionis, subiectionis, frequentationis, similitudinum, comparationum. Aliquid breuiter laudandum, aut reprehendendum, eadem sententia uariatis uerbis ac figuris efferenda sepius, eadem græcè ac latinè, metro & soluta oratione uarianda. Nunc de ligata disseram, si attendas. C. Attendo.

## PROGYMNASMA XCIIIX.

Poeticæ scriptionis uarietas.

*Idem.*

**A**POLLINARIS. Rem quampiam eodè genere carminis bis, ter, quater, diuersis nimirum uerbis locutionibusq. & figuris explicabis. Cernis in appendice Virgiliana tam iucunda mirabiliq. uarietate, & tot modis auroram, quatuor anni tempora, amnem glacie concretum, & alia expressa elegiacis, ut nihil suprâ possit esse. Quid si etiam eandem materiam tribus, quatuor carminum formis mandes, ut hexametro, elegiaco, iambico? Virg. in 8. Aeneid. Ouid. 9. Metamorph. Ausonius, labores Herculis hexametro complexi sunt: Ouidius rursus in epistola Deianiræ elegiaco, Seneca in Hercule furente iambicis eos inclusit. C. Contuli aliquando istos diuersorum poetarum uersiculos,

&

& poeticæ orationis diuitias sum contemplatus. Occurrit tum illud de Archia poeta, quem defendit Cicero. Fertur is cum Roscio principe ætatis suæ histrionum certare solitus, utrum ille eandem rem sæpius uariato gestu exprimeret, an hic mutatis uerbis per carmen efferret. *A.* Magna eloquentiæ, & incredibilis fecunditas, oratoribusq. cum poetis communis est. *C.* Quæ adhuc exercitationum metricarum genera laudas? *A.* Hoc: solutam orationem, siue dictum elegans & graue, siue historiã, siue fabulam ad carmen redigere, poeticaq. libertate uti, & flores, fucos, ubertatem quandam uerborum atque rerum adhibere. *C.* Arbitror contrã etiam fieri posse, ut soluatur carmen, fiatque libera pedibus oratio. *A.* Potest maximè. Deinde unum genus carminis apud auctorem aliquem inuentû, nos mutatis numeris in aliud transferemus, hexametrum in elegiacum, & hoc in phaleuciû, & istud in sapphicum: ne ignoremus tamèn, vnus cuiusque generis suam ac propriam ideam esse. Curabimus præterea, ut nobis versus alieni proponantur, aut ipsimet eos deligemus, quibuscum nostra Musa de certet, ut suprã in epistolis faciendum dicebamus. *C.* Vellem hac tempestate in scholis vigerent certamina poetica, ut adolescentes se mutuò non tantùm numero versuum (nam id parui duco, breui tempore sexcentos versus euomere; & tamen id in usu est penè solum) sed acumine, lepore, elegantia, artificio superare contenderent. *A.* Ego & istuc, & alia complura optauerim: sed pergam ulterius. Centopum & parodiarum scriptio in primis iucunda & frugi.

frugifera est, nosque apiculas imitari cogit, quæ ex diuersis flosculis succum ad mel gignendum colligunt. Quomodo centones & parodiæ fiant, cum multis exemplis quidam Gallus docuit. *C.* Noui librum, & legi *A.* Satis erit nos septem aut octo cõmuniora carminum genera usurpare, & in illis excellere: illa alia non æquè uulgata, nimium otiosis & ostentatoribus relinquuntur. *C.* Quanquam mirificè capior poetis & legendis & audiendis, cupioque ardentissimè capiti meo quoque ex Helicone coronam petere, tamen nunquam cogitationem suscepi, quo pacto centum genera uersuû possem condere, aut uersibus etiam extemporaneis loqui, quod quidam se posse gloriati sunt, & quidem de rebus philosophicis, theologicis, mathematicis, idq. quocunq; tandem genere quis postulauisset. Res inaudita: quàm rotundos & uenustos putabimus illos uersus esse potuisse? Nec idè lyricus, elegiacus, comicus, heroicus unà simul esse desidero: sat erit, si fecero nō malos heroicos, ad qd̃ genus me natura blandissimè inuitat. *A.* Optimū est naturam sequi in hoc studio, quod natura penè sola constat.

## PROGYMNASMA XCIX.

*Actio scenica.*

*Conradus, Helisæus.*

**C**ONRADVS. Accenditur mihi animus haud mediocriter, Helisæe, ad personam in theatro agendam, siue id in comœdia, siue in tragœdia, siue

ſue in dialogo, (nam hoc tertium quoddam dramaticis genus noſtri faciunt) non, inquam, parua cupido huius rei mihi creſcit in pectore, cum obſervatio ſpectatores vultus atque ora in ludionibus deſigere, & non modò primarum, ſecundarum, ac tertiarum partium, ſed in ſuo genere optimum quem quæ actorem intueri continenter, admirariq. maxime, & alios collatis capitibus percunctari, quinam ſit ille aut ille adoleſcens, cuius filius, qđ ei nomen. *H.* At mihi cum hac, tum aliis de cauſis ſemper iucundum fuit obligari ſacramento huius militiæ. *C.* Recenſe cauſas illas, niſi oneroſum eſt, & adde currenti calcar. *H.* Pleriq. de ſtudioſis literarum aliena miſericordia liberalitateq. indigent, qui quidem cum ſuas partes egerint egregiè, & ita ſe populo probauerint, à diuitibus ac nobilibus uiris ſumptum in ſingulos annos, quo victum tolerant, facile hac ratione, etiã nõ rogantes conſequuntur. Exemplà complura comemorauerim, & ex illis ego ipſe unum ſum, qui quoniã in comœdia quæ inſcribitur Salomon coronatus, puerum Salomonem nõ malè uidebar egiſſe, illuſtri & opulento uiro annuos aureos quinquaginta in acceptis reſero. *C.* Pro tantilla opera tanta merces? *H.* Nõ illi operam & laborẽ, ſed ingeniũ, qđ ſeſe in huiusmodi comicis actionibus mirabiliter oſtendit ac prodit, ſpectare ſolent. Videmus præterea parentes admodum deſiderare, ut filii doceantur bene geſtum agere, moderari manus, vultum, corpus totum, ac uocem etiam inflectere, atque uariare, & in his omnibus poſthabito pudore ſubruſtico liberi eſſe, nihilque metuere. Hoc nuſquam com-

commodiùs, maioreque cum eorum, & aliorum uoluptate fit, quàm in theatro. *C.* Quàm uera sunt hæc? nam quod mihi mei, hoc aliis perinde suos parentes credo facere. Quærunt sepe; dabiturne comœdia? quæ partes mandata sunt tibi? putant, credo, etiam ad suam ipsorum gloriam pertinere, si filii placuerint. *H.* Et ad gymnasii quoq; decus atq; gloriam uehementer scito interesse: laudatur enim locus, & magister, ubi, & à quo tam præclara indole, tã apti ad res pulcherrimas adolescentes instituuntur. Quin nosmet ipsos, condiscipulos, populum, magistratus, totas ciuitates liberalissima & honestissima uoluptate cumulamur, si nos ex poetæ sētentia gerimus. *C.* Ac me quoq; doctiorē factū sētio, tam multis egregiis sapienterq; scriptis uersibus ediscendis: & memoriam non parum exercui; siquidem trecentos, quingentos aliquando, ut digitos meos, ut nomen meum recitare potui. *H.* Si drama latinè ornatèq; compositum fuerit, necesse est omninò actores, cū id ediscunt, omnes omnium personas propemodū memoria tenere (quippe quos toties cū exercentur audiunt) in latinitate, & orationis uirtutibus nonnihil proficere, atque ad scribendum loquendumq. aliquam sibi suppellectilem comparare. Augetur adhæc prudentia, & cognitione τῶν πρέποντες, cū animaduertimus scilicet. in œconomia adhibitum iudicium, & cū personæ cuiusq; eum sermonem audimus, qui ad naturam, ingenium, mores illius κατ' ὅλγν est appositus. In quo quidem officium poetæ in primis consumitur, qui uniuersa in singulis imitari, atque expri-

exprimere debet. *C.* Cur igitur apud ueteres pro-  
 bro dabatur histrionicam facere? *H.* Sic cogitemus  
 qualia priscarum comediarum argumenta fuerint,  
 non mirabimur; leuia, litigiosa, nugatoria, impura:  
 quales item uersus: spurcidi, ut inquit Plautus, &  
 immemorabiles. Ibi lenones, meretrices, parasiti,  
 serui callidi, adolescentes aforti. Huiusmodi perso-  
 nas agere honestum hominē iure pudeat, scurram  
 autem, circulatorem, malē feriatū ac triobolarem  
 non pudeat. Dramatum nostrorum longē diuersa  
 est ratio, quæ fermē illustres, graues, notas historias  
 & frequenter ē sacris literis petitas continent, quo  
 populo & notiores sint, & placeant magis. Quām  
 autem tales historias, tot annis præsertim, tamque  
 distantibus locis gestas rectē deligauimus; & quām  
 easdem materias præceptis & exēplis antiquorum  
 seu comicorum seu tragicorum conuenienter tra-  
 ctemus, non est meum disputare, doctioribus reliū-  
 quo. Cum igitur res sint honestæ & sacræ; personæ  
 etiam ciuilibus honoratiores, aut saltem non uiles  
 atque abiectæ, tantum apud nos abest ut sit ignomi-  
 niæ histrionem profiteri, ut sit commendationi ac  
 laudi potius. *C.* Illud superest, ut Roscios atque Ae-  
 sopos habeamus, qui nos in hoc artificio ipsi artifi-  
 ces celebratissimi instituunt. *H.* Bene optas. Nulla  
 ars siue magistro discitur: quanquam noster doctor  
 non est postremus in hac palæstra.



## PROGYMNASMA C.

Pueri multandi verberibus.

*Pater indulgentior, Magister seuerior.*

**P**ATER. Quæritur Augustinulus meus, se in ludo sæpissimè abs te uapulare; quem quidem non mihi narrare somnia, è fletu rubentes oculi testantur. *M.* Si filius tuus iustè vapulat. noli quærere, raròne an sæpe. *P.* Atqui nec iustè uidetur cedi, nec moderatè, sed iniquè & inhumaniter, si tã frequenter. Nam cui toties imponendæ sunt plagæ, ei posteriores semper grauiiores imponuntur: quæ autem flagitia tam sæpe filius iste meus, probus utique & diligens puer admittere possit, non intelligo. *M.* Amor cæcus est, is facit, ut puerum meliorem, & in discendo alacriorem existimes, quàm ego experior quotidie: ingenium sanè nō deest illi, uoluntas deest. Quod ad uerberum atrocitatem attinet, hoc tantum respondebo tibi, me adhuc intra litem sœuiisse; peto quæ à prudentia tua, ut mihi potius fidè habeas, quàm pueris, qui leuissima de causa mentiuntur facillimè, & cum uirgas ac uerba impensè oderint, nunquam iusta animaduersione punitos se confiteri solēt. *P.* Quæso, Magister sine me paucis oppugnare hunc morem uestrum cædendi pueros, & si possim, sceptrum istuc tuum, uirgam, inquam, extorquere tibi de manibus. *M.* Patiar equidem te differere aduersum nos quæ lubet, si tu etiam pati uis, me consuetudinem nostram tam antiquam, usitatam, & necessariam dscendere, quæquæ mihi in mentem uenerint contra

trā respondere. *P.* Optimum & æquissimum est, audire uicissim quem accuses. *M.* Clauam Herculi hodie nunquam extorseris; futurumque est, ut tu magis posthac flagellum ad multandos liberos in manus sumas, quā mihi, ut id abiiciam persuadere contendas. *P.* Tu fortasse eloquentia tua confidis, qua me supplantēs ego ueritate sola nitor, illam mihi comitem & adiutricem aduersus te duco. *M.* Ausculto, dic uirorum optime. *P.* Pulsare pueros, siue id à Magistro, siue à pædago, siue à parente fiat, deformē est; quoniam mancipia & bestię, quę aliter ad officium faciendum adduci non possunt, non ingenui, & filii, teneręque ætatis alumni, & discipuli uerberibus sunt urgendi. Animum liberalem plagę seruilem infractumque efficiunt, qui dum omnia timet, nihil audet eximium, sequiturque desidia & inertia, quibus corpus quoque elanguescit atque conficitur. Similiter pueris immoderata seueritas, ut nouellis stirpibus nimia siccitas nocet. In equulos, & uitulos calcaribus, stimulis, uerberibus nō utimur: cur in pueros utimur; quin & adulti boues, si acrius stimulis subigantur, iuga persępe detrectant, & frænorum iam patiētes equi, si crebrius uerberentur, percontumaces. pauidique; blanda autem manu attrectati, generosi & audaces redduntur. Inter canes item ii nobiliores, quos blanditiis, & licentia quadam excurrendi potius, quā minis & uerberibus uenatores educarunt. Simile quiddam in hominibus accidere credendum est. Cōtrā uerò in asinos, quoniam abiectissimę naturę, pigerrimęque animantes sunt,

si ex iis utilitatem capere studemus, fustes & flagella solemus expédire. Sic prorsus agrestibus & feruilibus ingeniis faciendum, quorum uitia non ut frondes tenerę stringendę, sed ut spinę & rubi penitus succidenda sunt. Quid, quod multa uapulantibus dicta de formia, ac maximę uerēcudię futura uel dolore, uel metu solent accidere? Hęc porro nō ideo dixerim, q̃ existimę solutam ac liberam pueritię ad oīa uolūtatem esse oportere, neq; ullā ipsi pœnam irrogandam, quam ad delicta nimio plus propensam & lubricam esse non me fugit: sed ut mitis quędā & moderata pœna, cū iudicio prudentiaq̃ue, tanquam lene medicamentū ad ipsius curāda uulnera morbosq; sanandos adhibeatur; quo fiet; ut longē melius, longeq; facilius à suis uitiiis ad studium amoremq; uirtutis traducatur, neque Magistros odio prosequatur ut carnifices, sed amet ut parētes. Possit igitur nō stultus ludimagister, siquid benefecerint pueri, aliquādo commendare, si quid errauerint, dissimulare: nonnunquam blandē emendare, & cum laudationibus castigationes permiscere; munusculis etiam & crustulis interdum eos ad diligentiam allicere: celebrare eos qui probitate & scientia claruerunt, detestari autem, qui ueluti muta pecora uitam silentio transierunt. Condiscipulos item peccantes coram ipsis reprehendere, & rectē facientes prædicare, mirum inmodum proderit. His ego similibusq̃ue modis plus profectum iri apud adolescentulos putarem, quā atrocibus minis assiduisq̃ue uerbis. Non ne scis quid Terentius tuus quodam loco sentiat:

Pudo-

Pudore & liberalitate, inquit, satius esse credo retinere liberos quàm metu. *M.* Sententiæ tuæ in speciem graui & prudenti communis omnium gentium consuetudo reclamationat, & sapientes hunc modum cædendi pueros planè suadent, & sacrosanctæ literæ non uno loco uirgarum flagellorumque meminuerunt. *Qui diligit filium suum, assiduatur illi flagella, ne lætetur in nouissimo suo. Curua ceruicem eius in iuuentute, & tunde latera illius dum infans est, ne fortè induret, & non credat tibi, & erit tibi dolor animæ. Qui parcit virga, odit filium. Stultitia colligata est in corde pueri, & virga disciplinæ eradicabit eam. Noli subtrahere à puero disciplinam: si enim percusseris eum virga, non morietur.* *P.* Obruis me testimoniis. *M.* Quid si nullum omitterem? magis id diceres. Itaq; *D.* Augustinus in libris Confessionum, quòd socordior esset in discendo, se vapulasse, idq. sibi profuisse narrat. Apud Lacedæmonas uitio dabatur patri, si filium à Magistro percussum & conquerentem non iterum percussisset. Quod si hoc seculo ualeret, melius forsitan ageretur cum Repub. tam perditam ac rebellem iuuentutem non haberemus, nec tot facinorosi atque peltiferi ciues existerent. Persuadere sibi omnino & parentes, & Præceptores debent, nisi principiis anteuertant, puerosq. flexerint, dum flecti possunt, fore, ut aliquando ex iis dolorem ingentem capiant, à quibus gaudium uoluptatemq. expectabant: & id est quod sanctæ scripturæ oracula vaticinantur. Ceterum ista uerberatione utendum est moderatè, nec quauis, etiam leuissima de causa, nisi si frequenter committant, quamuis in re le-

uiuitiosa enim consuetudo contrahitur, & à paruis delictis non punitis ad maiora fit progressio. Submouendi meo quoque iudicio à scholis, qui uerberando uoluptatem sentiunt, omnemq. culpam capitale faciunt, nec magis parcendum pueris quàm canibus existimant. Cauendum etiam ne irati quenquam plagis multent; ira quippe medicritatem seruare non potest: & ne caput, ceterasq. principes ac uitales humani corporis partes lædant, unde ualetudini incommodum generetur. Si quis erit tam liberali ingenio, ut literas & uirtutem ultro diligat, uerecundus, maioribus obediēs, labores non recusans, aliquando tamen peccans (quis enim uel sapientissimus nunquam ulla in re offendit?) hic blandè, & dulci quodam modo corrigendus erit, ne ad iracundiam prouocetur, & pusillo animo fiat. Si qui uel reprehensionibus, uel uerberationibus, magis tãquam saxa indurescant, iis pulsandis supersedendum est. Quamobrem non est interdicens Magistris hoc pœnæ sumendæ genus; sed si per semetipsos non uident, admonendi sunt, ut modum seruent, sciantque & quibus, & quando, & quantum pœnarum infligendum. P. Obstruxisti mihi os, serua institutum tuum. Si in posterum puer meus de te questus fuerit, Lacedæmonius illi fiam, iterum uerberabo, ut conqueri desinat; & cùm me approbare sciat quidquid tu feceris, si effugere uerbera concupiscat, cupidius ad studia sua incumbat. M. Tali patre nihil laudabilius.

F. I. N. I. S.

# IN PROGYMNASMATVM

## VOLVMEN PRIMVM,

### ANNOTATIONES.

#### Ad Progymnasma Primum.



PROGYMNASMA. *[sive Dialogus]* Qui tyrones suos ciendis belli simulacris, seu ludicris quibusdam certaminibus ad vera praelia seriosque conflictus ineundos prius exercent ac præparant; quiq; alijs in rebus & artibus idem faciunt, προγυμνασαι, & antecedentes illæ exercitationes προγυμνάσματα dicuntur; quas ver-

bum è uerbo præexeritationes, seu, ut Priscianus, præexercitationes appellaueris. Sic Athonius libro suo, quo ingenia dicendi studioforum ad eloquentiam præcolit, Progymnasmatum indicem dedit. Ego itaque, cum iam inde à principio laboris mei progymnassten me esse optauerim; & enisus sim: hoc est, adolescentes quotquot in Humanitatem traderent operam, siue illi in scholis superioribus, siue in inferioribus versarentur, latinæ linguæ mylterijs initiare, & ad eius in omni uita usum quasi umbratilibus pugnis præparationem ipsis adhibere contenderim, non incommode uideor hæc scripta mea nominare Progymnasmatum. Viues etiam Exercitationem lingue latinæ suum libellum inscripsit. Cum autem in hoc genere scripturæ Dialogorum contritissima sit appellatio, nec ego repudiandam censui. Quare libente me seu hoc, seu illo vocabulo quisque utatur. *Doctorem literarum*] Magistros Grammaticæ honoratius ita uocabimus, uoce nimirum generali, respicientes ipsum nomen artis, quod a literis ductum est. καὶ τῶν γραμματικῶν quippe ἡ γραμματικὴ, & pro Grammaticis item dicuntur literatores; ut Sylla quidam apud Catullum. Suet. de illust. Grammaticis, Appellatio Grammaticorum Græ-



ea consuetudine inuauit, sed initio literati vocabantur. *Bo-*  
*dem respexisse videtur M. Tullius 1. de Orat. apud quem est*  
*his uerbis: Quis musicis, quis huic studio literarum, quod pro-*  
*fitentur ij, qui Grammatici uocantur, &c. Idem alias cum de*  
*Grammaticæ rebus loquitur, literas uocat. In Pisonem: Quid*  
*nunc te, asine, literas doceam? non opus est uerbis, sed fuiti-*  
*bis. Non dixi hanc togam qua sum amictus: nec arma, scutum*  
*aut gladium, & quæ sequuntur. Qui in Academijs hanc artem*  
*proficientur, latinæ linguæ Professores audire uolunt, & ipsi se*  
*hoc modo nominant. Id neque falso, quod omnes uident, ne-*  
*que iniuste, quando Grammatici nomen uile hoc seculo, &*  
*despectum est. A primordio ætatis, &c.] Loquendi genera haud*  
*diuerfa, & ex quæ uenusta sæpenumero ex probatissimis elegan-*  
*tissimisque scriptoribus in hisce annotationibus ea mente il-*  
*ligabimus, ut hæc dona nostra studio disposita fidei, ut ait Lu-*  
*cretius, tanquam nouis semper munusculis cumulemus, & cu-*  
*pidis elegantiarum adolescentibus quàm gratissimum facia-*  
*mus. Sunt ergo eadem huic. Ab adolescentulo, ab adolescentu-*  
*lis, ab ineunte, à prima adolescentia, ab ineunte, à prima æta-*  
*te, ab initio ætatis, à primis temporibus ætatis, à puero, à pue-*  
*ris, à pueritia, à paruus, à paruulo, à puero paruulo, à pusillo pue-*  
*ro, à tenero. à teneris, à teneris unguiculis, quod Græci εἰς ἄπα-*  
*λὼν ὀνόμαζον. Quibus odoribus testa] Horat. epist. 2. li. 2. Quo te-*  
*mel est unbuta recens seruabit odorem, Testa diu. Quo carmi-*  
*ne quàm nihil uerius, tam nihil peruulgatius. Geminum huic*  
*est, quod ex Ciceronis Hortensio producit Nonius. Ut qui cõ-*  
*bibi purpuram uolunt, sufficiunt prius lanam medicamentis*  
*quibusdani: sic literis talibusq; doctrinis ante excoli animos,*  
*& ad sapientiam concipiendam imbui ac præparari decet. Si-*  
*milis de insectoribus & lana Plato in 4. de Repub. & Aristot.*  
*2. de Moribus: ὅ μιν δὲ διαφέρει τὸ οὕτως ἢ οὕτως ἐν τῇ ἐκ νέω*  
*ἐθίζεσθαι ἀλλὰ τὸ πάντοτε, μᾶλλον δὲ τὸ πάντῃ. Non parum*  
*refert, sed permultum, utrum sic, an sic à pueris assuescamus:*  
*imò verò totum in eo positum est. Huc pertinuerit exemplum*  
*Lýcurgi de duobus canibus dissimili ratione educatis. Plutar.*  
*de lib. educ. Quod mihi familiatq;] Cic. 1. de Diuinat. Neque so-*  
*lùm Deorum uoces Pythagoræ obseruabant, sed etiam homi-*  
*nium quæ uocant omnia, quæ maiores nostri quia ualere crede-*  
*bant,*

bant, idcirco omnibus rebus agundis: *Quod ad bonum, faustum, felix, fortunatumq; sit*, præfabantur. Varro lib. 5. de ling. lat. Vbi noctu in templum censura auspicatur, atq; de cælo nunciatum erit: præconi sic imperato, ut viros vocet. Quod bonum, fortunatum, felixq; salutareq; fiet populo Romano Quiritium, rei q; publicæ populi Romani Quiritium, mihiq; collegæq; meo, fidei magistratuiq; nostro, &c. Liuius lib. 1. Quod bonum, faustum, felixq; sit, inquit, Quirites regem create. Idem. Quod bonum, faustum, felixq; sit pop. Rom. ac mihi vobisque Albani. Talia sunt apud Plaut. Aul. Dij bene uortant. Ibid. Quæ res bene uortat mihiq. tibiq. , tuæq. filia. Et in Capt. Quæ res bene uortat mihiq. meoq. filio, vobisq. vult te nouus herus operam dare, &c. Et in Trin. Vxor venerare, ut nobis hæc habitatio bona, fausta, felix, fortunataq. eueniat. Et ibidem. Quin fabulare, Dij bene uortant, spondeo? Virg. eclog. 9. Hos illi, quod nec bene uertat, mittimus hædos. Liuius lib. 1. Quod bene uertat, castra Albanos Romanis iungere iubet. Apud Ciceron. pro Muræna. Idem ego precatus sum, ut ea res faustè, feliciter, prospereq. eueniret. *Solemne suum*] Tenere seruare solenne suum, est tenere institutum suum. Cic. ad Att. lib. 7. Tantum igitur nostrum illud sollemne seruemus, ut nè quem istuc euntem sine literis dimittamus. *Quotum agitas annum*] Verbum agitare Sallustio sæpius est in ore. Vita hominum sine cupiditate agitabatur. Agitabant magis magisque in dies animus ferox. Beneficijs magis quam metu imperium agitabatur. Gaudium atque lætitiā agitabant. Quæ mente agicauī, & alia multa. *In hoc meo Gymnasio*] Loca in quibus nudi luctarentur, seseq. exercerent, dicta sunt gymnasia, *παρα τὸ γυμνάσιον*, nudo. Ipsa exercitatio, palæstra. Hieronymus Mercurialis libro de arte gymnastica. Placuerunt deinde illa loca philosophis, in quibus disputationes suas habere ceperunt, quod indicatur item 2. de Orat. Nunc pro quibusvis diatribis, & quibuscunq. locis ad docendas literas destinatis ea uox capitur. *Veniētibz annis*] Horat. ad Pison. Multa ferunt anni uenientes commoda secum, Multa recedentes adimunt. Veniunt anni dum iuuenescimus: recedunt dum senescimus. Seu, anni uenientes sunt ab infantibus usque ad mediam & uirilem ætatem: recedentes, à virili ætate ad sepulcrum. *Postquam luxerit*] Simul ac cælum albescere con-

perit, seu, ut Cæsar 1. de bell. Ciuili, albente cælo, cum primū dies orta fuerit, Primū aurora nouo cum spargit lumine terras, cum sol ortus sua luce conuestit ac perfundit omnia, ut eleganter Lucetius in 2. cum prima luce, diluculo, primo diluculo. Hoc enim vult, lucere, diem uidelicet, ac lucem esse. Cic. pro Sex. Roscio. Occisus est à cæna rediens Nondum lucebat, cum Ameriæ scitum est. Catullus ad Caluū. Nam si luxerit, ad librariorum curram scriinia. Plaut. Milite. Priusquam lucer, assunt. Apud hunc & Terentium non raro, lucet hoc, lucefciet hoc subaudiendum cælum, aut interuallum quod inter celestes orbcs terram quæ interiectum est, quod digito uidentur ostendisse, ut proinde illud, hoc, *δεικτικῶς* accipiatur. Cicero epistola 4. lib. 15. Expedito exequitu ita nō stu iter feci, ut ad III. Id Octobr. cum luccsceret, in Amanum ascenderem. *Diuis bene iuuans bus*] Liuium. Ennius dixit: Cum magnis dijs uolentibus. Gellius lib. 18. cap. 10. Cum dijs bene uolentibus. Communia sunt illa, Deo fauente, Deo annuente Iacobus Apostolus cap. 4. sic docet Christianos loqui, & bene ominari. *ἀὐτὸ κύριος θελήσῃ, καὶ ποιήσομεν τὸ τοῦτο, ἢ ἐκείνο.* Si Dominus uoluerit, uiuemus, & hoc aut illud faciemus. In Xenophonte passim hæ formulæ occurrunt: *σὺν θεῷ, σὺν τοῖς θεοῖς, καὶ θεοῖς, θέλῃ, θεῶν συνθελοῦντων, θεῶν ἰέλων, ἢ μεθεὶς μετὰ βλάπτης, εἰ δὲ θεὸς μὴ ἐναντιῶτο.*

## AD PROGYMNASMA. II.

**[In scholam itare]** Quo pacto & hic & alibi, uisitare scholam, & sine casu, uisitare, sedissimum loquendi modum correximus, pueri obseruent *Ταχὺς ἐστὶ*] Latini imminutionem & extenuationem dicunt, quam Græci *μέλιωσιν* & *ἐλάττωσιν*, per quam se tetigisse aiunt, qui seu dicto, seu facto grauiter quempiam læserunt, aut eum durius etiam uerberant. Terent. Eunuch. Quo pacto Rhodium tetigerim in conuiuio, id est, dicto aculeato pupugerim. Catull. uelut prati Vltimi vsq; flos, pretereunte postquam Tactus aratro est. Propert. Quem tetigit iactus certus ad ossa Deus. Vsurpatur item tangere, pro fallere, fraudare, circumuenire, decipere. Plaut. Epid. Istis adeo tetigi tetiginta minis. Et Pseudol. Si neminem alium poterō, tuum

tuum tāgam patrem. Sic usus est verbo, ferire, Terent. Phorm.  
*Haud minus differant*] Aristotelis est. Aristippus interroganti,  
 quare esset melior euasus filius. si eum curaret literis insti-  
 tuendum. Ut nihil aliud, inquit, certè in theatro non sedebit la-  
 pis super lapidem. Huiusmodi apophthegmata, & sententiæ  
 antiquorum, quæ in promptu sunt, multum ad collaudandas  
 literas ualebunt, & materiam ad dicendum non mediocrem  
 suppedirabunt. *Familiam duces*] Qui in re aliqua primum obti-  
 nent locum, primamq. laudem promerentur, ij ducunt fami-  
 liam. Tralatio ab his, qui, quod potestate, aut honore, aut scienti-  
 tia præstant, ceteros ducunt & comites habent. Vide Muret.  
 lib. 4. cap. 17. & Manut. in Ciceron. epist. 5. lib. 7. *Pomorum, fæ-  
 cum*] De hoc more rursus dialogo 45. & 76. Meminit  
 eiusdem Horat. Satyra 1. lib. 1.

*ut pueris olim dant crustula blandi*

*Doctores, elementa velint ut discere prima.*

Plato in 7. de Repub. non ui cogi pueros ad disciplina, sed lu-  
 dentes potius inuiari vult; ut appareat, ad quod quisq. genus  
 studiorum naturâ sit idoneus. Veruntamen non debent iidem  
 semper flare uenti, & scitum est: Nunc pluit, & claro nunc  
 Iuppiter æthere fulget. Vide dialogum huius uoluminis po-  
 stremum. *Mulierumque ancillarum*] Sallustius Iugurtha. Cum  
 interim Hiempsal reperitur, occultans se in tugurio mulieris  
 ancillæ. Omnis ancilla mulier, non quæuis mulier ancilla. Te-  
 rent. And. Mirum uerò, impudenter mulier si facit mæretrix.  
 Cæsar. lib. 3. de bello Gall. digitus pollex. Talia uidentur apud  
 classicos scriptores, terrâ Gallia, terrâ Italia, terrâ Græcia, ter-  
 ra Campania, & alia huius generis. Duobus hisce progymnas-  
 matis utcunq. erga parentes, cum adducunt ad ludum filios,  
 & erga ipsos pueros officium Magistri expressum est. Et quo-  
 niam permagni inter est, quo se ille modo gerat aduersus di-  
 scipulos, siue ut literis, siue ut bonis moribus excolantur, hoc  
 & altero uolumine passim illius munus describere annitemur.

## AD PROGYMNASMA. IIL

**I**n *Phronisterium*] à verbo *φρονίσις* cogito, meditor, com-  
 mentor, deflectitur *φροντιστήριον*, locus ad commentandum,

T + medi-

meditandum, cogitandum. Locus nempe, in quo cogitationes & sensa nostra explicamus, atque ad audientes proferimus. Accomodatur ad scholam: ibi siquidem Magistri discipulis sua, & auctorum quos interpretantur cogitata mentemque explanant. *Διδασκαλεῖον* quoque dici potest à docendo: *διδάσκω* namque est doceo. *σχολή* est otium & cessatio. Hinc schola, quod à ceteris negotijs omnibus vacui atque liberi in ea vnis tantum studijs impertiri nos debeamus. Eodem vocabulo disputationes & controuersie inter doctos agitate, & que stionum denique non leuium tractationes significantur. Gellius cap. 26. lib. 1. diatribam nominat, græca item voce: ob studium scilicet operamq. liberalem, qua tempus discendo atque audiendo consumimus. Latine ludus, quoniam generatim locus in quo quis exercetur, sic dicitur. Ludus gladiatorius, ludus musicus, ludus fidicinus, ludus palæstræ. Ac meritò quidem, quando, vt alicubi Cicero ait, discendi voluptas potius est, quam labor. Addimus interdum, literarius. Hinc ludum aperire Cic. 1. Tuscul. loquens de Dionysio; quod parum latine quidam; professionem suscipere. *Vacillant versus*] Quid hoc sit, sequentibus statim verbis declaratur. Cic. epist. 15. lib. 16. Accepi tuam epistolam vacillantibus literulis. Nec mirum, tam graui morbo. Vacillare memoria, dixit ad Atticum. *Doctrina quoque lari*] Vulgata ac propemodum vera opinio. Istuc enim negotium illi *ὑπερῶνται τῇ φροντίδι*, quemadmodum Anacreon Polycrati Samiorum tyranno quinque talenta, quibus ab eo donatus fuerat, & ob quæ duabus noctibus somno caruerat, restituens dixisse fertur. Theodosium minorem, Arcadij F. iam ad clauum sedentem memorat Nicephorus cap. 3. lib. 14. describendis libris mirè delectatum, & *καλλιγραφώτατον* fuisse, multaq. eius manu exarata ad suam ætatem permanuisse, potuisseq. ipsum ea scientia vitæ sumptum tolerare. *Quod vitium senectus*] Tenacitas & auaritia senum, effusio iuuenum est. Illi quærent, & inuentis miserī abstinēt, ac timent vtī; quoque minus restat via, eò plus corradunt viæ, quo nihil absurdius. Hi vitium tardi prouiso- res, prodigi æris, vt inquit ad Pisones Horatius. *Necessitudo postulauerit*] Necessitas & necessitudo, sicut suauitas & suauitudo, sanctitas & sanctitudo idem sunt, & vtræque vox con-

iunctionem benevolentiae, seu familiariorem amicitiam, consanguinitatem, & id quod necessum est significat. Gell. lib. 13. cap. 3. apud Sallustium quidem posterius frequenter sanè. Vide insuper Manut. in epist. ultimam lib. 2.

## AD PROGYMNASMA IV.

**Q**uò te pedes? ] Virg. eclog 9. Quò te Mœri pedes? an (quò via ducit) in urbem? Subaudimus, ducunt, portant, aut simile quid. *Ain' tu pridem* ] Ain' tu? &, ain' tandem? dicere consueuimus ea de re interrogantes, quæ ab alio dicta, admiratione nos affecit. Cic. epist. 21. lib. 9. Ain' tandem? in sanire tibi videris, quod imitere verborum meorum ut scribis, fulmina? Ad Att. lib. 4. Ain' tu? existimas ab ullo malle mea legi probari? quàm à te? Et epist. 1. lib. 6. Ain' tu? Scipio hic Metellus proauum suum nescit censorem non fuisse? Terent. And. Ain' tandem? ciuis Glycerium est? Hecyra. Ain' tu tibi hoc incommodum euenisse iter? Plaut. A sinaria. Ain' tu meum uirum hic potare? Consule Manut. in epist. 21. lib. 9. *Pomeridia um tempus* ] De meridiatione seu somno meridiatione seu somno meridiano nos quædam differemus uolumine tertio, cum de re medica & morbi s agemus. Plaut. Mostell. Non bonus somnus est de prandio. *Excnera te metu* ] Amoue metum, timorem abijce, depone, omitte.

## AD PROGYMNASMA V.

**P**rinceps fleas ] Vocabulum, princeps, apud maiorum gentium latinos auctores frequentissimè non dignitatis, sed ordinis est. Atque inde natum arbitror, ut dignitatem quoque significaret. Etenim qui aliquo in ordine primi sunt, ferme etiam cæteris antecellunt. Cic. de Iuuent. Exordium princeps omnium debet esse. Idem ad Att. lib. 2. Ego princeps in adiutoribus, ego secundus. Et Accusat. lib. 2. Omnium nationum princeps Sicilia se ad amicitiam & fidem populi Romani applicuit. Cæsar lib. 1. de bello Gall. Ea pars princeps pegas perfoluit. Lucretius lib. 1. de Iphianassa, seu Iphigenia Agamemnonis.



*Nec misera prodesse in tali tempore quibat,*

*Quod princeps patrio donarâs nomine Regem.*

Id est, quod prima patrem fecisset Agamemnonem, cum ante sorores, & ante fratrem esset progenita. Horat. Ode 16. lib. 1.

*Fertur Prometheus addere principi*

*Limo coactus particulam undiq.*

*Defectam.*

Principem limum uocat lutum, seu argillam, è qua poetæ fictum primum hominem à Prometheo Iapeti filio fabulantur. Ouid. lib. 1. Metamorph. Rursum Horat. Ode ult. lib. 3. Princeps Æolium carmen ad Icalos, Deduxisse modos. Ait se primum inter latinos Lyricum exitisse, ante se nullum. Virgil. 5. Æneidos de nauibus Æneæ.

*Princeps ante omnes densum Palinurus agebat*

*Agmen, ad hunc alij cursum contendere iussi.*

Plura testimonia pluresq. auctores mitto prudens, ne paulò humaniori uidear soli lumen mutuare. *Fleat*] Lamentari propriè mortuos dicimur, & mulieribus hoc verbum magis conuenit. Terent. And. Quia tum mihi lamentari præter ceteras uisa est. Et Phorm. Miseram, suam matrem lamentari mortuâ. Cic. de Orat. matremne ut miseram lamentantemq. uideam? Pacuius. Conqueri fortunam aduersam, non lamentari decet. Id uiri est officium. Fletus muliebri ingenio additus. Flere est emittere lacrymas & uocem: plorare, lacrymas tantum. Gemere in pectore. Eiulare est sublata uoce flere, quod ad mulieres pertinet. Lamentari est uoce querula & tristi oratione calamitatem testari suam. Hæc Muret. in Terent. *Dixi*] Lepidè, quasi contra eos egisset in iudicio. Nam oratores causâ perorata addebant, *Dixi*. Et hoc erat mittere in consilium: Id est, Iudices dimittere ad dicendam sententiam. Budæus in Pandect. Euripid. *ἔρπτοι ὁ λόγος*. *Iste Harpocrates*] Deus quidam apud ueteres ita effingebatur, ut primo digito labris admoto silentium indiceret, qualis Romæ Angerona Dea colebatur. Reddere seu efficere quempiam Harpocratem, est illi silentium imponere, cum quasi mutum & elinguem reddere. *Oculi dolent*] Inuidi aliena bona intuentes ægrescunt, & dum carpunt, ipsimet unâ carpuntur. Liuescunt oculi, marcescunt

inta-

inabescitq. corpus. Pulchrè epigramma græcum lib. 1. Invidentiæ quidem esse malum maximum, hoc tamen boni habere, quod invidentium non oculosq; consumit.

Ὀφθαλμοὶ ἐστὶ καὶ αἵματι, ἐχ' ἡ δὲ τι καλὸν ἐν αὐτοῖς

τίκει γὰρ φθονερῶ μὲ μματα καὶ κραδίη.

Descriptio Invidiæ est apud Ouid Metamorph. 2. & in Appendice Virgiliana, illo incerti auctoris Phaleucio; Liuvor rabili cū malis venenum. *Laneis pe dibus, & quo tardius*] Paræmia, Dij laneos habent pedes. Quo docemur, diūmum numen ad capiendas de sceleratis pœnas non festinare. In eos tamen nec opinantes tandem animadvertere, & plerunq. quò seriùs, eò seueriùs. Cæsar lib. 1. de bello Gall. Consueſſe Deos immortales, quo grauius homines ex commutatione rerum doceant, quos pro scelere eorum vlciſci velint, his ſecundiōres interdum res, & diuturniorem impunitatem concedere. Tibull. lib. 1. Serastamen tacitis pœna venit pedibus. *Phocioni Atheniensis*] Centum talenta misit Rex Phocioni. Idem Xenocrati quoque magnam vim pecuniæ. Ad C. Fabricium Romanum Samnites multum auri attulerunt. Hi omnes qua animi magnitudine oblata recusauerint, quidq. fecerint ac responderint, vide Plutarchum in Phocione, & in Apothegmatis Regum ac Ducum. Cic. in Catone. Ælium lib. 1. Laert. in Xenocrate, Gellium lib. 1. cap. 14 *Visceribus æneis*] χαλκέντερος, id est, ænea seu ferrea intestina habens. Sic cognominatus est Didymus Grammaticus, quem librorum 4. millia scripsisse affirmat Seneca epist. LXXXVIII. vbi etiam docet, quàm inanes quæstionculas sit persecutus. Propter indefessum in studijs, scribendisq; libris animum etiam Origenes dictus est Adamantius. *Cribrum carnicinum*] Plaut. Moll. 1.

O carnicinum cribrum, quid credo fore,

Ita te forabunt paribulatum per vitas

Stimulis, si huc reueniat senex.

Indicat loris, flagris, & uirgis eius pell em ita laceratum, perforatum ac pertusum iis à lorarijs tanquam carnicibus, furcam in collo per viciniam gestantem, prædicantemq. delictū suū, quod seruis alicuius facinoris compertis fiebat, vt cribri speciem exhibere uideatur. *Ad pedes accidat*] Germana huic; Ad genua seu genibus accidere, procumbere ad genua, ad pedes

se abijcere, ad pedes procumbere, procidete, ad pedes se pro-  
uoluere, Græci προσπίπτειν. Cur autem supplicantes ad genua  
caderent, eaque tangerent, causa affertur, quod illa conse-  
crata essent misericordiae, ut dextra fidei, aures memoriae,  
frons pudori, seu Genio, digiti Mineræ. Seruius in Eclogam  
6. Iunius lib. 2. cap. 11.

## AD PROGYMNASMA VI.

**A**desdum] Ades, imperatiuum est, dum, παρέλκεν. Est enim  
productio & adiectio syllabæ, ut Ehdum ad me. Donat.  
in And. Non tam verò significat, veni huc, quam hic esto, hoc  
age, attende, ades animo. *Qui?* ] Festiue per verbum eius qui  
cum loquimur, ac præsertim extremum respondemus aut in-  
terrogamus. Cuius festiuitatis exempla in Plauto & Teren-  
tio sexcenta, & in hisce quoque dialogis non pauca. Abdu-  
camus tamen aliquot. Terent. And. Factum est hoc Daue? Da-  
factum. Ibi. Aut si tibi nuptiæ hæ sunt cordi. P. Cordi? Idem Phor-  
Seis ne hoc certò? G. Certò. Plaut. Amphit. Ain' tu geminos?  
B. geminos. Cic. pro Sex. Roscio. Patri, inquit, nō placebat. Pa-  
tri non placebat? *Somnum hand sinebat*] Cura vehemens & af-  
fectus ingens insomniam conciliant. Quare sub noctem de-  
faciendus est animus, ut sopor suavis oculos operiat, quo se  
priuatum propter immodicam ex versuum eius elegantia con-  
ceptam delectationem Catul. ad Licinium conqueritur. Et Ci-  
ce. ad Attic. Aegritudo me somno priuauit. *Tisiphone*] Furias  
Acherontis & Noctis filias tres inducunt Poetæ, Tisiphonen,  
Alecto, & Megeram, de quibus Ouid. in 4. Metamor. & in 6.  
Æneid. Virg. *Corium conscribam*] Plautus dixit, virgis dorsum  
scribere. Et in Pseud.

*Quasi in libro cum scribuntur calamo literæ,*

*Solis me totum vsque vlineis conscribito.*

Corium autem persæpe humani corporis pellem iocosè no-  
minat. Catull. quoque ad Thallum, à quo pallium sibi & suda-  
rium surreptum indignatur:

*Quæ nunc tuis ab vnguibus reglutina & remitte,*

*Ne laticem, latifsculum, manusque mollicellas*

Inuista

*Instit. turpiter tibi flagella conscribillens.*

Hoc verbi, conscribillo, ex Varrone iterum affert Nonius.

# AD PROGYMNASMA VII. IX. X. XI.

**P***arvissimis*] Hoc superlativo semel, iterum, ac tertium vsus est Lucretius lib. 1.

*Præterea nisi erit minimum, parvissima quæque  
Corpora constabunt ex partibus infinitis.*

Data est a nobis opera hoc progymnasmate, itemq. in alijs, vt de scholasticis rebus inuentum aliquanto latinus loqui doceremus, de quibus plurimi ne barbarè quidem, & inquinatè possunt verba facere, cum & simplices harum rerum voces, & earum coniunctionem penitus ignorent. Sciendum nihilominus, in similibus circuitionem, metaphoram, catachresin esse necessarias. De literis scitè formandis libelli exstant, de latinis inquam, æquè vt germanicis. *Quid tandem utilitatis*] Dux utilitates *καλλίγραφα* infra afferuntur, & ab illo loco *Principio me adiuvit*] rationes quinque enumerantur, quibus pueri elementa calamo perficere docebuntur. *Festina lentè*] Augustus Imperator & dicere in sermonibus & scribere in epistolis solebat *σπεῦθε βραδέως*. Per quod monebat, vt ad rem agendam simul adhiberetur & industriæ celeritas, & diligentia tarditas. Gell. lib. 10. cap. 11. Idem crebrò iactabat illud: *sat celeriter fieri, quidquid fiat satis benè*. Sueton. Octavio, cap. 25. *Novissimo loco*] Gell. lib. 10. cap. 21. hoc verbum Ciceronem fugisse affirmat, vt etiam adverbium nouissimè, quibus tamen plures illa ætate vterentur, quod ea veluti non latina haud probaret. Verùm priore vsus est pro Q. Roscio. Alterum habes epist. 24. lib. 10. Planci ad Ciceronem. *In typographia*] *τυπογραφία* locus est, vbi formis æneis libri describuntur, typographia ipsa descriptio, seu *γραμματόθεσις*. Male igitur: in typographia fui, si locum intelligas. *Bonum factum*] Plautus Pænulo. Bonum factum est; edicta vt seruetis mea. Erit horum vsus propriè in edictis, quibus illa veteres boni ominis causa præponere ac præscribere solebant. Turreb. lib. 3. cap. 22. *En, probe*] Scripseram ego, Eu, particula appro-

approbantis seu laudantis. Gracè *εὖ*, benè, rectè, optimè. Verùm operæ in, En, mutauerunt.

## AD PROGYMNASMA XII.

**F***rustum discipuli*] Qui non est integer, qui non est totus discipulus, non verus, non germanus discipulus. Causa patet. Plautus Rudente propriè & per hyperbolèn. Loquere tu etiam frustum pueri? Id est, qui propter brevissimam staturam tuam magis dicendus es pars pueri, quàm puer. *Intima tunica*] Sic Gell. lib. 10. cap. 15. Vulgò indusium, subucula. Quidam non insulsè, lineæ, & lintea tunica. *Ausim sponsionem facere*] Quid sit sponsio, quibus verbis conciperetur vide Sigonium lib. 1. de iudicijs, cap. 21. & Budæum in Pandect. Exponit etiam, quid sit sponsione & sacramento contendere. Manut. in epist. 21. lib. 7. &c. *Gallus canentes*] Martialis lib. 14. Cristatas lucis aues pulcherrima periphrasi appellat.

*Surgite, iam vendit pueris ientacula pistor,*

*Cristataeque sonant undique lucis aues.*

Lege fabulam Æsopi de muliere vidua & ancillis, quas ad galorum cantus excitare ad opera consueuerat. *Endymionas*] Canunt Poetæ Endymionem à Ioue somnum petiisse perperuum & captum amore Lunæ, quoniam hominum primus, ut ait Plinius lib. 2. cap. 9. motus eius varietatem ac dissimilitudinem deprehendit. Cic. 1. Tusc. Quasi verò quisquam ita nonaginta annos velit viuere, ut cum sexaginta confecerit, reliquos dormiat. Ne sues quidem id velint, non modo ipse. Endymion verò, si fabulas audire volumus, nescio quando in Latmo obdormiuit, qui est mons Carix, nondum (opinor) experrectus, &c.

## AD PROGYMNASMA XIII.

**P***er transfennam*] Prouerbiū, ortum à negotiatoribus & mercatoribus, qui cancellos vimineos, aut ligneos mercibus obijciunt, quæ transfennæ dicuntur, quod per eas aspectus transeat. Per huiusmodi igitur transfennas non sigillatim sed summam, nec prope, sed procul res videntur. Cic. 1. de Orat.

Quin

Quin tu igitur facis idem, quod faceres, si in aliquam domum plenam ornamentorum venisses? si ea seposita, ut dicis, essent, tuq. valde spectandi cupidus esses; non dubitares rogare dominum, ut proferri iuberet, præsertim si esset familiaris: similiter nunc petes à Crasso, ut eam copiam ornamentorum suorum, quam constructam vno in loco quasi per transfennam prætereuntes strictim aspeximus, in lucem proferat, & suo quidque loco collocet. Ut igitur per transfennam aliquid inspicere, est non prope, nec diligenter, & in transitu inspicere, sic quasi per transfennam aliquid agere, erit id ipsum agere obiter; translatione ab oculis ad sensus alios, id quod sæpe fit. *Leui brachio*] Hoc, ut etiam illo, molli brachio; opera indiligens significatur. Hinc molli brachio aliquem obiurgare, leui brachio aliquid agere. Cic. ad Atticum.

## AD PROGYMNASMA XIV. XV.

*[Dem peccatum peccare]* Atticismus est χαίρειν χαρὰν, φόβον φόβειν, σπώνδα: σπένδειν, & similia multa, quæ medio-criter græcè doctus nouit. Latini eodem modo, furere furorem, gaudere gaudium, canere cantilenam, currere cursum, somnare somnium, metere metilem, pugnare pugnam, ludere ludos, aut ludum, quo postremo usi sunt Plaut. Mostell. Terent. Eunuch. Horat. Ode 29. lib. 3. *[Undeuiginti]* Sic undetriginta, undequadraginta, undequinquaginta, & deinceps. Vnum de uiginti si auferas, manent decem & nouem; ita in alijs. Similis modus est, duodeuiginti, duodetriginta, duodequadraginta. Ambobus crebro boni auctores utuntur. *[In quem exempla fient]* Puniendorum peccatorum rationes tres adducit Gellius lib. 6. cap. 14. Tertia ratio uindictæ est, inquit, quæ *παράδειμα* à Græcis nominatur: cum punitio propter exemplum necessaria, ut ceteri à similibus peccatis, quæ prohiberi publicitus interest, metu cognitæ pænæ deterreantur. Idcirco veteres quoque nostri Exempla pro maximis grauissimisque pænis dicebant. Iam Latini dicunt exemplum prodere in aliquo, ut Cic. pro Flacco. In aliquo exemplum statuere, ut idem in 4. Verr. Exempla cruciatus edere in aliquem, ut Cæsar 1. de bell. Gall. Exempla edere, ut Terent. Eunuch.

Exem-



Exēpla faciam ego in re, aut sine præpositione, ut quidam legunt, est apud Plautum. Mollitell.

## AD PROGYMNASMA XVI.

**O***Mnium punctis*] Horat. ad Pisones. Omne tuis punctum, qui miscuit vtile dulci. Circumferebatur tabella in comitijs, in qua cenurię puncto appposito declarabant, cui candidatorum ad magistratus honorem suffragarentur. Omne igitur punctum ferre, est omnibus omnium sententijs atque suffragijs aliqua re dignum, seu in aliquo præstantem iudicari, seu placere vniuersis. Cic. Tuscul. 4. Quid de nostris ambitionibus, quid de cupiditate honorum loquar? Quæ flamma est, per quam non cucurrerint ij, qui hæc olim punctis singulis colligebant? *Pugnis se onerabant*] Plaut. Amphit. Onerandus est pugnis probe. Sic onerare maledictis, in Plaut. Onerare legitia senem, in Cap. Cic. in epist. Onerare aliquem mendacijs. Plauti sunt etiam, pugnum impingere Bacchid. Pugnis aliquem contundere, ibidem. Pugnum in os impingere. Rud. Pugnis cadere. Amphit. Pugnis concisus, ibid. Et alicubi, pugnis pectere. *Dabo congiarium*] Munus, seu donum quod populo dat princeps seu Imperator, dicitur congiarium, de quo Suetonius in Octauio, cap. 41. & Caligula cap. 17. quæ autem largitio sit in milites, ultra stipendia videlicet, ob uictorias, adoptiones, inaugurationes Cæsarum, ea donatiuum uocatur. Budæus in Pandect. Steuechius ad cap. 20. lib. 2. Vegetij. Attamen idem Suetonius, non minus latinis auctor, libello de claris Rhetoribus, cum de Sex. Clodio agit, vocem, congiarium, pro dono usurpat, quo quis priuatim à Principe afficitur, his verbis: A quo (Antonio) mox consule ingens etiam congiarium accepit, ut ei Cic. in Philippicis obijcit, &c.

## AD PROGYMNASMA XVII.

**N***ecessariam in rebus vicissitudinem*] Seneca epist. 36. Obserua orbem rerum inter se remeantium. Videbis in hoc mundo nihil extingui, sed uicibus descendere ac resurgere. Æstas abit, sed aliter annus illam adducit. Hiems cecidit, referent

rent illam sui menses. Solem nox obruit, sed ipsam statim dies abiger. Stellarum iste discursus quidquid præterierit, repetit. Pars cæli leuatur assidue, pars mergitur. *Alternæ requiæ careat*] Ouid. Quod caret æternæ requiæ, durable non est. Pub. Syr. Iucundum nihil est, nisi quod reficit varietas. *Næ compellam te retexere*] Allusum ad dictum verus, Penelopes telam retexere, id est, inanem operam sumere, & destruere quod effeceris. Homer. Odiss. 2. Castissimam illam fidissimamque viro suo Penelopem procos connubium eius flagitantes, & impotenter instantes hoc modo elusisse fingit. Promittit se nupturam, ubi telam quam tum haberet in manibus pertexuisset. Quam conditionem cum illi non repudiassent, callida mulier, quod per diem texuerat, per noctem dissoluebat. Bellè autem ea de re Propert. eleg. 8. lib. 2.

*Penelope poterat bis decem salua per annos*

*Vinere; tam multis semina digna procis.*

*Coniugium falsa poterat differre Minerva,*

*Nocturno soluens sexa diurna dolo.*

*Visura & quamuis nunquam sperares Vlysses,*

*Illum expectando facta remansit anus.*

*In ludendi venia*] Hæc vox non semper ad culpam refertur, sæpius etiam potestatem & petitionis concessionem approbationemq. notat. Cic. pro Arch. Quæso à vobis, ut in hac causâ mihi detis veniam. J. de Orat. Date nobis hanc veniam, ut ea quæ sentitis de omni genere dicendi, subtiliter persequamini. Cornifici in 4. ad Heren. Veniam ad vos, si mihi seruatus det veniam. Plaut. Trin.

*Ly. Ob eam rem hæc, Pater, autumavi, quia res quadam est quam volo,*

*IV. Ego me abs te exorare. Ph. Quid est? veniam iam dæ gestio.*

Sic, cum verbum, licentia, in vitio semper pupetur esse, proferturq. è Terent. Detiores omnes sumus licentia, id secus est. Aliquando enim honestam potestatem significat, & dare licentiam est *ἐξ ὅσων διδόναι*. Cic. 1. Off. Nec quenquam hoc errore duci oportet, ut si quid Socrates aut Aristippus contra morem consuetudinemq. civilem tegerint, locutivæ sint, idem sibi arbitretur licere. Magnis enim illi, & diuinis bonis hanc licentiam assequerantur. Et in 3. Nobis autem Academia no-

stra magnam dat licentiam, ut quodcunq. maximè probabile  
occurrat, id nostro iure liceat defendere. His duobus locis  
haud existimo rectè facturum, si quis licentiæ nomen immoderatam libertatem, impunitatemq. interpretetur, &c. *biv*

## A D P R O G Y M N A S M A. XIIX.

**I**nvento & rapida] Catul. Idem ad Ortalum.

Ne tua dicta vagis ne quicquam credita ventis

Effluxisse meo forte putes animo.

Tibul. eleg. 5. lib. 1.

Hac mihi fingebam, quæ nunc Cauriusq. Notusq.

Laetat odoratos vota per Armeniôs.

Lucr. li. 4. tu fac ne ventis verba profundam. Virg. Æneid. 9.

sed auræ Omnia discerpunt & nubibus ierita. donant.

Et 10. nec ferre videt sua gaudia ventos. Horat. Ode 26. lib. 1.

Musis amicus tristitiam & metum.

Tradam proteruis in mare Creticum.

Portare ventis.

Ovidius.

Quæ tibi sunt facienda tamen cognosce, nec Euris.

Da mea nec tepidis verba ferenda Notis.

Italicè. Al ciel sereno. Sudum] Sine udo, cælum serenum sine

nubibus, aut certè non pluuium.

Nouius: Sudum dicitur

quasi semiudum, ut est aer post pluuias, serenus & liquidus.

Cic. ad Tironem lib. 16. Horologium mittam & libros, si erit

sudum. Plaut. Milite.

Curate ut splendor meo sit clypeo clarior,

Quàm solis radij esse, olim cum sudum est, solent.

Idem Rudent. Quin pertegamus uillam dum sudum est. Virg.

8. Æneid. Arma inter nubes celi regione serena, Per sudum ru-

tilare uident. Omittant ergo adolescentes dicere, est pulcherru-

tempus, est bona aura, iam splendet sol, & similes modos in-

quinatissimos. Amoena camporum] Greci substantiuum patrio

casu solent efferre. σπελαῖα τῶν προαίχτων, μεγάλα τῶν ἐν λῶν,

οἱ σοφοὶ τῶν ἀνθρώπων, αἱ πλείους τῶν πόλεων. Huiusmodi apud

Poetas quàm plurima. Virg. li. 1. Æneid. Miratur portas, stre-

pitosq. & strata viarum, prostratas vias. Sic Lucret. lib. 1.

Strataq. iam vulgi pedibus detrita viarū Saxeæ conspiciuntur.

Idem, clausa, opaca domorum, rara viarum, ut Virgil. angusta  
viarum. Apud Horatium amata curarum, vana rerum, abdita  
cerum. Apuleius uno loco habet hæc omnia, ardua montium  
lubrica vallium, roscida cespitum, glebosa camporum. Plinius  
dixit, ouorum oblonga. Liuius, Subita rerum, incerta casuum.  
Vides latinis adiectiuum mutari in genus neutrum & idq; penè  
perpetuum est.

## AD PROGYMNASMA XIX.

**Q**ui vel apophthegma] Tale precium lusus à pueris Magistri  
postulent, quo ipsi porius dantes, quàm accipientes di-  
cescant, atque in eo etiam iudicia eorum exerceant,  
vt non sint quouis apophthegmate, versiculo sententioso, fa-  
bella, prouerbio contenti, sed ijs demum, in quibus plus acu-  
minis, leporis, grauitatis, vtilis is inesse videatur. *[Cocus cum  
sim]* Idem coniigit lupo, qui aculeum rogami a sino, quem de-  
uoraturus erat, summis dentibus è pede extraxit. Cum enim il-  
lisa calce frontem & usum ei comminuisset, dentesq; excus-  
sisset, & iam celeriter aufugeret: merito, inquit lupo, hæc mi-  
hi merces redditur, Quoniam qui didici iumentorum esse la-  
nium, cur eorum uolui esse chirurgus? *Perpetuus dolor*] Notum  
illud Demosthenis de Laide *ἐκ τῶν αἰμυρίων δραχμῶν μετα-  
μέλειαν*. vulgo Poenitere tanti non emo. Gellius lib. 1. cap. 8.  
En quid in prouerb. Salomon sapientissimus de muliere pla-  
meritoria. Inclinata est ad mortem domus eius, & ad inferos  
semitæ ipsius, &c.

## AD PROGYMNASMA XX.

**M**ale narras] Cùm quid lætum & animis gratum nunci-  
etur dicereturve, bene narras dicebant. Cum triste, aut  
quod nollent, malè, narras. Item vbi quid accidisset prosperè  
& optatè ò factum bene. Bene hercle factum, & gaudeo, factum  
optimè. In contrarijs, ò factum malè. Malè factum. Exempla  
multa in Plaut. Ter. Catul. *Novo meo*] Seru. in eclog. 3. ad illud  
versum: Pollio & ipse facit noua carmina, exponit (noua) ma-  
gna & miranda. Cic. nouum cum vocibus inauditum, inusi-  
tatum, admirabile coniungit. *Alio Demosthenes*] Vigilabat

multum Demosthenes, & ad lucernam orationes suas diligentissimè elaborabat. Id cum ei Pythias per iocum obijceret, ut diceret orationes ipsius εὐλαχέως ὀφείναι, lucernam olere, respondit; melius hoc quidem, quam si hircum. Idem interrogatus quo pacto tantam sibi eloquentiam comparasset: plus olei, inquit, quam vini consumpsi. Celebrantur præterea lacertæ Aristoph. Grammar. & Cleanth. Epicteti autem Stoici lucerna fictilis magno empta traditur. Ac solent certè inter studiosos litterarum quæ ardentius amant suæ artes, atq; in ijs cupiunt excellere, ad lucernam lectitare & scribere. Hinc proverbia, de re meditata, magnæq; cum sedulitate facta, lucernam olere. Nisi fortè a Demost. aliorumq; lucernis natum est. Non quæo præterire, quod Niceph. de Theodosio iuniore scriptum reliquit cap. 3. lib. 14. Sacrorum librorum eorundemq; interpretum congerendorum adeo fuit studiosus, ut ea laudè Prolemæo inferior non esset. Noctu eis legendis operam navavit, lucerna se sponte sua, machina quadam mouente, sibiq; ipsi oleum infundente: ut ne quis ministrorum eius in laboribus huiusmodi molestiam quæpiam subiret, neque vim naturæ cum somno colluctans inferret. *Ideone autero* Arist. lib. de Interpretatione: ὅ γὰρ διὰ τὴν καταφάσκειν καὶ τὴν ἀποφάσκειν εἰς αὐτὴν, ὡς ἐν ἑσθῇ. Non quia affirmatum aut negatum sit, adeo res erit aut non erit. Apud Plaut. in Capt. Cum Hegio senex mortem Tyndaro seruo minaretur, a quo delusus fuerat, illeque subiecisset: Qui per virtutem peritat, non interit, excipit senex:

*Quando ego te exemplis excrucianero pes semis.*

*Atque ob sutelas tuas te morti misero,*

*Vel id interesse, vel perisse prædicent.*

*Dum pereas, nihil interdico, dicant vivere.*

*Cæna terrestris*] In Capt. δὴ πρὸν αὐτῷ καὶ ἡ ἐσθῇ, cæna sine sanguine, constans ex ijs, quæ à terra nascuntur, ex herbis & leguminibus. *Mussare*] Ex littera μῦ, ὡς pronunciato, ut Galli, u, sunt mutire, mussare, mussitare. Et quoniam μῦ, seu mu, propriū est mutorum, qui hanc syllabam proferre solam possunt, significant illæ voces μῦ seu mu facere, id est, tacere, obmutescere, hæere, quid dicas non habere. Nonius Mussare est hominum occulta & depressa voce loquentium, quod celatum velint. Nunc testes aliquot producamus, ad y sum vocis

cogno-

cognoscendum. Plaut. Milir. Ergo si lapis, mussitabis. Et Casina. Ita omnes sub arcis, sub lectis latentes metu mussitant. Lucret. lib. 1. Sed quia multa sibi cernunt contraria, mussant. Virg. 12. Eneid. mussat Rex ipse Latinus; Quos generos vocet, aut quæ sese ad fœdera flectat. Exponit igitur (*ut mussare quidem*) ut est in adagio, ne *quid* quidem facere; quod est omnino tacere; quanquam & *quid* seu *quid* dicere, est nihil loqui.

## A D. P R O G Y M N A S. M. A. X X I I.

**V**irgatum] Ut aquatum, lignatum, pabulatum, frumentatum, quæ sunt bonis scriptoribus vñtata. Nouimus igitur hoc verbum similitudine. Sic virgatores, Plaut. Asin. ut Cæsar aquatores, & ut pabulatores, lignatores. *Fingere alia omnia*] Dictum ut, ire in alia omnia, quod est epist. 2. lib. 1. & apud Coelium lib. 8. ad Ciceronem. Sic præco clamabat boni omnis causa, pro, Qui non censetis. Vide explanat. Manutij. *Omnes sibi melius*] Terent. And. Plato 5. de leg. Hoc est quod dicunt, vnumquemque sibi naturam amicum esse, idque rectè fieri. Arist. Ethic. lib. 7. Nonnullis uidetur quemque sibi potissimum amicum esse. *Præstare*] Præstare interdum Iurecos. pro exitum rei in se recipere, vel alienæ culpæ dispendium velle luere. ut præstare euentum, præstare promissum alienum. Sic Cic. ad Varinium epist. 11. lib. 5. De seruo Dionysio, si me amas, confice, quamcunque ei fidem dederis, præstabo. Et 1. de Orat. Perge verò, Crasse; istam enim culpam, quam vereris, ego præstabo. Id est, ego in me recipio. Græci *ἐγγυῶμαι*. Budæus in Pandect. *Beatorum insulas*] Plaut. Trinum.

*Sicut fortunatorum memorans insulas,*

*Quo cuncti qui astatem egerunt castæ suam*  
*Conueniant.*

Vbinam sitæ sint istæ insulæ, & qualis earum natura, Muretus politissima descriptione docebit, cap. 1. lib. 5. Horat. Ode 16. Epod. Homerus Odiss. 4. Scæbo lib. 1. *Minus sentimur ictus*] Clamore corpus intenditur; intenta autem quæ remissa magis resistunt plagis & pulsibus. Etiam qui armis & ferro concurrunt, hanc causam habent, cur vociferentur.



**A** *Rma scholastica*] Armorum nomine non bellica modo, verum etiam quarumvis artium atque rerum instrumenta intelliguntur. Agricolarum arma sunt ligones, sarcula, uomeris, &c. Nautarum rudentes, uela, antennæ. Et sua item pistorum. Virgil. Georg. 1. Dicendum & quæ sint duris agrestibus arma. Æneid. 5. Colligere arma iubet. ualidisq; incumbere remis. Æneid. 1. Tum Cererem corruptam undis, Cerealiaq. arma, Expediunt fessi rerum. Cocorū ollæ, sartagine cochlearia. Studioforum libri, calami, &c. *Alind sutorium*] *Χαλκον* Georg. 1. eis, à quibusdam uitrioliū. Galenus inter maxime noxia pharmaca numerat; nec turò ijs medicamentis admisceri putat, quæ per os assumuntur. Significat item colorem, quo corium sutores ad calceos faciendos imbuunt. Cic. ep. 21. lib. 9. Hoc uerò, qui Lilybæi à Pompeio nostro interfectus est, improbius nemo meo iudicio, fuit. Iam pater eius accusatus à M. Antonio, sutorio atramento absolutus puratur. Quem locum aliter explanat Manut. aliter Turneb. lib. 6. cap. 1. *Vocatio*] Vocare dicebant ueteres, nihil adijcientes, cum ad Cœnam, seu prandium subintelligeretur. Plaut. Asin. Vocet conuiuiam neminem, illam tu uocēs. Catull. ad Fundum. Qui tunc uocat me, cum malum legie librum. Vocatores quoq. seruos nominabant, quorum opera in uocandis conuiuiis uterentur. Ip[s]am præterea inuitationem uocationem. Catull. ad Porcium & Socrat.

*Vos conuiuia lauta, sumptuosè* *De die faciis, mei sodales*

*Querant in triuijs uocationes.*

*Xenocrateam victus*] Singularis fuit philosophi huius frugalitas, qui sæpius oblonga iam rancida facta abiecit: nec jam cū cadum aliquem uellet relinere, uinum acidum factum inuenit. Prouerbium, Xenocratis ca seolus, quod non ad cibum dumtaxat, sed ad uestem, libros, aliasq. res, quibus ita parcè cauteque utimur, ut quamdiutissimè durent, accomodabitur. Laudatur & moderatio Platonis. Qui cū in Academiam inuississet Timotheum Cononis filium, principem in Athēnensiu Repub. frugaliem cœna accepit. Itaque uidens sequenti luce philosophum Timotheus: uestræ cœnæ, inquit, non in præsens modò, uerum in posterum quoque diem sunt iucundæ. Ælia-

mus lib. 2. cap. 18. reuersum à cœna suis dixisse tradit: Qui cum Platone cœnant, etiã postero die bene habent. Ipsi autem Platonĩ postera luce: Vos ò Plato me lius cœnatis sequenti die, quàm presenti. *Sine arte mensa*] Hoc unum ex illis est, quę pulcherrimo carmine uitam beatiorem facere canit Mart. lib. 10.

## AD PROGYMNASMA XXV. XXVI.

**C***hrisippeum acumen*] Ingeniosissimus & acutissimus fuit. Chrylippus, atque in dialecticis adeo excellens & insignis, cãtaq. apud omnes opinione, ut pleriq. dicerent. si apud Deos esset usus dialecticę, non alius, quàm Chrysippeus futurum. Laert. *Si suada medulla sis*] Ennius M. Cornelij Cethegi eloquentiam prædicans, post cetera de eodem ita scripsit: Flos delibatus populi, Suadaq. medulla. Vocat medullam, qua uoce res reconditas & suaves solemus appellare, quod quę talia sunt, natura intimè recondat, uti medullas. Suadã porro Gręci *πειρω*, Quintilianus persuadendi Deam, Horatius suadellã, Cicero leporem. Simile est illud Aristophanis. *ὃ γὰρ πείσους, ὃ δ' ἄν' πείσους*. Non persuadēbis, ne si persuaseris quidem. *Sibi dormientibus omnia*] Allusio ad picturam, qua pingebant astantem Fortunam Timotheo duci Atheniensium dormienti, atq. ad eum urbes reti inclusas attrahentem: ut ita eius felicitatē ostenderent. Quam rem iniquo animo tulisse fertur, cū sua egregia facinora uictoriasq. non Fortunę, sed uirtuti adscribenda putaret. Item ad poetarum commentum, qui se ex somnijs Hesiodi, & Ennij fabulantur in monte Parnassio dormientes una nocte poetas fieri. Nihil hoc somno celebratius. *Utriusq. Catones aliqui*] Utriusq. Catonis, censorij inquam, & Vitiensis grauitas, sapientia & uirtus nota est. Posterior in Stoiceis numeratur, & à Cicerone pro Murrina in eum sectamq. suã multo iocosè dicuntur, soletq. hoc nomen pro seuero & rigido usu pari, quemadmodum illa philosophica disciplina tetrica & morosa fuit. *Ventriculus cibum*] Medicorum sententia, qui in studijs acres & assidui sunt, stomachos habent debiliores palumq. calidos, quod illa cogitationum & animi contentio calorem dissipat & labefactat. *Plurimi ad decrepitam aetatem*] De Platone, Iſocrate, Gorgia Cic. de senect. in hunc modum. *Est etiam quietē, & purē, & eleganter actę ætatis placida acle*

nis senectus: qualem accepimus Platonis, qui uno & octogesimo anno scribens mortuus est: qualem Iſocratis, qui eum librum qui Panathenaeicus inscribitur, quarto & nonagesimo anno scripsisse dicitur, uixitque quinquennium postea: cuius Magister Leontinus Gorgias centum & septem complevit annos, neque unquam in suo studio atque opere cessauit. Democritus centum & quatuor annos uixisse traditur. Hippocrates quartum ultra centesimum superasse. Galenum accepimus ad centesimum quadragesimum peruenisse. Denique longaeuōs, eosdemque eruditos in Catone iterum adducit non paucos his uerbis M. Tullius. Num igitur hunc (Sophoclem) num Homerum, num Hesiodum, num Simonidem, num Stesichorum, nū, quos ante dixi, Iſocratē, Gorgiam, num philosophorū principes Pythagoram, Democritum, num Platonem, num Socratem, num postea Zenonem, Cleanthem, aut eum, quem pos etiam Romae uidistis, Diogenem Stoicum in suis studijs obmutescere senectus coegit? an non in omnibus ijs studiorum agitatio uitae aequalis fuit?

#### AD PROGYMNASMA XXVII.

**N**emo nos iure accuset, opinor, si, cum in hoc progymnasmate & deinceps sequenti Praeceptorem breuiter doceamus, quo pacto is suorum scripta emendet, aliquot super hoc officio leges, à nobis è doctissimorum commentarijs de ratione docendi studiosè collectas, hoc loco, ubi id quam commodissimè uidetur posse fieri, in medium proferamus. H

1. Inter emendandum uacet omni acerbitate & contumelijs Magistri oratio.

2. Si quis emendatus irascetur, ipse nihilosecius emendet: ceterorū enim ducenda est ratio, qui recta censebūt esse, quam Magister non emendata reliquerit.

3. Condonandum aliquid errati, & ad uitia quaedam conueniendum, quoad ingenium iudiciumque confirmetur: ne uide licet ob emendationis seueritatem desperent, doleant, & exercitationem cum Magistro oderint; dumque omnia timent, nihil conentur. Non adhibent teneris frondibus falcem agri colae.

4. Sic hilaris & iucunda emendatio, ut remedia alioqui infuuzia parumque grata leniantur. Quedam commendat, alia

mut, et

mutet, alia ferat, alia illuminet, nonnunquam sua interponat, rationem etiam facti aliquando reddat. Sed quæ bene posita fuerint, ea interdum laudet palam, quo & ipsi adolescentes hac gloriola delintri in cursu alacriores fiant, & reliqui eiusdè honoris expectatione exemploq. ad diligentiam incitentur.

5. Consueverunt medici nonnulla in agrotis laudare, non quia talia sunt, sed quo facilius talia esse possint. Ita conuenit Magistrum tardiores negligentioresq. nonnunquam hyperbolicis laudationibus ad acrius bene scribèdi studiū inflammare.

6. Dum unius epistolam seu scriptionem corrigit, aliquando de improvisò alios ijs quæ in manu sunt interroget: quo & iudicium ipsorum cognoscat, & attentos faciat, eademq. opera consequatur, ut interim in suis ipsi scriptionibus aliquid emendent.

7. Qui tam sequiter vitioseq. & ineptè ineleganterq. scripserit, ut emendari scripta non possint, eum eadem de re de integro scribere iubeat: data significatione spei, illum, si diligentiam modò adhibuerit, melius scripturum.

8. Sunt quædam vitia, quæ in adolescentibus displicere Magistris non debent, ut sublimior Spiritus, verborum luxuries, nimis exquisitæ voculæ, sublecta hemistichia, aut integri versus, apertior imitatio, parua, quædam furta, compositio curiosè numerosa & similia. Dicendum, laudare nos ista adhuc, venturum tempus, quo ea non concederemus. Sic & ingenio gaudebunt, & iudicio non errabunt.

9. Seu quid laudes, seu quid reprehendas, utrūvis modicè, & variè. Lauda in hoc sermonis puritatem, in illo perspicuitatem, in alio leporem, in quibusdam iuentionem, in alijs dispositionem, in his grauitatem, in illis ornam. Contraria in vituperatione seruabis.

10. Quorundam illiberalibus ingenijs, ac rustico pudorè blanda & priuata monitione, succurrendum.

11. Ne celeritatem compositionis requirat Magister. Danda opera vt quàm optimè scribamus, celeriter deinde vt scribamus, consuetudo dabit. Et citò scribendo non sit vt bene, bene scribendo sit vt citò, &c.

**V** *Bi rescivi.*] Qui factum aliquod occultius aut inopinatum inseparatumque cognoscit, is dicitur propriè rescire. Legas censeo totum ca. 19. lib. 2. apud Gellium. *Pauciores erò Theopompos quàm Ephorus.*] Hoc ordine legenda sunt verba. E discipulis Iloeratis (cuius domus habitata est officina eloquentiæ) qui fuerunt circiter centum, quamvis non vno tempore omnes, ceteris insigniores extiterunt, Hyperides, Timotheus Cononis filius, Asclepiades, Theodectes, Leodamius, Lacritus, Hæus, Theopompus, Ephorus. In hoc postremo calcaribus, in Theopompo frenis se uti solere aiebat Isocrates. Cic. 3. de Orat. Eorundem meminit in 8. quo loco de historiæ scriptoribus disserit. *Equis asellos iungere.*] Plato conferens Xenocratem cum Aristotele, quorum ille ingenio tardior, hic celerrimus, cum idem dicebat quod Isocrates, quodque postmodum etiam de Theophrasto & Callisthene auditoribus suis Aristoteles; tum illud præterea: Hui, quali equo qualem asinum coniunxit *Quamvis Ausonius neget.*] Epigramma est hoc:

*Felix Grammaticus non est, sed nec fuit unquam,*

*Nec quisquam est felix nomine Grammaticus.*

*Quod si quis felix prætor satum exiit unquam,*

*Is demum excessit grammaticos canonas.*

Vide epigrammata græcorum li. 2. tit. *τῶν γραμματικῶν.* *Mansuetiores Musas.*] Cic. ep. 9. lib. 1. scripsi etiam (nam etiam ab orationibus distingo me ferè, referoque me ad mansuetiores musas, quæ me maximè, sicut iam à prima adolescentia delectarunt) scripsi igitur, &c. Sic vocat ibidem studia, quæ domi celebrata & culta, ad mansuetudinem humanitatemque traducunt animos: cum orationes in foro dictæ contentionem & lites habeant. Ep. 12. lib. 16. Tu musis nostris para ut operas reddas. Pro literis absolutè ad Att. ep. 5. lib. 2. Nunc verò quoniam quæ putavi esse præclara, expertus sum quam essent inanità, cum omnibus Musis rationem habere cogito. *Res mihi iam in vado.*] Vadam aquæ fundus, in quo qui constitit, periculum non est ne sommergatur. Itaque in vado esse, erit securum; & in tuto esse, & quod eodem sensu dicitur, in portu nauigare. Plaut. Aulul. Hæc propemodum iam esse in vado salutis res videtur. *In templo Delphico.*] Huius templi toto orbe fama incluta fuit, ad quod

omnium gentium concursus fiebant. Iſocra. in Archidamo.  
 τὸ τοῦ μαντεῖος ὁ πάντα ἀνὸ μολωγῆς αὐμ ἀρχαιοτατον εἶναι,  
 καὶ νοσητατον, καὶ πισοτατον. Oraculum quod omnes & vetustissi-  
 mum, & communissimum, & fide dignissimum facebatur. Scri-  
 bebantur in foribus à sapientibus viris sententiæ græves, &  
 præcepta salutaria, quorum auctores cum deinde ignoraren-  
 tur, tributa sunt Apollini, tanquam eo haud indigna. Talis sit  
 fortasse; nosce teipsum, quod de cælo cecidisse ait Iuuenalis.  
 Quid dico fortasse? Plato cerre hoc, & illud: Nequid nimis, se-  
 ptem sapientibus adscribit, quasi enim primitias quasdam  
 Deo dedicasse & in eius templo scribi curauisse affirmat. Plin.  
 & Hier. Chilonem auctorem prioris nominant. Cic. 1. Tuscul.  
 Hoc ipsum adducens & explanans. Hunc igitur (animum) nos-  
 se, nisi diuinum esset, non esset hoc acrioris cuiusdam animi  
 præceptum, sic ut tributum Deo sit. Acriorem quendam ani-  
 mum, virum nempe sapientem, non Apollinem eius auctorem  
 facit. *Ne frustra sis* ] Ne te falsa opinio teneat. Liuius. Frustræ  
 esse apud Plaut. Amphit. Bacchid. Merc. est falli, errare, de-  
 cipi, &c.

## AD PROGYMNASMA XXX.

**M**ΕΤΕΜΨΥΧΩΣΙΜ] μετεμψυχω animam ex vno corpore in  
 aliud transſero, traduco: ipsa translatio, & transductio  
 huiusmodi, seu animarum in alia corpora immigratio μετεμ-  
 ψυχωσις, quasi dicas, transſanimatio. Hoc dogma Pythagoræo-  
 rum fuit, asserētium animas hominum in corpora bestiarum,  
 atque etiam aliorum hominum se recipere. Vide Crinit. libr.  
 1. 1. cap. 3. Quorum placitum secutus Ennius, scripsit somniaſ-  
 se se mortuum esse, & Homēri animam in corpus suum mi-  
 grasse, ex quo se optimum poetam exstitisse, & versus, Home-  
 ricis similes scribere. Horat. ep. 1. lib. 2. Atque hæc causa fuit,  
 cur σαρκοφαγῶν, siue ἐμψυχοφαγῶν prohiberent illi philo-  
 sophi, ne fortè bubulam quis de proauo suo comederet. Plutar-  
 chus ea de re duos libellos edidit.

Cum in his Dialogis quædam dicuntur, quæ adolescentuli  
 nondum legere videntur potuisse, quia è scholis Grammaticis  
 nondum exierunt, & quia eruditiora sunt, oportet lectorem  
 meum cogitare, discipulos à dectis Præceptoribus quotidie  
 multa



multa familiari modo commemorata & explicata, audire solitos, quæ quævis aliquid non vulgaris & circumforaneæ doctrinæ continent, ab eorum tamen captu, qui non sunt planè stupidi & ἀσύνετοι minime sint aliena. Qui hoc sibi non persuadet, is sæpius nigrum mihi thesa præfiget; quippe qui progymnasmata mea non omnia puerilia, & eruditionis omnis expertia esse voluerim. Sed in Præfa. hac de re actum pluribus. *ἔνθα γὰρ* γέλῳ.] Non modò faustos ac lætos nuncios, verum etiam præmia, quæ læta nupciantæ dantur, hoc vocabulum significat, id quæ utroque numero, Singulari quidem usus est Homerus in Odissi. semel & iterum, multitudinis Cic. ad Att. lib. 2. O suaves epistolas tuas vno tempore mihi datas duas: quibus *ἔνθα γὰρ* γέλῳ quæ reddam nescio, deberi quidem planè fateor. Sed quid ais? Ita veteres, cum aliquid aliud præter ante dicta aut quæ sita dicturi, aut quæ situri erant. Plaut. Bacchid. Sed quid ais? B. Quid est? Item in A sin. & Amphit. *Fugit se ratio*] Fugit me ratio, sermo est eius, qui erravit, id est, qui aliud dixit aliud dicere voluit. Plaut. Amphit.

*So. peccaueram*

*Nam Amphitruonis sociennum me esse nolui dicere.*

*Me. Sciebam equidem nullum esse nobis, nisi me, seruum Sositam.*

*Fugit se ratio.*

*Catull. similiter.*

*Isud quod modò dixeram me habere.*

*Fugit me ratio, meus sodalis*

*Cinna est Caius, is sibi paravit.*

Sumptum credibile est a ratiocinatoribus, qui interdum in deducendis & subducendis rationibus errant. In Bacchi. Plaut. dixit. Vbi me fugiet memoria. *Madidus an siccus*] Siccos latini nominant sobrios, ab ebriofitate alienos, Cic. in Rullum. Vtrum esse vobis consilia siccorum, an vinolentorum somnia videntur? Idem in Academ. Dormientium & vinolentorum, & furiosorum visa imbecilliora esse dicebas, quam vigilantium, siccorum & sanorum. Horat. Ode. 18. lib. 1. Siccis omnia nam Deus dura proposuit. Et, Ode. 6. libr. 4. dicimus integro sicci manè die. Plautus Persa. Iam diu factum est cum bibimus, nimis sicci sumus. [Opponitur autem huic voci contraria notione amidus, & vuidus apud Horat. Ode proximè nominata. Plaut. Aulul.

*Eu. Non potem ego quidem hercle. Me, at ego iussero*

*Cadum*

*Cadum vini veteris ad me afferrier.*

*Ea. Nolo hercle, nam mihi bibere decretum est aquam.*

*Me. Ego te hodie reddam madidum, si vino probe.*

*Locus alius est in Afin. petelegans, in quo utramque vocem habes.*

*Art. At scelesti, ego prater alios meum virum sui rata  
IM Accum, fruge, continentem, amantem uxoris ma-  
ximè*

*Pa. At nunc de hinc scito illam ante omnes minimi mortales  
pretij.*

*Madidum, nihili, incontinentem, atque osorem uxoris  
sue.*

AD PROGYMNASMA XXXI.

**P***arenga frontium]* Quibus de frontibus loquatur, aut quæ sint libri frontes, perspicuum est ex illo Ouidij eleg. 1. Tristium lib. 1. ad librum suum, exteriores videlicet eius partes

*Nec fragili gemine poliantur pumice frontes.*

*Hirsutus passis ut videare comis.*

*De iisdem epigram. 1. Catull.*

*Quoi dono lepidum novum libellum,*

*Arida modo pumice expolitum.*

*Martialis quoque lib. 1. pumicatam libri frontem dixit. Nam quomodo nunc, ita antiquitus libri pellibus tegebantur, quas leuigare ac perpolire pumicibus solebant. De volumine, cornibus, umbilicis, frontibus librorum, vide Manut. in epist. 7. lib. 5. *Ue gryphes in Rhiphæis]* Rhiphæi montes sunt in Scythia, in qua & gryphes animalia capite & rostro aquilis (nisi quod auribus equinis) reliquo corpore leonibus similia, alata tamen, & equis vehementer infesta, ut indicat etiam Virgilius noto carmine eclog. 8. Iungentur iam gryphes equis, & c. Plin. lib. 7. cap. 2. Sed & iuxta eos qui sunt ad septentrionem versi, haud procul ab ipso aquilonis exortu, specuq. eius dicto, quæ locum Gesclitron appellant, produntur Arimaspi quos diximus, vno oculo in fronte media insignes: quibus assidue bellum esse circa metalla cum gryphis ferarum volucris genere quale vulgò traditur, eruente ex cuniculis aurum, mira cupidi*

tate & feris custodientibus, & Arimaſpis rapientibus, multi, ſed maximè illuſtres Herodotus & Ariſteas Proconueſſus ſcribunt. Idem lib. 10. cap. 49. Pegafos equino capite volucres, & gryphas aurita aduncitate roſtri, fabuloſis reor: illos in Scythia, hos in Æthiopia.

## A D P R O G Y M N A S M A XXXII.

**E**N *unquam*] Id eſt, unquamne, hoc eſt, aliquandone: ut Seruius interpretatur ad illos verſus 1. Eclog.

*En unquam patrios longo poſt tempore fines,  
Pauperis & tuguri congeſſum ceſſite culmen  
Poſt aliquot mea regna videns mirabor ariſtas.*

Idem poëta per interpolationem diuiſit Eclog. 8.

*en eris unquam*

*Ille dies, mihi cum liceat tua dicere facta?*

*In piſtrino moleres*] Apud maiores noſtros (inquit Seruius in 4. Æneid.) molarum non erat uſus, frumenta, tottrebant, & ea in pilas miſſa pinſebant, & hoc erat genus molendi: vnde & pinſores dicti ſunt, qui nunc piſtores vocantur. Hinc Virgil. Frugesq. receptas, Et torrere parant flammis, & frangere ſaxo. Inuentæ ſunt deinde molæ aſinarie, quas circumagerent aſini: alię truſatiles, quæ hominum manibus verſabantur maximo cum labore & laſſitudine. Inde ceptum uſurpari piſtrinum pro loco moleſtiarum laborumq. pleno, & pro negotio nimium operoſo. Terent. And.

*Verberibus, caſum ſe in piſtrinum Daue dedam uſque ad necem,*

*Ea lege atque omine, ut ſi ſe inde exemerim, ego pro ſe molam.*

Plaut. Moſtell.

*Rus mihi tu obieſtas? ſanè credo Tranio,*

*Quod ſe in piſtrinum ſcis acturum tradere.*

*Timæum Platonis*] Adagium, Platoniciſ numeris obſcurius, quo uſus eſt Cic. lib. 7. ad Att. Plato quippe numeris Pythagoriciſ ſuam philoſophiam inuoluit & obſcurat, lectorique nebulas ſeu tenebras ingentes offundit, in dialogo præcipue, qui Timæus, ſiue de Natura inſcribitur. *Dic quibus in terris*] Eclog. 3. Damætas paſtor ex Menalca quaerit in hunc modum:

*Dic quibus in terris, & eris mihi magnus Apollo,*

*Tres pateat cali spatium non amplius ulnas*

Hanc quæstionem cum Menalcas dissolvere non posset, æquè difficilem obiicit:

*Dic quibus in terris, inscripti nomina Regum*

*Nascuntur flores.*

Quem morem & hodie vulgus imitatur in congressibus. *Triumviri*] Triumviri, seu ut Plaut. sæpe vocat, Tresviri quidam capitales erant, quorum munus in facinorosos & servos ius dicere, eidem custodiæ carceris præfecti erant, ipsorumque in e-ventu de maleficis supplicium sumebatur. Amphit. Quid faciam nunc, si tresviri me in carcerem compegerint? Alin. Nam iam ego ex hoc loco ibo ego ad tresviros, vestraq. ibi nomina, saxo, erunt. Capitis te perdam ego & filiam. *Illi Critici*] Græmatici qui de scriptoribus & scriptis aliorum, in primisque poetarum ferrent sententiam, sic appellari sunt. Qualis apud Horatium Metius Tarpa, Quintilius, apud Græcos celebratissimus ille Aristarchus. Horat. epist. 1. lib. 2. Ennius & sapiens, & fortis, & alter Homerus, Vt Critici dicunt. Tamen si vocem ipsam spectes, officium Critici malè grammaticis finibus includitur, non rectè, inquam, ipsa iudicandi facultas atque pericia, quæ vis huius vocis est, cum actione confunditur, & *κριτικὸν* pro *κριτής* ponitur. Hoc non magis decet fieri, quàm pro eodem habere *ποιητικὸν* & *ποιητὴν*, *εὐρετικὸν*, & *εὐρετήν*, *σρατητικὸν*, & *σρατηγὸν*. *Λεωνίη*, *Μίνοα*, *Κhadamantibus*] De his tribus inferorum iudicibus, in 6. Æneid. Legendi mythologi, & maximè Natalis Comes. Propter iusticiam, quæ in terris claruerunt, hoc honore donari à Iove finguntur. *A Domine* & adverbium querentis aut commiserantis est, & per aliquam harum interiectionum redditur, Ah, hej, hem. Est cum terrorem & perturbationem declarat, tum valet hem, & chio Nonnunquam admirantis est, & idem quod vah, cho. Catull. prima notione dixit. A te tam miseri, maliq. fati. Hæc idcirco breviter, ne quis insolentia huius particulæ deceptus, in Ah, commutandum putaret. *Hoc saxum volo*] Sisyphum quod Iovem prodidisset, fabulantur Poetæ hac pœna apud Orcum in perpetuum cruciari, ut ingens saxum manibus & pedibus connixus & sudans in aduersum montem prouoluat. Cum autè non longè abest à monis vertice, tum vi quadam valida saxum repellitur,

pellitur, & in planitiem resoluitur, ipseque iterare laborem cogitur, Sisypho ambiciosos comparat Lucr. in 3. his versibus.

*Nam petere imperium, quod inane est, nec datur unquam;*

*Atque in eo semper durum sufferre laborem:*

*Hoc est adverso nixantem trudere monte*

*Saxum, quod tamen à summo iam vertice rursus*

*Voluitur, & plani raptim petit æquora campi.*

Hinc saxum volvere eos dicimus, qui inexhausto nec tamen utili labore conficiuntur. Terent. Eunuchio. Satis diu iam hoc saxum volo. *Multam salutem dicere*] Dicendi ratio è græco fonte profuens, πολλὰ χαλῶν λέγειν. Cic. epist. 33. lib. 7. Ego vero multam salutem & foro dicam & curiæ, viamque rectam multam, & cum communibus nostris amatoribus. G. S.] Breui loquentia delectatos fuisse Læcones constat. Inde λαίωνν γένε, & λαίωνν σμός. Paucissimus igitur verbis, sæpe uno, plurimum sententiæ complectebantur. Exempla sint ἀνὰ, ἢ, Qua voce tantum ad longam Legatorum Philippi orationem responderunt. Item ἦ. Hæc fuit epistola, qua ei nescio quid imperant, aut petenti rescripserunt. Cum ipsorum agrum ingressus, per literas quesivisset, vellentne se ut hostem, an ut amicum venire, responderunt, ὁδὲ τερον. Contrarium est παρρολογεῖν, & παρρολογία, hæc enim loquacitatem, & sermonem nimis effusum & prodigum significant. *Aerumnas Herculis*] Propter tam graves, & omnibus iam, & etiam consoribus notos labores, eosque non paucos, qui à diuersis Poetis sunt descripti. Plaut. Persa.

*Qui amant egens ingressus est principi in amoris vias;*

*Superavit aerumnis is suis aerumnas Herculis.*

*Nam cum leone, & cum excetra, cum ceruo, cum apro Aetolico,*

*Cum anibus Stymphalicis, cum Antæo deluctari mavelem*

*Quam cum more.*

## AD PROGYMNASMA XXXIII.

*[In gradibus ætatis humane]* Quadripartitæ temporum commutationi Pythagoras hominum ætatem comparavit, & in quatuor eam partes distinxit, in pueritiâ, adolescentiâ, iuventutem, senectutem. Primam veri, alteram ætati, tertiâ autumno, ultimam hyemi similem esse dixit, singulis autem 20. annos attribuit. Laert. Eandem distributionem secutus est Hora-

tius ad Pisones, ubi etiam cuiusq. ætatis morēs naturamq. describit. Varro à die natali facit quinque partes, siue gradus. In primo collocat pueros, qui sic dicantur, quod sunt puri, siue pubes, impubes, ad annum decimum quintum. In secundo adulescentes, ab adulescendo appellatos, ad annum trigésimum. In tertio iuvenes, quod domi forisq. Rempublicā iuuare possint, ad annum quadragesimum quintum. In quarto seniores, tum enini senescere corpus incipit, ad annum sexagesimum. In quinto, qui ad finem uitæ extenditur, senes, quæ ætate corpus senio conficitur & laborat. Singulis ergo, præter extremū, annos quindecim Varro decernit. Hippocrates septem gradus constituit, infantiam, pueritiam, adolescentiam, iuuentutem, virilem ætatem, senectutem, senium. Primæ finem esse vult, annum septimum: secundæ decimū quartum: tertiæ duodevigésimum: quartæ trigésimum quintū: quintæ quadragesimum secundum: sextæ quinquagesimū sextum: septimæ nouissimū annum uitæ humanæ. Iam quasdam loquendi rationes in ætatibus & anni temporibus & mensibus quoq. accipiant adulescentes. Ineunte, prima, extrema, exeunte adolescentia, iuuentute. Prouecta, præcipiti, adulta ætate, præcipiti, extrema senectute, &c. Sic ineunte, primo Vere, exeunte, adulto, præcipiti. Virgilius Vere nouo. l. Georg. Medio, adulto, prono Vere. Eadem de ætate usurpabimus (quam itidem nouam in quarta dixit Virgilius, Cæsar initam, & exactam) & de reliquis partibus. Quas etiam senescentes, ut Cic. hyemem pro lege Manil. & 2. de nat. Deorum. Item prouectas, ut Tacitus noctem, appellabimus. Quæ omnia fas erit ad menses accommodare. *Quintili & sextili* Romulus annum digessit in menses decem, fecitq. Martium primum, Aprilem secundum, propter Martem & Venerem auctores Romanæ gentis, tertium, à maioribus cognominauit, quartum à Iunioribus: illum Marium, hunc Iunium. Reliquos à numero. Quintilem quod esset quintus, sextilem, quod sextus, & sic deinceps. Ouid, l. Fast.

*Martis erat primus mensis, Venerisq; secundus,*

*Hæc generis princeps, ipsius ille pater.*

*Tertius à senibus: iuuenum de nomine quartus,*

*Quæ sequitur, numero turba notata fuit, &c.*

Postea de nomine Iulij Cæsaris, quod eo natus esset, ut Festus inquit, seu M. Antonio legem ferente, ut scripsit Macrobius.



Quintilis appellari cæptus est Iulius. Sextilem è suo cognomine Augustus nuncupavit, magis quam Septembrem, quo erat natus: quia hoc sibi & primus consulatus & insignes victoriæ obtigissent. Sueton. in Octavio, c. 31. Hanc licentiam sibi permitti voluerunt Tiberius, qui Septembrem à se Tiberium, & Octobrem Liuium, Néro, qui Aprilem Neronem, Maiû Claudium, Iunium Germanicum nominari iussit. Lilius de annis & mensibus, *Alcedonia sunt in scholis*] Halcedones, seu Halcyones sunt aues paulò maiores passeribus, media hyeme in littore maris nidos faciunt, oua pariunt, pullòs excludunt. Quibus diebus silentibus planè ventis summa est cœli serenitas, summa maris tranquillitas. Vnde dies illi Halcyonij vocantur. Vide Aristotel. de histor. animalium libro quinto cap. octauo. Plinium libro secundo. cap. 47. & lib. 10. cap. 32. Ælium li. 1. c. 36. Varronem de lingua latina, lib. 6. Seruium in 1. Georg. Plautus, Casina ad quietem & tranquillitatem à turbis & litibus in foro transferens, parcemiam fecit. Tranquillum est, Alcedonia sunt in foro. Nos ad scholarum ferias, quæ in mensem Iulium incidunt, lepide significandas adhiberi posse cœsumus. *Iucunditates sexcentæ*] Ingentem infinirumq. numerum hoc verbo Latini declarant. Cic. ad Attic. Venio ad epistolas tuas, quas ego sexcentas uno tempore accepi. Ad eundem. Belli periculum, militum improbitas, sexcenta præterea alia. Plaut. Trinum. Sexcentæ ad eam rem causæ possunt colligi. Idem alibi. Sexcenta sunt quæ memorem, si sit otium. Terentius Phormion. Sexcentas perinde potius scribito dicas. Licet etiam uti verbo mille, eadem ratione. Plautus. Amor mille modis ignorandus est. *Oti mei rationem afferre*] Præclarus est locus in oratione pro Cn. Plancio, quem ad verba nostra illustranda ponemus totum. Sed quid ego dicam de occupatis meis temporibus, cui fuerit ne otium quidem unquam otiosum? Nam quas tu commemoras, Cassi, legere te solere orationes, cum otiosus sis; has ego scripsi ludis & feriis, ne omninò unquam essem otiosus. Et erim M. Catonis illud, quod in principio scripsit Originum suarum, semper per magnificum & præclarum putavi; Clarorum virorum atque magnorum, non minus otij, quam negotij rationem exstare oportere. Iustinus præfatione eiusdè dicti à Catone meminit. Columella lib. 2. cap. 22. Sed cum tã otij, quàm negotij ratione reddere maiores nostri censuerint.

*Quod me sui immemorem*] Cic. 1. de Orat. Patria nos omnium maxime delectat, cuius rei tanta est uis, ac tanta natura, ut Ithacam illam asperissimis saxulis tanquam nidulum affixam sapientissimus uir immortalitati anteposuerit. De Ulyssse loquitur, de quo & Homerus hoc ipsum Odysseæ 1. Ouid. de Pont. lib. 1. eleg. 4.

*Non dubia est Ithaci prudentia, sed tamen optat*

*Fumum de patrijs posse videre locis.*

*Nescio quid natale solum dulcedine cunctos*

*Ducit, & immemores non sinit esse sui.*

*Quid melius Roma? Scythico quid frigore petus?*

*Huc tamen ex illa barbarus vrbe fugis.*

*Cum bene sint clausa canea Pandione nata,*

*Niuitur in syluas quæque redire suas.*

*Absuetos tauri saltus, absueta leones.*

*Nec feritas illos impedit, antra petunt.*

Scripsit encomium patriæ Lucianus, in quo sic inter cætera: Si de urbium electione optioneq. ageretur, nemo profecto contenta patria aliarum splendorem diuitiasq. sequeretur: non quod illas non cuperet, sed quod ijs patriam suam ornatam vellet: quam nihilominus qualiscunq. esset, cæteris anteponeret. *Ante diem tertium Nonas*] Dicerem aliquid de hoc loquendi genere, ostenderemq. quo pacto eum ipsum diem qui exprimitur non præcedentem significaret, nisi me id iam pridem in Rochum Perusinum docuisse meminissem, cui præter scholia, etiam multa capita inserui. Vide editionem tertiam.

AD PROGYMNASMA XXXIV.

**B**EFFias & quercus infecutas] Horat. Ode 12. lib. 1.

*Aus in umbrasis Heliconis oris,*

*Aut super Pindo gelidore in Hæmo,*

*Vnde vocalem temerè infecuta*

*Orphea syluæ.*

*Arte materna rapidos morantem*

*Fluminum lapsus celeresq; ventos*

*Blandum & auribus fidibus canoris*

*Ducere quercus.*

Propert. lib. 3. eleg. 1.

*Orpheu te tenuisse seras, & concita dicunt.*

*Fulmina Threicia detinuisse lyra.*

**F**abulam hanc, vt item alteram de cantu & lyra Amphionis explicat Horatius epistola ad Pisones. *Loco solos*] Sola loca, seu locos solos (nam utrumq. in vsu est) uocant scriptores antiqui deserta, infrequentia loca, quæque nemo inhabitet. *Lucret. lib. 6.* Cur etiam loca sola petunt, frustra laborant. *Cic. de Diuin.* Cum in locis solis mæstus errares. *Probus in Eumene.* Si per loca sola contenderet, sperabat se imprudentem hostem oppressurum. *Terent. Phormio.* Solas terras *Virg. Solos montes,* in eclog. & *solam rupem.* *Catul. Solam arenam.* *Sallust. Solas uias dixit.*

## AD PROGYMN. XXXVI. XXXVII. XXXVIII

**A**d incitas redact] *Plaut. Trinum.* Hem hic cuius est (ager) vt ad incitas redactus? Idem *Pœnul.* Tace modò, profecto ad incitas lenonem rediget. De his dici solitum, quos extrema premit egestas; incita enim p egestate ponitur. *Nonius. Sultis*] Particula vsitata Comicis. *Plaut. Asina.* Hoc agite spectatores sultis nunc iam, pro si vultis. Ita sis, pro si vis. Adduntur imperandi modo ad eum molliendum, vt alias per sepe addimus, si placet. Fac, si placet, dic, si placet. *Te Aesculapium*] Hunc *Pœtæ, Apollinis & Coronidis* filium medicinæ præficiunt, eumq. mortuos etiam in vitam reuocasse comminiscuntur, ob quam causam à Ioue percussus sit & exanimatus fulmine. *Lege Liliū, & Natalem.* *Tibi porcus sacrificandus*] Laribus immolabæ porcum insani, quiq. piaculum aliquod admiserant, & quibus liberorum prole aucta erat familia. *Plaut. Menæch.*

*responde mihi*

*Adolescens, quibus hic precijs veniunt porci*

*Sacres, sinceri, nummos hos à me accipe.*

*Iube te piari de mea pecunia.*

*Nam ego quidem insanum esse te certò scio.*

Et infrà. Iube si sapias porculum afferri tibi, &c. *Iunius libro 4. cap. 7. Temporius*] *Ouidius & Columella* vsurparunt hoc aduerbium, deductum à tempus temporis. *Temperius* autem antiquius est, à tempus temperis: quemadmodum dixere veteres pignus pigneris, unde pignero uerbum: posteriores autem, pi-

gnus

gnus pignoris. Manutius in epistol. 16. lib. 9. Apud Plaurum in Aulularia & in Persa est temperi, in Capt. tempori. St] Comici nota est silentij, seu particula silentiū indicens. Apud Plautum Curcul. St, tace, tace. Mercar. St, tace atque abi. Epid. St, tacete, habere bonum animum.

## AD PROGYMN. XL. XLV. XLVI. XLVII.

**D**icta alterna] Cic. 2. de Orat. dicere enim aiunt Enniū, flā-  
mam à sapienti facilius ore in ardente opprimi, quā  
bona dicta teneat, quæ falsa sint. Nam ea dicta appellātur pro-  
prio iā nomine Plautus Capt. & Stichus dicta meliora uocat,  
quæ sunt magis faceta, inagisq. fallā. *Nec hesterno mera fasset*  
Martialis.

*Hesterno satere mero qui credit Acerram,*

*Fallitur in lucem semper Acerrabit.*

Fœminis olim Romæ non licuit uinum bibere, nè in aliquod  
dedecus prolaberentur. Atque idè institutum, ut cognatis  
osculum ferrent, quò scilicet odor indicium faceret, si bibis-  
sent. Egnatius hac de causa uxorem occidit, & à Romulo ab-  
solutus est. Valerius lib. 2. cap. primo. Gellius libro decimo ca-  
pite 24. *Exaltis sideribus*] Exiguntur cœlo exellunturq. quodā  
modo stellæ, cum solis luce paulatim per cœlum se diffundē-  
te apparere desinunt Virgilius 3. Æneid. lamq. rubescebat stel-  
lis auro fugatis. Dicitur etiam, ni fallor, ab Ouidio in Me-  
tamorph. Lucifer agmina stellarum cogere, & cœli statione no-  
uissimus exire. *Puerorum flosculi*] Sic appellant Latini, floris no-  
mine uidelicet, quod in re quaque, purissimū, pulcherrimū,  
præcipuum est. Cic. pro flacco, Flos legatorum. Pro Plancio,  
Flos equitum Romanorum. Philipp. 2. Flos nobilitatis & iuue-  
tutis. Ennius Cethegum oratorem nominauit florem iltibatū  
populi. In Curcul. Anus bibula, Flos ueteris uini meīs naribus  
obiectus est. In Cistell. Quia adèd compleui me flore Liberti.  
Casin. Nisi hæc meraclo se uspiā percussit flore Libyco. Qui-  
bus locis uidetur Plautus uinum significare, cuius non modò  
sapor palato, sed etiam odor naribus gratissimus sit. Idem Ca-  
sin. Flos poetarum. Catull. Flos iuuenum, Flos Gymnasij & de-  
cus olei, id est, luctatorum, seu Palæstritarum. Sic flos xui, fl. s-  
xtatis, flos siliginis, flos lactis, flos cœnæ, & alia infinita *A Ca-*

*biculis à pedibus*] Latine uariarum rerum ministris atque ser-  
uos sic appellabimus. A commentarijs, ab epistolis, à manu, à  
rationibus, à secretis, à libellis supplicibus, à studiis, quales sūt  
hodie pædagogi, & quibus utuntur principes pueri ad ingenij  
cultum domi ab ipsis capiendum. *In ventrem absconde*] Respe-  
ximus ad illud Ciceronis 2. de Orat. in tractatione facetiarū.  
*Etrās, inquit, Scaure. Ego enim Magium non conseruasse, di-  
co, sed tanquam nudus nuces legeret. in uentrem abstulisse. Ob-  
sonemus famem*] Socrates cū inambulans interrogaretur for-  
tè quid ageret: Obsono, inquit, famem. Laudatur etiam à me-  
dicis ambulatiuncula ante cibum. *Maneas promissis*] Virg. 2. *Æ-  
neid.* Tu modò promissis maneas seruataque serues Troia fi-  
dem. Eadem sunt, Promissis stare, promissa seruare, promissis  
satisfacere, promissa soluere, exsoluere, efficere, &c.

### AD PROGYMNASMA LIII.

**A**lbo calculo] Plin. lib. 7. scribit Thraces consueuisse dies  
lætos ac felices albo lapillo notare, infelices autem, in  
auspicatos, infaustos, atro. Catull. O lucem dignam candidio  
re nota. Horat. Cressa ne careat pulchra dies nota. Ode 36. li.  
1. Quo loco non est quod quidam Thressia reponant. Valet  
enim idem quod alba seu candida. Nam creta non solū in-  
sulæ nomen est, sed etiam lutum illud album significat, quo  
utebantur cæræ loco Græci Asiatici ad obsignandas literas &  
priuatās & publicas, propterea quòd in Creta magna est hu-  
ius luti copia. *Homo antiquus*] Antiqui homines sunt boni, can-  
didi, probi ac simplici ingenio viri: tales enim fuerunt anti-  
qui, & anni veteres meliores anni. Vnde & Ouidius in Fast.  
Laudamus veteres, sed nostris utimur annis. Sic antiqui mo-  
res sunt boni probatique mores. Cic. pro Sext. Roscio. Homi-  
nes antiqui, qui ex sua natura ceteros fingerent. Et infra. In  
qua muliere, iudices, etiam nunc, id quod omnes semper exi-  
stimauerunt, quasi exempli causā vestigia antiqui officij re-  
manent. Plaut. Capt. Ille demum antiquis est adolescens mo-  
ribus. Et Trinum. Meo modo & moribus uiuito antiquis. *Onum  
extitisse*] Lepidam disputationem habes hac de re apud Ma-  
crob. Saturnal. lib. 7. cap. 16.

## AD PROGYMNASMA LV.

**I***N amoribus*] Qua ex re magnam voluptatem ac delectationem percipimus, eam & amorē & amores latini appellant, etiam plurali numero, inquam, in honestis rebus utitur, quod rudiores nesciunt; & eadem notione delicias vocant. Cic. 1. de Diuinat. Quid amorēs & deliciae tuae Roscius? In epist. ad fam. In amoribus mihi est; Et, Deliciae verò tuae Aesopus. Ad Att. Pompeius nostri amores. *Oculissimus*] Sensum oculorum super omnes diligimus: Surdus certè quàm cæcus esse mallet unusquisque nostrum. Itaque Plaut. Curcul. Hominem oculissimum dixit, pro æquè charo, ut sunt oculi, seu pro charissimo. Ibidem oculissimum ostium hyperbole quadam Catullus. Ni te plus oculis meis amarem. Idem.

*Eripere ei noli multo quod charius illi*

*Est oculis, seu quid charius est oculis.*

## AD PROGYMNASMA LVI.

**C***um facile percipit*] Quintilianus lib. 1. cap. 3. Ingenij signum par uis præcipuum memoria est. Eius duplex virtus: facile percipere, & fideliter continere. *Ducit classē*] Quintiliani est. Idem persus quod, sui ordinis primus est: nam classē hic pro una quadam puerorum sedentium serie usurpauit. Simile, Ducit familiam, quod in dial. secundum explicauimus. *Plorat tanquam si*] Mihi ille detur puer, quem laus excitet, quem gloria iuuat, qui uictus fleat. Hic erit alendus ambitu, hunc mordebit obiurgatio, hunc honor excitabit, in hoc desidiā nunquam uerebor. Quint. li. 1. ca. 3. *Carere liberis*] Liberos uoce multitudinis pro unico filio filiaue dixisse antiquos oratores, hist. poetas, confirmat Gell. li. 2. ca. 13. Cicero quidem 1. Philipp. Pax denique per eum (Antonium) & per liberos eius cum præstantissimis ciuibus confirmata est. Atqui non habebat Antonius nisi unum filium, ex Q. Fadij liberti hominis filia susceptum. Nam infra idem Cicero, Reipublicæ paruulus filius, in Capitolium à te missus, pacis obles fuit. Pro lege Manil. cum de M. Antonij, qui fuit auus huius Antonij, filia loqueretur, etiam liberos dixit. Et Virgilius lib. 10. simi-



liter usus est uoce, natis pro uno tantum. Argenti atque auri memoras quę multa talenta, Gnatis parce tuis. Vide Seruium, Apud Iurecos. liberorum appellatione nepotes, pronepotes, abnepotes, trinepotes quoque continentur. Crinit. lib. 15. c. 8.

# AD PROGYMNASMA LII. LIX. LX.

**L** *Itera Bellerophontis*] Cum quispiam literas affert cōmendatitias, ut ipse putat, re autem uera quibus accusatur, aut cum aliquis nunciat, aut facit quo se prodit, sibi quę nocet. Quales ad Ioabum attulit etiam Vrias Hetrus in sacra hī storia. Vide adagium. *Saltationem Pyrrhichicam*] De hac saltatione, similibus quę exercitationibus corporum lege eruditissimos libros Hieronymi Mercurialis de arte gymnastica. *Aeneae fistula*] Quidam sclopos uocant, & milites scloperarios. Globulos autem qui inde emittuntur plumbeas, glandes, & pilas. *Verberabilissime*] Obsecro, quis tam incogitans erit, qui cum similia ex Plauto aut alio quopiam bono auctore sumpta intersero, non magis ioco me quā serio loqui putet? Proinde ipse eo modo hisce uocib. utetur, quomodo me usum inuenit.

# AD PROGYMNASMA LXII. LXIV.

**N** *Offer Palæmon*] Eclog. 3. à pastoribus certaturis inter se cantibus siue carminibus, iudex adhibetur & arbiter Palæmon. Fuit item hoc nomine Grammaticus quidam Romę Tiberio & Claudio Imppp. intolerabili arrogantia; quippe qui M. Varronem porcum appellaret, secum quę & natus & interituras literas gloriaretur. *Io triumphę*] Vox militum lauro; coronatorum & Imperatorem Victorem in urbem prosequentium. Hanc uocem intellexit Ouidius 1. Metamorph. illis uerbis, de lauro loquens:

*Tu ducibus letis aderis, cum lata triumphum*

*Vox canet, & longas visent Capitolia pompas.*

*Si huic tam graui*] Si, interdum optātis est apud latinos, quamuis sine particula o. *Solæcismum*] Barbarismum & solæcismum negat inueniri apud Gręcos idoneos Gellius, qui *βάρβαρον* & *σολοϊσμόν* dixerint. Nostri quoque antiqui, inquit, solæcum facile, solæcismum haud scio an unquam dixerint. Quod si ita est, neque in græco neque in latino solæcismus probē dicitur. Reperitur tamen in 4. Cornificij ad Herennium solæcismus. Vide cap. 20. lib. 5. & lib. 13. cap. 6.

## AD PROGYMNASMA LXV. LXVI.

**I**N urbem reuerſi] Reuerſi & redire, reuerſio & reditus quid differant, Manut. in 1. Philipp. *Conquerenti Alexandro*] Vtrūque epistolium græcè & latine iuuenies apud Gellium lib. 19. cap. 14. in utroque breuiratis elegantiffimæ tenuiffimum filum admiratur. *In omni pulchro*] Vide Æſopi apologum de uulpecula in officinam ſtatuarij ingreſſa. Dialogum 65. legant, qui crebrò à ludo abſunt, & 66. qui ingenio minus ualent: ut & illi fiant aſſidui, & iſti animoſi, &c.

## AD PROGYMNASMA LXVII.

**D**O, dico, addico.] Verba Prætoris erant, quibus tota eiſus poteſtas & iuriſdictio includebaſ. De quib. Oui. 2. *Fast. Ille neſaſtus erit, per quem tria verba ſilentur,*

*Fastus erit, per quem lege licebit agi.*

Varro lib. 5. de ling. lat. Verùm hoc loco alterum & tertium uerbum non tertię ſed primæ coniugationis accipienda ſunt, dicare ſcilicet, & addicare. *Aere campano*] Vſus campanarum quàm antiquus ſit & uariuſ, & quomodo ſacris & profan'is in rebus adhibeatur, deque illarum pulſu ad ſtudioſos in Academiã ſcholaſque conuocandos, lege Iunium lib. 3. cap. 11. & Midendorp. lib. 1. cap. 11. *Diem comburo*] Plaut. Menæch.

*Me. Hoc mihi abſ te caneo cautiuſ.*

*Clam uxore ubi ſepulcrum habeamuſ, & hunc comburamuſ diſ Pe. Age ſane igitur, quando æquum oraſ: quàm mox incendio rogum? Dies quidem tam ad umbilicum eſt dimidiatuſ mortuuſ.*

Cuiuſ loci hæc eſt, quamuiſ allegorica explanatio. Græci & Romani mortuoſ in rogum imponebant, & comburebant. Menæchmuſ optat ſepulcrum, id eſt, locum, ubi neſciente uxore diem iam ad occaſum præcipitantem, & ueluti animam agentem abſumere poſſit, hilariter nimirum & iucundè uiuendo, epulando, & perpotando Virgil. eclog. 9. dixit: Cantando puerum memini me condere ſoleſ. Horat. Ode 5. lib. 4. condere diem. Paraſituſ autem, quàm mox, iuquit, incendio rogum? Id eſt, quàm citò prouideo, ſeu coquo obſoniuſ, ut hunc diem comburamuſ, ut oppiparè epulemur? Nunc enim dieſ in pomeridianum tempuſ inclinatuſ eſt, & ita quaſi dimidiatuſ mortuuſ. Comburenduſ igitur. *Deuſ auerruncet*] Ruſticuſ uerbum eſt auerrunco, amputo, ſuccido, reſeco, à iuca inſtrumen-

to, quo uitium luxuries coercetur. Inde per metaphoram prodepellere, auertere, remouere usurpatum. Liuius lib. 8. Placuit auerruncandæ Deum iræ uictimas cædi. Cic. ad Att. lib. 4. Dij, inquis, auerruncent. Lucillius apud Nonium, Dij amentiam auerruncassint tuam. Hinc Auerruncus Deus, à quo precati solebant, ut pericula auerteret. Varro, lib. 6. *Receptuicano*] Militaris locutio crebra Liui. Veget. li. 2. c. 22. Tubicines ad bellum uocant milites, & rursus receptui canunt. Græci ἀναλάβη. Receptus autem dicitur, quo se exercitus recipit.

# AD PROGYMNASMA LXX.

**Q***ui seu volentes seu nolentes*] De generibus mortis eruditè, eleganter quæ disputat Manut. in epist. 12. li. 4. apud Ciceronem. *Animam amittere*] De hac locutione, & simul de uaria notione huius uocis, animæ, lege cap. 12. lib. 1. Miscell. Hieronymi Magij, quasi uis sunt Plaut. in Amphit. Cic. ad Terentiam. Sallustius in Catil. Probus in Epaminonda. *Mortem obire*] Festus. Mortem obijisse ea consuetudine dicitur, qua dixerunt antiqui, ob Romam legiones ductas, & ob Troiam duxit exercitum, pro, ad. Similiter quæ uadimonium obijisse, id est, ad uadimonium ijisse, & obuiam, ad uiam. *Non etiam effugimus*] Propert. eleg lib. 3.

*Sed tamen huc omnes, huc primus & ultimus ordo.*

*Est mala, sed cunctis ista terenda via est.*

*Exiranda canis tria sunt latrantia colla,*

*Scandenda est torui publica cymba senis.*

*Ille licet ferro cautus se condas & ære,*

*Mors tamen inclusam protrahet inde caput.*

*Nireæ non facies, non vis exemii Achillem,*

*Cræsum aut Pædoli quas parit humer opes,*

*Tollamus digitum*] Qui succubuerat in conflictu, hoc indicio nictum se fatebatur. Similia sunt, tollere manum, dare seu porrigere herbam. *Acroama*] Cicero hæc pro Archia. Est autem acroama festiua & iucunda narratio, translatione à symphonia musica, quæ olim in theatro histrionum actionem commendabat, & auribus percipiebatur, ut illa oculis. Cic. pro Sextio Clodium acroama appellauit, quod & histrionis & musici partes gereret. Ipse ille maximus Ludius non solum spectator, sed etiam actor & acroama. *Mitriadi stropheæ*] Adscribam ex

The-

Themistocle Plutarchi locum integrum. Tanto enim glorię at dore abripi solitum Themistoclem tradunt, tantaque æmulatione rerum præclare gestarum flagrasse, vt iuuenis adhuc, cum pugna Marathonica contra barbaros facta, Miltiadisque ducis gloria omnium in ore esset, cogitabundus plerumque visus sit, hostes que in somnes egerit, consuetis comotationibus abstinuerit, mutationemque vitę admirantibus, & causam querentibus respondisse, Miltiadis trophæum sibi somnum adimere. Reliqui enim cladem barbarorum Marathoniam belli finem esse censebant, at Themistocles eam initium maiorum certaminum putabat, ad quę se pro tota Græcia assiduò præparabat, &c.

AD PROGYMNASMA LXXI.

**A** *Vres an auriculam*) A vocibus hauriendis dictę sunt aures. Virgil. Vocemque his auribus hausi. Auricula est cartilago aurium cavitatem circundans, cuius ima parte nihil mollius, tenerius, aut flexibilius in toto humano corpore. Hinc proverbium; Auricula infima mollior, in hominem lenem, lenitum, minimè asperum & iracundum. Vtut eo Cic. ad Q. F. *Sirenas, lusciniolam, cygnam*] De cantu Sirenium vide Odissęam. Et patremiam, Sirenium scopuli. Isocrates ob dicendi suauitatem Atticę Siten cognominatus est. Luscinię inde dicta, quod cantu suo significare solet diei surgentis exortum, quasi lucinia. Eadem & acredula. Cicero Prognost. Et marutinos exercet acredula cantus. Isid. li. 12. Dicitur græcis nominibus phlomela, & aedon, propter amorem perpetuum cętandi. Plaut. Bacchid. Pol ego quoque metuo, lusciniolę ne defuat cantio. Cygnorum cantu apud vulgus & poetas nihil notius, quos Plato in Phædone non solum cum cantu & voluptate mori, sed in vita reliqua muscos & canoros esse scribit. Lucianus tamen libello de cygnis, Ælianus li. 1. c. 14. Plin. cap. 23. lib. 10. negant cygnos canere. *Faceſſe hinc Mome*] Fingitur quidam Deus hoc nomine, qui cum ipse nullū opus edidisset, aliorum Deorum opera curiosius contemplaretur, & carperet quam liberimè, si quid aut omiſſum, aut perperam factum putaret. In Venere quidem cum aliud reprehendere nihil posset, reprehendit strepitū & stridorem eius sandalij. Hinc licebit sanialium Veneris usurpare vt patremiam.

**M***Antwanus Homerus]* Aliquot epithera Virgilij ab optimis auctoribus ipsi tributa afferamus, quo in promptu sint studiosis. Alex. Seuerus Imp. Platonem poetarum vocabat. Plin. celeberrimum auctorem. Velleius, principem carminum. Marcellinus, eminentissimum uatem. Seneca, Vatem maximum. Macrobius, Homericæ perfectionis per omnia imitatore. Idem Mantuanum Homerum. Fabius, Auctorem eminentissimum. Augustinus, Poetam maximum, omniumque præclarissimum. Quidam, louem poetarum latinorum. *Ferrum assidue vsus]* Plutarch. de lib. educand. Multarum rerum contemplatione addiscere possis quantum, efficacitatis habeat industria atque labor. Nam & aqua guttatim lapsa lapidem cauat: & ferrum atque æs manuum contrectatione atteruntur: & rotas curruum magno labore curuatas nullo possis conatu in pristinam restituere rectitudinem. Et quæ sequuntur.

## AD PROGYMNASMA LXXV.

**S***Tentorea voce]* Homerus Iliad. 5. Stentori attribuit vocem ferream, id est, firmissimā, eumque affirmat clamoris magnitudine æquare alios quinquaginta. Hinc vox, seu clamor Stentoreus, pro maximo. *Merendam eripiunt]* Festus. Merēdam antiqui dicebant pro prandio, quod scilicet medio die capere tur. Nonius. Merenda dicitur cibus, qui post meridiem datur. Isidorus. lib. 20. ca. 2. Merenda est cibus, qui declinante die sumitur, quasi post meridiem edenda, & proxima cœnæ. Vide Hieronymum Mercurialem variar. lect. lib. 4. c. 17. & Muret. lib. 4. c. 12. quoties antiqui cibum in die sumperint. *Ex Ephebis excessimus]* ἐφεβία est finis pueritiæ, principium adolescentiæ, seu extrema pueritia, & prima adolescentia, seu prima pubertas. Terent. And. Nam is postquam excessit ex ephebis, liberius viuendi fuit potestas. Eodem modo Plaut. Mercat. Cic. pro Archia. Nam ut primum ex pueris excessit Archias. *In iusulam nostram veniamus]* Tutela definitur à Iurecos. vis ac potestas in capite libero ad tuendum eum, qui se per ætatem defendere non potest, iure ciuili data ac permittā. Quam vim ac potestatem qui habent, tutores appellantur. In suam tutelam venire aut peruenire. est ad pubertatem peruenire. Cic. 1. de

de Orat. Negaretque nisi posthumus & natus, & antequam in suam tutelam uenisset, mortuus esset, & c. Item 2. de Inuenit. Quidam pupillum hæredem fecit, pupillus autem ante mortuus est, quam in suam tutelam veniret.

## AD PROGYMNASMA. LXXVI.

**L**imina ludi calefacis] Suet. Octauio, cap. 71. Lusimus per omnes dies, forumque aleatorium calefecimus. Verba sunt ipsius Augusti ex quadam epistola *Henricus audiebat*] Greci uerbum ἀναίω vsurpant interdum pro vocor, dicor, nominor. Sic latini, ut Horat. epist. 7. lib. 1. ad Mecenatem, rexque paterque Audisti coram, nec uerbo parcius absens. Idem ep. 16. Tu rectè uiuis, si curas esse quod audis; id est, quod diceris. *Domo Misnensis*] Memini me legere, domo Hispanus. ueruntamen auctoris non recordor. Virgil. 8. Aeneid. uidetur uocem ita cepisse. Qui genus? unde domo? pacenne affertis, an arma? *Seruius* tamen exponit, è qua ciuitate. Propert. eleg. 6. lib. 2.

*Cum quo Riphæos possim conscendere montes,*

*Vlteriusque domos radere Memnonias.*

Regiones illas Orientis domos uocat, à Memnone Aurore filio. *Deduxit domum*] Ducere & deducere domum ad matrimonium & nuptias etiam significandas adhibentur. Terent. Hecyra. Ut ad pauca redeam, uxorem deduxit domum. Tibull. Ut iuueni primum uirgo est deducta marito. *Cui uictus publicæ in Prytæneo*] Athenis erat domus hoc nomine publica, in qua uictus præbebatur ex ærario ijs, qui benè meriti essent de Repub. Cic. 1. de Orat. Interrogatus Socrates, quàm quâsi estimationem commeruisse se maximè fateretur, respondit, selemerruisse, ut amplissimis honoribus & præmijs decoraretur, & ut ei uictus quotidianus in Prytæneo præberetur. *Tristis quidam patruus*] Patrum in filios impotentem amorem ignorat nemo. Patruj uerò tametsi fratrum suorum liberos ament, illo tamen uehementi affectu sunt liberi, nec quemadmodum patres ad filiorum, sic illi ad nepotum suorum peccata conuiuent, neque ea dissimulant, sed seuerè & acriter reprehendunt, incorrupteque de factis ipsorum iudicant. Vnde factum, ut nomen patruj pro obiurgatore, castigatore, reprehensore seuerò & acri poneretur à latinis. Cic. pro Cælio. Qui in reliqua uita mitis esset, fuit in hac causâ pertristis quidam patruus cæsor,

Ma-



Magister. Horat. Sat. 3. lib. 2. Siue ego prauè, Seu rectè, ne sis mihi patruus. Et Ode. 12. lib. 3. Patruæ uerbera linguæ.

### AD PROGYMNASMA LXXVII.

**V** *T quodâ Icarî*] Fabula de uolatu Dædalî & Icarî eius filij est in 8. Met. Mare in qd. decidit, Icarî nomen obtinuit. Qui. Icarus Icarias noie fecit aquas. Monedi sūt mihi uno uerbo Magistri, uti ne temerè quenq. auctore suis discipulis interpretandū suscipiant, & cogitent, uina recentia dulciora, uetusta autem salubriora esse. Deinde uideant etiam quos libros emant pueri, ne dilapident pecuniam. Ipsi se interrogari super ea re iubeant, & quā utilissimos emendos suadeant. Quod quidē difficile nō erit ijs, q. in multis libris diu uolutati fuerit.

### AD PROGYMNASMA XXXII.

**D** E honoribus istis scholasticis, siue ut more iā receptum est loqui, de promotionibus, multa cap. 7. lib. 1. Academiarū Midendorp. Rationem insignium istorum accipiendorum, & honorem denique cum uictoribus apud Olympum coronatis comparat Iunius lib. 5. cap. 21. *Velut parens est antiquissima*] A Cærolo Magno instituta, anno Domini. 791. Quam uincit antiquitate Bononiensis, ntpotè condita à Theodosio Iuniore, post Christum natum circiter annum CCCC. & XX. Multa de ambabus Midendorp. lib. 3.

### AD PROGYMNASMA XXXIII.

**A** D ingenium cuiusque, naturam, voluntatem explorandam, ad fastum reprimendum, ingenerandamque modestiam hic mos deponendi excogitatus primum uidetur, quod etiam eius cerimoniarum quædam ritusque communes omnium Academiarum (in quibus scilicet tenetur) satis iudicant, si eos intelligas. Initium forsitan sumpserit ab Atheniensis Gymnasij consuetudine, ubi nouitij captiosis interrogationibus vexari, irrideri, miroque tumultu ac strepitu in balneū per forum deduci solebant. Qua de re multa D. Gregorius Nazianzenus in laudatione D. Basilij Magni, quem cum Bizantio veniret Athenas, propter opinionem probitatis & doctrinæ, quam haberet iam tum apud omnes, hac lege solutum fuisse affirmat. Lege c. 10. li. 1. Academiarum Midendorpij. In re igitur ludicra mihi ludendum fuit, & ex præcepto *Μὴδὲ περί τε*

γελοῖα πρὸς δὲ ξεν, μὴ δὲ περὶ τὰ πρὸς δὲ αὐτὰ γελοίοις χαίρειν Nec in  
 ridiculis seris, neque in serijs ridiculè agendum.

## AD PROGYMNASMA XXCIV.

**N** *Es fando quidem audita*] Passiue positum gerundium. Plau.  
 Amphit. Quæ neque fieri possunt, neque fando vnquam  
 accepit quisquam. Cic. pro Quintio. Non denique vlla vn-  
 quam intercessit postulatio, mitto æqua. verum ante hoc tem-  
 pus ne fando quidem audita. Virg. 2. Æneid. Fando aliquid si  
 fortè tuas peruenit ad aures. Talia sunt apud eundem cantan-  
 do, videndo, eclog. 8. Frigidus in pratis cantado rumpitur an-  
 guis, Et Georg. 3. *Vt Gracchi Corneliam matrem*] Cornelia Sci-  
 pionis Africani maioris filia matrimonium tenuit Tib. Sem-  
 pronij Gracchi, cui genuit liberos duodecim, eosque tanti fe-  
 cit, vt illorum causa Ptolemæi Regis nuprias repudiaret. Cic.  
 in Bruto. Fuit Gracchus diligentia Cornelie matris a püero  
 doctus. In eodem lib. infra: Legimus epistolas Cornelie ma-  
 tris Gracchorum. Apparet filios nõ tam in gremio educatos.  
 quàm in sermone matris. Quintil. lib. 1. cap. 1. Gracchorum  
 eloquentie multum contulisse accepimus Corneliam ma-  
 trem, cuius doctissimus sermo in posteros quoque est episto-  
 lis traditus. *Vnam aurem huic dedi*] Traditum est memorie Ale-  
 xandrum Magnum cum fortè accusatorem audiret, manu ad  
 mota alteram aurem occlusisse. Intetrogatum cur id faceret,  
 respondisse. Quoniam hanc seruare nie defensori oportet.  
 Vtraque pars igitur in controuersijs & litibus audienda, quan-  
 tumcunque manifestum & euident apparet, quod altera di-  
 cit. Seneca.

*Qui statuit aliquid parte inaudita altera,  
 Aequum licet statueris, haud æquus fuit.*

## AD PROGYMNASMA XXCV.

**L** *itera Pythagoræ*] Cursum vitæ humanæ Sapius ille Senex  
 literæ Y cõparauit, cuius basis puericia, summum autem  
 basis, vbi videlicet duo cornua oriri incipiunt, limen seu ini-  
 tium adolescentiæ, quod quisque hominum cum attigerit, hæ-  
 reat, ac nesciat in vtram sese partem det, dextramne au leuam  
 vitæ agendæ viam teneat. Illam esse virtutis bonarumque ar-  
 tium, asperam quidem, sed exiui iucundam & amoenam hanc

luxuriæ, inertię & ignaviæ, gratam & suauem in speciem, sine ipso plenam miseriam. Qua de re Lactant. li. 6. ca. 3. & 4. Fertur etiã carmen inter cætera Virgilianæ Appendicis, Liræ Pythagoræ discrimine secta bicorni, &c. Sic prædixit Sophista Herculi etiamnum puero in solitudine ad biuium sedenti virtutem & voluptatem apparuisse, & vtramque ad se Herculem perducere conatam finxit. Meminerunt Xenophon li. 2. ἀπομνημόν. Quintil. lib. 9. cap. 2. Cic. 1. Off. Silius Italicus figmētum hoc ad Scipionem sub lauro sedentem, & de bello cogitantem transtulit. Talis deliberatio est Lysitelis adolescentis in Trinum. Plauti. Huc pertinet somnium Luciani de Statuaria & Pædia. Huc angusta porta & lata via, de qua apud Matth. *Mo-  
do ungues roderet*] Sic facere consueuerunt, qui aut de mutanda re, cuius poenitere cœptum est, seriò multumque cogitant, aut in aliqua attentissima cura defixum habent & immersum animum, præcipuè autem, qui maiorem ponunt in scribendo attentionem ac diligentiam. Hinc Persius negligentiam Poetarum reprehendens: nec demorosos sapit ungues. Et Horatius de Lucilio Sat. 10. lib. 1.

*Si foret hoc nostrum fato delatus in æuon,  
Desereret sibi multa, recideret omne quod ultra  
Perfektum traheretur, & in versu faciendo  
Sape caput scaberet, viuos & roderet ungues.*

*Quam patrimonium è capite*] De ortu Mineræ è capite Iouis exstat festiuus apud Lucianum dialogus! Quorum uterque parens in viuis esset, patrimi, matrimi dicebantur. Quibus pater mortuus, matrimi, quibus mater, patrimi. Catull. epig. 1. Mineruã vocauit patrimonium virginem (hic enim quidam rectè legunt pro patrona virgo) quod matre carens, tantũ haberet patrem *Te non ita longè prouultum*] Vulgò dicitur: Scientiam neminem habere hostem, nisi ignorantem. Qui enim in adyta disciplinarum semel introierunt, ij demum experiuntur, quàm sit verum illud Aristoteleum: radices literarum amaras esse, truncus uerò dulces. Ac potest sanè quod de Dialectica scripsit Gellius libro. 16. cap. 8. ad quamlibet doctrinam liberalem, atque ad chorum totum Musarum æquè referri. Huius disciplinæ studium atque cognitio, inquit, in principijs quidem tetra & aspernabilis, insuauisquæ esse, & inciuilis videri solet: sed vbi aliquantum processeris, tum denique & emolumentum in animo

in animo dilucebit tuo, & sequetur quædā discendi voluptas in satiabilis. Cui sanè si modum non feceris, periculū non mediocre erit, ne, ut plerique alij, tu quoque in illis Dialecticæ gyris atque mæandris, tanquam apud Sirenios scopulos consenescas. *Artem sedentariam* ] Sedentarij & sellularij opifices sunt textores, sutores, sartores, & omnes denique qui sedendo opus faciūt, eæque artes sellulariæ, & sedētariæ dicuntur, suntque in contemptu propemodum. *Qui Platoni dicebat* ] Laert. in Diogene rē his verbis exponit. Platone de Ideis disserente, & nominante mensalitatē & cyathitatē; Equidem, (inquit Diogenes) o Plato, mensam & cyathum video, mensalitatē verò & cyathitatē nō video. Rectē. (inquit Plato) quibus enim cyathus mensaque conspicitur oculos habes. quo autem mensalitas, & cyathitas intelligitur, animum non habes. Hac historia melius sese tuebuntur, qui ob rerum obscuritatem voces coguntur inauditas procudere, & illo Lucretij.

*Multa non his verbis præsertim cum sit agendum,*

*Propter egestatem linguae & rerum novitatem.*

Melius, inquam, ita sese defendent, quā eo, quod Cicero Lentulus & Appianus dixerit. *Estote Dii si vultis* ] Mæsseniorum legati, aut alius ciuitatis, alius legati certē, Philippo Regi narrarunt, decreuisse Rempublicam propter rerum ab eo gestarum gloriam & magnitudinem in Deos ipsam referre. Tum Rex ita quæsiuit: habetne vestra Respub. potestatem faciendi Deos? Illi, habet, inquit. Et Rex: Facite ergo vos ipsos Deos. *Est enim hominum propria* ] Cicero primo off. Inprimisque hominis est propria verū inquisitio, atque inuestigatio. Itaque cum sumus necessarijs negotijs curisque vacui, tum auemus aliquid videre, audire, addiscere, cognitionēque rerum aut occultarū aut admirabilium ad benè beatēque viuendum necessariam ducimus. Et infra non longē: Omnes enim trahimur & ducimur ad cognitionis & sciētiae cupiditatem, & quæ sequuntur. Quæ sententia est etiam Aristotelis lib. i. de Sapientia. *Qui eget sapientia, neminem* ] Laert. Percontanti Dionysio. quamobrem philosophi diuitum limina tererent, diuites verò philosophorum non itē. Quod illi, inquit Aristippus, sciunt quibus indigeant: at hi nesciunt. Dux sunt præclaræ sententiæ Isocratis oratione ad Demonicum, quæ quidem referta est præceptionibus saluberrimis: eas attulisse, videtur ex vsu futurum, spectāt enim

ad rem propositam. Audiuisse multa præstare puta, quam pecuniæ multum coegisse. Nam hæc facile amittitur, illa perpetuò durat. Solius enim sapientiæ possessio est immortalis. Altera continenter sequens hæc est: Ne te pigeat longā ire viam, ad eos, qui se aliquid vtile docturos profitentur: Cum enim mercatores rei familiaris augendæ gratia tanta maria trāsmittant: turpe fuerit adolescētes excolendi ingenij causā, nec terreste iter velle suscipere. *A mal rationis & consilij compos*] Cicero 1. de leg. hominem describit his verbis: Animal hoc prouidum, sagax, multiplex, acutum, memor, plenum rationis & consilij, quem vocamus hominem, præclara quādā cōditione generatum esse à supremo Deo. Solum est enim ex tot animantium generibus, atque naturis, particeps rationis & cogitationis, cum cetera sint omnia expertia. *Pūctis interrogatiōis meæ*] Fuit hic mos Stoicorum, quorum omnis cura in Dialecticis consumebatur, quique disputationū suarum veluti laqueis alios irretiebant. In Tusc. Stoicorum more agamus, qui breuiter astringere solent argumenta. Et Præfat. Paradox. Cato aut perfectus (mea sententia) Stoicus, & ea sentit, quæ non planè probantur in vulgus, & in ea est hæresi, quæ nullum sequitur florem orationis, neque dilatat argumentum, sed minutis interrogatiunculis, & quasi punctis, quod proposuit efficit. *Cum aut philosophi eas regere*] Est apud Platonem in V. de Repub. loquens Socrates in hunc modum: *ἄρ μὴ οἱ φιλόσοφοι, βασιλεύσωσιν*, &c. Id est, Nisi uel Philosophi ciuitatibus imperitent, uel ij qui nūc Reges & Dynastæ appellātur, legitimè, & quod satis est philosophentur, atque in idem ciuilis facultas & philosophia concurrant, & contra quā hoc tēpore in utroque fit, ingenia multa necessariò diuersa in studia distrahantur, nunquam malorum finis reperietur. Cic. epist. 1. lib. 1. ad Q. F. paucis totius sententiæ summam est cōplexus. Atque ille quidem princeps ingenij & doctrinæ Plato, tū denique fore beatas Respub. putauit, si aut docti & sapientes homines eas regere cœpissent, aut qui regerent, omne suum studium in doctrina ac sapientia collocassent. *Vt Athenarum gubernacula*] In 1. off. Itaque eos (philosophos) ne ad Rempub. quidem accessuros putat, nisi coactos. Æquius autem erat id voluntate fieri. Vide locum. Præterea epist. 9. ad Lentulum, cur ipse met Rempub. attingere noluerit, causā quandā affert: nempe quod

cum offendisset populū Atheniensem prope iam desipientem senectute, cumque eū nec persuadendo nec cogendo regi posse uideret, cum persuaderi posse diffideret, cogi fas esse non arbitrarētur. *Ælianus lib. 3. cap. 17.* plurimos philosophos recenset qui Respub. gubernauerint, eaque instituerint, & emendauerint. *Quamdiu litera à Romanis*] Anno ab V. C. CCCCX. seu ut alij numerant DX. C. Claudio Cæci filio & M. Tudirano Coss. Liuius Andronicus Romæ primus dedit fabulam, anno uno ante natum Ennium, qui fuit maior natu quàm Plautus & Næuius. Sero igitur Romani poeticam acceperunt. At contra oratorem celeriter complexi sunt, nec eum primo eruditum, aptum tamen ad dicendum Vide initium 1. Tuscu. Quin edicto prohibiti sunt docere, & ut putabant, ignauia corrumpere iuuentutem Rhetores. Id habes apud Gellium. At postea quāto imperio omnium gentium constituto, diuturnitas pacis totum confirmauit, ut est in 1. de Orat. exultimarunt Romani sibi quoque ad literarum & sapientiæ laudem enitendum, quæ Græcis nō multum cederent, qui ipsos eousque licissent non repugnantēs. *Non minimam partem incommodorum*] Lege primum 1. de Inuent. & librorum de Oratore. *Colligere vasa*] Locutio militaris. Vasa quippe, hoc est, impedimenta colligunt milites & sarcinas, quoties castrametaturi sunt. Allegoria quædam & cum lepore Cic. Verrina 4. Cum Diodorum è Sicilia ante discessisse uellet significare, quàm à Verre, cuius rapiendi libidines non solum oculis, sed etiam auribus excitabantur, scyphis & supellectili argentea spoliaretur, conqueri, inquit, Diodorum tota prouincia iubet. Ille ex Sicilia castra iam mouerat, & vasa collegerat. Conuassare, ait Nonius, est furto omnia colligere. Terenti. Phorm. Aliquid conuassassem, atque hinc me conicerem in pedes.

#### A D. P R O G Y M N A S M A. XXXVI.

**N***Ed aureis istis compedibus*] Diogenes Aristippum philosophum in aula regiā degentem aureis compedibus teneri dicebat, ne exire posset, captiui uidelicet delicata illa & splēdida uita Principum. Est tamen stultici, ut ait Seneca, suis delectari compedibus, tamen si aureis. Lege Prouerb. Aurex compedes, & emblemata Alciati 86. atq; in id Claudium Minorem. Item de



miserijs Curialium Æneam Syluium, aliosq. cōplures auctores cum eodem coniunctos, de vita aulica & priuata. *Una scientia liberalis alteri*] Quid poterunt sine Grammaticis: reliquæ omnes? quandoquidem illa uelut ianua & clauis est aliarum. Quid sine Dialecticis & Rhetoricæ & Iuris ciuilibus prudentia, & rursum ceteræ omnes? siquidem instrumētum sciendi est. Quid sine Mathematicis Philosophia? quid sine Philosophia uel Medicina, uel Theologia? Quid sine leuioribus seu humanioribus literis illæ interiores & reconditæ? Quid rursum sine illis istæ? Ac putarunt quidam ob hanc causam dictas esse Musas quasi *ὁ μὴ ἔσται*, quod sunt, seu esse debent simul. *Hunc ducem ac moderatorem temporum solem*] Adscribamus locum Plinij ex c. 6. lib. 2. quo hunc principem ac moderatorem luminū reliquorū, mentem ac temperationem mūdi eximiè collaudauit. Eorum (siderum errantium) medius sol fertur, amplissima magnitudine ac potestate: nec temporum modò terrarumq. sed siderum etiam ipsorum, cœliq. rector. Hūc mundi esse totius animum, ac planius mentē: hunc principale naturæ regimen, ac numē credere decet opera eius æstimantes. Hic lucē rebus ministrat, aufertq. tenebras: hic reliqua sidera occultat; hic vices temporum annumq. semper renascentem ex usu naturæ temperat: hic cœli tristitiam discutit, atq; etiā humani nubila animi serenat: hic suum lumen ceteris quoq; sideribus scēnerat, præclarus, eximius, omnia intuens, omnia etiam exaudiens, ut principi literarū Homero placuisse in vno eo video. *Homine literis tincto, atque adeò infecto*] Cicero 2. de Orat. Sit enim mihi tinctus literis, audierit aliquid, legerit, ista ipsa præcepta acceperit, &c. Vbi Budæus Commentar. linguæ Græcæ arbitratur Tulliū exprimere voluisse *θευσποιστον*, quod ualet bene tinctus, seu imbutus, ita ut deleri tinctura, aut elui non possit. Ac de purpura propriè, de alijs omnibus quæ colorem habent metaphora dici affirmat Suidas. Victorius lib. 10. c. 18. aliter sentit, Ciceronem in promptu, summaq. tantū cure aspersum ac coloratū significasse, id declarari uerbis sequentibus, legerit aliquid, audierit, &c. lege cetera apud eundem. *A semetipso in rebus aduersis*] Hoc fecerunt, qui in hoc ipso dialogo nominantur Cicero & alij. Et testatur id de se pluribus locis Cicero, sibi literas suas esse in rebus incommotis leuamento ac solatio. Quod si auaro in aduersa quaptam fortuna dulcis est pecunia in arca recondita,

dira,ambitioso suus honor,uoluptario sua Venus, cur sapien-  
tem non delectet sua sapientia?

## A D P R O G Y M N A S M A X X C I I X .

**Q***Vid est quod mi huic tam fixè*] Sunt quilibros quampluri-  
mos commercantur eosq. non legunt. Ità tam docti eua-  
dent, quàm cytharædi, si multas emant cytharas, quas domi  
ad parietem suspendant, & quotidie intueantur. Sunt qui sine  
delectu ac discrimine per uarios scriptores uagantur, & circum-  
cursant, creduntq. multa & varia legendo se doctos fore. Isti sol-  
liciti sunt ut multa ingerant, non èt ut digerant, quæq. legunt in  
suum succum sanguinemq. conuertant. Audiamus quid Seneca  
statuat de legendis auctoribus epist. 2. lib. 1. [Est enim res ma-  
gni momenti, & scitu necessaria studiosis, ne tempus quod nunc  
quam redit, malè conterant & sese frustra macerent. Illud ui-  
de, inquit, ne ista lectio multorum auctorum, & omnis generis  
uoluminum habeat aliquid uagum & instabile. Certis ingenijs  
immorari, & innutriti oportet, si uelis aliquid trahere, quod in  
animo fideliter sedeat. Nusquam est qui ubiq. est. In peregrina-  
tione uitam agentibus hoc euenit, ut multa hospitia habeant,  
nullas amicitias. Idem accidat necesse est ijs, qui nullius se in-  
genio familiariter applicant, sed omnia cursim & properantes  
transmittunt. Nihil æquè sanitatem impedit, quàm remediorum  
crebra mutatio. Non coalescit planta quæ sæpe transfertur. Ni-  
hil tam utile est, quod in transitu proficit. Distrahit animum li-  
brorum multitudo. Itaque cum legere non possis quantum ha-  
bueris, sat est habere quantum legas. Probatos itaque semper  
lege: & si quando ad alios diuertere libuerit, ad priores redi.  
*Consolationem istam esse suppositiciam*] Mitto alios, Iani Guiliel-  
mi pereruditum libellum uidimus, quo istam consolationem  
nec Tullij, nec Tullio satis dignam esse conuicit. Carolum Si-  
gonium, quem in infami argumento eloquentiæ suæ diuitias  
opinatur ostendere uoluisse. Concedit tamen esse hominis ne-  
que indiligentis, & philosophiæ ac Ciceronis studiosi: ingenio  
autem nec ad illam comprehendendam, nec ad hunc expri-  
mendum vel acuto satis, vel accommodato. Lege librum. *Ve-  
manum ab eodem uerberando*] Incussit ei pugnum facis durum,  
inquit, narrans hoc factum Ælian. lib. 13. cap. 38. eum impe-  
ritum esse, & similes sibi pueros efficere ostendens. *Plena ruria*]

Plenus

Plenus ruris dicitur, qui est inurbanus, insulsus, rusticitatis plenus, ut Græci dicunt ἀγρὺ πλῆως, & Hesychius explicat ἀγροῦσι πλῆρης. Catullus in annales Volusij. At vos interea venite in ignem Annales volusi. In Truculento ancilla seruum, a quo tractaretur inhumanus, vocat rus merum. *Oppugnare imitationem Ciceronianam*] Ausus est hoc Politianus, cui respondit Paulus Cortesius. Scimus etiam Erasmum dialogum euomuisse; quem Ciceronianum appellauit. In quo ea de imitatoribus Ciceronis per calumniandi libidinem mentitur, quæ illis in mentem nec venient aliquando, nec venerunt. *Similitudinē ut Zenxis*] Quid hic pictor nobilissimus fecerit Crotoniatis Helenam in templo picturus Cic. præfa. 2. de Inuent.

# AD PROGYMNASMA. XXXIX. XC.

**H**omo argutissimus] Macrobius Saturnal. lib. 2. cap. 1. ipsum & Plautum a iocorum venustate commendat. Idem tamen alibi, & alij eundem ut aliquando nimium in iocando notauerunt. *Quos Tiro libertus ex eius*] Quintilianus libro sexto, capite tertio. Veniā libertus eius Tiro, aut alius; quisquis fuit, qui tres hac de re libros edidit, parcius dictorum numero indulgissent, & plus iudicij in eligendis, quam in congerendis studiis adhibuissent: minus obiectus calumniantibus foret; qui tamen nunc quoque ut in omni eius ingenio facilius, quid reijci, quam quid adijci possit, inueniunt. De Tirone Gellius libro septimo, capite tertio. *Quod ad C. Herennium*] Antiquitas putauit Ciceronem auctorem, sed antiquitas rudis, & elegantiorum literarum ignara, atque in Cicerone nimis parum exercitata. Digladiantur adhuc hodie quidam super hoc negotio. Veruntamen standum est a pluribus. Scripsit quiddam de hoc Aldus Manutius Pauli Pater, Maioragius libro reprehensionū in Nizolium, & alij. In libros autem de Oratore insignem præfationem idem Maioragius, & in Partit. similiter. *A quo ipsemet Tullius vel sumpsit multa*] Ex his qui supersunt libris Aristotelis, Cicero multa in suos transtulit, præsertim in tertium de Oratore: Nec pauca utique ex illo, quo ipsum dicendi artes omnium superiorum exposuisse cōfirmat 2. de Oratore. Quia etiam 2. de Inventionem confitei non dubitat, se omnium quicunque fuerant ab ultimo principio Rhetoricæ præceptionis, usque ad id tempus expositis copijs quodcunque placeret elegisse,

giſſe, ad illos ſcilicet de Inuent. libros locupletandos. Fateatur etiam epilt. ad Lentulum q. ſe omnium antiquorum Ariſtoteleam, & Iſocrateam dicendi rationem oratoriam tribus illis ad Q. E. eſſe complexum. Vide Manut. explanat.

## AD PROGYMNASMA XCI.

**Q**uot ſunt, quos fuerunt] Epigrāma Catulli in Ciceronem, nescio ob quod beneficium, quod uidetur ab eo accepit, ſe, agit enim gratias, hoc eſt.

*Diſertiffime Romuli nepotum*

*Quos ſunt, quotque fuere Marce Tulli,*

*Quotque poſt alijs erunt in anis:*

*Gratias tibi maximas Catullus*

*Agit peſſimus omutum poeta.*

*Tanto peſſimus omnium poeta,*

*Quanto tu optimus omnium patronus.*

Vtitur autem idem poeta ſæpius iſto amplificandi modo, iſſdem verbis, aut penè iſſdem. Cicero etiam Orat. poſt reditum ad Quirit. Cn. Pompeius uir omnium qui ſunt, fuerunt, erunt vi tute, ſapientia, & gloria princeps. Et epilt. 21. lib. 11. Dij iſti Segulio malefaciant, homini nequiſſimo omnium, qui ſunt, qui fuerunt, qui futuri ſunt. Plaut. Per ſa. Qui ſunt, qui fuerunt, quiſque futuri ſunt poſtſac, ego ſolus omnibus anrideo facile, miſerrimus hominum ut uiuam. *Caput eius præciſum*] Caput ab ſciſſum Antonius ad ſe afferri, & in menſa apponi iuſſit, tam diuque per diem aſpexit, donec animum expleuiſſet, Fulvia porro Antonij vxor, cum caput illud in manus ſumpſiſſet, primò maledictis & ditis execrationibus proſecuta eſt, deinde conſputans atque in gremio reponens, toruiſſimeque inſpectans linguam eius extraxit, & in eam ſæpius aciculam infixit ut ad crudelitatem nihil faceret reliquum. Cædem Tullianam multi luculentis verſibus deplorauerunt. E quibus carmen ſuum venuſtè quidam hoc diſticho conſulit:

*Vulnere nempe vno Ciceronem conſiſit, at te*

*Tullius vteruis vulneribus lacerat.*

Vide append. Virgiliauam & Crinit. lib. 1. cap. 8.

Plenus ruris dicitur, qui est inurbanus, infusus, rusticitatis plenus, vt Græci dicunt ἀγρὸ πλῆρης, & Hesychius explicat ἀγροῦ πλῆρης. Catullus in annales Volusij. At vos interea venite in ignem Annales volusi. In Truculento ancilla seruum, a quo tractaretur inhumanius, vocat rus merum. *Oppugnare imitationem Ciceronianam*] Ausus est hoc Politianus, cui respondit Paulus Cortesius. Scimus etiam Erasmum dialogum euomuisse; quem Ciceronianum appellauit. In quo ea de imitatoribus Ciceronis per calumniā di libidinem mentitur, quæ illis in mentem nec venient aliquando, nec venerunt. *Similitudinē vt Zenxis*] Quid hic pictor nobilissimus fecerit Crotoniatis Helenam in templo picturus Cic. præfa. 2. de Inuent.

## AD PROGYMNASMA. XXXIX. XC.

**H**omo arguissimus] Macrobius Saturnal. lib. 2. cap. 1. ipsum & Plautum a iocorum venustate commendat. Idem tamen alibi, & alij eundem vt aliquando nimium in iocando notauerunt. *Quos Tiro libertus ex eius*] Quintilianus libro sexto, capite tertio. Vtinā libertus eius Tiro, aut alius, quisquis fuit, qui tres hac de re libros edidit, parcius dictorum numero indulgissent, & plus iudicij in eligendis, quam in congerendis studiis adhibuissent: minus obiectus calumnianteibus foret; qui tamen nunc quoque vt in omni eius ingenio facilius, quid reijci, quam quid adijci possit, inueniunt. De Tirone Gellius libro septimo, capite tertio. *Quod ad C. Herennium*] Antiquitas putauit Ciceronem auctorem, sed antiquitas rudis, & elegantiorum literarum ignara, atque in Cicerone nimis parum exercitata. Digladiantur adhuc hodie quidam super hoc negotio. Veruntamen standum est a pluribus. Scripsit quiddam de hoc Aldus Manutius Pauli Pater, Maioragius libro reprehensionū in Nizolium, & alij. In libros autem de Oratore insignem præfationem idem Maioragius, & in Partir. similiter. *A quo ipsemet Tullius vel scripsit multa*] Ex his qui supersunt libris Aristotelis, Cicero multa in suos transtulit, præsertim in tertium de Oratore. Nec pauca utique ex illo, quo ipsum dicendi artes omnium superiorum exposuisse cōfirmat 2. de Oratore. Quia etiam 2. de Inuentione confiteci non dubitat, se omnium quicumque fuerant ab ultimo principio Rhetoricæ præceptionis, usque ad id tempus expositis copijs quodcunque placeret elegisse,

giſſe, ad illos ſcilicet de Inuent. libros locupletandos. Fatetur etiam epitt. ad Lentulum q. ſe omnium antiquorum Ariſtoteleam, & Iſocrateam dicendi rationem oratoriam tribus illis ad Q. E. eſſe complexum. Vide Manut. explanat.

## AD PROGYMNASMA XCI.

**Q**uot ſunt, quot fuerunt] Epigramma Catulli in Ciceronem, neſcio ob quod beneficium, quod uidetur ab eo accepit, ſe, agit enim gratias, hoc eſt.

*Diſertiffime Romuli nepotum*

*Quot ſunt, quotque fuere Marce Tulli,*

*Quotque poſt alijs erunt in anis:*

*Gratias tibi maximas Catullus*

*Agit peſſimus omniſum poetæ.*

*Tanto peſſimus omnium poeta,*

*Quanto tu optimiſſus omnium patronus.*

Vtitur autem idem poeta ſæpius iſto amplificandi modo, iſſdem verbis, aut penè iſſdem. Cicero etiam Orat. poſt reditum ad Quirit. Cn. Pompeius uir omnium qui ſunt, fuerunt, erunt vii tute, ſapientia, & gloria princeps. Et epitt. 21. lib. 11. Dij iſti Segulio malefaciant, homini nequiſſimo omnium, qui ſunt, qui fuerunt, qui futuri ſunt. Plaut. Per ſa. Qui ſunt, qui fuerunt, quiſque fururi ſunt poſtſac, ego ſolus omnibus antideo facile, miſerrimus hominum ut uiuam. *Caput eius præciſum*] Caput ab ſciſſum Antonius ad ſe afferri, & in menſa apponi iuſſit, tam diuſque per diem aſpexit, donec animum expleuiſſet, Fulvia porro Antonij vxor, cum caput illud in manus ſumpſiſſet, primo maledictis & dictis execrationibus proſecuta eſt, deinde conſputans atque in gremio reponens, toruiſſimeſque inſpectans linguam eius extraxit, & in eam ſæpius aciculam infixit ut ad crudelitatem nihil faceret reliquum. Cædem Tullianam multi luculentis verſibus deplorauerunt. E quibus carmen ſuum venuſtè quidam hoc diſticho concluſit:

*Vulnere nempe vno Ciceronem conſciit, at te*

*Tullius vteruiſ vulneribus lacerat.*

Vide append. Virgiliauam & Crinit. lib. 1. cap. 8.



## AD PROGYMNASMA XCII.

**V***T eius imaginem in Larario*] Sic appellat Lampridius sacrum illud Imp. domesticum. sedis cum in interiore, seu maiore larario etiam Christi Servatoris nostri statuam inter principes Diuos, & animas sanctiores haberet, & in eodem Apollinum Thianum, Abrahamum, & Orpheum, in minore Achillem, aliosque duces clarissimos, & cum Ciceronis simulacro etiam Virgilij. Crinit. lib. 10. cap. 5. *Fertur avaritia miseroque*] Hunc locum Hoeatij confert cum versibus Euripideis ex Hypolito Muret. lib. 1. cap. 4.

## AD PROGYMNASMA XCIII.

**Q***Vam cor etiam nominamus*] Cor pro animo saepe dixerunt veteres, quod videlicet animi sedem in corde quidam Philosophi constituerent aut animum cor esse docerent. Cic. 1. Tuscul. Alij cor ipsum animus videtur, ex quo excordes, & concordesque dicuntur: & Nasica ille prudens bis consul Corculum. Plaut. Mottell.


*Recordatus multum & diu cogitavi,  
Argumentaque in pectus multa institui  
Ego, atque in meo corde (si est quod mihi cor)  
Eam rem volutavi, & diu disputavi.*

Idem Milite. Cuique sapiat pectus, nam cor non potest, quod nulla habet. Quasi mulieres omnes sint excordes & amentes: nam de muliere ibi sermo est. Cic. 2. de finibus. Hoc est non modò cor non habere, sed ne palatum quidem. Ausonius reprehendens Grammaticum quendam de barbarismo:

*Qui reminisco putat se dicere posse latine,  
Hic ubi conscriptum est, faceres cor, si cor haberet.*

Lege etiam Gellium lib. 7. cap. 2.

F I N I S.



M/C

Capitulum 3<sup>o</sup>

Pith long alves. 2


1698. En nombre de let genérale convenue

*[Faint handwritten notes at the bottom of the page, possibly bleed-through from the reverse side.]*

Varj. on lefcar; ma soluna è spazza

*Smania* e. g. *Smania* f. *Smania* e. g. *Smania*





1968

**A. PANDIMIGLIO**  
RESTAURO - CODICI  
MERGAMENE - STAMPE  
Via Podere Rosso, 134

